

ሐረ። ነጻያን፣ አጎዳን ። ወንትመየጥ፣ ጎበ፣  
 ጽኑሳን፣ ከመ፣ ንትባላሕ፣ በምሕረቱ፣ ለእግዚ  
 እነ፣ መመድ፣ ጎኒን፣ አደሱስ፣ ክርስቶስ፣ ዘሎቱ፣  
 ስብሐት፣ ወለእመ፣ ከነ፣ ውስተ፣ ጎሣ፣ ሣገሠ፣ ሣገመ  
 ታት፣ ንበጽሕ፣ ውስተ፣ ሞት ። አ፣ ፍቁራንዩ፣  
 ንጉዩይ፣ እምአፍቅሮ፣ ሣገመት፣ ከመ፣ ንረስ፣  
 መንግሥተ፣ ዘኢይበሊ፣ በጎበ፣ እግዚእነ፣ አደ  
 ሱስ፣ ክርስቶስ፣ ዘሎቱ፣ ስብሐት፣ ክብር፣ ወዕ  
 በይ፣ ይደሉ፣ ለዓለመ፣ ጎለም፣ አሜን ።

በሰመ፣ አብ፣ ወወልድ፣ ወመንፈስ፣ ቅዱስ፣ አ  
 ሐዱ፣ አምላክ፣ ድርሳን፣ ዘቅዱስ፣ ውብ፣ ፊት፣ ዮ  
 ሐንስ፣ አፈ፣ ወርቅ፣ በእንተ፣ ፅዕ፣ በለስ፣ ዘይ  
 ትነብብ፣ በዕለተ፣ ሰኑይ፣ ነግሀ፣ ዘዕለተ፣ ሕግግ  
 ት ። ወሶበ፣ ነጻረት፣ ዐይን፣ ጎበ፣ ም፣ ዘባቲ፣  
 ዘዘ፣ ዘአሁ፣ አንቅዕተ፣ ማይ፣ እስመኬ፣ በእ  
 ንቲአሃ፣ ይትፈሣሕ፣ ልብ፣ ወየሐውር፣ ጎቤሃ፣  
 ብእሲ፣ ከግሁ፣ አስተማስል፣ ለእለ፣ ይሰምዑ  
 አንብቦ፣ መጻሕፍት፣ ቅዱሳት ። እስመ፣ ውእቶ  
 መ፣ በልቦመ፣ ወበጎሊናሆመ፣ ይሰምዑ፣ ው  
 እተ፣ ወለእለ፣ ሀለወ፣ በሥጋ፣ ከማነ ። እስ  
 መ፣ ጎሊናሆመ፣ ወልቦመ፣ ስቀላን፣ ለአንብ  
 ቦ፣ መጻሕፍት፣ ክብራት ። ከማሁኬ፣ ይደሉ፣  
 ከመ፣ ትኩን፣ ፍቁራንዩ፣ ይእዜኒ፣ ስምዑ፣ ዘ  
 ከነ፣ በቢታንያ፣ እምእግዚእነ፣ ክርስቶስ ። ወበ  
 እንተ፣ ዘገብረ፣ መንክረ፣ በዕዕ፣ በለስ ። ይቤ፣  
 ቅዱስ፣ ለእመኒ፣ አሁሉኩ፣ በሥጋ፣ አአምር፣  
 በልብዩ፣ ወጎሊናዩ፣ ውእተ፣ ግብረ፣ ወአነ፣ አ  
 ነብብ፣ ዘገብረ፣ ፈቃዱ፣ ለእግዚእነ፣ አደሱስ፣  
 ክርስቶስ፣ በይእቲ፣ ፅዕ፣ በለስ ። እስመ፣ ከነት፣  
 ይእቲ፣ እምቅድመ፣ ምጽአቱ፣ ለእግዚእነ፣ አ  
 ደሱስ፣ ክርስቶስ፣ ጎቤሃ፣ አሚሃ፣ በቂለት፣ ወ  
 አሥረዳት፣ ቁጽለ ። ወበጊዜ፣ ይቤላ፣ እግዚ  
 እነ፣ አይኩን፣ በውስቴትኪ፣ ፍሬ፣ ዩብሰት፣  
 ወተሠረወት ። ይቤ፣ ወንጌል፣ ቅዱስ፣ በዛቲ፣  
 ዕለት፣ ጸቢሐ፣ እንዘ፣ የዐርግ፣ እግዚእነ፣ ክርስ  
 ቶስ፣ ርጎበ፣ ወርእያ፣ ለበለስ፣ አሐቲ፣ ውስተ፣  
 መንገድ፣ ወሐረ፣ ጎቤሃ ። ወአልቦ፣ ዘረከቦ፣ በ  
 ውስቴታ፣ ፍሬ፣ ዘእንበለ፣ ቁጽል፣ ባሕቲታ ።  
 ወይቤላ፣ እንዘ፣ አይኩን፣ ፍሬ፣ በውስቴትኪ፣

ለዓለም ፤ ወየብሰት፣ በጊዜሃ፣ ይእቲ፣ በለስ ።  
 ይቤ፣ ቅዱስ፣ ዮሐንስ፣ ሶበ፣ ጎላይኩ፣ ውስተ፣  
 ዝንቱ፣ ግብር፣ እደንግዕ፣ ወይትክፈል፣ ልብዩ፣  
 ሶበ፣ ጎላይኩ፣ እጎሥሥ፣ ዘንተ፣ ቃለ፣ ወዘን  
 ተ፣ መንክረ ። ወሶበ፣ እኔጽር፣ ጎበ፣ ዝንቱ፣ መ  
 ንክር፣ እረክብ፣ ጎሊና፣ ውሉጠ ። ወበከመ፣ ዘ  
 ይሬኢ፣ ብእሲ፣ ጎበ፣ አስከሬነ፣ ወርቅ፣ ዘው  
 ስቴቱ፣ ባሕርያት፣ ክብራት፣ ዘብዘጎ፣ ሣገመ፣  
 ወዘቦቱ፣ ጽሑፍ፣ ምስጢር፣ ጎበእ፣ ወይፈቅ  
 ድ፣ እምዝ፣ ከመ፣ ይርአይ፣ ጎበ፣ ውእቱ፣ አ  
 ስከሬን፣ ዘያንጸበርቅ፣ እምብርሃን፣ እሉ፣ ፍሕ  
 ርያት፣ ዘውስቴቱ ። ከዕበ፣ ይጌጉእ፣ ከመ፣ ይር  
 አይ፣ ጎበ፣ ውእቱ፣ አስከሬን፣ ወመናይቶ፣ ይ  
 ፈቱ፣ ይርአይ፣ ወያእምር፣ ውእተ፣ ምስጢር፣  
 ዘጽሑፍ፣ ውስቴታ ። ከማሁኬ፣ አነ፣ አ፣ አጎ  
 ው፣ ሶበ፣ ርኢኩ፣ ጎበ፣ ዘይቤ፣ ወንጌል፣ ቅ  
 ዱስ፣ በዛቲ፣ ዕለት፣ ወውእቱ፣ ያጤይቅ፣ ለኩ  
 ሉ ። ወርኢኩ፣ በልብዩ፣ ጎበ፣ ውእቱ፣ ወፈቀ  
 ደት፣ ነፍስዩ፣ ጎበ፣ ውእቱ፣ አእምር፣ መንክ  
 ር፣ ወዜና፣ ዘባቲ፣ ይቤ፣ ወንጌል፣ ቅዱስ፣ ወ  
 ጸቢሐ፣ እንዘ፣ የዐርግ፣ እግዚእ፣ አደሱስ፣ ሀን  
 ረ፣ ርጎበ ። አ፣ ዝ፣ መንክር፣ ዝ፣ እንግዳ፣ ዘይሴ  
 ሲ፣ ለኩሉ፣ ብሔር፣ ወዘአጽገበ፣ እምጎምስቲ፣  
 ጎብስት፣ ለጎምሳ፣ ምእት፣ ርጎበኩ ። ዘአዘዘ፣  
 ማየ፣ ይኩን፣ ወይነ፣ ርጎበኩ ። ዘከሠተ፣ አዕ  
 ይንተ፣ ዕዉር፣ በጽቡር፣ ከመ፣ ይርአይ፣ ርጎ  
 በኩ ። ዘኬደ፣ ዲበ፣ ማዕበል፣ ወሐረ፣ ላዕለ፣  
 ማይ፣ ወአርሕሳ፣ እገሪሁ፣ ርጎበኩ ። ዘገሠዳ፣  
 ነፋሳተ፣ ወተአዘዙ፣ ሎቱ፣ ለግብር፣ ወዘይእጎ  
 ዝ፣ በቃሉ፣ ዘንተ፣ ኩሉ፣ ርጎበኩ ። ወእፎ፣ ይ  
 ቤ፣ አሳይይስ፣ እግዚአብሔር፣ ዘለዓለም፣ አይ  
 ርጎበ፣ ወአይጸምእ፣ ወአይደክም ። ወመጻሕ  
 ፍት፣ ቅዱሳት፣ ስምዕ፣ ላዕሌሁ፣ ከመ፣ ክርስቶ  
 ስ፣ አምላክ፣ ውእቱ፣ በከመ፣ ይቤ፣ ዮሐንስ፣  
 ወንጌላዊ፣ ቀዳሚሁ፣ ቃል፣ ውእቱ፣ ወውእቱ፣  
 ቃል፣ ጎበ፣ እግዚአብሔር፣ ውእቱ፣ ወእግዚአ  
 ብሔር፣ ውእቱ፣ ቃል ። ወእፎ፣ ርጎበ፣ አምላ  
 ክ፣ በእንተ፣ አርአያ፣ ግብር፣ ዘአጽገበ፣ ጎምሳ፣  
 ምእተ፣ በመለኮቱ፣ ወበፈቃዱ፣ ሞጽኦ፣ ጎበ፣

ዕፁ ፡ በለሰ ፡ ከመ ፡ ሰብእ ፡ ወውእቱ ፡ ከሠት ፡  
 ውስተ ፡ ኩሉ ፡ መካን ፡ ዘበመለኮቱ ። መጽአ ፡  
 ጎበ ፡ ዕፁ ፡ ዘአልቦ ፡ ፍሬ ፡ ከመ ፡ ሰብእ ፡ ወእ  
 ይበሳ ፡ በቃሉ ፡ ከመ ፡ አምላክ ። ወይቤላ ፡ ኢ  
 ይኩን ፡ ፍሬ ፡ እምውስቲትኪ ፡ እስከ ፡ ለዓለም ።  
 ወወፅአ ፡ ትእዛዝ ፡ ምስለ ፡ ብሂል ። ወእምዝ ፡  
 የብሰት ፡ ይእቲ ፡ በለሰ ፡ በጊዜሃ ። ቃልሰ ፡ ቃለ ፡  
 ብእሲ ፡ ውእቱ ፡ ወምግባር ፡ ግብረ ፡ አምላክ ፡  
 ውእቱ ። ወባሕቱ ፡ አ ፡ ፍቁራንዩ ፡ ብዙኃን ፡ እ  
 ምፈካርያን ፡ ወጎሣሥያን ፡ ተናገሩ ፡ በእንተ ፡  
 ዝንቱ ፡ ዕፁ ፡ በለሰ ፡ በከመ ፡ እብል ፡ ዓዲ ፡ አን  
 ሰ ፤ ወአኮ ፡ ዘአጎብእ ፡ እምኔክመ ፡ ምንተኒ ፡ እ  
 ምዘእፈቅድ ፡ እድርስ ፡ ለክመ ፡ ወእዜነክመ ፡  
 በከመ ፡ ከሀልክመ ። እስመ ፡ ኢኮነ ፡ ዝንቱ ፡  
 ቃል ፡ ሕጹጸ ፡ እምቃል ፡ ዘይቤ ፡ ወንጌል ፡ ቅዱ  
 ስ ፡ አላ ፡ እምብዝኅ ፡ ምስጢር ፡ ጎቡአ ፡ ዘአብ  
 ርሀ ፡ ሊተ ፡ ተናገርኩ ፡ በዘፈቀድኩ ፡ እንብብ ፡  
 አኮነ ፡ ዘይቤ ፡ ዛቲ ፡ ዕፁ ፡ በለሰ ፡ ትይበስ ፡ ወ  
 የብሰት ፡ ኢይክልኑ ፡ ከመ ፡ ይበላ ፡ ቃፍሬ ፡ በ  
 ጊዜሃ ። ወባሕቱ ፡ ምንተ ፡ ዘአብሰት ፡ ዛቲ ፡ ዕፁ ፡  
 እስመ ፡ ኢኮነ ፡ መዋዕለ ፡ ፍሬ ፡ አሜሃ ። በከመ ፡  
 ስምዕ ፡ ኮነ ፡ ማርቆስ ፡ ወንጌላዊ ፤ እስመ ፡ መዋ  
 ዕለ ፡ ክረምት ፡ ውእቱ ። ወባሕቱ ፡ ኮነ ፡ ዐቢዩ ፤  
 እስመ ፡ ንሕነ ፡ ረከብነ ፡ እግዚእነ ፡ ክርስቶስሀ ፡  
 ያኩብርዎ ፡ እምገጽ ፡ ወያዕቆቆም ፡ እምገጽ ፤ ያከ  
 ብርዎ ፡ በእንተ ፡ ቃሉ ፡ ዘይቤ ፡ የብሰት ፤ ወያስ  
 ተሐቅርዎ ፡ በእንተ ፡ ተምዖቱ ፡ ኪያሃ ። ወባሕ  
 ቱ ፡ አ ፡ ፍቁራንዩ ፡ ምስጢር ፡ ዐቢይ ፡ ጥቀ ።  
 ወዝንቱ ፡ ግብር ፡ ሰማያዊ ፡ ዘይትሌዕል ፡ እም  
 ልብ ። ወብዙኃን ፡ እምፈካርያን ፡ ይቤሉ ፡ ከመ ፡  
 ይእቲ ፡ ጉባኤ ፡ አይሁድ ፡ ሶበ ፡ መጽአ ፡ ጎቤሆ  
 መ ፡ ኢየሱስ ፡ ክርስቶስ ፡ ይጎሥሥ ፡ እምኔሆ  
 መ ፡ ፍሬ ፡ ሃይማኖት ፡ ወኢረከበ ፡ ዘእንበለ ፡  
 መጻሕፍት ፡ ወነቢያት ፡ በከመ ፡ ቁጽል ፡ ዘአቀ  
 ጸለት ። ወይቤላ ፡ ኢይኩን ፡ እምውስቲትኪ ፡ ፍ  
 ሬ ፡ ለዓለም ፤ ወየብሰት ። ወአንሰ ፡ አ ፡ ፍቁራንዩ ፡  
 ፈራህኩ ፡ እምዝንቱ ፡ ፍካሬ ፤ እስመ ፡ አልቦ ፡  
 ዘይክልአኒ ፡ ወኢንስቲተ ፡ ለለብም ፡ እምኔሃ ።  
 እፎኑ ፡ ረገመ ፡ እግዚእ ፡ ኢየሱስ ፡ ጉባኤ ፡ አ

ይሁድ ፡ ወውእቱሰ ፡ ዘይቤለነ ፡ ባርኩ ፡ ወኢት  
 ርግመ ፡ በእፎኬ ፡ ረገመ ፡ እግዚእ ፡ ኢየሱስ ፡  
 ዘንተ ፡ ጉባኤ ፡ አይሁድ ፡ ወአሀገብ ። ወውእ  
 ቱ ፡ ዘይቤ ፡ ኢመጽአ ፡ ወልደ ፡ ዕንሰ ፡ እመሐ  
 ያው ፡ ለሀጉል ፡ አላ ፡ ከመ ፡ ይጎሥሥ ፡ ወያድ  
 ኅን ፡ ዘተሀጉለ ። ወለእመ ፡ ይቤለክመ ፡ አሐ  
 ዳ ፡ ንሐዳ ፡ ወኢምንተኒ ፡ ወአብዝኅ ፡ ነቢብ ፡  
 ከመ ፡ ፍካሬ ፡ ይእቲ ፡ ንብሎ ፡ በእፎኬ ፡ ትከው  
 ን ፡ ጉባኤ ፡ አይሁድ ፡ ዘየብሰት ፡ እምሥረዊሃ ፡  
 ወተሀጉለት ። ወወፅአ ፡ ለነ ፡ ዝንቱ ፡ ዐጽቅ ፡ ሠ  
 ናዩ ፡ ፍሬ ፡ ጳውሎስ ፡ ሐዋርያ ። ወብዙኃን ፡ እ  
 ምክልክን ፡ ተመይጡ ፡ እምጉባኤ ፡ አይሁድ ፡  
 ዘነአምሮመ ፡ አኮነ ፡ እስጢፋኖስ ፡ ቀዳሜ ፡ ሰ  
 ማዕት ፡ እምኔሆመ ፡ ዘተወግረ ፡ እምጎበ ፡ አይ  
 ሁድ ። ወኮነ ፡ ይትናገር ፡ በጉባኤሆመ ፡ አው  
 ይንሂ ፡ ረድእ ፡ ወሲኮር ፡ ረድእ ፡ ወካልአንሂ ፡  
 ብዙኃን ፡ ዘእመራን ፡ አስማቲሆመ ፡ በጎቤነ ፡  
 እለ ፡ ኮነ ፡ ይጸባሉ ፡ ምስሌነ ። ወባሕቱ ፡ አን  
 ሰ ፡ አብለክመ ፡ እስመ ፡ እግዚአብሔር ፡ ኢጎ  
 ደገ ፡ ጸውዖ ፡ ሕዝበ ፡ አይሁድ ፡ እስከ ፡ ይእዜ፤  
 እስመ ፡ ጳውሎስ ፡ ሐዋርያ ፡ ስምዕ ፡ በውስተ ፡  
 መልእክቱ ፡ እንዝ ፡ ይብል ፡ እስመ ፡ እግዚአብ  
 ሔር ፡ ኢጎደገ ፡ ሕዝቡ ፡ ሐሰ ፡ አኮነ ፡ አነሂ ፡ እ  
 ስራኤላዊ ፡ አነ ፡ ዘርዐ ፡ አብርሃም ፡ ወነገደ ፡ ብ  
 ንያም ፡ ኢገደፈ ፡ እግዚአብሔር ፡ ሕዝቡ ፡ ዘአ  
 ቅደመ ፡ አእምሮ ። ወባሕቱ ፡ አሰፈዎመ ፡ እን  
 ዘ ፡ ይብል ፡ ሶቤ ፡ ተፈጸመ ፡ ኩሉ ፡ ወአሕዛብ ፡  
 አምኑ ፡ ወከመ ፡ ዝ ፡ ይድኅኑ ፡ ኩሉ ፡ እስራኤል ።  
 እስመ ፡ አኮ ፡ ዘኮነ ፡ በእንቲአነ ፡ አይሁድ ፡ በጎ  
 በ ፡ እግዚአብሔር ፡ ምኑናነ ፡ እስከ ፡ ለነ ፡ በጌጋ  
 ዮመ ፡ ይሣህለነ ። ለሊሁ ፡ ጳውሎስ ፡ ስምዕ ፡  
 እንዝ ፡ ይብል ፡ እመንገለ ፡ ጎራሰ ፡ ፍቁራን ፡ እ  
 መንቱ ፡ በእንተ ፡ አብዊሆመ ፡ እስመ ፡ ጸጋ ፡  
 እግዚአብሔር ፡ ወጽዋዔሁ ፡ ኢጎደገቶመ ። ወእ  
 ፈቅድ ፡ ይእዜኒ ፡ አ ፡ አጎውዩ ፡ እፈጽም ፡ ለክ  
 መ ፡ ቃለ ፡ በእንተ ፡ አዳም ፡ ይቤ ፡ እንዝ ፡ ሀሎ ፡  
 ዕራቆ ፡ በውስተ ፡ ገነት ፡ በአይኑ ፡ ቁጽል ፡ ሰፍ  
 ዮ ፡ ዘተከድነ ፡ ወለገብ ፡ እምኔሃ ፡ ዐጽፈ ። ርእ  
 ኮነ ፡ እፎ ፡ የብሰት ፡ ቁጽል ፡ አኮነ ፡ ይእቲ ፡

ቁጽለ ፡ በለስ ፡ ዘተከድን ፡ በቲ ፡ አዳም ፡ ወከደ  
 ነ ፡ ጎፍረቶ ። ወመጽአ ፡ እግዚእ ፡ ኢየሱስ ፡ ጎ  
 በ ፡ ዛቲ ፡ ፅፀ ፡ በለስ ፡ እንተ ፡ ሠረጸት ፤ ለይእቲ ፡  
 ቁጽል ፡ ዘተከድን ፡ በቲ ፡ አዳም ፡ አይበሳ ፡ በቃ  
 ሉ ። ረከቦ ፡ ንዳዩ ፡ ወወሀቦ ፡ ብርሃን ፡ ንጹሐ ፡  
 ወውእቲ ፡ ብርሃን ፡ እነ-ም ፡ እማይ ፡ ወእመንፈ  
 ስ ፡ ቅዱስ ። አይበሳ ፡ ቁጽለ ፡ በለስ ፡ ወወሀቦ ፡ መ  
 ድጎኒት ፡ ነፍስ ። እኔሊ ፡ እፎ ፡ ተባልሐ ፡ ዘአ  
 ፅቀጸቶ ፡ ከዶሲ ፡ በውስተ ፡ ገነተ ፡ ትፍሥሕት ፡  
 ዘኮነ ፡ ሕያወ ፡ ከመ ፡ መላእክት ፡ በአልባሰ ፡ ፍ  
 ሥሐ ፡ ወሐሜት ፡ ወበጽድቅ ። ወበሕቲ ፡ አ ፡ ፍ  
 ቁራንዩ ፡ ንትመዩጥ ፡ ጎበ ፡ ዘአቅደምን ፡ ዘክሮ ፡  
 ቀዳሚ ። ይቤ ፡ ወንጌል ፡ ቅዱስ ፡ ወጸቢሐ ፡ እን  
 ዘ ፡ የዐርግ ፡ እግዚእ ፡ ኢየሱስ ፡ ሀገረ ፡ ርጎበ ።  
 ጸቢሐ ፡ እምድጎረ ፡ ኮነ ፡ ሌሊተ ፡ መጽአ ፡ እግ  
 ዚእ ፡ ኢየሱስ ፡ በጽባሕ ፡ ወፈቀደ ፡ ከመ ፡ ያንሥ  
 አ ፡ ለዓለም ፡ በከመ ፡ ይቤ ፡ ነቢይ ፡ ከመ ፡ ጎሕ ፡  
 ድልወ ፡ ንረክቦ ። ወበጽባሕ ፡ መጽአ ፡ እግዚእነ ፡  
 ኢየሱስ ፡ ክርስቶስ ። ጸቢሐ ፡ እምድጎረ ፡ ልብ  
 ሰቱ ፡ ጽልመተ ፡ ሞት ፡ በፈቃዱ ፡ ስብሐተ ፡ እ  
 ግዚአብሔር ፡ አጽንዖመ ፡ ወሐሩ ፡ ወአብርሀ ፡  
 ፀሓዩ ፡ ጽድቅ ፡ ውስተ ፡ አልባበ ፡ ሰብእ ፡ ዘሠ  
 ረቀ ፡ ጽልመት ። ጸቢሐ ፡ ሰበ ፡ መቀተ ፡ መላ  
 ኮት ፡ መጽአ ፡ ጎበ ፡ ነፍሳተ ፡ ሰብእ ፡ ዘአሞቶ  
 መ ፡ ሰይጣን ፡ ወአመከሮመ ፡ ዳዊት ፡ ነቢይ ፡  
 በከመ ፡ ይቤ ፡ መኑ ፡ ይትቃወሞ ፡ ለቀሩ ።  
 እስመ ፡ ቀረ ፡ ጎጢእት ፡ ዘሰይጣን ፡ እሞተ ፡  
 ነፍሳተ ፡ ሰብእ ፡ በእንቲአሁ ፡ ይቤ ፡ ነቢይ ፡ ፍት  
 ን ፡ ልብዩ ፡ ወኩልያትዩ ። እስመ ፡ ኮነ ፡ በዐሊ  
 ምቶመ ፡ በውስተ ፡ ሀጉል ፡ ወበእንተ ፡ ውእቲ ፡  
 ተጋብኡ ፡ ኩሎመ ፡ ነቢያት ፡ በውስተ ፡ ጸሎ  
 ቶመ ፡ እንዘ ፡ ይብሉ ፡ እግዚአ ፡ ሚጥ ፡ ዓዋን ፡ ከ  
 መ ፡ ውሒዝ ፡ ውስተ ፡ አዜብ ፡ ወከመ ፡ ነፋስ ፡  
 አዜብ ፡ ዘይነፍሳ ፡ ምስለ ፡ ውሶዩት ፡ ወይመስም  
 መ ፡ ለማያት ፡ እለ ፡ ረግዑ ፡ ወይመይጦን ፡ ጎበ ፡ ዘ  
 ቀዳሚ ፡ ፍጥረቶን ። ከማሁኬ ፡ ንሕነኒ ፡ እለ ፡ ነበር  
 ነ ፡ መዊተነ ፡ በጌጋዩ ፡ ሰይጣን ። መጽአ ፡ ጎቤነ ፡  
 ክርስቶስ ፡ ከመ ፡ ነፋስ ፡ አዜብ ፡ ወሜጠነ ፡ ጎ  
 በ ፡ ዘቀዳሚ ፡ ፍጥረትነ ፡ ዘኢትመውት ። ወዝ ፡

ሞዕይ ፡ ዘዘከርነ ፡ በእንተ ፡ አዜብ ፡ ወመርዓተ ፡  
 ክርስቶስነ ፡ እንተ ፡ ይእቲ ፡ ቤተ ፡ ክርስቲያን ፤  
 በውስተ ፡ ጥበበ ፡ ሰሎሞን ፡ ዛ ፡ ይእቲ ፡ ማሕል  
 ዩ ፡ መሐልይ ፡ ተጎሥሥ ፡ ወትብል ፡ ተንሥእ ፡  
 ሰሜን ፡ ወነዐ ፡ ደቡብ ፤ ንፋሳ ፡ ገነትዩ ፡ ለዩሐ  
 ዝ ፡ አፈዋተ ፡ ዚአዩ ። ወጸቢሐ ፡ ቦአ ፡ እግዚ  
 እ ፡ ኢየሱስ ፤ እፎ ፡ ሠናይ ፡ ውእቲ ፡ ዘይቤ ፡  
 ወንጌል ፡ ቅዱስ ፡ ከመ ፡ ውእቲ ፡ መጽአ ። ወዝ  
 ንቱ ፡ ውእቲ ፡ ዜናሁ ፡ ለአዳም ፡ ዘወድቀ ፡ እም  
 ገነት ፡ ወመጽአ ፡ እግዚእ ፡ ኢየሱስ ፡ ጎበ ፡ ው  
 እቲ ፡ መከን ፡ እንተ ፡ ወድቀ ፡ ውስቲቱ ፡ ጎበ ፡  
 ሀገር ። ወሰበ ፡ ሰማዕከ ፡ አ ፡ ፍቁር ፡ ሀገረ ፡ ኢ  
 ትርአይ ፡ ጎበ ፡ መትሕት ፤ አላ ፡ ለኢየሩሳሌም ፡  
 ልዕልት ፡ እንተ ፡ ይእቲ ፡ ማኅደረ ፡ ሰማያውያ  
 ን ። በከመ ፡ ይቤ ፡ ጳውሎስ ፡ ሐዋርያ ፡ እስመ ፡  
 ማኅደርክመ ፡ ይእቲ ፡ ውስተ ፡ ሰማያት ። ወጸ  
 ቢሐ ፡ ቦአ ፡ ሀገረ ፡ እግዚእነ ፡ ኢየሱስ ፡ ክርስ  
 ቶስ ፡ ወርጎበ ፤ ዘርጎበስ ፡ አኮ ፡ በእንተ ፡ መብ  
 ልዐ ፡ ሰብእ ፤ አላ ፡ በእንተ ፡ መድጎኒት ፡ ሰብ  
 እ ፤ በከመ ፡ ይቤ ፡ እግዚእነ ፡ በወንጌል ፡ ሊተ  
 ሰ ፡ መብልዕዩ ፡ ውእቲ ፡ ከመ ፡ እግበር ፡ ፈቃዶ ፡  
 ለአቡዩ ፡ ዘፈነወኒ ፡ ከመ ፡ ትእመኑ ፡ አንትመ ፡  
 በዘፈነወኒ ፤ እስመ ፡ ዘዩአምን ፡ ቦቱ ፡ ኢይመ  
 ውት ፡ ለዓለም ፡ ለዝሉፍ ። ወጸቢሐ ፡ ቦአ ፡ ሀገ  
 ረ ፡ እግዚእነ ፡ ኢየሱስ ፡ ክርስቶስ ፡ ወርጎበ ፤  
 ወርእያ ፡ ለዕፀ ፡ በለስ ፡ ወበጽሐ ፡ ጎቤሃ ። ሠ  
 ናዶኬ ፡ ውእቲ ፡ ዘበጽሐ ፡ ጎቤሃ ፤ እስመ ፡ ለ  
 እመ ፡ ተዓደዋ ፡ እምኮነት ፡ ዛቲ ፡ ፅፀ ፡ በለ  
 ስ ፡ ማኅደረ ፡ ከዶሲ ፡ ዘኢይመውት ። ወበሕቲ ፡  
 መጽአ ፡ ጎበ ፡ ዛቲ ፡ ፅፀ ፡ በለስ ፡ ገዘማ ፡ ወአ  
 ሞታ ። ቡጎበ ፡ ዛቲ ፡ ፅፀ ፡ ርአዮ ፡ ለናትናኤ  
 ል ፡ ወይቤሎ ፡ እግዚእነ ፡ እምቅድመ ፡ ይጸ  
 ውዕከ ፡ ፊልጶስ ፡ ርኢኩከ ፡ በቃሕተ ፡ ፅፀ ፡ በ  
 ለስ ። ወለዛቲ ፡ ፅፀ ፡ ዘከራ ፡ ፅንባቆም ፡ ነቢይ ፡  
 ኢየዐርግ ፡ ጎበ ፡ አሕዛብ ፡ ካልአን ፤ እስመ ፡ በለ  
 ስነ ፡ ኢትፈሪ ። ወላዕለ ፡ ዛቲ ፡ ፅፀ ፡ በለስ ፡ ዐር  
 ገ ፡ ዘኬዎስ ፡ ወርእዮ ፡ ለእግዚእነ ፡ በእንተ ፡ ዝ  
 ንቱ ፡ ይቤሎ ፡ እግዚእነ ፡ ረድ ፡ ፍጡነ ። ሠናይ  
 ኬ ፡ ውእቲ ፡ ዘይቤ ፡ ወንጌል ፤ ሠናይ ፡ ይእቲ ፡

ለርእይ ፡ በለስ ። ወባሕቱ ፡ ታርኢ ፡ ነሎ ፡ ለዘዐ  
 ርገ ፡ ውስቴታ ፡ ዘኬዎስ ። ወዛቲኬ ፡ ትእምርት ፡  
 ከመ ፡ ፍኖት ፡ ስፍሕት ፡ ወርሕብት ፡ ወመፋር ፡  
 ይእቲ ፡ ዘይትወለድ ፡ እምኔሃ ፡ እከይ ፡ ወጎጢአ  
 ት ። መጽአ ፡ እግዚእነ ፡ ጎበ ፡ ዛቲ ፡ ፍኖት ፡ ርሕ  
 ብት ፡ ወስፍሕት ፡ ወአሀጉላ ። እስመ ፡ ቁጽለ ፡ በ  
 ለስ ፡ ስፍሕት ፡ ወሠናይት ፡ ከግሁኬ ፡ ለጎጢአ  
 ትኒ ፡ ፍኖታ ፡ ርሕብት ፡ ወስፍሕት ፡ ዘትወስድ ፡  
 ውስተ ፡ ሀጉል ። እስመ ፡ ፍሬ ፡ በለስ ፡ ጥዑም ፡  
 በጊዜ ፡ በሊዕ ፡ ወሐዩክ ። ከግሁኬ ፡ ጎጢአትኒ ፡  
 ጥዕምት ፡ በጊዜ ፡ ሐዩክ ፡ ወታጸመ ፡ እምድጎ  
 ረ ፡ በሊዕ ። ጉዩይ ፡ እምዛቲ ፡ ሕይክት ፤ እስመ ፡  
 ጥዕምት ፡ ይእቲ ፡ በጊዜ ፡ ሐዩክ ፡ ወመራር ፡ ይ  
 እቲ ፡ ድጎረ ፡ ገቢሮታ ። ወይቤ ፡ መጽሐፈ ፡ ጥ  
 በበ ፡ ሰሎሞን ፡ እስመ ፡ መዓር ፡ ያንጸፈጽፍ ፡ እ  
 ምክናፍረ ፡ ብእሲት ፡ ዘማ ፡ ወእምዝ ፡ ይበልጎ ፡  
 እመላጸ ፡ ዘክልኤ ፡ አፋሁ ፡ ወሶበ ፡ ጥዕምክ ፡ ው  
 እተ ፡ መዓረ ፡ እምኔሃ ፡ ውስተ ፡ አፋክ ፡ ወጉርዔ  
 ከ ፡ ወእምድጎራሁ ፡ ትረክብ ፡ ዕጹብ ፡ ወመሪረ ፡  
 ወግሀጉሌ ። ብእሲት ፡ ዘማ ፡ ዕብስት ፡ ይእቲ ፤  
 እስመ ፡ ትትናገረከ ፡ ነገረ ፡ ዘይጥዕም ፡ እመዓር ፡  
 ወሶከር ፡ ወፍጡነ ፡ ይውሕዝ ፡ ለከ ፡ እምቃላ ፡  
 መራር ፡ ሞት ። ከግሁኬ ፡ ከነት ፡ አርዌ ፡ ምድር  
 ኒ ፡ ጥዕምተ ፡ ንባብ ፤ በጉሕሉታስ ፡ መራር ። ጥ  
 ዑም ፡ ውእቱ ፡ መብልዕ ፤ ወመሪር ፡ ውእቱ ፡ ወ  
 ጻቅ ። ጉዩይኬ ፡ እምዛቲ ፡ ብእሲት ፡ ዘማ ፡ ዘት  
 ትናገረከ ፡ በበ ፡ ጥዑም ፤ ወትቀትለከ ፡ በሕምዘ ፡ ሀ  
 ጉል ። ጉዩይኬ ፡ እምሕማም ፡ ዘውእቱ ፡ ጎጢ  
 ኦት ፡ በከመ ፡ ጉዩ ፡ ኤልያስ ፡ እምገጸ ፡ ኤልዛ  
 ቤል ፡ ዘማ ። መጽአ ፡ እግዚእነ ፡ ኢየሱስ ፡ ክር  
 ስቶስ ፡ እምሰማይ ፡ በእንተ ፡ ርጎቦቶመ ፡ ለሰብ  
 እ ፡ እምሕይወት ፡ ረከበ ፡ ፍኖተ ፡ ዝንቱ ፡ ዓለ  
 ም ፡ ስፋሐ ፡ ወርሒበ ፡ ወይእቲ ፡ ሠናይት ። ወመ  
 ጽአ ፡ ጎቤሃ ፡ ወረከባ ፡ ብቀልተ ፡ ወቀጽልተ ፡  
 ወሥርጽተ ፡ እንተ ፡ ከነት ፡ ይእቲ ፡ ፍኖተ ፡ ጎ  
 ጢአት ፤ ወአልቦ ፡ ውስቴታ ፡ ፍሬ ፡ ሞት ፡ ወኢ  
 ከነ ፡ ፍሬ ፡ በመዋዕላ ፡ በከመ ፡ ይቤ ፡ ወንጌል ፡  
 ወአልቦ ፡ ውስቴታ ፡ ፍሬ ፡ እስመ ፡ ኢኮነ ፡ መዋ  
 ዕለ ፡ ፍሬ ፡ አጫሃ ። ወበእንተ ፡ ዝ ፡ እርኬ ፡ ት

ክል ፡ ዛቲ ፡ ዕፅ ፡ ተሀብ ፡ ፍሬ ፡ ሞት ። ወእግዚእ  
 ነ ፡ መድጎን ፡ ኢየሱስ ፡ ክርስቶስ ፡ መጽአ ፡ ውስ  
 ተ ፡ ዓለም ፡ ለእንሥአ ፡ በእንተ ፡ ዓለም ፡ ከመ ፡  
 ይቀድሶመ ። ወበእንተ ፡ ውእቱኬ ፡ ከነት ፡ ዘአ  
 ልባቲ ፡ ፍሬ ፡ እስመ ፡ ሞት ፡ ቀነዩ ፡ በከመ ፡ ይ  
 ቤ ፡ ጳውሎስ ፡ ሐዋርያ ፡ እምአዳም ፡ እስከ ፡ መ  
 ሴ ፡ ቀነዩነ ፡ ሞት ። ወመሴሰ ፡ ሕግ ፡ ውእቱ ፤ ወ  
 ስምዐ ፡ ከነ ፡ በእንተ ፡ ውእቱ ፡ ወንጌል ፡ ቅዱስ ፡  
 በመ ፡ መሴ ፡ ወነቢያት ፡ ይስምዑ ፡ እምኔሆመ ።  
 ወበእንተ ፡ ዝ ፡ መጽአ ፡ ጎቤሃ ፡ እግዚእነ ፡ ክርስ  
 ቶስ ፡ እንዘ ፡ ይብል ፡ ኢይኩን ፡ ፍሬ ፡ እምውስ  
 ቲትኪ ፡ ለዓለም ። እስመ ፡ ዛቲ ፡ ዕፅ ፡ እምቅድ  
 መ ፡ ምጽአተ ፡ እግዚእነ ፡ ኢየሱስ ፡ ክርስቶስ ፡  
 ከነት ፡ እንከ ፡ ዘአፍረዩት ፡ ፍሬ ፡ ሞት ፤ መጽ  
 አ ፡ እግዚእነ ፡ ዘውእቱ ፡ መንሥኢ ፡ ወይቤላ ፡  
 ኢይኩን ፡ ፍሬ ፡ በውስቴትኪ ፡ ለዓለም ። ወእም  
 ዝ ፡ የብሰት ፡ ይእቲ ፡ ዕፅ ፡ ወተፈጸመ ፡ ዘይቤ ፡  
 መጽሐፍ ፡ ተሞአ ፡ ሞት ፤ ወአይቱ ፡ እንከ ፡ መ  
 አትከ ፡ ሞት ፤ ወአይቱ ፡ እንከ ፡ ጥኖትከ ፡ ሲኦል ።  
 ወይቤ ፡ ወንጌላዊ ። እስመ ፡ ክረምት ፡ ውእቱ ፡  
 መዋዕል ፡ በጊዜ ፡ አቀጸለት ፡ ዕፅ ፡ ዘበለስ ፡ ዘበ  
 ቁል ፡ ውስቴታ ፡ ጎጢአተ ፡ ሰይጣን ፡ ዘኮነ ፡ ኤል  
 ያስ ፡ ነገሮመ ፡ ከመ ፡ ክረምት ፡ ውእቱ ። እስመ ፡  
 እምቅድመ ፡ ምጽአተ ፡ እግዚእነ ፡ ኢየሱስ ፡ ክ  
 ርስቶስ ፡ ከነ ፡ እንከ ፡ መናፍስት ፡ ርኩሳን ፡ አድ  
 ከምዎመ ፡ ለሰብእ ፡ በተቀንዮ ፡ ለአማልክት ።  
 ወበቅትለተ ፡ ሰብእ ፡ ለበሊዕ ፡ ወለሰትይ ፤ ወበገ  
 ቢረ ፡ ርኩስ ። ወእምዝ ፡ መጽአ ፡ እግዚእነ ፡ ኢ  
 የሱስ ፡ ክርስቶስ ፡ መድጎኒ ፡ ወሰላምነ ፤ ለጉ  
 መ ፡ መናፍስተ ፡ ርኩሳነ ፡ ጸላእያነ ፡ ሠናያት ፡ እ  
 ለ ፡ የሀውኩ ፡ ዘንተ ፡ ዓለመ ፡ በአፍቅሮ ፡ ትናግ  
 ዕታት ፡ በበሊያቱ ፡ ወበሰትዮቱ ፤ ወበተሰጥሞ  
 ቱ ፡ ውስተ ፡ ባሕረ ፡ ሀጉል ፡ መሪር ፡ ዘያጠፍእ ፡  
 በእበድ ። መጽአ ፡ ጎቤሁ ፡ ወአጥፍአ ፡ ማዕበላ  
 ቲሁ ፡ ወሁከቶ ፡ አህድአ ፡ ወአይበሳ ፡ ለዕፅ ፡ በ  
 ለስ ፤ ወተከለ ፡ ለነ ፡ ዕፅ ፡ መስቀል ፡ ዘበቁል ፡ ለነ ፡  
 በሃይማኖት ፡ ወበሕይወት ፡ ብሩህ ። ዝንቱ ፡ መ  
 ስቀል ፡ ስፋሕ ፡ ወስቡሕ ፡ እንተ ፡ በምድር ፡ ሥረ  
 ዊሁ ፡ ወበሰማይ ፡ አዕጹቁሁ ፡ እንተ ፡ ኢይትነ

ገፍ : ቄጽሉ : እንተ : ኢኮነ : ጽጌሁ : ለሆኑል :  
 ወፍሬሁኒ : ዘኢኮነ : ለመዋት = ዝንቱ : ዘይቤ :  
 ዳዋት : ነቢይ : በእንቲአሁ : ዕዕ : እንተ : ትክል  
 ት : ጎበ : ሙሐዘ : ማይ : ዘትሁብ : ፍሬሃ : በበ :  
 ጊዜሃ : ወቄጽላኒ : ኢይትነገፍ = ለዝንቱ : ዕዕ :  
 ትቤ : ጥበብ : በእንቲአሁ : ዕዕ : ሕይወት : ውእ  
 ቱ : ለኩሉ : ዘየአምን : ቦቱ = ይቤ : ኤርምያስ :  
 ነቢይ : በእንተ : ዝንቱ : ዕዕ : በጊዜ : ርእዮ : በ  
 አዕይንቲሁ : በጎበ : አይሁድ : እንዘ : ይብሉሙ :  
 ትብሉ : ንዑ : ንደይ : ዕዕ : ውስተ : መብልሁ :  
 ወንስዐር : እምድረ : ሕያዋን = ወዕፀ : መስቀል :  
 ውእቱ : ጎበስት : ሥጋሁ : ለክርስቶስ : እስመ :  
 እግዚእነ : ውእቱ : ነሥኦ : ጎበስተ : ወይቤ : ዝ :  
 ሙእቱ : ሥጋዩ : ዘይትፈተት : በእንቲአክሙ :  
 ለስርዩተ : ጎጣኦት : በላዕለ : አቅርባት : መስቀ  
 ል : ወአውደቆሙ : ለጎያላን : አለ : ይሰፍ : በነ  
 ፋሳት : ወአስተዳለወ : ለነ : ፍፍተ : ጎበ : መን  
 ግሥተ : ሰማያት = ወገብረ : ዘንተ : ዕዕ : ሰዋስ  
 ወ : ጎበ : ሰማያት : ለእለ : የአምኑ : ቦቱ = ሰ  
 በ : ሰማዕክሙ : አ : ፍቁራንዮ : ዘንተ : ግብረ :  
 ዕደብ : ወመንክራተ : ውእቱ : ዕዕ : መስቀል : ዘ  
 ሰፍሐ : በላዕሌሁ : ዘበአማን : ዐጸደ : ወይን :  
 ወኮነ : ዝንቱ : ዕዕ : መስቀል : ለዕይጣን : ጥ  
 ቱ : ወሆኑል : ወለነሰ : ለእለ : አመነ : ዕዕ : ሕ  
 ይወትነ : ወደምሳሴ : አበሳነ : ወተከደነ : ቦቱ :  
 ልብሰ : ዕረፍት = ወይቤ : ዜናዌ : ምስጢሩ :  
 ወውእቱ : ሰሎሞን : ጠቢብ : ይብል : በውስ  
 ታ : ማሕልዩ : መሓልይ : ታሕተ : ጽላሎቱ : ፈ  
 ተውኩ : ወነበርኩ = ንብላዕ : ጣዕመ : ፍሬሁ :  
 በመዋዕሊነ : ወፈተዋ : ለዛቲ : ሕይወት = ወዳ  
 ዋት : ነቢይ : ይብል : ወበጽላሎተ : ክነፈክ : ክ  
 ድነኒ : ከመ : ይርሐቅ : እምኔዩ : አኩይ = አ :  
 ዝ : መንክር : ዐቢይ : ወዝንቱ : ምስጢር : ሐዲ  
 ስ : እስመ : ውሕዘት : ፈልፈል : እምዕዕ = ወኮ  
 ኒ : መስቀል : ይሰቲ : እምኔሃ : በጊዜ : ተረገዝ :  
 ገቡሁ : ወወዕአ : እምኔሁ : ደም : ወማይ = ወደም  
 ሰ : ልብሰ : መስቀል : ውእቱ : ወማይ : ወደም  
 ዘ : እምኔሁ : አስተርእዮ : በሥጋሁ : ከመ : ያፍ  
 ሪ : ለምእመናን : ዘኢይመውት : ፍሬ = ወበእን

ተ : ዝ : ይደሉ : ለመስቀል : ሰጊድ = አ : ዝንቱ :  
 ዕዕ : ስቡሕ : ብፀ-ዓዌ : ዘያከብርም : ዙሉሙ :  
 ነገሥታት : ወመሳፍንት : ወመኳንንት = አ : ዝ  
 ንቱ : ዕዕ : ስቡሕ : ዘውእቱ : መጽንዒ : ለኩሉ :  
 ፍጥረተ : ዕንላ : እመሕያው : ወማዕተብ : ዘይ  
 ጉይዮ : እምኔሁ : አጋንንት : ወይደነግዕ : እም  
 ኔሁ : ርጉም : ሰይጣን = ወመላእክት : ይሴብሕ  
 ም : ወሰማዕት : ይባርክም : ወሐዋርያት : ይዜን  
 ወ : ዕበዮ : ወቤተ : ክርስቲያን : ትሰረገዎ : ዘ  
 ተጸልበ : ላዕሌሁ : ክርስቶስ : ዘሎቱ : ስብሐት :  
 ወክሂል : ወዕበይ : ወጽንዕ : ወሰላም : ምስለ :  
 አቡሁ : ወመንፈስ : ቅዱስ = ይአዜኒ : ወዘልፈኒ :  
 ወእስክ : መዋዕል : ደኃሪ : አሚን : ወአሚን =  
 አ : እግዚእዩ : ኢየሱስ : ክርስቶስ : ዘኑሠተ : ም  
 ክረ : ሰቃልያን : ወአስተጋብአ : ማጎባረ : መ  
 ሀይምናን : አመ : ይነግሥ : በደብረ : ጽዮን :  
 መኳን : ይደምረነ : አሚን : ምስለ : አግብርቲ  
 ሁ : ኄራን : ንጹሐን : ወቅዱሳን : ለነ : ለኃጥ  
 አን : ወአባስያን : በጸሎታ : ለእግዚአቲህን : ማር  
 ያም : እመ : ብርሃን : ይዕቀብን : በዝ : ዓለም :  
 ወበዘይመጽአ : ዘመን : ምስለ : አሰን : አባ : ሰላ  
 ማ : ፍላጭ : አባግዕ : ዘቤተ : ክርስቲያን : ለዓለ  
 መ : ዓለም : አሚን =  
 ጸልዩ : በእንተ : ጽንዑ : ዛቲ : በል = ክርስቶስ : እምላክነ : በ  
 ል = ሰላም : ለኪ : ማርያም : ሐረን : ተደላ : በል = ስብሐት :  
 ለክ : ከመ : ንንግር : ዙሉ : በል = ግናይ : ለክሙ : ሥቡስ :  
 ቅዱስ : መዋእይነ : ዘልኤቲ : እእምር : በል = ስብሐት : ለእግ  
 ዚአብሔር : በል = ጸሎተ : ሃይማኖት : በል : እስክ : ጎበ : ይ  
 ብል : ሐመ = ለዛቲ : ግብረ : ሕማማት : በል = አ : ማጎባረኒ  
 ሁ : ለእግዚእነ : ነጥ : በገዑ : ወዕቀብሙ : በል = (ይዲ) : ሐ  
 ፍ : በሰላም : እግዚአብሔር : የሀሉ : ምስሌክሙ : ወገዑ : ው  
 ስተ : ቤተ : ክርስቲያን : ቅድስት : በጊዜ : ወለስቲ : ዕግት : አ  
 ሚን =  
 ወእምዝ : ይትጋብኦ : ክህናት : ውስተ : ቤተ : ክርስቲያን :  
 ቅድስት : በጊዜ : ወለስቲ : ሰግት : ወይጸልዩ : መዝሙረ : ዳ  
 ዋት : ዘይቤ : ብፀ-ዓን : እለ : ተጎደገ : ሎሙ : ንጠእቆሙ :  
 እስክ : ጎበ : ይብል : ከመ : ተሀበኒ : ተምኔትዮ : ዙሉ : አሚ  
 ረ = ወውዳሌሃ : ለእግዚአቲህን : ማርያም : ዘይትነብብ : ሰዕለተ :

ወሎስ ። ወእምግ ። ይበሉ ። ሆሎሙ ። ጎብረ ። በሰጊድ ። ወበ  
ትጋህ ። ወበጸግ ። ብዙን ። ዐሠርት ። ወክልኤት ። ጊዜ ። ለከ ።  
ጎይል ። እስከ ። ተፍጻሚቱ ። ወእምግ ። ይበል ። መራሒ ። ስም  
ዕምኑ ። ዘይቤ ። እግዚእን ።

ምንባብ ። ዘሠለስቱ ። ስዓት ። ዘሰንዶ ።

ዘኢሳይያስ ። ነቢይ ። በረከቱ ። ትኩን ። ምስሌን ።  
ለዓለመ ። ዓለም ። አሜን ።

አሌ ። ሎሙ ። ለእለ ። ይጠበቡ ። ለእከይ ። ወይ  
ብሉ ። ንሕን ። ከመ ። ጠቢባን ። አሌ ። ሎሙ ። ለ  
ጽኑዓን ። እለ ። ይሰትይዎ ። ለወይን ። ወላጎያላን ።  
እለ ። ይቶስሕደ ። ለሚስ ። ወያጸድቅዎ ። ለኃጥ  
እ ። ወይንሥኡ ። ሕልያን ። ወይዲምዕዎ ። ለጻድ  
ቅ ። ወይሴውርዎ ። ለጸድቁ ። በእንተ ። ዝንቱ ።  
በከመ ። ይነድድ ። ሐሠር ። በአፍሐመ ። እሳት ።  
ወይወራ ። በነበልባል ። ከማህ ። ይቡኩብኑ ።  
ሥርዎሙ ። ወጽጊሆሙ ። የዐርግ ከመ ። ጸበል ። እ  
ስመ ። ኢፈቀዱ ። ሕገ ። እግዚአብሔር ። ጸባኦት ።  
ወአምዕዑ ። ቃሎ ። ለቅዱስ ። እስራኤል ። ወተም  
ዐ ። እግዚአብሔር ። ጸባኦት ። መዓተ ። ዐቢየ ። ላ  
ዕለ ። ሕዝቡ ። ወአንሥኡ ። እደሁ ። ላዕሌሆሙ ። ወ  
ቀሠፎሙ ። ወተምዐ ። መዓተ ። ላዕለ ። አድባር ። ወ  
ከነ ። አብድንቲሆሙ ። ከመ ። መራት ። በማእከለ ።  
ፍኖት ። ወምስለ ። ዝንቱ ። ሆሉ ። ኢተመይጠት ።  
መዓቱ ። ወእደሁሰ ። ለእግዚአብሔር ። ዓዳሃ ።  
ልዕልት ። ይእዜኒ ። ያነሥእ ። ትእምርተ ። ላዕለ ።  
አሕዛብ ። ርሑቃን ። ወይስሕበሙ ። እምአጽናፊ ።  
ምድር ። ወናሁ ። ይመጽኡ ። ፍጡን ። እንዘ ። ይ  
ረውጹ ። ኢይርጎቡ ። ወኢይጸምኡ ። ኢይደክ  
ሙ ። ወኢይደቅሱ ። ወኢይፈትሐ ። ቅናውቲሆ  
ሙ ። እምሐቋሆሙ ። ወኢይትበተክ ። ቶታን ። አሣ  
አኒሆሙ ። በሊጎ ። መዓብሊሆሙ ። ወውሱቅ ።  
አቅስብቲሆሙ ። ከመ ። እብን ። ጽኑእ ። እግረ ።  
አፍራሲሆሙ ። ወመንኮራኩረ ። ሠረገላቲሆሙ ።  
ከመ ። ዐውሎ ። ይጥሕሩ ። ከመ ። አናብስት ። ወ  
ይቀውሙ ። ከመ ። ዕጉለ ። አናብስት ። ይመሥ  
ጡ ። ወይጥሕሩ ። ከመ ። አርቄ ። ዘይወዕእ ። እም  
ግቡ ። ወአልቦ ። ዘያድጎኖሙ ። ውእተ ። አሚረ ።  
የዐወደሙ ። በእንቲአሆሙ ። ከመ ። ድምፀ ። በሕ  
ር ። ዘይትሀወክ ። ወይኔጽሩ ። ውስተ ። ምድር ።

ወይሬእዩ ። ጽልመተ ። ጽፋቀ ። ወይትመንደቡ ።  
ዘኢዩኤል ። ነቢይ ። በረከቱ ። ትኩን ። ምስሌን ።  
ለዓለመ ። ዓለም ። አሜን ።

ተአመኒ ። ምድር ። ተፈሥሐ ። ወተሐሠዩ ።  
እስመ ። አዕባይ ። ሣህሎ ። እግዚአብሔር ። ከመ ።  
ይግበር ። ተአመኑ ። እንስሳ ። ገዳም ። እስመ ። በ  
ዕላ ። አሕቃላተ ። በድው ። ወፈርየ ። ዕዕ ። ወይ  
ን ። ወበለስ ። ወሀቡ ። ጎይሎሙ ። ተፈሥሐ ።  
ወተሐሠዩ ። በእግዚአብሔር ። አምላክክሙ ። ደ  
ቂቀ ። ጽዮን ። እስመ ። ወሀበክሙ ። ሲሳየ ። ጽድ  
ቅ ። ወያዘንም ። ለክሙ ። ጻደየ ። ወመፀወ ። ከመ ።  
ትከት ። ወይመልእ ። ዐውደ ። እክል ። ወይትከዐ  
ው ። ምክያደ ። ወይን ። ወዘይት ። ወአፈደዮክሙ ።  
ህየንተ ። ሣመት ። ዘበልዐ ። አንበጣ ። ወዕፄ ። ወ  
ደገብያ ። ወአናኸዕ ። ጎይልየ ። ዘፈንውኩ ። ላዕ  
ሌክሙ ። ወተሴሰዩ ። ወብልዐ ። ወጽገቡ ። ወሰብ  
ሐ ። ከመ ። እግዚአብሔር ። አምላክን ። እስመ ። ገ  
ብረ ። ለክሙ ። መንክረ ። ወኢይትጎፊሩ ። እንከ ።  
ሕዝብየ ። ለዓለም ። ወተአምሩ ። እንከ ። ከመ ። ሀ  
ሎኩ ። አን ። ማእከለ ። እስራኤል ። ወአን ። እግዚ  
አብሔር ። አምላክክሙ ። ወአልቦ ። ባዕድ ። ዘእን  
በሌየ ። ወኢይትጎፊሩ ። እንከ ። ሕዝብየ ። ለዓለ  
ም ። ወእምድጎረ ። ዝንቱ ። እክዐ ። እምን ። መን  
ፈስየ ። ላዕለ ። ሆሉ ። ዘሥጋ ። ወይትኔበየ ። ደቂ  
ቅክሙ ። ወአዋልዲክሙ ። ወሊቃውንቲክሙኒ ።  
ሕልመ ። የሐልሙ ። ወወራዘቲክሙ ። ራእየ ። ይ  
ሬእዩ ። ወላዕለ ። አግብርትየ ። ወላዕለ ። አእማት  
የ ። ይአተ ። አሚረ ። እክዐ ። እምን ። መንፈስየ ።  
ወአገብር ። ተአምረ ። በሰማይ ። በላዕሉ ። ወበም  
ድር ። በታሕቱ ። ደመ ። ወእሳተ ። ወተን ። ጠስ ።  
ፀሓይኒ ። ይጸልም ። ወወርጎኒ ። ደመ ። ይከውን ። ዘ  
እንበለ ። ትብጻሕ ። ዕለተ ። እግዚአብሔር ። ዐባይ ።  
እንተ ። ታስተርኢ ። ወኮሉ ። ዘጸውዐ ። ከመ ። እግ  
ዚአብሔር ። ይድጎን ። እስመ ። በውስተ ። ደብረ ።  
ጽዮን ። ወኢየሩሳሌም ። ይድጎን ። በከመ ። ይቤ ።  
እግዚአብሔር ። ወእለ ። ይሚህሩ ። እለ ። እግዚአ  
ብሔር ። ጸውዖሙ ። እስመ ። ይአተ ። አሚረ ። አን ።  
በእማንቱ ። መዋዕል ። እመይጥ ። ዪዋ ። ይሁዳ ።  
ወኢየሩሳሌም ። ወአስተጋብአሙ ። ለኮሉ ። አሕ

ዛብ ፡ ወአወርዶሙ ፡ ቂላተ ፡ ዮሳፍጥ ፡ ወእት  
 ዋቀሃሙ ፡ በሀዩ ፡ በእንተ ፡ ሕዝብዩ ፡ ወበእን  
 ተ ፡ ርስትዩ ፡ እስራኤል ፡ በኅበ ፡ ተዘርወ ፡ ወ  
 ስተ ፡ አሕዛብ ፡ ወተካፈሉ ፡ ምድርዩ ፡ ወተዓፀ  
 ወ ፡ ዲበ ፡ ሕዝብዩ ፡ ወወሀቡ ፡ ደቂቆሙ ፡ ለዘ  
 ማት ፡ ወሢጡ ፡ አዋልዲሆሙ ፡ ለወይን ፡ ወሰ  
 ትዩ ፡ ምንት ፡ ብዩ ፡ ምስሌክን ፡ ጠርስ ፡ ወሲዶ  
 ና ፡ ወኮሉ ፡ ገሊላ ፡ ዘኢሎፍሊ ፡ በቀለኑ ፡ ትት  
 ቤቀላኒ ፡ ወቂመኑ ፡ ትትቁየማኒ ፡ ናጡኅ ፡ ወጉ  
 ጉኣ ፡ እፈድዩክን ፡ ፍዳክን ፡ ዲበ ፡ ርእስክን ፡ ና  
 ሁ ፡ ነሃእክሙ ፡ ወርቅዩ ፡ ወብሩርዩ ፡ ወዲሥራ  
 ትዩ ፡ ወመሠንዮ ፡ አባእክሙ ፡ ቤተክሙ ፡ ወ  
 ሢጥክምምሙ ፡ ለደቂቀ ፡ ይሁዳ ፡ ወለደቂቀ ፡ ኢ  
 ዩሩሳሌም ፡ ኅበ ፡ ደቂቀ ፡ አረሚ ፡ ከመ ፡ ታጥ  
 ፍእምሙ ፡ እምብሔሮሙ ፡ ናሁ ፡ አነ ፡ አነሥ  
 አሙ ፡ እምውእቱ ፡ ብሔር ፡ ኅበ ፡ ሢጥክምም  
 ሙ ፡ ሀዩ ፡ ወእፈድዩክሙ ፡ ፍዳክሙ ፡ ዲበ ፡ ር  
 እስክሙ ፡ ወእትቤቀላሙ ፡ ለደቂቅክሙ ፡ ወ  
 ለአዋልዲክሙ ፡ በእዲሆሙ ፡ ለደቂቀ ፡ ይሁዳ ፡  
 ወእትቤቀላክሙ ፡ በኅበ ፡ ተዲወውክሙ ፡ በው  
 ስተ ፡ አሕዛብ ፡ ርሑቃን ፡ ነዋኅ ፡ እስመ ፡ እግ  
 ዘኢብሔር ፡ ነበበ ፡ ስብኩ ፡ ዘነተ ፡ ውስተ ፡ አ  
 ሕዛብ ፡ ወዐሥሩ ፡ ጸብአ ፡ ወአንሥኡ ፡ መስተ  
 ቃትላነ ፡ አውዕእምሙ ፡ ወይዕርጉ ፡ ኮሉ ፡ ዕደ  
 ው ፡ መስተቃትላን ፡ ወማሕረሰክሙኒ ፡ አግብ  
 ሩ ፡ ኮደንወ ፡ ወማዕጸደክሙኒ ፡ አግብሩ ፡ ረም  
 ሐ ፡ ድኩምኒ ፡ ይበል ፡ ጸኑዕ ፡ አነ ፡ ወይትጋ  
 ብኡ ፡ ኮሉ ፡ አሕዛብ ፡ ወይሑሩ ፡ ይዕግቱ ፡ ወ  
 ይትጋብኡ ፡ ሀዩ ፡ ዩዋሃን ፡ ይኩኑ ፡ መስተባእሳ  
 ነ ፡ ወይትነሥኡ ፡ ኮሉ ፡ አሕዛብ ፡ ወይዕርጉ ፡  
 ቂላተ ፡ ዮሳፍጥ ፡ እስመ ፡ ሀዩ ፡ እነብር ፡ ወአስ  
 ተዋቅሃሙ ፡ ለኮሉ ፡ አሕዛብ ፡ ወእለ ፡ አድያ  
 ም ፡ ፈንወ ፡ ማዕጸደ ፡ እስመ ፡ በጽሐ ፡ ማእረ  
 ር ፡ ባኡ ፡ ኪዳ ፡ እስመ ፡ መልአ ፡ ምክያድ ፡ ወ  
 ተክዕወ ፡ እምነ ፡ ምክያዳት ፡ ናሁ ፡ በዝኅ ፡ እ  
 ከዮሙ ፡ ወውዑ ፡ በቂላተ ፡ ቅሥት ፡ ወድምፁ ፡  
 እስመ ፡ አልጸቀት ፡ ዕለተ ፡ እግዚአብሔር ፡ በ  
 ውስተ ፡ ቂላተ ፡ ቅሥት ፡ ፀሓይ ፡ ይጸልም ፡ ወ  
 ወርሳኒ ፡ ደመ ፡ ይከውን ፡ ወለከዋክብትኒ ፡ ይጠ

ፍእ ፡ ብርሃኖሙ ፡ ወይኬልሕ ፡ እግዚአብሔር ፡  
 እምጽዮን ፡ ወእምኢዩሩሳሌም ፡ ይሁብ ፡ ቃሉ ፡  
 ወደድለቀልቅ ፡ ሰማይ ፡ ወምድር ፡ ወእግዚአብ  
 ሔር ፡ ይምህክ ፡ ሕዝቡ ፡ ወያጸንዶሙ ፡ እግዚአብ  
 ሔር ፡ ለደቂቀ ፡ እስራኤል ፡ ወተአምሩ ፡ እንከ  
 ከመ ፡ አነ ፡ እግዚአብሔር ፡ አምላክክሙ ፡ ዘአ  
 ኅድር ፡ ውስተ ፡ ጽዮን ፡ በደብረ ፡ መቅደስዩ ፡  
 ወትከውን ፡ ኢዩሩሳሌም ፡ ሀገረ ፡ ቅድስተ ፡ ወኢ  
 ዩኅልፍ ፡ እንከ ፡ እንተ ፡ ውስቲታ ፡ ዘእምክልእ  
 ሕዝብ ፡ ያጸንዕ ፡ ሕዝቡ ፡ በርትዕ ፡ ወበጽድቅ ፡  
 ወይከውን ፡ ይእተ ፡ አሚረ ፡ ያንጸፈጽፍ ፡ መዓ  
 ር ፡ እምአድባር ፡ ወይውሕዝ ፡ ሐሊብ ፡ እምአ  
 ውግር ፡ ወይንቅዕ ፡ ማይ ፡ በኮሉ ፡ በሓውርተ ፡  
 ይሁዳ ፡ ወይፈለፍል ፡ ነቅዕ ፡ ወይወዕእ ፡ እምቤ  
 ተ ፡ እግዚአብሔር ፡ ወይሰቂ ፡ ፈለገ ፡ ሰኪኖን ፡  
 ወይማስን ፡ ብሔረ ፡ ግብጽ ፡ ወይከውን ፡ በድ  
 ወ ፡ ኤዶምያስ ፡ ወይጠፍኡ ፡ በኅጠአቶሙ ፡  
 ለደቂቀ ፡ ይሁዳ ፡ እስመ ፡ ከዐወ ፡ ደመ ፡ ጸድቅ ፡  
 ውስተ ፡ ምድርሙ ፡ ወይሁዳስ ፡ ለዓለም ፡ ትን  
 ብር ፡ ወኢዩሩሳሌምኒ ፡ ለትውልደ ፡ ትውልድ ፡  
 ወእትቤቀል ፡ ደሞሙ ፡ ወኢያነጽሕ ፡ እስመ ፡  
 እግዚአብሔር ፡ ዩኅድር ፡ ውስተ ፡ ጽዮን ፡ ለዓለ  
 መ ፡ ዓለም ፡  
 ዘኤርምያስ ፡ ነቢይ ፡ በረከቱ ፡ ትኩን ፡ ምስሌነ ፡  
 ለዓለመ ፡ ዓለም ፡ አሚን ፡  
 መነ ፡ ውእቱ ፡ ጠቢብ ፡ ዘይሌብዎ ፡ ለዝንቱ ፡  
 ወቃለ ፡ አፋሁ ፡ ለእግዚአብሔር ፡ ኅቤሁ ፡ ይን  
 ግርክሙ ፡ በእንተ ፡ ምንት ፡ ተሀጉለት ፡ ምድ  
 ር ፡ ወጠፍአት ፡ ከመ ፡ በድው ፡ እስመ ፡ አልቦ ፡  
 ዘዩሐውራ ፡ ወይቤለኒ ፡ እግዚአብሔር ፡ እስመ ፡  
 ኅደጉ ፡ ሕዝብዩ ፡ ሕግዩ ፡ ዘወሀብክምሙ ፡ በቅ  
 ድመ ፡ ገጸሙ ፡ ወኢሰምዑኒ ፡ ቃልዩ ፡ ወሐሩ ፡  
 ወተለወ ፡ ፍትወተ ፡ ልቦሙ ፡ ወተለወ ፡ ጣዖተ ፡  
 ዘመሀርምሙ ፡ አበቂሆሙ ፡ ወበእንተ ፡ ዝከመ ፡  
 ዝ ፡ ይቤ ፡ እግዚአብሔር ፡ ጸባኣት ፡ አምላክ ፡ እ  
 ስራኤል ፡ ናሁ ፡ አነ ፡ አበልዎሙ ፡ ጸዕረ ፡ ወአሰ  
 ትዮሙ ፡ ሐሞተ ፡ ወእዘርምሙ ፡ ውስተ ፡ በሓ  
 ውርት ፡ ኅበ ፡ ኢዩአምሩ ፡ እሙንቱ ፡ ወኢአበ  
 ቂሆሙ ፡ ወእፌኑ ፡ ላዕሌሆሙ ፡ መጥባሕተ ፡

እስከ፡ አጎልቆሙ፡ ባተ፡ ። ከመ፡ ዝ፡ ይቤ፡ እግዚአብሔር፡ ጸባአት፡ ተደለዉ፡ ወጸውዕዎን፡ ለመስቄቅዎት፡ ወይም፡ ጸጸ፡ ውሳብ፡ ጠቢባት፡ ለአኩ፡ ይምጽአ፡ ወይንግራክሙ፡ ፍጡን፡ ወያስቄቅዎክሙ፡ ወያንብዓ፡ አዕይንተክሙ፡ ወየሐዝ፡ አንብዕ፡ እምቀራንብተክሙ፡ እስመ፡ ተሰምዐ፡ ቃለ፡ ብከይ፡ ውስተ፡ ጽዮን ።

አንቀጽ፡ ዕሥራ፡ ወተስዐቱ ።

እመጽሐፈ፡ ዲድስቅልያ፡ ዘአባዊን፡ ቅዱሳን፡ ሐዋርያት፡ በረከቶሙ፡ የሀሉ፡ ምስሌን፡ ለዓለመ፡ ዓለም፡ አሜን ።

በእንተ፡ ከመ፡ መፍትሔ፡ ይዕቀቡ፡ ወይፈጽሙ፡ ዕለተ፡ በዓላት፡ በፍሥሐ፡ መንፈሳዊት ። ዕቀቡ፡ እንከ፡ ዕለተ፡ በዓላት፡ በፍሥሐ፡ መንፈሳዊት፡ አ፡ ፍቅራን፡ አኅወ፡ ቀዳሚ፡ በዓል፡ ዘውእቱ፡ ልደቱ፡ ለክርስቶስ፡ ግበሩ፡ አመ፡ ዕሥራ፡ ወኅሙሱ፡ ለታስዕ፡ ወርኅ፡ በጎልቄ፡ ሐሳብ፡ ዕብራውያን፡ ወብጎልቄ፡ ሐሳብ፡ ግብጻውያን፡ አመ፡ ዕሥራ፡ ወተሱዕ፡ ለወርኅ፡ ታኅሣሥ፡ ዘውእቱ፡ ራብዓይ፡ ወርኅ ። ወእምድኅሬሁ፡ ግበሩ፡ በዓለ፡ ኤጲፋንያ፡ በዘቦቱ፡ አርአየ፡ እግዚእ፡ ስብሐተ፡ መለኮቱ፡ በውስተ፡ ጥምቀት፡ በቅድመ፡ የሐንስ፡ በፈለገ፡ ዮርዳኖስ፡ ወግበሩ፡ አመ፡ ሰቡዕ፡ ለዓሥራይ፡ ወርኅ፡ በጎልቄ፡ ሐሳብ፡ ዕብራውያን፡ ወዘሐሳብ፡ ግብጻውያን፡ አመ፡ ዐሁሩ፡ ወአሜሩ፡ ለወርኅ፡ ጥር፡ ዘውእቱ፡ ጦቢ፡ በኃምሳይ፡ ወርኅ ። ወእምድኅሬሁ፡ ዕቀቡ፡ በንጽሕ፡ አርብዓ፡ ዕለተ፡ ጸመ፡ ቅድስተ፡ እንተ፡ ይኣቲ፡ ትሜህረን፡ ዕሙና፡ ወተዕግሥተ፡ በጸም፡ ወበጸሎት፡ ዘታቀርበን፡ ኅብ፡ ክርስቶስ፡ ወትትፈጸም፡ ዛቲ፡ ጸም፡ ቅድስት፡ በዕለተ፡ ፋሲካ፡ በዘባቲ፡ ኮን፡ መድኅኒት ። ወባሕቱ፡ ይኩን፡ ቀዳሚ፡ ጸምክሙ፡ በሰኑይ፡ ዕለት፡ ወተፍጻሜቱሰ፡ በዕለተ፡ ዐርብ፡ ዘቅድመ፡ ፋሲካ ። እስመ፡ በሳኒታ፡ ሆሣዕና፡ በሰኑይ፡ ዕለት፡ ተጋብኡ፡ ዕልዋን፡ ሃይማኖት፡ ወሕግ፡ እኩያን፡ አይሁድ፡ ወተግከሩ፡ ላዕለ፡ እግዚእን፡ በቀዳሚ፡ ወርኅ፡ ብሩህ፡

ዘውእቱ፡ ሚያዝያ፡ እስመ፡ መጽአ፡ እግዚእን፡ ወእሙንቱሰ፡ ኢአምኑ፡ ቡቱ፡ ወኢተወክሩ፡ ተግሣጾ ። ወበእንተ፡ ዝ፡ ሀጎሉ፡ መድኅኒቶሙ ። ወአንትሙሰ፡ ብፀዓን፡ ወዘመድ፡ ቅዱስ፡ እስመ፡ ኢኮንክሙ፡ ከመ፡ ዘትካት፡ ሕዝብ፡ አላ፡ ድኅንክሙ፡ እምዕልወት፡ ወእምአምልክ፡ ጣዖት ። አንትሙሰ፡ ሕዝብ፡ እግዚአብሔር፡ ወለክሙ፡ ተርኅወ፡ አንቀጾ፡ ሕይወት፡ እንዘ፡ ቀዳሙ፡ ጽሉአን፡ ወምኑናን፡ አንትሙ ። ይእዜሰ፡ ኮንክሙ፡ ኅሩያኒሁ፡ ወፍቅራኒሁ፡ ወሕዝብ፡ ቅዱስ፡ ለእግዚአብሔር፡ አለ፡ ድልዋን፡ ትሰብኩ፡ መንክራቲሁ፡ ለመድኅኒን፡ እስመ፡ ይቤ፡ ረከቡኒ፡ አለ፡ ኢኅሠሠኒ፡ ወአስተርአይኩ፡ ለአለ፡ ኢኅለዩኒ ። ወእቤሎሙ፡ ለሕዝብ፡ ለአለ፡ ኢየአምኑ፡ ስምየ፡ ናሁ፡ አን፡ ኅሠሥኩክሙ፡ ወአኮ፡ አንትሙ፡ ዘኅሠሥክሙኒ፡ አላ፡ ዳእሙ፡ አመንክሙ፡ ብየ፡ ወሰማዕክሙ፡ በቤተ፡ ክርስቲያንየ፡ ሕግየ፡ ወድኅንክሙ፡ እምስሕተተ፡ አማልክት፡ ወተለውክም፡ ለእግዚአብሔር፡ አብ፡ አኃዜ፡ ነሉ፡ ወወልዱ፡ ኢየሱስ፡ ክርስቶስ ። ወኮንክሙ፡ ኅሉቃን፡ ምስለ፡ አለ፡ አምኑ፡ ብየ፡ አልፍ፡ አእላፍ፡ ወትእልፈተ፡ አእላፍት ። ወአንትሙሰ፡ ኢኮንክሙ፡ ከመ፡ አስራኤል፡ አለ፡ ኢአምኑ፡ ብየ ። ወበእንቲአሆሙ፡ አቤ፡ ነሉ፡ አሚረ፡ አነሥእ፡ እደውየ፡ ኅብ፡ ሕዝብ፡ ከለዳውያን፡ አለ፡ ኢይሰምዑ፡ ወኢይትኤዘዘ፡ ወየሐውሩ፡ ፍኖተ፡ አኪተ፡ እንተ፡ ኢኮንት፡ ወናይተ ። አላ፡ ባሕቱ፡ ሕዝብ፡ ዘይተሉ፡ ኅጠአተ፡ ወያምዕዑኒ፡ ወትረ፡ ናሁኬ፡ ርኢክሙ፡ ከመ፡ እሙንቱ፡ ዐለውዎ፡ ለእግዚአብሔር፡ ወኢአምኑ፡ ቡቱ ። ወበእንተ፡ ዝ፡ ይቤ፡ ከመ፡ አለ፡ አምዕዕዎ፡ ለመንፈስ፡ ቅዱስ፡ ሆረ፡ ልቤሙ፡ ወተወሰከ፡ ዲቤሆሙ፡ መቅደፍት፡ በእስየ፡ ኅሊናሆሙ ። እስመ፡ ይቤሉ፡ ነአምን፡ በክርስቶስ፡ ወእሙንቱሰ፡ ኢአምኑ፡ ከመ፡ ውእቱ፡ እግዚአብሔር፡ አምላክ፡ ዘተወልደ፡ እምኅብ፡ አብ፡ እምቅድመ፡ ፍጥረት፡ ወልድ፡ ዋሕድ፡ ቃለአብ ። ወእሙንቱሰ፡ ኢየአምርዎ፡ ሕጹጸን፡ ሃይ









ዝንቱ ፡ ውሉቱ ፡ አርትዖ ፡ ሃይማኖት ። እመ ፡ ቦ ፡  
 ዘኢየሱስ ፡ ከመ ፡ ዝ ፡ እስመ ፡ ቅድስት ፡ ቤተ ፡  
 ክርስቲያን ፡ ታወዕኦ ፡ ወእግዚአብሔር ፡ ፈጣሪ ፡  
 ሃ ፡ ያወግዘ ። ወከዕባ ፡ ይቤ ፡ ናጣሊስ ፡ ማኅቶት ፡  
 ብሩህ ፡ ሊቀ ፡ ጳጳሳት ፡ ዘሀገር ፡ ዐባይ ፡ ሮሜ ።  
 አኣምን ፡ ከዕባ ፡ በእንተ ፡ ሥርዐተ ፡ መድኅኒ  
 ነ ፡ በሥጋ ፤ እስመ ፡ እግዚአብሔር ፡ ቃል ፡ ነበ  
 ረ ፡ በዘዘአሁ ፡ እንዘ ፡ ኢይትዊለጥ ፡ ወእንዘ ፡  
 ኢይትመዋጥ ፡ ከነ ፡ ሥጋ ፡ ከመ ፡ ዮሐድሶ ፡ ለዕ  
 ንላ ፡ እመሕያው ። ውሉቱ ፡ ወልደ ፡ እግዚአብሔ  
 ር ፡ በልደት ፡ ቀዳማዊ ፡ እምእግዚአብሔር ፡ አብ ።  
 ወኮነ ፡ ወልደ ፡ ዕንላ ፡ እመሕያው ፡ በልደቱ ፡ ዘ  
 ይእዜ ፡ እምድንግል ፤ ወአሐዱ ፡ ውሉቱ ፡ አም  
 ላክ ፡ ፍጹም ፤ ዕሩይ ፡ ምስለ ፡ አብ ፡ በመለኮት ።  
 ወውሉቱ ፡ ከመ ፡ ብእሲ ፡ ፍጹም ፡ በልደቱ ፡ እ  
 ምድንግል ፡ ዕሩይ ፡ ምስለ ፡ ዕንላ ፡ እመሕያው ።  
 እመ ፡ ቦ ፡ ዘይብል ፡ ከመ ፡ እግዚእነ ፡ ኢየሱስ ፡  
 ክርስቶስ ፡ አውረደ ፡ ሥጋ ፡ እምሰማይ ፡ አው ፡  
 ዘይብል ፡ እስመ ፡ ሥጋሁ ፡ ለእግዚእነ ፡ ኢየሱ  
 ስ ፡ ክርስቶስ ፡ ዕሩይ ፡ ምስለ ፡ አብ ፡ በጥንተ ፡ ሀ  
 ላዌ ፡ ውጉዝ ፡ ለይኩን ። እመ ፡ ቦ ፡ ዘኢየሱስ ፡  
 ከመ ፡ ሥጋ ፡ እግዚእነ ፡ ውሉቱ ፡ እምድንግል ፡  
 ወውሉቱ ፡ ዕሩይ ፡ ምስሌነ ፡ ውጉዝ ፡ ለይኩን ።  
 እመ ፡ ቦ ፡ ዘይብል ፡ በእንተ ፡ እግዚእነ ፡ ወመድ  
 ኅኒነ ፡ ዘተወልደ ፡ እመንፊስ ፡ ቅዱስ ፡ ወእማርያ  
 ም ፡ እምቅድስት ፡ ድንግል ፡ በሥጋ ፡ ከመ ፡ ሥ  
 ጋሁ ፡ እንባለ ፡ ነፍስ ፤ አው ፡ መንፈስ ፡ ውሉቱ ፤  
 አው ፡ ነባቢ ፡ ውጉዝ ፡ ለይኩን ። እመ ፡ ቦ ፡ ዘይ  
 ትኃባል ፡ ወይብል ፡ በእንተ ፡ እግዚእነ ፡ ኢየሱ  
 ስ ፡ ክርስቶስ ፤ ከመ ፡ ሐመ ፡ በመኮት ፤ ወእኮ ፡  
 በሥጋ ፤ ኅዲነ ፡ ቃለ ፡ መጽሐፍ ፡ ዘይብል ፡ እ  
 ስመ ፡ ክርስቶስ ፡ ሐመ ፡ በእንተእነ ፡ በሥጋ ፤ ው  
 ጉዝ ፡ ለይኩን ። ወከዕባ ፡ ይቤ ፡ ማሪ ፡ ኤፍሬ  
 ም ፡ ሰርያዊ ፡ በተፍጻሚት ፡ ዝንቱ ፡ ድርሳን ፤  
 እምደብረ ፡ ሲና ፡ ወሀባ ፡ እግዚአብሔር ፡ ክል  
 ኤተ ፡ ጽላተ ፡ ዘጸሐፈ ፡ በመ ፡ ትእዘዝ ፡ በእይ  
 ሁ ። ወእምኔኪ ፡ ፈጠረ ፡ እግዚአብሔር ፡ ጽላ  
 ተ ፡ ቅዱስ ፡ ዘውሉቱ ፡ ሥጋሁ ። እምደብረ ፡ ሲ  
 ና ፡ ወዕኦ ፡ እሳት ፡ ወጽልመት ። ወእምኔኪ ፡

ወዕኦ ፡ ለነ ፡ እምላክ ፡ ወሰብእ ። እምደብረ ፡ ሲ  
 ና ፡ ወዕኦ ፡ ድንጋዒ ፡ ዐቢይ ፡ ላዕለ ፡ አይሁድ ፡  
 ወሀውክ ። ወእምኔኪ ፡ ወዕኦ ፡ ሁከት ፡ ወድንጋ  
 ዒ ፡ ዐቢይ ፡ ላዕለ ፡ አይሁድ ፡ ወሂርድስ ፡ ወዱ  
 ያብሎስ ፡ ምስለ ፡ አጋንንቲሁ ። ወከዕባ ፡ ይቤ ፡ ቅ  
 ዱስ ፡ ኢራቅሊስ ፡ ሊቀ ፡ ጳጳሳት ፡ በውስተ ፡ ድ  
 ርሳን ፡ ዘደረሰ ፡ በእንተ ፡ ሃይማኖት ፤ ዘአልቦቱ ፡  
 ሥጋ ፡ ኮነ ፡ ሥጋ ፡ ዘእንባለ ፡ ውላጤ ። ዘአልቦ  
 ቱ ፡ ጥንት ፡ ልሀቀ ፡ በባ ፡ ሕቅ ፡ በሥጋ ፡ እንዘ  
 ፍጹም ፡ በኩሉ ፡ ሀላዊሁ ። ዘኢይቀርቦ ፡ ሕማ  
 ም ፡ ተወክፊ ፡ ሕማመ ። ወኢንሥኦ ፡ ትእምርቲ ፡  
 ሕማም ፡ በዘሀሎ ፡ ቦቱ ፤ አላ ፡ ተወክፊ ፡ ሕማ  
 መ ፡ ሥጋ ፡ በዘኮነ ፡ ቦቱ ። በረከተ ፡ ጸሎቶመ ፡  
 ለእሉ ፡ መምህራን ፡ የሀሉ ፡ ምስሌነ ፡ ለዓለመ ፡  
 ዓለም ፤ አሜን ። ምንተን ፡ በል ። ወኩሉ ፡ ሥርዐተ ፡  
 ከመ ፡ ቀዳማ ።  
 ተአምሪሃ ፡ ለእግዚእትን ፡ ቅድስት ፡ ድንግል ፡  
 በክልኤ ፡ ማርያም ፡ ወላዲተ ፡ አምላክ ። ጸሎታ ፡  
 ወበረከታ ፡ የሀሉ ፡ ምስሌነ ፡ ለዓለመ ፡ ዓለም ፤  
 አሜን ።  
 ወሀሎ ፡ አሐዱ ፡ ቀሲስ ፡ በደብረ ፡ አባ ፡ መቃር  
 ስ ፡ ዘስመ ፡ ዮሐንስ ፡ ወፈራሂ ፡ እግዚአብሔር ፡  
 ውሉቱ ። ወዘልፈ ፡ ታስተርእዮ ፡ እግዚእትን ፡  
 ቅድስት ፡ ድንግል ፡ በክልኤ ፡ ማርያም ፡ ወላዲ  
 ተ ፡ አምላክ ፡ ወትትናገሮ ፡ ገሃደ ፤ እስመ ፡ ኮነ ፡  
 ያፈቅራ ፡ ፈድፋደ ፡ ወይትቀነይ ፡ ላቲ ፡ በኩሉ ፡  
 ኅይሉ ። ወአሐተ ፡ ዕለተ ፡ እንዘ ፡ ሀሎ ፡ ውስ  
 ተ ፡ በአቱ ፡ ምስለ ፡ ረድኡ ። ወከልኒኒ ፡ መነክ  
 ስ ፡ ምስሌሆመ ፡ ቦኦ ፡ ብርሃን ፡ ውስተ ፡ በአቱ ፡  
 ወኮነ ፡ አምሳለ ፡ ድንግል ፡ እንተ ፡ ባቲ ፡ ክንፍ ፡  
 ከመ ፡ ንስር ። ወሰፍሐት ፡ ክነፈሃ ፡ ላዕለ ፡ አባ ፡  
 ዮሐንስ ፡ ወጸለለቶ ፤ ወሰባ ፡ ርእዮ ፡ ረድኡ ፡ ወ  
 ዝኩኒ ፡ መነኮስ ፡ ዘሀሎ ፡ ምስሌሆመ ፡ አንክፍ ፡  
 ፈድፋደ ። ወሰብሐም ፡ ለእግዚአብሔር ፡ ወወደ  
 ስዋ ፡ ለእግዚእትን ፡ ቅድስት ፡ ድንግል ፡ በክል  
 ኤ ፡ ማርያም ፡ ወላዲተ ፡ አምላክ ፡ ዘታስተፈሥ  
 ሐመ ፡ ለእለ ፡ ይትለእክዋ ። ጸሎታ ፡ ወበረከ  
 ታ ፡ የሀሉ ፡ ምስሌነ ፡ ለዓለመ ፡ ዓለም ፤ አሜን ።  
 ለተምርኪ ፡ ናክብሮ ፡ በል ።

ተአምሪሁ ፡ ለእግዚእነ ፡ ወአምላክነ ፡ ወመድኅ  
ኒነ ፡ ኢየሱስ ፡ ክርስቶስ ፡ ሃህሉ ፡ ወምሕረቱ ፡  
የሀሉ ፡ ምስሌነ ፡ ለዓለመ ፡ ዓለም ፡ አሜን ።

ወበአሐቲ ፡ ዕለት ፡ ዐርገ ፡ እግዚእ ፡ ኢየሱስ ፡  
ኢየሩሳሌም ፡ ወዐአ ፡ ውስተ ፡ ቤተ ፡ መቅደስ ፡  
ወምስሌሁ ፡ ብዙኃን ፡ አሕዛብ ፡ እምአይሁድ ፡  
ወእምጸሐፍቶሙ ። ወአኅዙ ፡ አይሁድ ፡ ይትና  
ገሩ ፡ በበይኖቲሆሙ ፡ ወያንክሩ ፡ በእንተ ፡ ሕ  
ንጸሃ ፡ ለቤተ ፡ መቅደስ ፡ ወዕበያ ፡ ወጽንዓ ። ወ  
እምዝ ፡ ይቤልዎ ፡ ለእግዚእ ፡ ኢየሱስ ፡ አ ፡ ለ  
ቅ ፡ ትሬኢን ፡ ለዛቲ ፡ መቅደስ ፡ ዕበያ ፡ ወክብ  
ፈ ፡ ወሰርዓ ፡ ወይቤሎሙ ፡ እግዚእ ፡ ኢየሱስ ፡  
እወ ፡ ሠናይት ፡ በከመ ፡ ትቤሉ ። ወባሕቱ ፡ እ  
መ ፡ ፈቀድክሙ ፡ አንጎልዎ ፡ ወአነ ፡ አነሥአ ፡  
በሠሉስ ፡ ዕለት ። ወይቤልዎ ፡ አይሁድ ፡ በእን  
ተ ፡ ዝንቱኬ ፡ ነገር ፡ ያስተሐብዓኩ ፡ ሕዝብ ። ወ  
ይቤሎሙ ፡ እግዚእ ፡ ኢየሱስ ፡ እመሰ ፡ ያስተ  
አብዓ ፡ ነገርየ ፡ ቦነ ፡ ትክሉ ፡ ታስተሐቅሩ ፡ ነገ  
ርየ ፡ ወተአምራተ ፡ ዘእገብር ። ወይቤልዎ ፡ እ  
መ ፡ ገበርከ ፡ መንክረ ፡ ንሬኢ ፡ ወኢናስተሐቅ  
ር ፡ ቃለከ ፤ እስመ ፡ ትትናገር ፡ ዘኢይደሉ ፡ ወ  
ትሬሲ ፡ ርእሰከ ፡ አምላክ ። ወይቤሎሙ ፡ እግዚ  
እ ፡ ኢየሱስ ፡ እመሰ ፡ ኢገበርኩ ፡ ዘይመስል ፡  
ግብር ፡ ለአቡየ ፡ ኢትአመኑኒ ። ሃህሉ ፡ ወም  
ሕረቱ ፡ የሀሉ ፡ ምስሌነ ፡ ለዓለመ ፡ ዓለም ፡ አ  
ሜን ።

እመ ፡ ትመጽእ ፡ በል ። (ይጻ) ፡ እስመ ፡ ህየ ፡ ዐርገ ፡ እሕዛብ ፡  
ሕዝብ ፡ እግዚአብሔር ፡ ስምዐ ፡ እበራኤል ፡ ከመ ፡ ይገንደ ፡ ለ  
ስምዐ ፡ እግዚእ ።

ወንጌል ፡ ዘዮሐንስ ።

ወእምድኅረ ፡ ዝንቱ ፡ ወረዳ ፡ ቅፍርናሐም ፡ ው  
እቱ ፡ ወእመ ፡ ወአኅዊሁ ፡ ወአርዳኢሁ ፡ ወነበ  
ሩ ፡ ህየ ፡ ኅዳጠ ፡ መዋዕለ ፡ ወአክ ፡ ብዙኅ ። ወቀ  
ርበ ፡ ፋሲክሆሙ ፡ ለአይሁድ ፡ ወዐርገ ፡ እግዚእ ፡  
ኢየሱስ ፡ ኢየሩሳሌም ። ወረከበ ፡ በምክራብ ፡ እ  
ለ ፡ ይሠይጡ ፡ አልሕምተ ፡ ወአባግዐ ፡ ወአርጋበ ፡  
ወመወልጣነ ፡ እንዘ ፡ ይነብሩ ። ወገብረ ፡ መቅሠ  
ፍተ ፡ ጥብጣቤ ፡ ዘሐብል ፡ ወሰደደ ፡ ኩሉ ፡ እም  
ክራብ ፡ አባግዐኒ ፡ ወአልሕምተኒ ፡ ወዘረወ ፡ ወር

ቆሙ ፡ ለመወልጣን ፡ ወገናትዐ ፡ ግእዳቲሆሙ ።  
ወይቤሎሙ ፡ ለእለ ፡ ይሠይጡ ፡ አርጋበ ፡ አሰስ  
ሉ ፡ ዘንተ ፡ እምዝየ ፡ ወኢትረስዩ ፡ ቤተ ፡ አቡየ ፡  
ቤተ ፡ ምሥያጥ ። ወተዘከሩ ፡ አርዳኢሁ ፡ ከመ ፡  
ጽሑፍ ፡ ውእቱ ፡ ዘይብል ፡ ቅንአተ ፡ ቤትክ ፡ በል  
ዐኒ ። ወአውሥእም ፡ አይሁድ ፡ ወይቤልዎ ፡ ምን  
ተ ፡ ትእምርተ ፡ ታርኢ ፡ ዘዘንተ ፡ ትገብር ፡ ወአ  
ውሥእ ፡ እግዚእ ፡ ኢየሱስ ፡ ወይቤሎሙ ፡ ንሥ  
ትም ፡ ለዝንቱ ፡ ቤተ ፡ መቅደስ ፡ ወበሠሉስ ፡ ዕለ  
ት ፡ አነሥአ ። ወይቤልዎ ፡ አይሁድ ፡ በአርብዓ ፡  
ወስድስቱ ፡ ዓመት ፡ ተሐንጸ ፡ ዝንቱ ፡ ቤተ ፡ መ  
ቅደስ ፡ ወአንተስ ፡ በሠሉስ ፡ መዋዕል ፡ ታንሥ  
አ ። ወውእቱሰ ፡ በእንተ ፡ ቤተ ፡ ሥጋሁ ፡ ይቤ  
ሎሙ ። ወአመ ፡ ተንሥአ ፡ እምነ ፡ ምወታን ፡  
ተዘከሩ ፡ አርዳኢሁ ፡ ከመ ፡ በእንተ ፡ ዝ ፡ ይቤ ፡  
ወአምኑ ፡ በቃለ ፡ መጻሕፍት ፡ ወበቃለ ፡ እግዚ  
እ ፡ ኢየሱስ ፡ ዘይቤሎሙ ። ወአንዘ ፡ ሀሎ ፡ እግ  
ዚእ ፡ ኢየሱስ ፡ ኢየሩሳሌም ፡ በበዓለ ፡ ፋሲክ ፡  
ብዙኃን ፡ አምኑ ፡ በስሙ ፡ ሰበ ፡ ርእዩ ፡ ተአም  
ረ ፡ ዘገብረ ። ወውእቱሰ ፡ እግዚእ ፡ ኢየሱስ ፡ ኢ  
የአምኖሙ ፡ እስመ ፡ የአምርሙ ፡ በኩሉ ፡ ለለ ፡  
አሐዳ ፡ ወኢይፈቅድ ፡ ይንግርዎ ፡ ግዕዝ ፡ ለሰ  
ብኢ ፡ እስመ ፡ ለሊሁ ፡ የአምር ፡ ለሰብእ ።

ደገረ ፡ ወንጌል ፡ በባድባቱ ፡ ሰዓት ፡ እምስተ ፡ ሰንደ ።

አ ፡ ለዛቲ ፡ ድፍረት ፡ እንተ ፡ ገበርካሃ ፡ ሕዝበ ፡  
እስራኤል ፡ ዘጥሩይ ፡ ቀዳሙ ፡ ለእግዚአብሔር ፡  
ወዖረ ፡ ልበ ፡ ከህናቲከ ። መካነ ፡ ስርየት ፡ ከ  
ነ ፡ መካነ ፡ ጎጠኢት ፡ ወመካነ ፡ አልሕምት ፡ ወረ  
ሰይክምዎ ፡ ማኅደረ ፡ ዐመፃ ፡ ወማኅደረ ፡ አማል  
ክት ፡ ወአባግዕ ፡ ወመወልጣን ፡ ወእለ ፡ ይሠይ  
ጡ ፡ አርጋበ ። ምንት ፡ ውእቱ ፡ ረባሕ ፡ ዘምሉ  
እ ፡ ኩሉ ፡ ነውረ ፡ ወዘንተ ፡ ዐምዖ ፡ እንተ ፡ ገ  
በርክምዎ ፡ ሰበ ፡ ርእዩ ፡ ወልደ ፡ እግዚአብሔር ፡  
ኅበ ፡ ቤተ ፡ አቡሁ ፡ እንዘ ፡ ይገብሩ ፡ ዘንተ ፡ በ  
ውስቱታ ፡ እስመ ፡ እሙንቱ ፡ ረሰይዎ ፡ ማኅደ  
ረ ፡ ለፊያት ፡ ወመሠጥ ፡ ወዐማዕያን ፡ ወቤተ ፡  
መንገድ ። ወአውፅኦ ፡ አልሕምተ ፡ ወአባግዐ ፡  
ወመናብርቲሆሙ ፡ ለእለ ፡ ይሠይጡ ፡ አርጋበ ፡  
ወማእዳቲሆሙ ፡ ለመወልጣን ፡ ገንጸለ ። ወሰበ ፡

ርእዮ ፡ አርዳሊሁ ፡ ዘንተ ፡ አእመሩ ፡ ከመ ፡ ጽሑፍ ፡ በእንቲአሁ ፡ ዘይቤ ፡ እስመ ፡ ቅንአተ ፡ ቤትክ ፡ በልዐረ ፡ ገብረ ፡ ከመ ፡ ዝ ፡ ዘእንበለ ፡ ፍርሀት ፡ ሥልጣንክ ፡ በሰማይ ፡ ወበምድር ፡ ወፍርሀትክ ፡ እግዚአ ፡ አንቀልቀለ ፡ አድብረ ፡ ወለእስራኤልሰ ፡ አብድ ፡ ናሁ ፡ ከደነት ፡ ላዕሌሁ ፡ ረድኤቱ ፡ ክርስቶስ ፡ መድኅኒኒ ፡ መጽአ ፡ ወሐመ ፡ ወበሕማማቲሁ ፡ አድኅነኒ ።

ጸልዮ ፡ በእንተ ፡ ጸንቦ ፡ ዘቲ ፡ በል ፡ ክርስቶስ ፡ እምላክን ፡ በል ፡ ስላም ፡ ለኪ ፡ ማርያም ፡ ሰብሐት ፡ ነ ፡ ዘተፈኖክ ፡ በል ፡ ግናይ ፡ ለክሙ ፡ ሥሉስ ፡ ቅዱስ ፡ ሊሱያን ፡ አካል ፡ ወገጽ ፡ በል ፡ ወክሎ ፡ ሥርዐት ፡ ከመ ፡ ቀዳሚ ።

ወይትጋብኦ ፡ ክህናት ፡ ውበተ ፡ ቤተ ፡ ክርስቲያን ፡ በጊዜ ፡ ተበዐቁ ፡ ሰዓት ፡ ወይጸልዮ ፡ መዝሙረ ፡ ዳዊት ፡ ዘይቤ ፡ እግዚአብሔር ፡ ቆመ ፡ ውበተ ፡ ማኅበረ ፡ እማልክት ፡ እባክ ፡ ገብ ፡ ይብል ፡ ወበብሐቲሁን ፡ ይንብር ፡ ለዓለም ፡ ወውዳሴሃ ፡ ለማርያም ፡ ዘይትጋብክ ፡ በዕለተ ፡ ገመስ ፡ ወእምዝ ፡ ይበሉ ፡ ዐወርተ ፡ ወክልኤት ፡ ጊዜ ፡ ለክ ፡ ገይል ፡ ወእምዝ ፡ ይበል ፡ መራሲ ፡ (በደ) ፡ ስምዕሎ።

ምንጣብ ፡ ዘተስዐቱ ፡ ሰዓት ።

አሪት ፡ ዘልደት ።

ወነሥአ ፡ እግዚአብሔር ፡ ለዕንላ ፡ እመሕያው ፡ ዘገብረ ፡ ወሚሞ ፡ ውስተ ፡ ገነት ፡ ከመ ፡ ይትገበራ ፡ ወይዕቀባ ፡ ወአዘዘ ፡ እግዚአብሔር ፡ ለአዳም ፡ ወይቤሎ ፡ እምክሉ ፡ ዕዕ ፡ ዘሀሎ ፡ ውስተ ፡ ገነት ፡ ብላዕ ፡ ወእምዕዕሰ ፡ ዘያሌቡ ፡ ሠናዩ ፡ ወእኩዩ ፡ ኢትብላዕ ፡ እስመ ፡ በዕለት ፡ እንተ ፡ ትበልዕ ፡ እምኒሁ ፡ ሞተ ፡ ትመውት ። ወይቤ ፡ እግዚአብሔር ፡ ኢኮነ ፡ ሠናይ ፡ ለዕንላ ፡ እመሕያው ፡ ይንብር ፡ ባሕቲቶ ፡ ንግበር ፡ ሎቱ ፡ ቢጸ ፡ ዘትረድኦ ፡ ወገብረ ፡ እግዚአብሔር ፡ ዓዲ ፡ አራዊተ ፡ ገዳም ፡ እምነ ፡ ምድር ፡ ወክሎ ፡ አዕዋፊ ፡ ሰማይ ፡ ወእምጽአሙ ፡ ኅበ ፡ አዳም ፡ ከመ ፡ ይርአይ ፡ ወምንተ ፡ ይሰምዮሙ ፡ ወክሎ ፡ ዘሰመዮሙ ፡ አዳም ፡ ለለ ፡ ነፍሰ ፡ ሕይወት ፡ ውእቱ ፡ ይኩን ፡ ስሞሙ ፡ ወሰመዮሙ ፡ አዳም ፡ ክሎ ፡ አስማቲሆሙ ፡ ለእንሰሳ ፡

ወለአዕዋፊ ፡ ሰማይ ፡ ወለክሎ ፡ አራዊተ ፡ ገዳም ፡ ወለአዳምሰ ፡ ኢተረክበ ፡ ረድኤቱ ፡ ዘከማሁ ፡ ወፈነወ ፡ እግዚአብሔር ፡ ድቃሰ ፡ ላዕለ ፡ አዳም ፡ ወኖመ ፡ ወነሥአ ፡ አሐደ ፡ እምዕዕመ ፡ ገብሁ ፡ ወመልአ ፡ ሥጋ ፡ መከና ፡ ወነደቃ ፡ እግዚአብሔር ፡ ለይእቲ ፡ ዐፅመ ፡ ገብ ፡ እንተ ፡ ነሥአ ፡ እምነ ፡ አዳም ፡ ወረሰያ ፡ ብእሲቶ ፡ ወእምጽአ ፡ ገብ ፡ አዳም ፡ ወይቤ ፡ አዳም ፡ ዝንቱ ፡ ዐፅም ፡ እምዕዕምዩ ፡ ወሥጋ ፡ እምሥጋዩ ፡ ዘቲ ፡ ለትኩነኒ ፡ ብእሲትዩ ፡ እስመ ፡ እምታ ፡ ወዕአት ፡ ይእቲ ፡ ወበእንተ ፡ ዝንቱ ፡ ዩኅድግ ፡ ብእሲ ፡ አባሁ ፡ ወእሞ ፡ ወይተልዋ ፡ ለብእሲቱ ፡ ወይከውኑ ፡ ክልኢሆሙ ፡ አሐደ ፡ ሥጋ ፡ ወሀለወ ፡ አዳም ፡ ወብእሲቱ ፡ ዕራቃኒሆሙ ፡ ወኢዮኅናኑ ፡ ወእርዌ ፡ ምድርሰ ፡ ትጠብብ ፡ እምነ ፡ ክሎ ፡ አርዌ ፡ ዘውስተ ፡ ምድር ፡ ዘገብረ ፡ እግዚአብሔር ፡ ወትቤላ ፡ አርዌ ፡ ምድር ፡ ለብእሲት ፡ ምንትኑ ፡ ውእቱ ፡ ዘይቤለክሙ ፡ እግዚአብሔር ፡ ኢትብልዐ ፡ እምዕዕ ፡ ዘውስተ ፡ ገነት ፡ ወትቤላ ፡ ብእሲት ፡ ለአርዌ ፡ ምድር ፡ እምነ ፡ ዕዕ ፡ ዘይፈሪ ፡ ውስተ ፡ ገነት ፡ ንበልዕ ፡ ወእምነ ፡ ፍሬ ፡ ዕዕሰ ፡ ዘሀሎ ፡ ማእከለ ፡ ገነት ፡ ባሕቲ ፡ ይቤለኒ ፡ እግዚአብሔር ፡ ከመ ፡ ኢንብላዕ ፡ እምኒሁ ፡ ወከመ ፡ ኢንግስሶ ፡ ከመ ፡ ኢንሙት ፡ ወትቤላ ፡ አርዌ ፡ ምድር ፡ ለብእሲት ፡ አክ ፡ ሞተ ፡ ዘትመውቱ ፡ አላ ፡ እስመ ፡ ዩአምር ፡ እግዚአብሔር ፡ ከመ ፡ አመ ፡ ዕለተ ፡ ትበልዐ ፡ እምኒሁ ፡ ይትፈታሕ ፡ ዐይንክመ ፡ ወትከውኑ ፡ ከመ ፡ አማልክት ፡ ወተአምሩ ፡ ሠናዩ ፡ ወእኩዩ ፡ ወሰበ ፡ ርእዮት ፡ ብእሲት ፡ ከመ ፡ ሠናይ ፡ ዕዕ ፡ ለበሊዕ ፡ ወሠናይ ፡ ለአዕይንት ፡ ወለርእይ ፡ ወሠናዩ ፡ ያጤይቅ ፡ ነሥአት ፡ ፍሬሁ ፡ ወበልዐት ፡ ወወሀበቶ ፡ ለብእሲሃ ፡ ምስሌሃ ፡ ወበልዐ ፡ ወተፈትሐ ፡ ዐይኖሙ ፡ ለክልኢሆሙ ፡ ወአእመሩ ፡ ከመ ፡ ዕራቃኒሆሙ ፡ እሙንቱ ፡ ወሰፊዩ ፡ ቁጽለ ፡ በለክ ፡ ወገብሩ ፡ ሎሙ ፡ መዋርእተ ፡ ወሰምዑ ፡ ቃለ ፡ እግዚአብሔር ፡ እንዘ ፡ ዩሐውር ፡ ውስተ ፡ ገነት ፡ ፍና ፡ ሠርክ ፡ ወተኅብኢ ፡ አዳም ፡ ወብእሲቱ ፡ እምቅድመ ፡

እግዚአብሔር ፣ ማእከላ ፣ ፀዋሃ ፣ ለገንት ። ወጸ  
 ውዳ ፣ እግዚአብሔር ፣ ለአዳም ፣ ወይቤሎ ፣ አ  
 ይቲ ፣ አንተ ፣ ወይቤሎ ፣ አዳም ፣ ቃለክ ፣ ሰማ  
 ዕኩ ፣ እንዘ ፣ ታንሶሱ ፣ ውስተ ፣ ገንት ፣ ወራራ  
 ሀኩ ፣ እስመ ፣ ዕራቅዩ ፣ እን ፣ ወተኅባእኩ ። ወይ  
 ቤሎ ፣ እግዚአብሔር ፣ መኑ ፣ አይደቦክ ፣ ከመ ፣  
 ዕራቅክ ፣ አንተ ፣ ሰበ ፣ አክ ፣ ዘበላዕክ ፣ ዘንተ ፣  
 ዕፀ ፣ ዘአን ፣ ከላእኩክ ። ወይቤ ፣ አዳም ፣ ብእሲ  
 ትዩ ፣ አንተ ፣ ወሀብከኒ ፣ ምስሌዩ ፣ ትንበር ፣ ይ  
 አቲ ፣ ወሀብተኒ ፣ ወበላዕኩ ። ወይቤላ ፣ እግዚአ  
 ብሔር ፣ ለብእሲት ፣ ዘንተኑ ፣ ገበርኪ ፣ ወትቤ ፣  
 ብእሲት ፣ አርዌ ፣ ምድር ፣ አስፊጠተኒ ፣ ወበላ  
 ዕኩ ። ወይቤላ ፣ እግዚአብሔር ፣ ለአርዌ ፣ ምድ  
 ር ፣ እስመ ፣ ገበርኪዮ ፣ ለዝንቱ ፣ ርግምተ ፣ ኩኒ ፣  
 እምኩሉ ፣ እንስሳ ፣ ወእምኩሉ ፣ አራዊተ ፣ ም  
 ድር ፣ በእንግድግኪ ፣ ሐራ ፣ ወመሬተ ፣ ብልጺ ፣  
 ኩሉ ፣ መዋዕለ ፣ ሕይወትኪ ። አስተጻርር ፣ ማእ  
 ከሌኪ ፣ ወማእከላ ፣ ብእሲት ፣ ወማእከላ ፣ ዘርዕ  
 ኪ ፣ ወማእከላ ፣ ዘርግ ፣ ውእቱ ፣ ለይዕቀብ ፣ ርአ  
 ሰኪ ፣ ወአንቲ ፣ ዕቀቢ ፣ ሰኩኅሁ ፣ ወለብእሲት  
 ኒ ፣ ይቤላ ፣ ብዙኅ ፣ አበዝኖ ፣ ለሕማምኪ ፣ ወለ  
 ጸዕርኪ ፣ በሕማም ፣ ለጺ ፣ ወወሊደኪ ፣ ይኩን ፣  
 ምግባእኪ ፣ ኅዘ ፣ ምትኪ ፣ ወውእቱ ፣ ይቅንደኪ ።  
 ወለአዳምሰ ፣ ይቤሎ ፣ እስመ ፣ ሰማዕክ ፣ ቃለ ፣  
 ብእሲትክ ፣ ወበላዕክ ፣ እምን ፣ ውእቱ ፣ ዕዕ ፣ ዘ  
 አዘዝኩክ ፣ ከመ ፣ ኢትብላዕ ፣ ርግምተ ፣ ትኩን ፣  
 ምድር ፣ በተግባርክ ፣ ወበሐዘን ፣ ብላዕ ፣ ኩሉ ፣  
 መዋዕለ ፣ ሕይወትክ ፣ ሦክ ፣ ወአሜከላ ፣ ይብቀ  
 ልክ ፣ ወብላዕ ፣ ሣዕሪ ፣ ገዳም ፣ ወበሀፈ ፣ ገጽክ ፣  
 ብላዕ ፣ ኅብስተክ ፣ እስክ ፣ ትገብእ ፣ ውስተ ፣ መ  
 ሬት ፣ አንተ ፣ እምኔሃ ፣ ወግእክ ፣ እስመ ፣ መሬ  
 ት ፣ አንተ ፣ ወውስተ ፣ መሬት ፣ ትገብእ ። ወሰ  
 መዩ ፣ አዳም ፣ ስመ ፣ ብእሲቱ ፣ ሕይወት ፣ እስመ ፣  
 እምመ ፣ ይእቲ ፣ ለሕያዋን ፣ ወገብሪ ፣ እግዚአ  
 ብሔር ፣ ለአዳም ፣ ወለብእሲቱ ፣ አዕዳለ ፣ ዘማእ  
 ስ ፣ ወአልበሶመ ። ወይቤ ፣ እግዚአብሔር ፣ ና  
 ሁ ፣ አዳም ፣ ኮነ ፣ ከመ ፣ አሐዱ ፣ እምኔነ ፣ ዘዩአ  
 ምር ፣ ሠናዩ ፣ ወእኩዩ ። ወይእዚኒ ፣ ዮጊ ፣ ያሌ  
 ዕል ፣ እዲሁ ፣ ወይነሥእ ፣ እምዕፀ ፣ ሕይወት ፣

ወይቤልዕ ፣ ወዩሐዩ ፣ ለዓለም ። ወአውዕኦ ፣ እግዚ  
 እ ፣ እግዚአብሔር ፣ ለአዳም ፣ እምን ፣ ገንተ ፣ ተ  
 ድላ ፣ ከመ ፣ ይትገበራ ፣ ለምድር ፣ አንተ ፣ እም  
 ኔሃ ፣ ወዕኦ ። ወአውዕኦ ፣ ለአዳም ፣ ወአገደሮ ፣  
 ቅድመ ፣ ገንተ ፣ ትፍሥሕት ፣ ወአዘዘመ ፣ ለኪሩ  
 ቤል ፣ በሰይፈ ፣ አሳት ፣ አንተ ፣ ትትመደዩጥ ፣ ከ  
 መ ፣ ይዕቀቡ ፣ ፍኖተ ፣ ዕፀ ፣ ሕይወት ።  
 ዘእሳይደስ ፣ ነቢይ ። በረከቱ ፣ ትኩን ፣ ምስሌነ ፣  
 ለዓለመ ፣ ዓለም ፣ አሜን ።  
 ገሥጽዎመ ፣ ለሕዝብዩ ፣ ይቤ ፣ እግዚአብሔር ።  
 ከህኅትኒአ ፣ ንብብዋ ፣ ለኢዩሩሳሌም ፣ ውስተ ፣ ል  
 ባ ፣ ወገሥጽዋ ፣ እስመ ፣ ብዙኅ ፣ ኅሳራ ። ተፈ  
 ትሐ ፣ ኅጠአታ ፣ ወተፈደዩት ፣ እምእደ ፣ እግዚ  
 አብሔር ፣ ክዕበተ ፣ ኅጠአታ ። ቃለ ፣ ዐዋዲ ፣  
 በገዳም ፣ ጸሐ ፣ ፍኖተ ፣ እግዚአብሔር ፣ ወዐር  
 ዩ ፣ መጽያሕቶ ፣ ለአምላክክመ ። ኩሉ ፣ ማዕ  
 ምቅ ፣ ይምላእ ፣ ወኩሉ ፣ ደብር ፣ ወወግር ፣ ይ  
 ተሐት ። ወይኩን ፣ ኩሉ ፣ መብእስ ፣ መጽያሕ  
 ተ ፣ ወይኩን ፣ ቁላ ፣ ምድረ ፣ ርሐብ ። ወያስ  
 ተርኢ ፣ ስብሐተ ፣ እግዚአብሔር ፣ ወይርአይ ፣  
 ኩሉ ፣ ዘነፍስ ፣ መድኅኒተ ፣ እግዚአብሔር ። እ  
 ስመ ፣ እግዚአብሔር ፣ ነበበ ፣ ቃለ ፣ ዘይብል ፣  
 ክላሕ ፣ ወእቤ ፣ ምንተ ፣ እኩልሕ ፣ ኩሉ ፣ ሥ  
 ጋ ፣ ከመ ፣ ሣዕር ፣ ወኩሉ ፣ ክብሩ ፣ ለሰብእ ፣  
 ከመ ፣ ፍሬ ፣ ሣዕር ፣ ይዩብስ ፣ ሣዕሩ ፣ ወይወድ  
 ቅ ፣ ፍሬሁ ፣ እስመ ፣ መንፈሰ ፣ እግዚአብሔር ፣  
 ይነብብ ፣ ቦቱ ፣ አኮኑ ፣ ሣዕር ፣ ሕዝብ ፣ ይዩብስ ፣  
 ሣዕር ፣ ወይትነገፍ ፣ ጽጌ ፣ ወቃለ ፣ እግዚአብሔ  
 ርሰ ፣ ይነብር ፣ ለዓለም ።  
 ምሳልያተ ፣ ሰሎሞን ፣ በረከቱ ፣ ትኩን ፣ ምስሌነ ፣  
 ለዓለመ ፣ ዓለም ፣ አምን ።  
 ለአእምሮ ፣ ጥበብ ፣ ወተግሣጽ ፣ ወለአእምሮ ፣  
 ቃለ ፣ ጥበብ ፣ ወለተወክሮ ፣ ተመይመ ፣ ቃል ፣  
 ወለአእምሮ ፣ ጽድቅ ፣ ዘበአማን ፣ ወለአርትዖ ፣  
 ፍትሕ ፣ ከመ ፣ ዩሀቦመ ፣ ጥበብ ፣ ለዩዋሃን ፣ ወለ  
 ሕፃናት ፣ ወለወሬዛ ፣ ተዐውቆ ፣ ወአእምሮ ። ዘ  
 ንተ ፣ እምከመ ፣ ሰምዐ ፣ ጠቢብ ፣ ይዌስክ ፣ ጥበ  
 ባ ። ዘዩአምርሰ ፣ አጥረዩ ፣ ኅዳፈ ፣ ወዩአምር ፣

ምሳሌ፡ ወስወረ ። ነገረ ፡ ጠቢባን ፡ በቅጽብት ።  
 ቀዳሚያ ፡ ለጥበብ ፡ ፈሪሀ ፡ እግዚአብሔር ፡ ወአእ  
 ምሮ ፡ ሠናይት ፡ ለኩሉ ፡ ዘይገብረ ። ፈሪሀ ፡ እ  
 ግዚአብሔር ፡ ቀዳሚ ፡ ተዐውቆ ። ጥበብ ፡ ወተ  
 ግሣጸ ፡ ይሚንኑ ፡ ረሲዓን ። ስማዕ ፡ ወልድዮ ፡  
 ሕገገ ፡ አቡከ ፡ ወኢትትሀዩይ ፡ ትእዛዘ ፡ እምከ ።  
 አክሌለ ፡ ክብር ፡ ትነሥእ ፡ ለርእስከ ፡ ወባዝግ  
 ና ፡ ወርቅ ፡ ለክሣድከ ።

ሃይማኖት ፡ አበው ።

ይቤ ፡ አብ ፡ ቅዱስ ፡ አፍርስዮስ ፡ ርእስ ፡ ኤጲ  
 ስቆጶሳት ፡ ዘሀገረ ፡ አርማንያ ፡ ይብሀሙ ። እን  
 ከሰ ፡ ወይትገሠጸ ፡ ነባብያነ ፡ ከንቱ ፡ እምነገሮ  
 ሙ ፡ በከመ ፡ ጽሑፍ ፡ እስመ ፡ መንግሥተ ፡ እግ  
 ዚአብሔር ፡ አከ ፡ ይእቲ ፡ በሥምረተ ፡ ሰብእ ፡  
 አላ ፡ በዘከሠተ ፡ ኃይለ ፡ መንፈስ ። ነትዐቀብ ፡  
 እንከ ፡ ወኢንክፍል ፡ መለኮተ ፡ እምሥጋ ። እን  
 ዘ ፡ አሐዱ ፡ ውእቱ ፡ ወልደ ፡ እግዚአብሔር ፡  
 ይትናገር ፡ በክልኤቱ ፡ እስመ ፡ ቦቱ ፡ ክልኤቱ ፡ ህ  
 ላውያት ፡ ወአሐዱ ፡ ውእቱ ፡ ባሕቲቱ ። አሐደ ፡  
 ጊዜ ፡ ይትናገር ፡ ዘከመ ፡ ስብሐተ ፡ መለኮት ፡  
 ወአሐደ ፡ ጊዜ ፡ ዘከመ ፡ ሕማመ ፡ ትስብእት ።  
 እስመ ፡ ውእቱ ፡ እግዚአብሔር ፡ ይሚሀር ፡ በመ  
 ለኮት ፡ ወውእቱ ፡ ቃለ ፡ እግዚአብሔር ፡ ወዘከ  
 መ ፡ ሰብእ ፡ ይብል ፡ በእንተ ፡ ትስብእት ፡ እን  
 ዘ ፡ አሐዱ ፡ ህላዌ ፡ ውእቱ ። ዝንቱ ፡ ውእቱ ፡  
 ኅብስተ ፡ ሕይወት ፡ ዘወረደ ፡ እምሰማያት ። ወኅ  
 ብስትሰ ፡ ውእቱ ፡ ሥጋ ፡ ዘነሥእ ፡ በከመ ፡ ይቤ ፡  
 በእንተ ፡ ኅብስት ፡ ዘወሀበ ፡ ለአርዳኢሁ ፡ ዝን  
 ቱ ፡ ውእቱ ፡ ሥጋዩ ፡ ዘወረደ ፡ እምሰማይ ፡ ዘአ  
 ንጽሐ ፡ አብ ፡ ወፈንዎ ፡ ውስተ ፡ ዓለም ። ወአ  
 ከ ፡ መጽሐፍ ፡ ዘይነግር ፡ ከመ ፡ መለኮት ፡ ይፈ  
 ቅድ ፡ ንጽሐ ፡ አላ ፡ ይቤ ፡ በእንተ ፡ ሥጋ ። ወ  
 ካዕበ ፡ ይቤ ፡ ቅዱስ ፡ ዮሐንስ ፡ ኤጲስቆጶስ ፡ ዘኢ  
 ዩሩሳሌም ፡ በሥርዐተ ፡ ኑባሬ ፡ ሃይማኖት ፡ ነአ  
 ምን ፡ በአሐዱ ፡ መለኮት ፡ ወአሐዱ ፡ ህላዌ ፡ ዘ  
 ሥሉስ ፡ ቅዱስ ፡ ዘንሰግድ ፡ ሎሙ ፡ በእምልኮ ፡  
 ዘውእቶሙ ፡ አብ ፡ ወወልድ ፡ ወመንፈስ ፡ ቅዱ  
 ስ ። ወነእምን ፡ ከመ ፡ እሙንቱ ፡ ሠለስቱ ፡ አክ  
 ላት ፡ ፍጹማን ፡ በገጻት ፡ ወዕሩያን ፡ በመለኮት ፡

ወበህላዌ ፡ ወበብሉዩ ፡ መዋዕልና ፡ ወበስብሐት ፡  
 ወኅይል ፡ ወበህልዎ ፡ እንበለ ፡ ውላጤ ። ወለዘ  
 ሰ ፡ ኢዩአምን ፡ ዘንተ ፡ ከመ ፡ ዝ ፡ ንሕነ ፡ ናወ  
 ግዘ ፡ በእንተ ፡ ትሥጉቱ ፡ ወበእንተ ፡ ትስብእ  
 ቱ ፡ ለእግዚእነ ፡ ወአምላክነ ፡ ኢዩሱስ ፡ ክርስ  
 ቶስ ፡ ንብል ፡ እስመ ፡ እግዚአብሔር ፡ ቃል ፡ ቀ  
 ዳማዊ ፡ ወልደ ፡ እግዚአብሔር ፡ መለኮታዊ ፡ በ  
 እንተ ፡ መድኅኒተ ፡ ትዝምደ ፡ ዕንላ ፡ እመሕያ  
 ው ፡ ተወልደ ፡ እምእግዝእትነ ፡ ማርያም ፡ ድን  
 ግል ፡ ቅድስት ፡ ወወዕኦ ፡ እምብእሲት ፡ ብከመ ፡  
 ይቤ ፡ ሐዋርያ ፡ ወሶበ ፡ ተሠገወ ፡ እምኔሃ ፡ ተዓ  
 ረዮ ፡ ምስሌነ ፡ ወተወገሠ ፡ በእንቲአነ ፡ ሕማመ ፡  
 በበእማን ፡ ወአክ ፡ በምትሀት ። ሶበሂ ፡ ቀሠፍዎ ፡  
 ወተወክፈ ፡ ሕማመ ፡ እምጲላዕስ ፡ ተዐውቆ ፡  
 ሕማም ፡ ወዝብጠት ፡ ከማነ ። ሶበሂ ፡ ጸፍዕዎ ፡ ወ  
 ቀነውዎ ፡ አደዊሁ ፡ ወአገሪሁ ፡ በቅንዎት ፡ ከነ ፡ ይ  
 ትዐወቆ ፡ ሕማም ፡ ዘተወክፎ ፡ በከመ ፡ ይቤ ፡ በ  
 እንቲአሁ ፡ ኢሳይያስ ፡ ነቢይ ፡ እስመ ፡ ውእቱ ፡  
 ነሥእ ፡ ደዌነ ፡ ወጸረ ፡ ሕማመነ ፡ ውእቱ ፡ ትኩ  
 ዝ ፡ በእንቲአነ ። ወንሕነ ፡ ርኢናሁ ፡ ድዉዩ ፡ ወ  
 ሕሙመ ፡ ወኅሱረ ፡ ወቀሱለ ፡ በእንተ ፡ ኅጣው  
 ኢነ ፡ ወተወገሠ ፡ ዘንተ ፡ በእንተ ፡ ጌጋይነ ። ወ  
 ካዕበ ፡ ይቤ ፡ ብእሲ ፡ ቀሱል ፡ ሶጠ ፡ ሕማመነ ፡  
 ዲቤሁ ። ወካዕበ ፡ ንሰምዎ ፡ ለጸውሎስ ፡ እንዘ ፡  
 ይብል ፡ በእንቲአሁ ፡ ከመ ፡ ውእቱ ፡ ሊቀ ፡ ካ  
 ህናቲነ ፡ ወይክል ፡ ሐሚመ ፡ በሕማምነ ፡ ወተ  
 መከረ ፡ ከማነ ፡ በኩሉ ፡ ዘእንበለ ፡ ኅጠኢት ።  
 ወንትአመን ፡ ከመ ፡ ውእቱ ፡ ነሥእ ፡ ነፍሰ ፡ ነ  
 ባቢተ ፡ ወለባዊተ ፡ እንተ ፡ ትመስል ፡ ነፍሳተ  
 ነ ፡ በሕማም ፡ ዘሐመ ፡ በእንቲአነ ። ወካዕበ ፡ ተ  
 ዐገሠ ፡ እሙነ ፡ ሕማመ ፡ ነፍሳቲነ ፡ ዘውእቱ ፡ ሁ  
 ከት ፡ ወትካዝ ፡ ወሐዘነ ፡ ልብ ። ዮሐንስሂ ፡ ወን  
 ጌላዊ ፡ ነገረነ ፡ በእንቲአሁ ፡ ወዘከረ ፡ ከመ ፡ ው  
 እቱ ፡ ይቤ ፡ ተከዘት ፡ ነፍስዩ ፡ እስከ ፡ ለሞት ። ወ  
 ዓዱ ፡ ጽሑፍ ፡ በወንጌለ ፡ ማርቆስ ፡ ከመ ፡ ው  
 እቱ ፡ አኅዘ ፡ ይትሀወክ ፡ ወይተካዝ ። ወበእንተ ፡  
 ዝ ፡ ንትአመን ፡ ከመ ፡ በሕማመ ፡ ሥጋ ፡ ሐመ ፡  
 እሙነ ፡ ወአክ ፡ በምትሀት ። ወለእለሰ ፡ ይብሉ ፡  
 በእንቲአሁ ፡ ኢሐመ ፡ ሶበ ፡ ቀሠፍዎ ፡ ወኢደ

ክመ ፡ ሰበ ፡ ሰቀልዎ ፡ ወኢረከበ ፡ ሕግም ፡ በጊ  
ዜ ፡ ቀነውዎ ፡ በቅንዎት ፡ ንሕነ ፡ ናወግዘሙ ፡ ከ  
መ ፡ ዐላውያን ። በረከቶሙ ፡ ለእሉ ፡ መምህራ  
ን ፡ የሀሉ ፡ ምስሌነ ፡ ለዓለመ ፡ ዓለም ፡ አሜን ።  
ወኸሎ ፡ ሥርዐተ ፡ ከመ ፡ ቀዳሚ ፡ በል ።

ተአምሪሃ ፡ ለእግዝእትን ፡ ቅድስት ፡ ድንግል ፡  
በክልኤ ፡ ማርያም ፡ ወላዲተ ፡ አምላክ ። ጸሎታ ፡  
ወበረከታ ፡ የሀሉ ፡ ምስሌነ ፡ ለዓለመ ፡ ዓለም ፡  
አሜን ።

ቅዱስ ፡ ደቅስዮስ ፡ ኤጲስቆጶስ ፡ ዘጥልጥልያ ፡  
እንዘ ፡ ሀሎ ፡ ቀዊም ፡ በቅዳሴ ፡ ርእየ ፡ ሥዕለ ፡  
ዘእግዝእትን ፡ ቅድስት ፡ ድንግል ፡ በክልኤ ፡ ማ  
ርያም ፡ ወላዲተ ፡ አምላክ ፡ እንዘ ፡ ይውሕዝ ፡  
ሀፍ ፡ እምገጸ ። ወአንከሩ ፡ ሰብአ ፡ ቤተ ፡ ክር  
ስቲያን ፡ ወትቤሎ ፡ እግዝእትን ፡ ማርያም ፡ ለደ  
ቅስዮስ ፡ አንሥአ ፡ ለዛቲ ፡ ወለት ፡ ዘሀለወት ፡  
ውስተ ፡ መቃብር ፡ ወንሣእ ፡ ግልባቤ ፡ ርእሳ ፡  
ይኩን ፡ መድኅኒተ ፡ ለዘሐመ ፡ ወሶበ ፡ ሰምዐ ፡  
አሐዱ ፡ ብእሲ ፡ ዘንተ ፡ ተአምረ ፡ በጽሐ ፡ ኅበ ፡  
ደቅስዮስ ፡ ወይቤሎ ፡ አ ፡ እግዚእየ ፡ ናሁ ፡ ሀ  
ሎ ፡ ወልድየ ፡ ዘአኅዘ ፡ ጋኔን ፡ ወአምጽአዎ ፡ ኅ  
በ ፡ ቤተ ፡ ክርስቲያን ፡ ወአኅዘዎ ፡ ዐሠርቱ ፡  
ዕደው ፡ ወስእንዎ ፡ አማሕፀንኩከ ፡ ኪያሁ ፡ አ ፡  
እግዚእየ ። ወሶበ ፡ ሰምዐ ፡ ደቅስዮስ ፡ ሰገደ ፡ ኅ  
በ ፡ ሥዕላ ፡ ለእግዝእትን ፡ ቅድስት ፡ ድንግል ፡ በ  
ክልኤ ፡ ማርያም ፡ ወላዲተ ፡ አምላክ ። ወአኅዘ ፡  
ይእተ ፡ ግልባቤ ፡ በእዴሁ ፡ ወአልበሶ ፡ ለውእ  
ቀ ፡ ዘጋኔን ፡ ወሐይወ ፡ ወበርሀ ፡ ገጹ ። ወአንከ  
ሩ ፡ ሰብአ ፡ ሀገር ፡ ዘንተ ፡ ተአምረ ። ወሐይወ ፡  
በውእቱ ፡ ግልባቤ ፡ ምወታን ፡ ወድወያን ፡ መ  
ጠነ ፡ ሰብዓ ፡ ወተስዐቱ ፡ ምእት ፡ ወይቤሎ ፡ ሰብ  
እ ፡ ሰብሐት ፡ ለእግዚአብሔር ፡ በሰማያት ፡ ወ  
ለወላዲቱ ፡ ድንግል ፡ ማርያም ። ጸሎታ ፡ ወበረከ  
ታ ፡ የሀሉ ፡ ምስሌነ ፡ ለዓለመ ፡ ዓለም ፡ አሜን ።  
ለተአምርኪ ፡ ግርያም ፡ ክብር ፡ ይደሉ ፡ በል ። ወኸሎ ፡ ሥር  
ዐተ ፡ ከመ ፡ ቀዳሚ ።

ተአምር ፡ ዘገብረ ፡ እግዚእን ፡ ወአምላክን ፡ ኢየ  
ሱስ ፡ ክርስቶስ ። ሣህሉ ፡ ወምሕረቱ ፡ የሀሉ ፡ ም  
ስሌነ ፡ ለዓለመ ፡ ዓለም ፡ አሜን ።

ወእምድኅረ ፡ ዝንቱ ፡ ተጋብኡ ፡ ሊቃነ ፡ ከህና  
ቲሆሙ ፡ ለአይሁድ ፡ ወይቤልዎ ፡ አ ፡ ሊቃነ ፡  
ኄር ፡ ነአምር ፡ ከመ ፡ እምኅበ ፡ እግዚአብሔር ፡  
ተፈናክ ፡ ወአንተ ፡ ትሬሲ ፡ ዘበሕግ ፡ ጥበበ ፡ ን  
ግረነ ፡ በአይ ፡ ሥልጣን ፡ ትገብር ፡ ዘንተ ። ወይ  
ቤሎሙ ፡ እግዚእ ፡ ኢየሱስ ፡ አነሂ ፡ ካዕበ ፡ እ  
ሴአለክሙ ፡ ጥምቀቱ ፡ ለዮሐንስ ፡ ወልደ ፡ ዘ  
ካርያስ ፡ ሰባኪ ፡ እምአይቲ ፡ ውእቱ ፡ እምኅበ ፡  
እግዚአብሔርት ፡ ወሚመ ፡ እምኅበ ፡ ሰብእ ። ወ  
ተደሙ ፡ አውሥኦቶ ፡ ወይቤሎ ፡ በበይናቲሆ  
ሙ ፡ ለእመ ፡ ንብሎ ፡ እምሰብእ ፡ ንፈርሆሙ ፡  
ለአሕዛብ ። እስመ ፡ ደሬስይዎ ፡ ለዮሐንስ ፡ ከ  
መ ፡ ነቢይ ። ወለእመ ፡ ንብሎ ፡ እምኅበ ፡ እግዚ  
አብሔር ፡ ይብሉኅ ፡ እሉ ፡ ሕዝብ ፡ ለምንት ፡ ኢ  
ተለውክም ። ወይቤልዎ ፡ ኢነአምር ፡ ጥምቀ  
ቶ ፡ እምአይቲ ፡ ውእቱ ። ወይቤሎሙ ፡ እግዚ  
እ ፡ ኢየሱስ ፡ አነሂ ፡ ኢይነግረክሙ ፡ በአይ ፡  
ሥልጣን ፡ እገብር ፡ ዘንተ ። ሣህሉ ፡ ወምሕረ  
ቱ ፡ የሀሉ ፡ ምስሌነ ፡ ለዓለመ ፡ ዓለም ፡ አሜን ።  
አመ ፡ ትመጽእ ፡ በል ። ወኸሎ ፡ ሥርዐተ ፡ ከመ ፡ ቀዳሚ ። (ይ  
ጲ) ፡ ቅድመ ፡ ወንጌል ፡ ሰምዐን ፡ እምላክን ፡ መድኅኒን ፡ ተስ  
ፋሆሙ ፡ ለኸሎሙ ፡ አጽናፈ ፡ ምድር ፡ ብሎሳ ፡ ዘገረይኮ ፡ ወ  
ዘተወክፍኮ ። ቁመ ፡ ወአምሎ ።

ወንጌል ፡ ዘማቴዎስ ።

ወበዊኦ ፡ ቤተ ፡ መቅደስ ፡ ቀርቡ ፡ ኅቤሁ ፡ እን  
ዘ ፡ ይሚህር ፡ ሊቃነ ፡ ከህናት ፡ ወመላህቅተ ፡ ሕ  
ዝብ ፡ እንዘ ፡ ይብሉ ፡ በመባሕተ ፡ መኑ ፡ ትገብ  
ር ፡ ዘንተ ፡ ወመኑ ፡ ወሀበከ ፡ ዘንተ ፡ ሥልጣን ።  
ወአውሥኦ ፡ እግዚእ ፡ ኢየሱስ ፡ ወይቤሎሙ ፡  
እሴአለክሙ ፡ አነሂ ፡ አሐተ ፡ ቃለ ፡ ዘእምከመ ፡  
ነገርክሙኒ ፡ አነሂ ፡ አየደዐክሙ ፡ በአይ ፡ ሥ  
ልጣን ፡ እገብር ፡ ዘንተ ። ጥምቀቱ ፡ ለዮሐንስ ፡  
እምአይቲ ፡ ውእቱ ፡ እምሰማይኑ ፡ አው ፡ እም  
ሰብእ ፡ ውኅለዩ ፡ በበይናቲሆሙ ፡ ወይቤሎ ፡ እ  
መ ፡ ንቤ ፡ ዘእምሰማይ ፡ ይብሉን ፡ በእርኄ ፡ ዘ  
ኢአመንክም ፡ ወእመሂ ፡ ንቤ ፡ ዘእምሰብእ ፡  
ንፈርሆሙ ፡ ለሕዝብ ፡ እስመ ፡ ከመ ፡ ነቢይ ፡ በ  
ኅቤሆሙ ፡ ዮሐንስ ። ወአውሥኦ ፡ ለእግዚእ ፡  
ኢየሱስ ፡ ወይቤሎ ፡ ኢነአምር ። ወይቤሎሙ ፡

ውኃቱ፡ አነሃ፡ አያደድወክሙ፡ በአይ፡ ሥልጣን፡ ዘንተ፡ እጉባር ።

ደገረ፡ ወንጌል፡ በተሰቀ፡ ሰንት፡ እምሰለተ፡ ሰንዶ ።  
 ዘዩጎባር፡ ምስለ፡ ትንቢት ። በእደክ፡ ንጽሕት፡  
 እግዚአ፡ ፈጠርኩኝ፡ ወለሐኩኝ፡ እስመ፡ ለብሐ  
 ዊ፤ ወወሀብኩኝ፡ ገነተ፡ ትፍሥሕት፡ ወፍሬ፡ ፅ  
 ፀው፡ ወሀብኩኝ፡ ለተ፡ ጸግዎ፡ ወሀብኩኝ፡  
 ጎይለ፡ ሥልጣንክ፡ ላዕለ፡ ኩሉ፡ ፍጥረትክ፡ እ  
 ንተ፡ ታሕተ፡ ሰማይ ። ወረሰይክ፡ ኩሉ፡ ዘመ  
 ደ፡ ተሐዋስደን፡ ታሕቴ፡ ወኢጎደገኝ፡ እጎጣ  
 አ፡ ምንተኝ፡ እምክብር፤ ወረሰይክ፡ ኩሉ፡ ይ  
 ግርር፡ ለተ ። ወአዘዝኩኝ፡ ትእዛዘ፤ ወወፃእኩ፡  
 እምኔሃ ። (ስእለተ፡ አዳም)፡ አ፡ እግዚአየ፡ ወአም  
 ላኪየ፡ እስእለክ፡ አ፡ ኄር፡ ግባር፡ ምስሌየ፡ በክ  
 መ፡ ፅባየ፡ ምሕረትክ ። ተዘከረኝ፡ እግዚአ፡ እስ  
 መ፡ አነ፡ መሬት፡ ወከመ፡ ግዕር፡ ዘሀሎ፡ ውስተ፡  
 ሐቅል፤ ወወሀብኩኝ፡ እግዚአ፡ ጽንፀ፡ ጎይልክ፡  
 ወአሕጽጽ፡ ንደትየ ። ለአሐቲ፡ ፅፅ፡ አዘዝክ፡ በ  
 እንቲአሃ ። እስእለክ፡ አ፡ ኄር፡ ግባር፡ ምስሌየ፡  
 በክመ፡ ፅባየ፡ ምሕረትክ ። እር፡ ኮንክ፡ ዘኢሰማ  
 ሄ፡ ለትእዛዛየ፡ አውፃእክ፡ ዐመፃ፡ ላዕለ፡ ብእሲ  
 ት ። ወለይኢተሰ፡ አአዘዝክዋ፡ ዘከማክ፡ ወሰማ  
 ዕክ፡ እምኔሃ፡ ወገደፍክ፡ ቃላትየ፡ ወተጎባእክ፡  
 ውስተ፡ ፅፅ፡ ከመ፡ አይርአይክ፡ አነ፡ እስእለክ፡  
 አ፡ ኄር፡ ግባር፡ ምስሌየ፡ በክመ፡ ፅባየ፡ ም  
 ሕረትክ ። ተሐዘብክ፡ ከመ፡ ትዕርግ፡ ጎብ፡ አ  
 ምላክዊት፡ ፍጥረት፡ ከመ፡ እግዚአክ፡ በፍሬ፡  
 ፅፅ፤ አእመርክ፡ ሠናየ፡ ወአኩየ፡ ወኮንክ፡ አ  
 ምላክ ። እስእለክ፡ አ፡ ኄር፡ ግባር፡ ምስሌየ፡  
 በክመ፡ ፅባየ፡ ምሕረትክ ። አ፡ አዳም፡ አይቴነ፡  
 ስብሐት፡ ዘኮነ፡ ለክ፡ ዐረቀ፡ እምልብስክ፡ እ  
 ንተ፡ አልበስኩክ፡ ከያክ ። ነግእክ፡ ቁጽለ፡ እ  
 ምዕፅ፡ ወተከደንክ፡ ጎፍረተክ፡ እምገጽክ ። እ  
 ስእለክ፡ አ፡ ኄር፡ ግባር፡ ምስሌየ፡ በክመ፡ ፅባ  
 የ፡ ምሕረትክ ። አንሰ፡ አአምር፡ ከያክ፡ እስመ፡  
 አነ፡ ፈጠርኩክ፡ ወአእመርኩክ፡ እምቅድመ፡  
 ከዊኖትክ፡ ወእምቅድመ፡ አመ፡ ገቢርትክ፡ ወ  
 ሀብኩክ፡ ቃለ፡ ትእዛዛየ፡ ከመ፡ ዝ፡ ነገርኩክ፡  
 በእንተ፡ ዛቲ፡ ፅፅ፡ ዘእንበለ፡ ኩሉ፡ ፅፀው፡

እንተ፡ ውስተ፡ ገንት፡ እስመ፡ ለዛቲ፡ ፍሬሃ፡ ም  
 ረረ፡ ሞት፡ ይእቲ ። ወሰበ፡ በላዕክ፡ እምኔሃ፡  
 ሞተ፡ ትመውት፡ እንተ ። አንሰ፡ አይጎደገክ፡  
 ትኩን፡ አብደ ። ወባሕቲ፡ አነ፡ አእመርኩክ፡  
 በዝንተ፡ እምቅድመ፡ ይኩን ። አጽመምክ፡ እገ  
 ነክ፡ ወተአዘዝካሃ፡ አነ፡ አመጽእ፡ ላዕሌክ፡ ኩ  
 ነኔ ። እስእለክ፡ አ፡ ኄር፡ ግባር፡ ምስሌየ፡ በክ  
 መ፡ ፅባየ፡ ምሕረትክ ። አ፡ አዳም፡ መሬት፡ አ  
 ንተ፡ ወአነ፡ አገብእክ፡ ውስተ፡ መሬት፡ ህዩን  
 ተ፡ ምግባረት፡ እንተ፡ ደፈርክ፡ ላዕሌሆን ። እስ  
 እለክ፡ አ፡ ኄር፡ ግባር፡ ምስሌየ፡ በክመ፡ ፅባ  
 የ፡ ምሕረትክ ። ለምንት፡ ሕዋን፡ ኮንክ፡ ከመ፡  
 ዝ፡ ወወፃእክ፡ እምትእዛዛየ ። አክ፡ መልአ  
 ክ፡ ዘተናገረክ፡ ወአዎፍ፡ እምአየር፡ ወአር  
 ዊ፡ ዘከይሲ፡ ፍጥረታ፡ ሰማዕክ፡ እምኔሃ ። ሚ፡  
 መጠን፡ እምሕማማት፡ እንተ፡ ትከውን፡ ለኪ፡  
 ሐዘናት፡ ወገኖር፡ ዐቢይ ። አነ፡ አነሥእ፡ ተገር  
 ሮተ፡ ማእከሌክ፡ ወማእከለ፡ ከይሲ፡ ደቂቃ፡  
 ምስለ፡ ደቂቅክ፡ ወውኢተመ፡ የጎሥሠ፡ ርእሶ  
 መ፡ ። ወጸው፡ ፈጣሪ፡ ለከይሲ፡ ወረገማ፡ ወ  
 ይቤላ፡ ርግምት፡ አንቲ፡ እማእከለ፡ ኩሉ፡ አራ  
 ዊት፡ ወሐረ፡ በእንግድዓክ፡ ወሐመደ፡ ብልሂ፡  
 ህዩንተ፡ ዘኮንክ፡ ስሕተተ፡ እስመ፡ ጸላኢ፡ ረክ  
 በ፡ መካነ፡ ውስቴትክ፡ ወኮንክ፡ ቤተ፡ ለእኩ  
 ይ ። ወአጽንነ፡ ብእሲ፡ እዝኖ፡ ጎቤክ ። ናሁ፡ ኩ  
 ላ፡ ምድር፡ ትትረገም፡ ምስሌሁ ። እስእለክ፡ አ፡  
 ኄር፡ ግባር፡ ምስሌየ፡ በክመ፡ ፅባየ፡ ምሕረት  
 ክ ። ወከዕበ፡ ለውኢቲ፡ ብእሲ፡ ዘውኢቲ፡ አዳ  
 ም፡ ዘኮነ፡ ውስተ፡ ገንት፡ ይቤሎ፡ እግዚአብ  
 ሔር፡ እስመ፡ ሰማዕክ፡ እምብእሲትክ፡ ርግም  
 ት፡ ምድር፡ በእንቲአክ፡ ወተሐየ፡ በሐዘን፡  
 አ፡ አዳም፡ ወምድርኝ፡ ታብቀል፡ ለክ፡ አሜ  
 ከላ፡ ወሦክ ። እስእለክ፡ አ፡ ኄር፡ ግባር፡ ም  
 ስሌየ፡ በክመ፡ ፅባየ፡ ምሕረትክ ። ወይቤላ፡ ለ  
 ሕዋን፡ አንቲ፡ ትወልዱ፡ ወልደ፡ በጻዕር፡ ወ  
 ሕማም፡ ወትገብኢ፡ ጎብ፡ ምትክ፡ ወውኢቲ፡  
 ይሄለጥ፡ ላዕሌክ ። ወአይከውን፡ ላዕሌክ፡ ፅ  
 ረፍት፡ በሕይወትክ ። እስእለክ፡ አ፡ ኄር፡  
 ግባር፡ ምስሌየ፡ በክመ፡ ፅባየ፡ ምሕረትክ ።

ወይቤ ፡ እግዚአብሔር ፡ ናሁ ፡ አዳም ፡ ከነ ፡ ከመ ፡  
 አሐዳ ፡ እምኔን ፡ ዘየአምር ፡ ሠናዩ ፡ ኢየሳይን ፡  
 ውስተ ፡ ገነት ፡ ከመ ፡ ኢያንሥእ ፡ እደሁ ፡ ወ  
 ኢይብላዕ ፡ እምዕፀ ፡ ሕይወት ፡ ወአውዕአመ ፡  
 ለአዳም ፡ ወለብሕሲቲ ፡ ምስሌሁ ፡ እምገነተ ፡ ት  
 ፍሥሕት ፡ ወረሰዩ ፡ ሱራፊሀ ፡ ምስለ ፡ ከኑናቲ ፡  
 እሳታዊት ፡ ከመ ፡ ይዕቀብ ፡ አንቀጸ ፡ ገነት ፡ እ  
 ሰእለክ ፡ አ ፡ ኔር ፡ ግበር ፡ ምስሌዩ ፡ በከመ ፡ ዕ  
 በዩ ፡ ምሕረትክ ፡ አይቲኑ ፡ አሐውር ፡ እምቅድ  
 መ ፡ ገጽክ ፡ ወአይቲ ፡ እገብይይ ፡ እመንፈስክ ፡  
 ወእመኒ ፡ ዐረገ፡ መልዕልተ ፡ ሰማያት ፡ አው ፡  
 ኅበ ፡ መክን ፡ ታሕቲት ፡ ህዩኒ ፡ እረክበክ ፡ እ  
 ሰእለክ ፡ አ ፡ ኔር ፡ ግበር ፡ ምስሌዩ ፡ በከመ ፡ ዕ  
 በዩ ፡ ምሕረትክ ፡ ወሐረ ፡ አዳም ፡ ኅበ ፡ መክ  
 ን ፡ ታሕታዊ ፡ ቅድመ ፡ አንቀጸ ፡ ገነት ፡ ሐረሰ ፡  
 ምድረ ፡ ወበልዑ ፡ እምፍሬሃ ፡ ወነበረ ፡ ውስተ ፡  
 ስሕተት ፡ አውከክ ፡ ወተፈጸመ ፡ ላዕሌሁ ፡ ወላ  
 ዕለ ፡ ብእሲቲ ፡ ዘጽሑፍ ፡ ለግብርናት ፡ በእንተ ፡  
 ዘኢሰምዐ ፡ ትእዛዘ ፡ ወክሎመ ፡ ውሉዳ ፡ እስ  
 ከ ፡ ኅልቀተ ፡ ዓለም ፡ ክርስቶስ ፡ መድኅኒን ፡ መ  
 ጽኢ ፡ ወሐመ ፡ ወበእማግቲሁ ፡ አድኅነን ።

ደርላን ፡ ዘይትገበብ ፡ በተሰቡት ፡ ሰዓት ፡ ዘሰለተ ፡ ሰንይ ።

ወለእመ ፡ ከነ ፡ እለ ፡ ያነበቡ ፡ መጽሐፈ ፡ ጥበብ ፡  
 ዘአፍአ ፡ ወዜና ፡ ገድል ፡ ዘበዓለም ፡ ይበጽሑ ፡ በ  
 ተጠናቅቆ ፡ ምንባብ ፡ ለአእምር ፡ ፍክሬ ፡ ቃላት ፡  
 እፎኬ ፡ ይደሉ ፡ ለእለ ፡ ይሰምዑ ፡ መጸሕፍተ ፡ ዘ  
 መለኮት ፡ ወያነብቡ ፡ ኅገራተ ፡ ዘእግዚእ ፡ ከመ ፡  
 ይትጋደሉ ፡ በአስተፋጥኖ ፡ ለሰሚጋታ ፡ ወጽሑ  
 ቅ ፡ ለለብም ፡ ቃላቲሃ ፡ ወሐቲት ፡ ለፍክሬ ፡ ኅገራ  
 ኅቡእ ፡ ወተመይጦ ፡ ለረከበ ፡ ፍናዊሃ ፡ ስወር ።  
 ወስማዕ ፡ ይእዜኒ ፡ አ ፡ ፍቁር ፡ ዘይቤ ፡ መጽሐፍ ፡  
 አምላካዊ ፡ ወሶበ ፡ በልዑ ፡ እምዕዕ ፡ ተፈትሓ ፡  
 አዕይንቲሆመ ፡ ወእእመሩ ፡ ከመ ፡ ዕራቃኒሆ  
 መ ፡ ወነሥኡ ፡ እምቁጽለ ፡ በለክ ፡ ወገብሩ ፡ ዐ  
 ጽፈ ፡ ወሰምዑ ፡ ደምፀ ፡ እግዚእ ፡ አምላክ ፡ በ  
 ውስተ ፡ ገነት ፡ በጊዜ ፡ ምሴት ፡ ወተኅብኡ ።  
 ነጽሩኪ ፡ ላዕለ ፡ ዕበዩ ፡ ጸጋ ፡ ተአዛዝያን ፡ ወብ  
 ዝኅ ፡ ነውረ ፡ ዐላውያን ፡ እስመ ፡ ሌናክ ፡ ወኢ  
 ልያሰ ፡ እለ ፡ ተወልዱ ፡ በሥጋ ፡ መዋቲ ፡ ሶበ ፡

ርእዩ ፡ ትእዛዘ ፡ ፈጣሪሆመ ፡ ወኮኑ ፡ ተላውያን ፡  
 በፍናት ፡ ትሩፍ ፡ ግዕዙ ፡ እምዘይረክቦ ፡ ለፍጥ  
 ረት ፡ ሥጋዊ ፡ እሞት ፡ መሙስና ፡ ወተለዐሉ ፡ እ  
 ምድር ፡ ውስተ ፡ ሰማይ ፡ ወተሳተፉ ፡ ምስለ ፡ መ  
 ላእክት ፡ እለ ፡ ኢይመውቲ ፡ ወእሉ ፡ እለ ፡ ተፈ  
 ጥሩ ፡ ዘኢይመውቲ ፡ በፍጥረቶመ ፡ ሶበ ፡ ተዓ  
 ደወ ፡ ትእዛዘ ፡ እግዚአብሔር ፡ አምጽኡ ፡ ሞ  
 ቲ ፡ ላዕሌሆመ ፡ ወተዐርቁ ፡ እምልብሰ ፡ ክብር ፡  
 ወተሰዓ ፡ እምገነተ ፡ ተድላ ፡ ወተወግሩ ፡ በም  
 ንዳቤ ፡ አ ፡ ለዛቲ ፡ ዐቤይ ፡ አምጣኒሃ ፡ ወለእለ ፡  
 መንክር ፡ ክዋይሆመ ፡ ወሶበ ፡ ዐለወ ፡ አስተርአ  
 ዩት ፡ ታሕጸጸሆመ ፡ ወተወለጠት ፡ ተመይጦቶ  
 መ ፡ እስክ ፡ ሶበ ፡ ፈቀዱ ፡ ተኅብኡ ፡ እምፈጣራ ፡  
 ፍጥረታት ፡ ዘህልው ፡ በክሉ ፡ መክን ፡ ዘየአም  
 ር ፡ ምክረ ፡ ኅሊና ፡ ዓለም ፡ ወክሉ ፡ ኅሊና ፡ ዘ  
 አልባብ ፡ ስምዑ ፡ ዘይቤ ፡ እግዚእ ፡ ዓለም ፡ አ  
 ኦዳም ፡ አይቲኑ ፡ ሀሎክ ፡ አንተ ፡ እስመ ፡ ሶበ ፡  
 አስተርአዩ ፡ ዕራቁ ፡ እምጸዳለ ፡ ብርሃን ፡ ኅፍረ ፡  
 እምርእየተ ፡ ፈጣሪሁ ፡ ወተሰወረ ፡ በአቀጽለ ፡  
 ዕዕ ፡ በፈሪህ ፡ በዘሀሎ ፡ ይኩን ፡ ዕልወት ፡ እንዘ ፡  
 ይገብይይ ፡ እምክንኔ ፡ ወተኅብኡ ፡ በአጉናደ ፡ ዕ  
 ዕ ፡ ይቤ ፡ እንዘ ፡ ያወሥእ ፡ ለእግዚእ ፡ ሰማዕት ፡  
 ምጽኡተክ ፡ ውስተ ፡ ገነት ፡ ወፈራህኩ ፡ ወተኅብ  
 እኩ ፡ አጽምዕኬ ፡ ይእዜ ፡ ወሠናዩ ፡ ለቡ ፡ ርቱ  
 ዐ ፡ ከመ ፡ ታእምር ፡ መጠነ ፡ ኅሊና ፡ ቃል ፡ ዘእግ  
 ዚእ ፡ ወአርትዖ ፡ ፍትሕ ፡ ዘልዑል ፡ ወተግሣጸ ፡  
 ዘጽልሑት ፡ ወምሕረተ ፡ ዘዐባይ ፡ አምጣኒሃ ፡  
 እስመ ፡ ብሂሎቲ ፡ አይቲ ፡ አንተ ፡ ፍክሬህ ፡ አ  
 ከ ፡ ኢያእሚር ፡ መክኖ ፡ ሐሰ ፡ ዳእመ ፡ ፍክሬ  
 ሁ ፡ እስመ ፡ አነ ፡ ፈጠርኩክ ፡ ስርግወ ፡ በክ  
 ሉ ፡ ላሕይ ፡ ልቡሰ ፡ አክሊለ ፡ ስብሐት ፡ ዘኢ  
 ይረክቦ ፡ መስና ፡ ወኅደጉክ ፡ ውስተ ፡ ገነት ፡ መ  
 ኩንን ፡ ወሃምኩክ ፡ ላዕለ ፡ ክሉ ፡ ሠናያት ፡ ወ  
 ረሰይኩክ ፡ ክብረ ፡ ወርሱዩ ፡ ወናሁ ፡ አንተ ፡  
 ይእዜ ፡ ከመ ፡ አሐዳ ፡ እምአራዊት ፡ ንስቲተ ፡  
 ትገብይይ ፡ እምእለ ፡ የኅሥሡክ ፡ ወትሌወር ፡ በ  
 አዕጺቶ ፡ ም ፡ ዕሩቀክ ፡ እምልብሰ ፡ ስብሐት ፡  
 ውክብር ፡ ዘያደነግዕ ፡ አጠይቀኒ ፡ ይእዜኒኬ ፡  
 አይቲ ፡ ፀሎክ ፡ ወእርኑ ፡ አንተ ፡ ወምንት ፡

ዘአብጽሐክ ፡ ይእዜኒ ፡ ጎበ ፡ ዝንቲ ፡ ውላጤ ፡  
 ዐቢይ ፡ ወመኑ ፡ ዘአፍለሰክ ፡ እምዕረፍት ፡ ጎበ ፡  
 ጻጣ ፡ ወእምኑዛዜ ፡ ጎበ ፡ ትካዝ ፡ ወእምትውካ  
 ልት ፡ ጎበ ፡ ፍርሀት ፡ ወረዓድ ፡ ወደጌጋጻ ፡ ወ  
 እምተወንዮ ፡ በክብር ፡ ወበጸዳል ፡ ጎበ ፡ ክፍእ  
 ት ፡ በአቀጽጽለ ፡ ዕዕ ፡ ወምንትኑ ፡ ውእቱ ፡ ዝን  
 ቱ ፡ ውላጤ ፡ ዘወረደ ፡ ላዕሌክ ፡ ግብተ ፡ ወእሮ ፡  
 ተፃረርክ ፡ ወጉዮይክ ፡ እምፈጣሪክ ፡ ወተሰወር  
 ክ ፡ እምዘይጤይቅ ፡ ፍጥረተክ ፡ ወፈራህክ ፡ እም  
 ዘአወንዮ ፡ ለክ ፡ አይ ፡ ጉሕልያ ፡ ሰረቀ ፡ መዝ  
 ገበክ ፡ ስቡሐ ፡ ወአይ ፡ ጎሃል ፡ ተዐገለ ፡ ንዋ  
 ዮ ፡ ብዕልክ ፡ ወአይ ፡ ነፋስ ፡ ጽጉዕ ፡ ገንጾለ ፡ ሐ  
 መረክ ፡ ግብተ ፡ ወረሰዮክ ፡ ነጻዮ ፡ ወምኑነ ፡ ወ  
 አውሥአኒ ፡ እስኩ ፡ ይእዜ ፡ ምንት ፡ ዘአፍርሀ  
 ክ ፡ ወአይ ፡ አርዌ ፡ ዘነሰከክ ፡ ወበአይ ፡ ግብር ፡  
 ዘተጎባእክ ፡ እምፍርሀት ፡ ውነፍረት ፡ ይቤ ፡ አ  
 ዳም ፡ ሰማዕኩ ፡ ሰኩናክ ፡ እንዘ ፡ የሐውር ፡ ው  
 ስተ ፡ ገንት ፡ ወፈራህኩ ፡ እስመ ፡ አነ ፡ ዕሩቅ ፡  
 ወተጎባእኩ ፡ ወይቤሎ ፡ እግዚእ ፡ መኑ ፡ ነገረ  
 ክ ፡ ዘንተ ፡ ከመ ፡ አንተ ፡ ዕሩቅ ፡ ወመኑ ፡ ከ  
 ወተ ፡ ለክ ፡ ሕወመ ፡ ዐጽፍክ ፡ አይቱ ፡ ልብስ  
 ክ ፡ ስቡሐ ፡ ወአይቱ ፡ ዐጽፍክ ፡ ብሩህ ፡ ወአይ  
 ቱ ፡ አክሊሊ ፡ ክብርክ ፡ ዘያንጾበርቅ ፡ ሰባ ፡ አ  
 ኮ ፡ ዘበላዕክ ፡ እምዕዕ ፡ ዘአዝዝኩክ ፡ ከመ ፡  
 ኢትብላዕ ፡ እምኒህ ፡ ወውእተ ፡ ጊዜ ፡ አው  
 ሥአ ፡ አዳም ፡ በአመክንዮ ፡ ወይቤ ፡ ብእሲት ፡  
 ዘረሰይክ ፡ ምሰሌዮ ፡ ይእቲ ፡ ወሀበተኒ ፡ ወበላዕ  
 ኩ ፡ እምኒህ ፡ ጎለዮ ፡ በዝንቲ ፡ ቃል ፡ ያምሥ  
 ጥ ፡ እምንጻቤ ፡ ወደፃእ ፡ እምዘሀሎ ፡ ነጥነኒ ፡  
 ይትኩነን ፡ ዳእመ ፡ ስማዕ ፡ ዘይብል ፡ እግዚ  
 አ ፡ ዓለም ፡ አይ ፡ ምንጻቤ ፡ ይደልወክ ፡ ይእ  
 ዜ ፡ ወአይ ፡ ነጥነኒ ፡ ዘትደሎ ፡ ላቲ ፡ ይእዜ ፡  
 በእንተ ፡ ዘተዓደውክ ፡ ትእዛዝዮ ፡ ወሥርዐትዮ ፡  
 ወዐለውክ ፡ ሕግዮ ፡ ፍፍውዮ ፡ እስመ ፡  
 ብእሲትሰ ፡ ሰባ ፡ አስተአደመት ፡ ለክ ፡ ትብላዕ ፡  
 እምዕዕ ፡ ወመጠውተክ ፡ እምፍሬሃ ፡ ለምንት ፡  
 ኢቀደምክ ፡ በትእዛዝዮ ፡ ዘጋወጽኩክ ፡ እምቅድ  
 መ ፡ ገቢሮታ ፡ በነጽሮ ፡ ወኢያፍራህክ ፡ ሥጋ  
 ክ ፡ በኩነኒ ፡ ዳእመ ፡ ኮንክ ፡ አብደ ፡ በምግባ

ሪክ ፡ አኮኑ ፡ እምተደለውክ ፡ ከመ ፡ ታኣምር ፡  
 ወትዕቀብ ፡ ትእዛዝ ፡ ፈጣሪክ ፡ ወትትከላእ ፡ እ  
 ምዘከላእኩክ ፡ አው ፡ ኢያእመርከኑ ፡ ከመ ፡ አ  
 ንተ ፡ ላቲ ፡ ወይእቲ ፡ እምዕዕምክ ፡ ዕዕም ፡ ወ  
 እሮ ፡ ደለወክ ፡ እንዘ ፡ አንተ ፡ ፈታሒ ፡ ከመ ፡  
 ይፍትሐ ፡ ላዕሌክ ፡ ወረሰይክ ፡ ዘመትሕቲክ ፡  
 መልዕልቲክ ፡ ወረሰይክ ፡ ዘነበ ፡ ርእሰክ ፡ መኑ ፡  
 ይክል ፡ ይላሐ ፡ ጎፍረተ ፡ ድቀትክ ፡ ወአይ ፡ ዐ  
 ይን ፡ ይክል ፡ ይግበር ፡ ብካዮ ፡ በእንተ ፡ ከዋኔ  
 ክ ፡ በከመ ፡ ይደሉ ፡ እስመ ፡ አንተ ፡ አጎሰርክ ፡  
 ርእሰክ ፡ ወአፈድፈድክ ፡ ጎሳረ ፡ ሲሳይክ ፡ ወሀጉ  
 ልክ ፡ እምሠፍይት ፡ ዘእዝዝት ፡ ለክ ፡ ዛቲ ፡ ሀባ  
 ይ ፡ እምጣኒሃ ፡ ወለእመ ፡ ከነ ፡ አፍቅሮ ፡ ሥሥ  
 ዕት ፡ ወተሳላሠ ፡ ሚመተ ፡ ዓለም ፡ ይዌግሩ ፡ ው  
 ስተ ፡ ሆሎ ፡ ወይመትሩ ፡ ሐብለ ፡ ትእዛዝ ፡ ወ  
 ያበጽሐ ፡ እሕባለ ፡ ተዓድዎ ፡ ወያርሕቅ ፡ እም  
 ሕረተ ፡ እግዚአብሔር ፡ ወያርቤሮ ፡ ለአጋንን  
 ት ፡ ይደልወን ፡ ከመ ፡ ንጉዮይ ፡ እምፍትወትን ፡  
 ከመ ፡ ፍስተፋጥን ፡ ለገቢረ ፡ ፈቃዱ ፡ ለእግዚእ  
 ኑ ፡ ዘሎቱ ፡ ስብሐት ፡ እስክ ፡ ለዓለመ ፡ ዓለም ፡  
 አሜን ።

ጸልዮ ፡ በእንተ ፡ ጽንዕ ፡ ዛቲ ፡ በል ፡ ክርስቶስ ፡ እምላኪ ፡ በ  
 ል ፡ ለዓም ፡ ለዚ ፡ ግርያም ፡ እክል ፡ በል ፡ እምላኪ ፡ እም  
 ላኪ ፡ በል ፡ ግናይ ፡ ለከመ ፡ ሥሎስ ፡ ቅዱስ ፡ ንጉሥተ ፡ ለባ  
 ዐቲ ፡ ሀብታት ፡ በል ፡ ስብሐት ፡ ለእግዚአብሔር ፡ በል ፡ ጸሎ  
 ቲ ፡ ሃይማኖት ፡ እስክ ፡ ንበ ፡ ይብል ፡ ሐመ ፡ ለዛቲ ፡ ግብረ ፡  
 ሕግማት ፡ ወኩሎ ፡ ሥርዐተ ፡ ከመ ፡ ቀዳሚ ፡ በል ።

ወይትጋበእ ፡ ክህናት ፡ ውበተ ፡ ቤት ፡ ክርብቲዮን ፡ በጊዜ ፡ ፀ  
 ሠርቱ ፡ ወእሐዱ ፡ ሰዓት ፡ ዘሰጉይ ፡ ወይጸልዮ ፡ መዝሙረ ፡ ላዊ  
 ት ፡ ዘይብል ፡ ብጹዕ ፡ ብእሊ ፡ እስክ ፡ ንበ ፡ ይብል ፡ እምደእ  
 ዜ ፡ ወእስክ ፡ ለዓለም ፡ ወዳሴ ፡ ግርያም ፡ ዘዐርብ ፡ ወይብል ፡  
 መራሒ ፡ (በጸ) ፡ ስብሐት ፡ ለእብ ፡ ለክ ፡ ገደል ፡

ምንጻብ ፡ ዘሀሠርቱ ፡ ወእሐዱ ፡ ሰዓት ።

ዘኢሳይያስ ፡ ነቢይ ፡ በረከቱ ፡ ትኩን ፡ ምስሌን ፡  
 ለዓለመ ፡ ዓለም ፡ አሜን ።

ከመ ፡ ዝ ፡ ይቤ ፡ እግዚአብሔር ፡ አይኑ ፡ ዝንቱ ፡  
 መጽሐፈ ፡ ጎዳጋቲሃ ፡ ለእምክመ ፡ ዘፈኖኩ ፡  
 ላቲ ፡ ወለመኑ ፡ እፈዲ ፡ ዕዳ ፡ ዘሜጥኩክመ ፡

አክት፡ በጎጠአትክሙ፡ ሢጥኩክሙ፡ ወበጊጋ  
 ይክሙ፡ ፈነውክዋ፡ ለእምክሙ፡ ፍህ፡ መጻእ  
 ኩ፡ ወአልቦ፡ ሰብእ፡ ጸዋዕኩ፡ ወአልቦ፡ ዘተ  
 ሰጥወኒ ። ኢትክል፡ እደዮ፡ አድጎ፡ ወኢይ  
 ክልሁ፡ ባልሐ ። ፍህ፡ በተግሣጽዮ፡ አነዕፋ፡ ለ  
 ባሕር፡ ወአየብሰሙ፡ ለአፍላግ፡ ወይመውቱ፡  
 ዓሳቲሆሙ፡ በጎጠአ፡ ማይ፡ ወዮጎልቁ፡ በጽ  
 ምእ ። እገለብባ፡ ለሰማይ፡ በጽልመት፡ ወአለ  
 ብሳ፡ ሠቀ ።

ጥበበ፡ ሢረክ፡ በረከቱ፡ ትኩን፡ ምስሌን፡ ለዓ  
 ለመ፡ ዓለም፡ አሜን ።

ሥርዋ፡ ለጥበብ፡ ፈሪህ፡ እግዚአብሔር፡ ወአ  
 ዕጼቁሃን፡ ያነውሳ፡ መዋዕለ፡ ሕይወት ። መዐ  
 ትም፡ ወዐማ፡ ኢይክል፡ ጻዲቀ፡ እስመ፡ በ  
 ጊዜ፡ ይትመዐዕ፡ ይከውን፡ ድቀቱ ። እስከ፡ ተ  
 ጎልፍ፡ ጊዜሃ፡ ተዐግሣ፡ ለመዓት፡ ወድጎረ፡  
 ታስተፈሥሐክ ። እስከ፡ ትረክብ፡ ጊዜህ፡ ኅባ  
 እ፡ ነገረክ፡ ወብዙኃን፡ ይትናገሩ፡ በጥበብክ ።  
 ውስተ፡ መዛግብቲ፡ ለጥበብ፡ ትምህርተ፡ አ  
 ምሳል ። ያስቁርቲ፡ ኃጥእ፡ ለፈራሂ፡ እግዚአብ  
 ሔር ። እመ፡ ታፈቅራ፡ ለጥበብ፡ ዕቀብ፡ ትእ  
 ዛዘ፡ ወእግዚአብሔርን፡ ይሁበከሃ ። ጥበብን፡  
 ወአእምሮን፡ ፈሪህ፡ እግዚአብሔር፡ ውኣቱ፡  
 ወፈቃዳን፡ ሃይማኖት፡ ወዮውሀት ። ኢትርሳዕ፡  
 ፈሪህ፡ እግዚአብሔር፡ ወኢትፀመዶ፡ በክልኤ፡  
 ልብ፡ እንዘ፡ ትናፍቅ ። ኢትደቅ፡ ውስተ፡ አፈ፡  
 ሰብእ፡ ወዕቀብ፡ ከናፍሪክ ። ወኢታዕቢ፡ ርእሰ  
 ክ፡ ከመ፡ ኢትጎሰር፡ ወክመ፡ ኢትደቅ፡ ነፍስክ ።  
 ወይከሥተክ፡ እግዚአብሔር፡ ኅቡአቲክ፡ ወበ  
 ማእከለ፡ ብዙኃን፡ ያወድቀክ ። እስመ፡ በፍርሀ  
 ተ፡ እግዚአብሔር፡ ኢመጻእክ፡ ወምሉእ፡ ጉ  
 ሕሉት፡ ውስተ፡ ልብክ ።

ዘኢሳይያስ፡ ነቢይ፡ በረከቱ፡ ትኩን፡ ምስሌን፡ ለዓ  
 ለመ፡ ዓለም፡ አሜን ።

አርጎዉ፡ አናቅጸ፡ ይባእ፡ ሕዝብ፡ ዘየዐቅብ፡  
 ጽድቅ፡ ወይትጭከፍ፡ ርትዐ፡ ወይትማሐፀን፡  
 ሰላመ፡ እስከ፡ ለዓለም ። ኪያክ፡ ተወክልን፡ እ  
 ግዚአ፡ አምላክ፡ ዐቢይ፡ ዘለዓለም፡ ዘአትሐት

ከሙ፡ ወአውረድከሙ፡ ለእለ፡ ይነብሩ፡ ውስ  
 ተ፡ አርያም፡ ወትነሱኖን፡ ለአህጉር፡ ጽጉዓት፡  
 ወታወርዶን፡ እስከ፡ ምድር፡ ወይከይዶን፡ እ  
 ግረ፡ የዋሃን፡ ወትሐታን ። ወይከውኑ፡ ፍኖተ፡  
 ርቱዐ፡ ለጻድቃን፡ ወትጻድቃን፡ ፍኖተ፡ ራትዓ  
 ን ። እስመ፡ ርቱዕ፡ ውኣቱ፡ ፍኖተ፡ እግዚአብ  
 ሔር ። ወተወክልን፡ በስሙ፡ ቅዱስ፡ ወተዘከር  
 ነ፡ ዘፈተወት፡ ነፍስክ ። በሌሊት፡ ትገይሥ፡ መ  
 ንፈስዮ፡ ኅቤክ፡ እግዚአ፡ አምላኪዮ፡ እስመ፡  
 ብርሃን፡ ትእዛዝክ፡ በዲቦ፡ ምድር ። ተመሀሩ፡  
 ገቢረ፡ ጽድቅ፡ እለ፡ ትነብሩ፡ ውስተ፡ ዓለም ። እ  
 ስመ፡ ጎልቁ፡ ኃጥእ፡ ዘኢይትሚሀር፡ ገቢረ፡ ጽ  
 ድቅ፡ በዲቦ፡ ምድር፡ ወኢይገብር፡ ሠናዮ ። ያ  
 አትትም፡ ለኃጥእ፡ ከመ፡ ኢይርእይ፡ ስብሐተ፡  
 እግዚአብሔር ። እግዚአ፡ ልዑለ፡ መዝራዕተ  
 ክ፡ ኢያእመሩ፡ እምክመሰ፡ አእመሩ፡ ይትጎፈ  
 ሩ ። ቅንአት፡ አኅዘሙ፡ ለሕዝብ፡ አብዳን ። ወ  
 ይእዘኒ፡ እሳት፡ ትበልዎሙ፡ ለፀር ። እግዚአ፡  
 አምላክክ፡ ሰላመ፡ ሀበክ፡ እስመ፡ ኩሎ፡ ወሀ  
 ብክክ ። እግዚአ፡ አምላክክ፡ አጥርዮን ። እግዚአ፡  
 ዘእንበሌክ፡ ባዕደ፡ ኢነእምር፡ ወስመ፡ ዚአክ፡  
 ንጼውዕ ። ሙታንሰ፡ ኢይሬእይዎ፡ ለሕይወት፡  
 ወዐቀብተ፡ ሥራይኒ፡ ኢያነሥኤ፡ በእንተ፡ ዝ፡  
 አምጻእከሙ፡ ወአጥፋእከሙ፡ ወአእተትክ፡ ኩ  
 ሎ፡ ትዕቢቶሙ፡ ወስከሙ፡ እግዚአ፡ እኪተ፡ ፤  
 ወስከሙ፡ እኪተ፡ ለክቡራን፡ ምድር ። እግዚ  
 አ፡ በምንዳቤዮ፡ ተዘከርኩክ፡ ወበጎዳጥ፡ ሕማም፡  
 ገሠጽከኒ ። ከመ፡ እንተ፡ ውስተ፡ ማሕምም፡  
 እንተ፡ አልጸቀት፡ ለወሊድ፡ ወዐውዮወት፡ በ  
 ሕማማ፡ ከማሁ፡ ኮን፡ ለፍቁርክ ። በእንተ፡ ፈሪ  
 ሆትክ፡ እግዚአ፡ ፀነስክ፡ ሐመምኑሂ፡ ወወለድኑ ።  
 መንፈሰ፡ አድጎኖትክ፡ በዲቦ፡ ምድር ። ሙታን  
 ሰ፡ ይትነሥኤ፡ ወዮሐይዉ፡ እለ፡ ውስተ፡ መቃ  
 ብር፡ ወይትፈሥሐ፡ እለ፡ ውስተ፡ ምድር ። እስ  
 መ፡ ጠል፡ ዘእምኅቤክ፡ ሕይወቶሙ፡ ውኣቱ ።  
 ወታጠፍእ፡ ምድርሙ፡ ለኃጥአን ። ሐር፡ ሕዝብ  
 ዮ፡ ወባእ፡ ቤተክ፡ ወዕጼ፡ ኖጎተክ፡ ወተጎባእ፡  
 ኅዳጠ፡ ምዕረ፡ እስከ፡ የጎልፍ፡ መዓቱ፡ ለእግዚ  
 አብሔር ። ፍህ፡ እግዚአብሔር፡ እመቅደሱ፡

ያመጽእ : መቅሠፍተ : ዲበ : እለ : ይነበሩ : ውስተ : ምድር ። ወትከሥት : ምድርኒ : ደማ : ወኢትከድኖሙ : ለቅቱላን ። ይእተ : አሚረ : ያመጽእ : እግዚአብሔር : መጥባሕተ : ቅዱስ : ወዐቢዩ : ወጽኑዐ : ላዕለ : ከይሲ : ወላዕለ : አርዌ : ምድር : ዘይጎይይ : ኅበ : ከይሲ : ወአርዌ : ምድር : ዘየአኪ ። ወይቀትሎ : ለከይሲ : ዘውስተ : ባሕር : ውእተ : አሚረ ።

ዘሆሴዕ : ነቢይ ። በረከቱ : ትኩን : ምስሌነ : ለዓለመ : ዓለም ፤ አሚን ።

ተመየጥ : እስራኤል : ኅበ : እግዚአብሔር : አምላክከ ፤ እስመ : ደከምከ : በዕመፃከ ። ወንሥኡ : ነገረ : ወተመየጡ : ኅበ : እግዚአብሔር : አምላክከሙ ፤ ወበልዎ : ከመ : ኢትነሥኡ : ዐመፃ ። ወይንሥኡ : ወናያተ : ዘነዕስዮ : ለእግዚአብሔር : ፍሬ : ከናፍሪነ ። አሰርሂ : ኢያድኅነነ : ወአፍራሰኒ : ኢንጌዐን ፤ ወኢንብሎሙ : እንክ : አማልክቲነ ፤ ለግብረ : እደዊነ : ዘበእንቲአክ : ይሣህል : ዕንላ : ማውታ ። ወእፌውሶሙ : ለበሓውርቲሆሙ : ወአፈቅሮሙ : እሙነ : ወናሁ : እመይጥ : መዐትየ : እምኔሆሙ ። ወእከውኖሙ : ከመ : ዝናም : ለእስራኤል : ወይሠርጽ : ከመ : ጽጌ : ወይጸንዕ : ሥርወ : ከመ : ሊባኖስ ። ወይወፍሩ : አዕጺቂሁ ፤ ወይከውን : ከመ : ዘይት : ስሙር : ወመዐዛሁ : ከመ : ሊባኖስ ። ወይትመየጡ : ወይነብሩ : ታሕተ : ጽላሎቱ ፤ ወየሐይወ : ወይጸግቡ : እምሥርናይ : ወይሠርጽ : ከመ : ወይን : ዝክሩ : ወከመ : ወይነ : ሊባኖስ ፤ ለኤፍሬም ። ለምንት : እንክ : ሎቱ : ጣዖት ። ናሁ : አነ : አድከምክዎሂ ፤ ወአነ : አጽናዕክዎሂ ። ወአነ : አፈርዮ : ከመ : ጽጌ : ዘስሙር ፤ ወይትረከብ : ፍሬክ : ኅቤየ ። ሙኑ : እንክ : ጠቢብ : ወይኔልዮ : ለዝንቱ : ወለባዊ : ዘየአምሮ : ለዝንቱ ፤ እስመ : ርቱዓት : ፍናዋቲሁ : ለእግዚአብሔር ፤ ጸድቃን : የሐውርዎን : ወኃጥአንሰ : ይስእንዎን ።

ተግሣጽ : ዘአቡነ : አባ : ሲኖኛ ። በረከቱ : ትኩን : ምስለ : ኩልነ : ለዓለመ : ዓለም ፤ አሚን ።

እስመ : ትትረከብ : ምግባር : ዘትመስል : ሠናይተ ። ወይእቲ : እኪት : በኅበ : እግዚአብሔር ። ወናሁ : ሶበ : ንጌጽር : አሐዶ : ዘይገብር : ኅጢአተ : በውስተ : መካናት : ቅዱሳት : ንትዐገሥ : ላዕሌሁ : ወንጹር : ድካሞ ፤ እስመ : እግዚአብሔር : ሶበ : ተከለ : ገነተ : ኢነሥኡ : እምዕፀው : ሠናያተ : በሕቲቶሙ ፤ አላ : ዕፀወ : እኩያተ : ተከለ : ቦቱ ። ወኢተከለ : ቦቱ : ዕፀ : ዘእንበለ : ፍሬ : ወኢዕፀ : ዘእኩይ : ፍሬሁ : ኢይኩን : ዝንቱ : በሕቲቱ ። ወለሰብእ : ድኅረ : ገብር : ወሣሞ : ውስተ : ገነት : ሶበ : ኅደገ : ትእዘዘ : ኢኅደጎ : ወኢተዐገሥ : አላ : አውዕአ : እምገነት ። ወበእንተ : ዝንቱ : አእምሩ : አ : አኅው ፤ ዘኢኮነ : ሠናየ : ኢትምልኡ : ቤተ : እግዚአብሔር : ወመካኖ : እምሰብእ : እኩያን : ወእምሰብእ : ሠናያን : ከመ : ካልአት : መካናት : ዘይመልኡ : ኃጥአን : ወዐግዕያን : ሠናያን : ወእኩያን : አላ : ሶበ : ንጌጽር : አሐዶ : እንዘ : ይገብር : ኅጢአተ : ናውዕአ : እመካናት : ቅዱሳት : ፍጡን ። አነ : አእምር : ለእግዚአብሔር : ምድር : በምልኡ ። ወሶበ : ንሬስዮ : ለቤቱ : ከመ : ካልአት : ምድር : በምንት : እንክ : ናከብር : ለቤቱ ። ወእመሰ : አነ : ሶበ : እገብር : ኅጢአተ : እኪተ : በከመ : ይገብሩ : ካልአን : እለ : ይነበሩ : ዲበ : ምድር : በምንት : ይሰምዩኒ : ከህነ ፤ እስመ : ዝንቱ : ይከውን : ለነ : ደይነ ፤ እስመ : አሐዶ : ኢይክል : ይምላእ : ቤተክርስቲተ : ዘእንበለ : በፈቃድክ ። ወመዐልተ : ንጉሥኒ : ኢይትኃበሉ : ይጸውዑ : ይበኡ : ኩሉ : አሐዶ : አሐዶ : ውስተ : ጽርሐ : ንጉሥ : እምእለ : ይገብሩ : ፈቃዶ ፤ ወእለ : የዐብዩ : ለእመ : ገብሩ : ዘንተ : በተዓድዎ : ይደልዎሙ : ዐቢይ : ኩነኔ : እስክ : ለሞት ።

ሃይማኖተ : አበው ።

ይቤ : ቅዱስ : ቴዎድሮስ : ኤጲስቆጶስ : ዘእንቆራ : በውስተ : ድርሳት : በእንተ : ምንት : ረሰዩ : ሕማመ : ዕንላ : እመሕያዌ : ከመ : ዘሎቱ : ዘእንበለ : ዳእሙ : ፈቂዶ : ሕማመ : ያጥፍእ : በሕማሙ : ወያብጥል : ሞተ : በሞቱ ። ወወ

ለጠ፡ ዘህሉ፡ በዝንቱ፡ አምሳል፡ ወበዝንቱ፡  
አምሳል፡ ሞአ፡ በሕቲቶ፡ ውላተ፡ ሕማመ፡ ተ  
ዐገሠ፡ ስቅለተ፡ ወረሰየ፡ ጽፍዐተ፡ ሎቱ፡ ለሕ  
ማምሂ፡ ረሰየ፡ ሎቱ፡ ለባሕቲቱ፡ ከመ፡ አመ፡  
ከነ፡ ሕማም፡ ረከበ፡ ሥልጣን፡ በዲቦ፡ ምድር፡  
ከመ፡ ያብጥል፡ ሕማማተ፡ ወህላዌሁ፡ ለእግዚ  
አብሔር፡ ኢተወክፈ፡ ሕማመ፡ በግብር፡ ለርእ  
ሱ፡ አመ፡ ረሰየ፡ ሕማመ፡ ሥጋ፡ ለመለኮት፡ ኦ  
ላ፡ ሕሚሞ፡ ረከበ፡ ንይለ፡ በዘይመስሎ፡ ሞቱ  
ሂ፡ ሰበ፡ ከ፡ ለእግዚአብሔር፡ ቃል፡ አብጠለ  
ሞተ፡ ወእምጽኅረ፡ ሞቱሂ፡ ነሠተ፡ ሙአተ፡  
ሞት፡ ወከዕበ፡ ይቤ፡ ቅዱስ፡ ኤ.ኢ.ፋ.ንዮ.ስ፡ ኤ  
ኢ.ስቆዶስ፡ ዘቆጽሮስ፡ ንሕነሰ፡ ንኦምን፡ ከመ፡  
መድኅኒነ፡ ሐመ፡ በሥጋ፡ እንዘ፡ ኢየሐምም፡  
በመለኮቱ፡ ወውአቱ፡ ቃል፡ ዘወረደ፡ እምሰማ  
ይ፡ ወከነ፡ በሥጋሁ፡ በዲቦ፡ ምድር፡ ወይደል  
ዎ፡ ከመ፡ ይሕምም፡ በሥጋ፡ ኢተኅሊ፡ ከመ፡  
ውአቱ፡ ምትሀት፡ ዘኦልቦቱ፡ ሥጋ፡ ዘበኦማ  
ን፡ ለላ፡ ቦቱ፡ ከሉ፡ አምሳል፡ ዘዘከርን፡ ዘው  
እቶሙ፡ ንዋም፡ ወረኃብ፡ ወጽምእ፡ ወድከም፡  
ወከሉ፡ አምሳል፡ ዘይትዐወቅ፡ በህላዌ፡ ዕንላ፡  
እመሕያው፡ ወዝንቱ፡ ከሉ፡ ዘረከቦ፡ በትስብ  
እት፡ ወዘይቤ፡ በወንጌል፡ ቅዱስ፡ ናሁ፡ ረከ  
ብናሁ፡ ለማስያስ፡ ዘጸሐፈ፡ ሙሴ፡ በእንቲአሁ፡  
በአይቱ፡ ተረክቦ፡ እንበለ፡ ዳእሙ፡ በህላዌ፡  
ዘዘከርን፡ በዘይትዐወቅ፡ ዘውአቱ፡ አስተርእዮ  
ቱ፡ በሥጋ፡ ዘይትረከብ፡ ወበእንተ፡ ዝንቱ፡  
ተብህለ፡ እስመ፡ ወዐልት፡ አኅዝዎ፡ ወመጠ  
ወ፡ ዘባኖ፡ ለመቅሠፍት፡ ወመልታሕቶ፡ ለጽፍ  
ዐት፡ ወኢሚጠ፡ ገጸ፡ እምኅፍረተ፡ ምራቅ፡  
በከየ፡ ወተከዘ፡ ወከሉ፡ ዘተብህለ፡ በእንቲአ  
ሁ፡ ተወክፈ፡ መኑ፡ ውአቱ፡ ዘይክል፡ ይቅሥ  
ፍ፡ ቃል፡ እግዚአብሔር፡ አው፡ ይጽፍዎ፡ አው፡  
ይውርቅ፡ ውስተ፡ ገጸ፡ በህላዌ፡ መለኮቱ፡ ዘኢ  
ይትረከብ፡ እመሰ፡ ቃል፡ እግዚአብሔር፡ ቀዳ  
ማዊ፡ ተወክፈ፡ ዘንተ፡ አኮኑ፡ በሥጋሁ፡ ተወ  
ክፈ፡ ሕማመ፡ በመለኮቱሰ፡ ኢየሐምም፡ እን  
ዘ፡ ኢይትፈለጥ፡ እምሥጋሁ፡ ወበፈቃዱ፡ ንጐ  
ለቁ፡ ሕማማተ፡ ከመ፡ ዘሎቱ፡ ከመ፡ ደም፡ ዘ

ውስተ፡ ልብሰ፡ ብእሲ፡ ወአክ፡ ደም፡ ቅቡዕ፡  
በዘይለብሰ፡ ከማሁ፡ እግዚአብሔር፡ ሐመ፡ በ  
ሥጋ፡ ወኢረከቦ፡ ሕማም፡ በመለኮቱ፡ አላ፡  
ኅብላቁ፡ ሕማመ፡ ከመ፡ ዘሎቱ፡ እስመ፡ ተወክ  
ፎ፡ በሥጋሁ፡ አምላካዊ፡ እስመ፡ መለኮት፡ ይ  
ትዋሐድ፡ ምስለ፡ ሥጋ፡ ከመ፡ ይኩን፡ መድኅኒ  
ተ፡ በመለኮቱ፡ ዘይትዋሐድ፡ ምስለ፡ ሥጋሁ፡  
በረከተ፡ ጸሎቶሙ፡ ለእሉ፡ መምህራን፡ የህሉ፡  
ምስሌን፡ ለዓለመ፡ ዓለም፡ አሚን፡ =  
ተአምሪሃ፡ ለእግዚእትን፡ ቅድስት፡ ድንግል፡  
በክልኤ፡ ማርያም፡ ወላዲተ፡ አምላክ፡ ጸሎታ፡  
ወበረከታ፡ የህሉ፡ ምስሌን፡ ለዓለመ፡ ዓለም፡  
አሚን፡ =  
ዘከመ፡ ጸለየት፡ እግዚእትን፡ ቅድስት፡ ድንግ  
ል፡ በክልኤ፡ ማርያም፡ ወላዲተ፡ አምላክ፡ ወ  
ትቤ፡ አ፡ እግዚእየ፡ ኢየሱስ፡ ክርስቶስ፡ ወል  
ደ፡ እግዚአብሔር፡ ልዑል፡ ዘድገብር፡ ከሉ፡  
ዘፈቀደ፡ በሰማይኒ፡ ወበምድርኒ፡ ባርካ፡ እግ  
ዚእ፡ ለይእቲ፡ መክን፡ ኅበ፡ ይትገበር፡ በዓል፡  
በስመ፡ ዘኢየ፡ ተወክፍ፡ ጸሎታየ፡ ወባርካ፡ ርስ  
ተክ፡ ሕዝበክ፡ ወመሲካክ፡ እለ፡ ያቁርቡ፡ ለ  
ክ፡ መሥዋዕተ፡ በስመ፡ ዘኢየ፡ ወአውሥኢ፡  
እግዚእነ፡ ኢየሱስ፡ ክርስቶስ፡ ወይቤላ፡ ናሁ፡  
ገበርኩ፡ ለኪ፡ ወእምደእዜሰ፡ ተፈሥሒ፡ እስ  
መ፡ ተውሀበኪ፡ እምኅቤየ፡ ከሉ፡ ሀብት፡ ወ  
እምኅበ፡ አቡየ፡ ወመንፈስ፡ ቅዱስ፡ ወከሉ፡  
ዘይዜክር፡ ስመኪ፡ ወይጼውዕ፡ ኢይማስን፡ በኅ  
በ፡ ዝ፡ ዓለም፡ ወኢበክሃኒ፡ አላ፡ ይረክብ፡ ጸ  
ጋ፡ በኅበ፡ አቡየ፡ ዘበሰማያት፡ ወእምዝ፡ ተ  
መይጠ፡ እግዚእነ፡ ኢየሱስ፡ ክርስቶስ፡ ኅበ፡  
ጴጥሮስ፡ ወይቤሎ፡ በጽሐ፡ ናሁኬ፡ ጊዜ፡ አን  
ብብ፡ ወዘምሮ፡ ወእምዝ፡ አኅዝ፡ ጴጥሮስ፡ ያን  
ብብ፡ ወይዘምር፡ ምስለ፡ መላእክት፡ ውአተ፡  
ጊዜ፡ ሠረቀ፡ ዲቦ፡ ገጸ፡ ለቅድስት፡ ዐቢይ፡  
ብርሃን፡ ወአንሥኦት፡ እደዊሃ፡ ወባረከቶሙ፡  
ለአርድኦት፡ ወእምዝ፡ ሰፍሐ፡ እደዊሁ፡ እግ  
ዚእነ፡ ኢየሱስ፡ ክርስቶስ፡ ወተመጠወ፡ መን  
ፈሳ፡ ወሶቤሃ፡ ተፈልጠት፡ እምሥጋሃ፡ ወመ  
ልአ፡ ውስተ፡ ውአቱ፡ መክን፡ ብርሃን፡ ዐቢይ፡

ወወዕክ : ጸና : መዐዛ : ሠናይ : ዘአልቦ : ዘከ  
 ግሁ : መወጽኦ : ቃል : እምሰግይ : ዘይብል :  
 ብዕዕት : አንቲ : ንግሥት : ወቡርክት : እምአን  
 ስት : ወሰገደ : ኢጥርስ : ምስለ : አርድኦት : ታ  
 ሕት : እገሪሃ : ለቀድስት : ድንግል : አርኬ : መ  
 ድምም : ክብር : ዘውድስት : በአፈ : አብ : ወወ  
 ልድ : ወመንፈስ : ቅዱስ : ወስብሕት : በአፈ :  
 መላእክት : ወሰብእ : ጸሎታ : ወበረከታ : የሀሉ :  
 ምስሌን : ለግለመ : ግለም : አጫን :

ተኣምር : ዘገብረ : እግዚእን : ወኣምላክን : ወመ  
 ድኅነን : ኢየሱስ : ክርስቶስ : ዘከመ : ቦኦ : ቤ  
 ቲ : መቅደስ : ወረከበ : ሥዕል : ራእዩ : ለሕዝቅ  
 ኤል : ወዘከመ : አመክርዎ : አይሁድ : ወዘከመ :  
 አደንገም : በገቢረ : ተኣምራት : ሳህሉ : ወ  
 ምሕረቱ : የሀሉ : ምስሌን : ለግለመ : ግለም : አ  
 ጫን :

ወበአሐቲ : ዕለት : ቦኦ : እግዚእ : ኢየሱስ : ወ  
 ስተ : ቤተ : መቅደስ : ወርእዩ : ሥዕል : ራእዩ :  
 ለሕዝቅኤል : ዘውኦቱ : ሠረገላ : ዘይጸውርዎ :  
 አርባዕቱ : እንስሳ : እመንተኒ : ገጸ : ሰብእ : ወ  
 ገጸ : እንስሳ : ገጸ : ንስር : ወገጸ : አንበሳ : ወ  
 ደቤሎም : እግዚእ : ኢየሱስ : ምንትነ : ወኦ  
 ቱ : ዝ : ሥዕል : ወይቤልዎ : ሥዕል : ራእዩ :  
 ለሕዝቅኤል : ንቢይ : ዘርእዩ : ወይቤሎም : አክ  
 ኑ : ዝንቱ : ሥዕል : ግቡር : በዘዘ : ዘኢሁ : ሥር  
 ዐት : ወይቤልዎ : እው : ንሕን : ንኣምር : ዘንተ :  
 ወእምዝ : ደቤ : እግዚእ : ኢየሱስ : ለእመ : አ  
 ኑ : እኤዝዘመ : ለእሉ : አምሳለ : እንስሳ : ከመ :  
 ይኩነ : ነብብዎን : ኢተኣምኑሁ : ከመ : ወልደ :  
 ዕዓለ : እመሕዳው : ሥሉጥ : ላዕለ : ኩሉ : ዘገ  
 ብረ : ወአልቦ : ሥሉጥ : ዘእንበሌሁ : ወይቤል  
 ዎ : አይሁድ : ይእዜ : አእመርን : ከመ : ጠፍ  
 አ : ጎሊናክ : ወዘንግዐ : ልቡናክ : አማን : ወ  
 ልደ : ዮሴፍ : አንተ : ወይቤሎም : እግዚእ :  
 ኢየሱስ : እመሰ : ኢገበርኩ : በከመ : እቤለክ  
 መ : ወእመ : ኢረከብክምም : ለእሉ : ሥ  
 ዕላት : ሕዳዎን : አእምሩ : ጥዩቀ : ከመ : አን :  
 ወኦቱ : ወልደ : ዮሴፍ : ጸራቤ : በከመ : ትቤ  
 ሉ : ወይቤልዎ : ግበር : እስኩ : ከመ : ንርአይ

ወእመ : ገበርክ : ዘንተ : ንኣምን : ብከ : ከመ :  
 አንተ : ወኦቱ : ኢየሱስ : ወልደ : እግዚአብሔ  
 ር : ዘይሌፈውዎ : ለመድኅኒተ : ግለም : ወተመ  
 ይጠ : እግዚእ : ኢየሱስ : ኅበ : እሉ : ሥዕላት :  
 ወይቤሎም : ለክመ : እብለክመ : አ : ሥዕላ  
 ት : ብሉዎት : የሀሉ : ወስቲትክመ : መንፈስ :  
 ወይኩን : ለክመ : ሥጋ : ወንዑ : እመከንክመ :  
 ዲቦ : ምድር : ኅበ : ሀሉን : ንሕን : ወእምዝ :  
 ሐሩ : ኅበ : መቃብር : ዘሀለዉ : አብርሃም : ይ  
 ሥሐቅ : ወደዕቆብ : ወኅበ : ኩሉ : ዘተቀብረ :  
 ምስሌሆመ : እምደቂቆመ : አበው : እምቀዳ  
 ማ : መዋዕል : ወበልዎመ : ወልደ : እግዚአብ  
 ሔር : ፈጣሪ : ቀዳማዊ : ይኤዝዘክመ : ከመ :  
 ትምጽኦ : ኩልክመ : ወስተ : ቤተ : መቅደስ :  
 ወይምጸእ : ምስሌክመ : አሐዱ : እምውሉድክ  
 መ : ዘኮን : የኣምር : ምስጢራትዩ : ወዜና : ም  
 ጽኦትዩ : ወስተ : ግለም : ከመ : ታጠይቅዎመ :  
 ለውሉድክመ : አይሁድ : ኩሉ : ከመ : መተ :  
 አን : ወእምደይቴ : መጸእኩ : ወኅበ : አይቴ : አ  
 ሐውር : ወሶበ : ይቤ : እግዚእ : ኢየሱስ : ዘን  
 ተ : ነገረ : ላዕለ : ሥዕላት : ኮን : ዲቦ : ምድር :  
 ወውስተ : ኢየሩሳሌም : ጽልመት : ዐቢይ : ወ  
 ድልቅልቅ : ወመብረቀ : ኅይል : ወንፋስ : ዐው  
 ሎ : እስከ : ወድቁ : ኩሉመ : ሰብእ : ኢየሩሳ  
 ሌም : በገጸመ : ወእምድኅረ : ዝንቱ : ተአተ  
 ተ : ጽልመት : ወርእይዎመ : ለእሉ : ሥዕላት :  
 ዘኮን : እንስሳ : ዘይተሐወሱ : ዋሪዶመ : ምድ  
 ረ : ወእምዝ : ሐሩ : ወአፍጠኑ : ገጸ : ሰብእ : ወ  
 ገጸ : እንስሳ : ገጸ : ንስር : ወገጸ : አንበሳ : ወስ  
 ተ : መካን : መቃብሪሆመ : ለአብርሃም : ወለይ  
 ሥሐቅ : ወለደዕቆብ : ወኅበ : ዐሠርቱ : ወክልኤ  
 ቱ : ደቂቆመ : ለአበው : ወንስርሰ : ሐረ : ኅበ :  
 መቃብሪሁ : ለሙሴ : ወጸውዕዎመ : ወአብጽሕ  
 ዎመ : ኅበ : ቤተ : መቅደስ : በከመ : አዘዘመ :  
 እግዚእን : ኢየሱስ : ክርስቶስ : ወበጽሑ : ፍጡ  
 ኑ : በቅጽብት : ወርእይዎመ : ኩሉመ : እለ : ሀ  
 ለዉ : ህዩ : እምደቂቅ : እስራኤል : እስመ : ር  
 እይዎመ : ለአብርሃም : በሢቦቱ : ወለይሥሐ  
 ቅ : በአምሳሉ : ዘያስተርኢ : ዘኮን : ቦቱ : እምቅ



ሐቶ : ፈለገ : የርዳኖስ ። ወእምዝ : መጽሐ :  
 አበው : ጎበ : አግዚእ : ኢየሱስ : ወይቤልም :  
 አ : አግዚእነ : አስመ : ርኢን : ስብሐተክ : ወይእ  
 ዜኒ : ምንተ : ትኤዝዘን ። ወይቤሎሙ : ተመዩ  
 ጡ : መካከሎ : አንተ : ተንግላክሎ : እምኔፃ :  
 በሰላም ። ወተመይጡ : መካኖተሆሙ : አንዘ :  
 የአኩትም : ለአግዚአብሔር ። ወእመንቱሂ : ሥ  
 ፅላተ : አርበዕቱ : እንሰሳ : እለ : ለብሱ : ሥጋ :  
 መጽሐ : ገዳመ : ነበ : ሀሎ : አግዚእ : ኢየሱ  
 ስ : ወሰገዳ : ሎቱ ። ወለእመንቱሂ : ሥፅላት :  
 ይቤሎሙ : ተመዩጡ : መካከሎ : በከመ : ከ  
 ንክሙ : ቀዳሚ : ወብተ : ቤተ : መቅደስ ። ወተ  
 መይጡ : እሱ : ሥፅላት : በከመ : ከነ : ቀዳሚ ።  
 ሣህሉ : ወምሐረቱ : የሀሉ : ምስሌነ : ለዓለመ :  
 ዓለም : አሜን ።

(ይዲ) : ቅድመ : ወንጌል : ወንጌራር : ልባዩ : ሆሎ : አሚ  
 ረ : እስከ : ማእከት : ይቅዱሳዩ : ዳግሎቱ : ገፅላዩ : ገንገረ : ወ  
 ስምረ : አግዚእ : ከምላከዩ ።

ወንጌል : ዘየሐንስ ።

አማን : አማን : አብላክሙ : ዘዐቀበ : ቃልዩ :  
 ኢይጥዕዋ : ለሞት : ለዓለም ። ወይቤልም : አይ  
 ሁድ : ይእዜኬ : አእመርኖስ : ከመ : ጋኔን : ብ  
 ከ ። አብርሃም : ጥቀ : ሞተ : ወነበያትኒ : ሞተ :  
 ወአንተሰ : ትብል : ዘዐቀበ : ቃልዩ : ኢይጥዕ  
 ሞ : ለሞት : ለዓለም ። አንተነ : ተዐበ : እም  
 አብርሃም : አቡን : ዘሞተ : ወእምነበያትኒ : እለ  
 ሞተ : መነ : ትሬሲ : ርእሰስ ። ወአውሥአ : እግ  
 ዘእ : ኢየሱስ : ወይቤሎሙ : እመሰ : ለልዩ :  
 ሰባሕኩ : ርእሰዩ : ኢይበቀዕሪ : ስብሐትዩ : ወ  
 ኢምንተኒ : ሀሎ : አቡዩ : ዘይሱብሐኒ : ዘአን  
 ትሙ : ትብልም : አምላክነ : ውኣቱ ። ወኢተ  
 አምርም : ወአንሰ : አአምሮ ። ወእመሰ : እቤ :  
 ኢየአምሮ : እከውን : ከማክሙ : ሐላዌ ። ወአ  
 ንስ : አአምሮሂ : ወቃሎሂ : አዐቅብ ። አብርሃ  
 ም : አቡክሙ : ተመነዩ : ከመ : ይርአይ : ፅላ  
 ትዩ : ወርአዩሂ : ወተፈሥሐ ። ወይቤልም : አይ  
 ሁድ : ጎምሳ : ዓመት : አጅብከ : ወአብርሃምሀ :  
 ርኢከ ። ወይቤሎሙ : አግዚእ : ኢየሱስ : አማ  
 ን : አማን : አብላክሙ : ዘእንዘለ : ይትወለድ :

አብርሃም : ሀሎኩ : አነ ። ወንሥኡ : እብነ : ከ  
 መ : ይውግርም ። ወተኑብአሙ : አግዚእ : ኢየ  
 ሱስ : ወወዕአ : እምነተራብ : ወጎሰፈ : አንተ :  
 ማእከሎሙ : ወሐረ ።

በዐሙርተ : ወአሐዳ : ሰዓት : ዘሰገደ ።

ብርሃን : ዘበአማን : ዘአብርሀ : ላዕለ : ድሎሙ :  
 አሕዛብ : ወመልአ : ድሎ : ዓለመ : ዘውኣቱ : አ  
 ግዚእ : ኢየሱስ ። አይሁድሰ : ኢቀርቡ : ጎበ : ዝ  
 ንቱ : ብርሃን : ከመ : ይርአይም ። አስተርአዩ : ው  
 ስቱቱ : ምስጢሩ : እስመ : ዘአምነ : ቦቱ : ኢይ  
 መውት : ለዓለም ። ወሶበ : ሰምዑ : አብዳን : አ  
 ይሁድ : ይቤሉ : ሂብርሃም : ሞተ : ወነበያትኒ :  
 ሞተ : አር : ዘኢይመውት : ዘየአምን : ብከ ። ይ  
 ቤሎሙ : ለእመ : ሰባሕኩ : ርእሰዩ : ኢኮነ : ስብ  
 ሐትዩ : ምንተኒ : እለመ : ሀዩ : ሊተ : ዘይሱብሐ  
 ኒ ። አንተነ : ተዐበ : እምአቡን : አብርሃም : ዘ  
 ጥዕመ : ሞተ ። ኢኮነ : ለስ : ዓዲሁ : ጎምሳ : ዓ  
 መት : እመዋዕል : አብርሃምሀ : ርኢከ ። መነ : ት  
 ሬሲ : ርእሰስ ። ወይቤ : መድኅን : አማን : አብላ  
 ክሙ : ከመ : አነ : ሀሎኩ : እምቅድመ : አብርሃ  
 ም ። ክርስቶስ : መድኅኒን : መጽሐ : ወሐመ :  
 ወበሕማማኒሁ : አድኅነን ።

ጸልዩ : በእንተ : ጽጌሀ : ዛቱ : በል ። ክርስቶስ : አምላክነ : በ  
 ል ። ሰላም : ለኪ : ምልእተ : ጸጋ : በል ። ሰላመክ : ሀብነ : በ  
 ል ። ገናይ : ለከመ : ሥሎብ : ቅዱስ : መገብተ : ሰብዕቱ : ሀብ  
 ታት : በል ። ስብሐት : ለአግዚአብሔር : በል ። ጸሎተ : ሃይማ  
 ኖት : በል : እስከ : ንበ : ይብል : ሐመ ።



ወእምዝ : ይትጋብኡ : ከህናት : ውስተ : ቤተ : ክርስቲያን : በ  
 ቀዳሚ : ሰዓት : ሌሊት : ዘሠሎስ : ዘውኣቱ : ጊዜ : ንዋም :  
 ወይጸልዩ : መዝሙረ : ዳዊት : ዘይብል : ተዘከሮ : እግዚኦ :  
 ሰዳዊት : እስከ : ንበ : ይብል : ወእስሰልኩ : ጸዕለተ : ውዳሴ :  
 ማርያም : ዘቀዳሚት ።

በቀዳሚ : ሰዓት : ሌሊት : ዘሠሎስ ።

ዘዘከርያስ : ነቢይ : በረከቱ : ትኩን : ምስሌነ :  
 ለዓለመ : ዓለም : አሜን ።

በከልእ ፡ ዓመተ ፡ መንግሥቱ ፡ ለዳርዮስ ፡ በሳም  
ን ፡ ወርጎ ፡ ከኃ ፡ ቃለ ፡ እግዚአብሔር ፡ ኅበ ፡ ዘ  
ከርያስ ፡ ወልደ ፡ በራክዩ ፡ ወልደ ፡ ሐዶ ፡ ነቢይ ።  
ወይቤሎ ፡ ተምዐ ፡ እግዚአብሔር ፡ ላዕለ ፡ አበ  
ዊክሙ ፡ ዐቢዮ ፡ መዓተ ፡ ወበሎሙ ፡ ከመ ፡ ዝ  
ይቤ ፡ እግዚአብሔር ፡ ዘኵሎ ፡ ይመልክ ፡ ተመ  
የጡአ ፡ ኅቤዮ ፡ ወእትመየጥ ፡ ኅቤክሙ ፡ ይቤ ፡  
እግዚአብሔር ፡ ዘኵሎ ፡ ይመልክ ። ወኢትኩት ፡  
ከመ ፡ አበዊክሙ ፡ አለ ፡ ገሠጽዎሙ ፡ ነቢያት ፡  
ቀደምት ፡ ወይቤልዎሙ ፡ ከመ ፡ ዝ ፡ ይቤ ፡ እግዚ  
አብሔር ፡ ዘኵሎ ፡ ይመልክ ፡ ተመየጡአ ፡ እ  
ምፍጥትክሙ ፡ አኩይ ፡ ወእምእክዩ ፡ ምግባሪክ  
ሙ ፡ ወአባዩ ፡ ሰሚዶትዮ ፡ ይቤ ፡ እግዚአብሔ  
ር ፡ ዘኵሎ ፡ ይመልክ ። አይቴኦ ፡ አበዊክሙ ፡  
ወነቢያተክሙ ፡ ዘኵሎ ፡ ለዓለም ፡ የሐይወ ፡ ይ  
እዜኒአ ፡ ተወክፉ ፡ ቃልዮ ፡ ወሕግዮ ፡ ኵሎ ፡ ዘ  
አዘዝኩ ፡ በነፍስዮ ፡ ለአግብርትዮ ፡ ነቢያት ፡ ቀ  
ደምት ፡ አለ ፡ ረኩብዎሙ ፡ ለአበዊክሙ ፡ ወተ  
ስጥወዎ ፡ ወይቤሎ ፡ በከመ ፡ ነበበ ፡ እግዚአብ  
ሔር ፡ ዘኵሎ ፡ ይመልክ ፡ ከመ ፡ ይግበር ፡ ላዕ  
ሌኅ ፡ በከመ ፡ ፍናዊን ፡ ወበከመ ፡ ጌጋይን ፡ ከማ  
ሁ ፡ ገብረ ፡ ለኃ ።

ቅድመ ፡ ወንጌል ፡ ወባሕቱ ፡ ለእግዚአብሔር ፡ ትገኝ ፡ ነፍስዮ ፡  
እስመ ፡ ነቤሁ ፡ መድኃኒትዮ ፡ እስመ ፡ ውላቱ ፡ እምላኪዮ ፡ ወ  
መድኃኒዮ ፡ ወውላቱ ፡ ረዳኢዮ ፡ ወኢይትህመክ ፡ ለዘሎፉ ።

ወንጌል ፡ ዘሉቃስ ።

ወየሐውር ፡ አህጉረ ፡ ወአዕጻዳተ ፡ ያንሶሱ ፡ በኢ  
የሩሳሌም ፡ ወይሚህር ። ወይቤሎ ፡ አሐዱ ፡ እግ  
ዚአ ፡ ውኑዳንጉ ፡ እንጋ ፡ እሙንቱ ፡ አለ ፡ ይድ  
ኅኑ ፡ ወይቤሎሙ ፡ ተኃየሉ ፡ ትባኢ ፡ አንተ ፡ ጸ  
ባብ ፡ አንቀጽ ። እብልክሙ ፡ ብዙኃን ፡ አለ ፡ የኅ  
ሥሠ ፡ ይባኢ ፡ ወኢይክሉ ። እስመ ፡ ይትነሣኢ ፡  
ብዕለ ፡ ቤት ፡ ወየዐጺ ፡ ፍጥተ ፡ ወይኢተ ፡ ጊዜ ፡  
ትእኅዙ ፡ ትቁሙ ፡ አፍኦ ፡ ወትጉደጉዳ ፡ እን  
ዘ ፡ ትብሉ ፡ እግዚአ ፡ እግዚአ ፡ አርኅወን ። ወ  
ያዎሥኦ ፡ ወይብልክሙ ፡ ኢየአምረክሙ ፡ እም  
አይቴ ፡ አንትሙ ። ወእምዝ ፡ ትእኅዙ ፡ ትብል  
ዎ ፡ በላዕነሂ ፡ ወሰተይነሂ ፡ በቅድሚክ ፡ ወመሀር  
ከ ፡ በመራሕብኒን ። ወይብል ፡ ኢየአምረክሙ ፡

እምአይቴ ፡ አንትሙ ፡ ረሐቁ ፡ እምኔየ ፡ ኵልክ  
ሙ ፡ ገበርተ ፡ ዐመፃ ። ሐሩ ፡ ውስተ ፡ ብካይ ፡  
ወሐቅዮ ፡ ስንን ። አመ ፡ ርኢክምዎሙ ፡ ለአብር  
ሃም ፡ ወለይሥሐቅ ፡ ወለያዕቆብ ፡ ወለኵሎሙ ፡  
ነቢያት ፡ በመንግሥተ ፡ እግዚአብሔር ፡ ወለክ  
ሙስ ፡ ያወዕኡክሙ ፡ አፍኦ ። ወይመጽኦ ፡ እ  
ምጽባሕ ፡ ወእምዕራብ ፡ ወእምሰሚን ፡ ወእምደ  
ቡብ ፡ ወይትፎሥሐ ፡ በመንግሥተ ፡ እግዚአብ  
ሔር ። ወይከውኑ ፡ ደኅርት ፡ ቀደምተ ፡ ወቀደ  
ምትኒ ፡ ደኅረ ፡ ይገብኡ ።

ደኅረ ፡ ወንጌል ፡ በቀጣይ ፡ ሰዓተ ፡ ሌሊት ፡ ዘሠለክ ።

ርእዮ ፡ አ ፡ ጠቢባን ፡ ወአእምሩ ፡ አ ፡ ማእምራ  
ን ፡ ኅበ ፡ ዛቲ ፡ ተሰፍ ፡ ናዛዚት ፡ ዘአሰፈወን ፡  
ከያሃ ፡ እግዚአብሔር ። ወይትናገር ፡ ምስሌን ፡  
በአፋሁ ፡ ዘበአማን ፡ ወይብል ፡ ዘዐቀበ ፡ ቃል  
ዮ ፡ ኢይጥዕም ፡ ለሞት ፡ ለዓለም ። በጠንቅቆ ፡  
ንስማዕ ፡ ትምህርቶ ፡ ወንዕቀብ ፡ ሕገጋቲሁ ፡ ወ  
ንኩን ፡ ዘናወምሮ ፡ በኵሎ ፡ ወኢንሙት ፡ በሞ  
ተ ፡ ኅጢአት ፡ ወኢንዕርፍ ፡ ዲባ ፡ መለኮቲ ።  
እስመ ፡ አይሁድ ፡ ዐላውያን ፡ በእንተ ፡ ዘደረፈ ፡  
ወይቤሎ ፡ ይእዜ ፡ አእመርን ፡ ከመ ፡ ጋኔን ፡ ብ  
ከ ፡ አብርሃም ፡ ሞተ ፡ ወነቢያትኒ ፡ አንተት ፡ ተ  
ዐቢ ፡ እምእልክቲ ። ወረስዑ ፡ ተአምራተ ፡ ወመ  
ንክራተ ፡ ዘገብረ ፡ ውስቴቶሙ ። ወተፈጸመ ፡ ላ  
ዕሌሆሙ ፡ ዘጽሑፍ ፡ ውስተ ፡ መጽሐፈ ፡ ኢሳ  
ይያስ ፡ ውሉደ ፡ ወለድኩ ፡ ወአልሀቀ ፡ እሙን  
ተሰ ፡ ዐለወኒ ። ክርስቶስ ፡ መድኃኒን ፡ መጽኦ ፡  
ወሐመ ፡ ወበእማማቲሁ ፡ አድኅን ።



በሠለክ ፡ ሰዓተ ፡ ሌሊት ፡ ዘሠለክ ።

ዘሚልክያስ ፡ ነቢይ ። በረከቱ ፡ ትኩን ፡ ምስሌ  
ን ፡ ለዓለመ ፡ ዓለም ፡ አሚን ።  
ተረፈ ፡ ቃለ ፡ እግዚአብሔር ፡ ላዕለ ፡ እስራኤል ፡  
በእደ ፡ መልክኩ ። ኅልዎምኬአ ፡ በልብክሙ ፡  
አፍቀርኩክሙ ፡ ይቤ ፡ እግዚአብሔር ። ወትባ  
ሉኒ ፡ በበይነ ፡ ምንት ፡ አፍቀርከን ። አክኑ ፡ ጌሳ  
ው ፡ እኑሁ ፡ ለያዕቆብ ፡ ይቤ ፡ እግዚአብሔር ፡  
ያዕቆብህ ፡ አፍቀርኩ ፡ ወዲሳውሀ ፡ ጸላእኩ ፡

ወአማሰንኩ : በሐውርቲሁ : ወመክፈልቶ : ረሰ  
 ይክም : በድግ ። እስመ : ይቤ : ናሁ : ወድቀት :  
 ኤዶምያስ : ንትመየጥ : ወንሕንጽ : መዝበራ ።  
 ከመ : ዝ : ይቤ : እግዚአብሔር : ዘኩሎ : ይመ  
 ልክ : አንትመ : ተሐንጸ : ወአነ : እነሥት : ወ  
 ይሰመይ : ብሔር : ዐመፃ : ወይራእያ : አዕይን  
 ቲክመ : ሕዝበ : ዘሠርዐ : እግዚአብሔር : እስ  
 ከ : ለዓለም ። ወአንትመ-ሰ : ትብሉ : ዐቢይ : እ  
 ግዚአብሔር : መልዕልተ : በሐውርተ : እስራኤ  
 ል ። ወልድኒአ : ያኩብር : አባሁ : ወገብርኒ : የ  
 ጎፍር : እግዚአ : እመሰኔ : አቡክመ : አነ : አ  
 ይቲ : ዘአክበርክመ-ኒ : ወእመኒ : እግዚእክመ :  
 አነ : አይቲ : ዘፈራህክመ-ኒ : ይቤ : እግዚአብ  
 ሔር : ዘኩሎ : ይመልክ ። እስመ : አንትመ : ከ  
 ህናት : አርኩስክመ : ስምየ : ወትብሉ-ኒ : በም  
 ንት : አርኩስነ : ስመክ : እስመ : ወደይክመ :  
 ወ-ስተ : ምሥዋዕየ : ኅብስተ : ርኩሰ : ወትቤሉ :  
 በምንትነ : አርኩስናሁ : እስመ : ትብሉ : ማእ  
 ደ : እግዚአብሔር : ነውር : ውእቲ : ወእክሉሂ :  
 ዘሥሩዕ : ውስቲቲ : ምኑን : ውእቲ ። እስመ :  
 ታብውእ : ነቋረ : ለመሥዋዕት : ወኢኮነ : ሠና  
 የ : ከሚሁ ። ወእመሂ : አምጸእክመ : ሐንካስ :  
 ወድወይ : ኢኮነ : ሠናየ : ሰድ : እስኩ : ለመልአ  
 ክከ : ለእመ : ይትሚጠወክ : ወለእመ : ያደሉ : ለ  
 ገጽክ : ይቤ : እግዚአብሔር : ዘኩሎ : ይመልክ ።

ሃይማኖተ : አበው ።

ይቤ : ቅዱስ : ጎርጎርዮስ : ነባቤ : መለኮት : ኤ  
 ጲስቆጶስ : ዘሀገር : እንዚናዙ : ኢኮነኬ : እግዚ  
 እነ : ኢየሱስ : ክርስቶስ : ክልኤተ : ህላዌ : አ  
 ላ : አሐዱ : ወልድ : ዋሕድ : ውእቲ ። እምድኅ  
 ረ : ኮነ : አሐደ : ኢይትፈለጥ : ወኢይቶሳሕ :  
 እምድኅረ : ኅብሬ : መለኮት : ወትስብእት ። ህ  
 ላዌ : መለኮት : ወህላዌ : ትስብእት : ተዋሐደ :  
 ወኮነ : አሐደ : መልክአ : ወአልቦ : ውላጤ : ው  
 ስተ : ዝንቲ : አሐዱ : አካል : አላ : ፍጹም : ው  
 እቲ : በኩሉ : ግብር ። ወቦቲ : ነፍስ : ወልብ : ወ  
 ንጹሕ : እምኩሉ : ኅጢአት ። ወኢሐመ : እግዚ  
 እነ : ክርስቶስ : በምትሀት : አመ : ርኅብ : ወጸም  
 አ : ወእመ : ደክመ : በሐዌረ : ፍኖት : ዘከመ :

ይቤሉ : ርኩሳን : ሰብእ : አላ : ሐመ : በሥጋ : እ  
 መ-ን ። ንሕነሰ : ንብል : ሕግመ : ትስብእት : ዘየ  
 ሐምም : ይትኃለቀ : ለመለኮት : ዘኢየሐምም ።  
 ወበህላዌሁስ : ዘኢየሐምር : ሕግመ : እስመ : ኢ  
 ሐማሚ : ውእቲ : በመለኮቲ : ወሐመ : እምረሰ  
 ዓን : እለ : ተኃበሉ : ላዕሌሁ ። ዘሐመስ : በሥ  
 ጋ : እግዚአብሔር : ቃል : ውእቲ : ለመለኮት  
 ሰ : ኢይረክቦ : ሕግም ። ወካዕብ : ይቤ : ቅዱስ :  
 ዮሐንስ : አፈ : ወርቅ : ውስተ : ድርሳኑ : ዘደ  
 ረሰ : በእንተ : ልደት : ስቡሕ : ዮም : ተወልደ :  
 ቀዳማዊ : ወኮነ : በዘኢዚአሁ : ውእቲ : አምላ  
 ክ : ቀዳማዊ ። ወኢተወለጠ : መለኮቲ : በከዊ  
 ኖቲ : ሰብአ ። ወአኮ : ጥንተ : መለኮቲ : እምላ  
 ፊ : ልደቲ : እምሰብእ : አላ : ውእቲ : ጥበብ :  
 ዘሀሎ : እምቀዳመ : ምስለ : አብ : ወምስለ :  
 መንፈስ : ቅዱስ ። ዘኢየሐምም : ተሠገወ : በሥ  
 ጋ : ሐማሚ : እንዘ : ኢይትዌለጥ : በህላዌ : መ  
 ለኮት ። በረከተ : ጸሎቶመ : ለእሉ : መምህራ  
 ን : የሀሉ : ምስሌነ : ለዓለመ : ዓለም : አሜን ።  
 ተአምሪሃ : ለእግዚእትነ : ቅድስት : ድንግል :  
 በክልኤ : ማርያም : ወላዲተ : አምላክ ። ጸሎታ :  
 ወበረከታ : የሀሉ : ምስሌነ : ለዓለመ : ዓለም :  
 አሜን ።

ዘከመ : ተስእላሃ : ሠላስ : ደናግል : እለ : ይትቀነ  
 ያ : ላተ : ወይቤላሃ : ኢትሕዝኒ : አ : እግዚእት  
 ነ : ናሁ : ንሕነሰ : ንመጽእ : ምስሌኪ : ከመ : ን  
 ርኩብ : ሣህለ : ወምሕረተ : በጎብ : እግዚአብሔ  
 ር : ዘተወልደ : እምኔኪ ። ወከመ : ዝ : ይቤላ :  
 ደናግል : ዘተፀምዳ : ላቲ : ወይትቀነያ : መዓል  
 ተ : ወሌሊተ ። ወእማንቲሰ : ተስእላሃ : ትንግሮ  
 ን : ዘከመ : እር : ተወልደ : እምኔሃ : እግዚእነ :  
 ኢየሱስ : ክርስቶስ : ወልደ : እግዚአብሔር :  
 ሕያው : ዘእንበለ : ዘርዐ : ብእሴ ። ወማርያም :  
 አመ : ለብርሃን : ታፈቅሮን : ራድፋደ : ለእማ  
 ንቲ : ደናግል : ወትንግሮን : ኩሎ : ይትመሀራ :  
 ኅቤሃ : ወይትዌከፋ : ቅኔሃ : ወይገብራ : ሥም  
 ረታ ። ወየኅዕባ : እገሪሃ : እስመ : ክብርት : ይእ  
 ቲ : በኅቤሆን : በእንተ : ዘርእያ : ተአምረ : ወ  
 መንክረ : ዘትገብር : እግዚእትነ : ማርያም : ቅድ

ሚሆን ፡ መገልጥ ፡ ወሌሊት ። ርእዮኔ ፡ ፍቅር  
ን፣ ርኅራኄሃ ፡ ወሥነ ፡ ጊሩታ ፡ ወአፍቅርታ ፡  
ሰብአ ፡ ወኢትሚንን ፡ ኃጥአ ፡ ዘከመ ፡ አይደዐ  
ቶን ፡ ዘከመ ፡ ፀንሰቶ ፡ ለወልዳ ፡ ዘእንበለ ፡ ዘር  
ፀ ፡ ብእሲ ። ጸሎታ ፡ ወበረከታ ፡ የሀሉ ፡ ምስሌ  
ነ ፡ ለዓለመ ፡ ዓለም ፡ አሚን ።

ተአምር ፡ ዘገብረ ፡ እግዚእነ ፡ ወአምላክነ ፡ ወመ  
ድጎኒነ ፡ ኢየሱስ ፡ ክርስቶስ ፡ ዘከመ ፡ አጠየቀ  
ሙ ፡ ለአርዳኢሁ ፡ ኢይትዐቀፉ ፡ ሶበ ፡ ርእይዎ ፡  
ሰቀለ ፡ በኢየሩሳሌም ፡ ወዘከመ ፡ ይደልዎሙ ፡ ፍ  
ዳ ፡ ኩነኔ ፡ ለእሳ ፡ ሰቀልዎ ፡ ወዘከመ ፡ ትትመዘ  
በር ፡ ኢየሩሳሌም ። ሣህሉ ፡ ወምሕረቱ ፡ የሀሉ ፡  
ምስሌነ ፡ ለዓለመ ፡ ዓለም ፡ አሚን ።

ይሌ ፡ እግዚእ ፡ ኢየሱስ ፡ ክርስቶስ ፡ ናሁ ፡ ነገርኩ  
ክመ ፡ እ ፡ አኅወዮ ፡ ኩሉ ፡ ምስጢራትየ ፡ ወ  
አማሕፀንኩክመ ፡ ከመ ፡ ኢትግበሩ ፡ ዘኢይደ  
ሉ ። አንትሙሰ ፡ ግበሩ ፡ ትእዛዝየ ፡ ወእእምሩ ፡  
ከመ ፡ የኅልፉ ፡ ሰማያት ፡ ወምድር ። ወአሐቲ፣  
ቃል ፡ እምቃልየ ፡ ኢተኅልፍ ። አኅወዮ ፡ ኢት  
ትዐቀፉ ፡ እመ ፡ ነጻርክሙኒ ፡ ስቁለ ፡ ዲበ ፡ ፅፅ ፡  
መስቀል ፡ ማእከለ ፡ ክልኤቱ ፡ ፈያት ፡ አመ ፡ ት  
ሬእይዎሙ ፡ ለአይሁድ ፡ ወመሳፍንቲሆሙ ፡ ይ  
ኬንኑኒ ። አኅወዮ ፡ ኩኑ ፡ ድልዎነ ፡ ወንጹሐነ ፡ ከ  
መ ፡ ኢትክሐዱኒ ፡ እስመ ፡ ዕለተ ፡ ጽልመት ፡  
ወደመና ፡ ወዕለተ ፡ ዝናም ፡ ወሐዘን ፡ ወምንዳ  
ቤ ፡ ወፍርሀት ፡ ወረዓድ ፡ ይእቲ ፡ ዕለተ ፡ ጸዕቅ ፡  
ወብካይ ፡ ወወይሌ ፡ ይእቲ ። ተዐቀቡ ፡ ወኢት  
ትዐቀፉ ፡ ብየ ፡ ኅልዩክሙ ፡ ዕለተ ፡ ትንሣኤሆ  
ሙ ፡ ለሙታን ። አሚሃ ፡ አልቦ ፡ ንስሐ ፡ ወአ  
ድልዎ ። አሚሃ ፡ ይሬእዩ ፡ ስብሐትየ ፡ እለ ፡ ወግ  
ዑኒ ። አሚሃ ፡ ይበጥል ፡ ፍኖተ ፡ በሕር ፡ ወየብስ ።  
እስመ ፡ በይእቲ ፡ ዕለት ፡ ይትዔረድ ፡ ገብር ፡ ም  
ስለ ፡ አግዓዚሁ ። ወበይእቲ ፡ ዕለት ፡ ኢይደልዎ ፡  
ይትመክሕ ፡ በዕል ፡ ቡበዕሉ ። እስመ ፡ በይእቲ ፡  
ዕለት ፡ ይከውኑ ፡ አብዕልት ፡ ወነዳዖን ፡ ዕሩያነ ።  
እስመ ፡ በይእቲ ፡ ዕለት ፡ ይበጥል ፡ ክብርሙ ፡  
ለነገሥት ፡ ወምኩናኖሙ ፡ ለመኳንንት ፡ ወፍት  
ሐሙ ፡ ለፈታሕት ። እስመ ፡ በይእቲ ፡ ዕለት ፡  
ይደለወ ፡ ጻድቃን ፡ እለ ፡ ተጠምቁ ፡ በስመ ፡

አብ ፡ ወወልድ ፡ ወመንፈስ ፡ ቅዱስ ። ወይትመነ  
ደቡ ፡ ከሐድያን ። እስመ ፡ ይእቲ ፡ ዕለት ፡ ዕለተ ፡  
ካሕድ ፡ ወድንጋጊ ፡ ወዕለተ ፡ ፍርሀት ፡ ይእቲ ።  
እስመ ፡ በይእቲ ፡ ዕለት ፡ አልቦ ፡ ብርሃን ። እስ  
መ ፡ ለይእቲ ፡ አልቦቲ ፡ ማኅለቀት ፡ ወኢተፍዳ  
ሚት ፡ ወኢሐዳጼ ። እስመ ፡ በይእቲ ፡ ዕለት ፡ እ  
ከሥት ፡ መለኮትየ ፡ ለኩሉ ፡ ፍጥረት ። እስመ ፡  
ይእቲ ፡ ዕለት ፡ ዕለተ ፡ ሀውክ ፡ ወረዓድ ። እስ  
መ ፡ በይእቲ ፡ ዕለት ፡ ይጸልም ፡ ገጸሙ ፡ ለኃጥአ  
ን ፡ ወይእቲ ፡ ዕለት ፡ ትከውኖሙ ፡ ዕጹብ ፡ ለእለ ፡  
ይክሕዱ ፡ ስምየ ፡ እስመ ፡ በይእቲ ፡ ዕለት ፡ ይከው  
ን ፡ ፍዳሆሙ ። እስመ ፡ በይእቲ ፡ ዕለት ፡ አልቦ ፡  
ብርሃን ፡ ዘፀሓይ ፡ ወኢብርሃን ፡ ወርኅ ፡ ወኢይሠ  
ርቁ ፡ ባቲ ፡ ከዋክብት ። እስመ ፡ በይእቲ ፡ ዕለት ፡  
እጠበልሉ ፡ ለሰማይ ፡ ከመ ፡ ክርታስ ፡ በእደየ ።  
እስመ ፡ በይእቲ ፡ ዕለት ፡ አርአ ፡ ኅይልየ ፡ ወስ  
ብሐትየ ። ወበይእቲ ፡ ዕለት ፡ እከሥት ፡ መካነ ፡ ር  
ግዘት ፡ እንተ ፡ ተረገዝኩ ፡ ገባየ ፡ ዘነሣእክዎ ፡ እም  
አዳም ፡ በእደዊሆሙ ፡ ለአይሁድ ። ወበይእቲ ፡ ዕለ  
ት ፡ ይኔጽሩ ፡ አይሁድ ፡ ክሂሎትየ ። ወይቲክዙ ፡  
በእንተ ፡ ዘሰቀሉ ፡ ሥጋየ ። እስመ ፡ በይእቲ ፡ ዕ  
ለት ፡ እፊት ፡ መላእክትየ ፡ ከመ ፡ ይፍልጡ ፡ ክርዳ  
ደ ፡ እምሥርፍይ ፡ ወየአስርዎ ፡ ወይወድደዎ ፡ ው  
ስተ ፡ እሳት ፡ ዘኢይጠፍእ ፡ ወለሥርፍይሰ ፡ ይወ  
ድይዎ ፡ ውስተ ፡ ሙዳይ ። እስመ ፡ በይእቲ ፡ ዕለ  
ት ፡ ይትዐጸዱ ፡ መናፍቃን ። ወበይእቲ ፡ ዕለት ፡ ይ  
ትኅፈሩ ፡ ሰብእ ፡ በቀድመ ፡ መላእክትየ ። እስመ ፡  
በይእቲ ፡ ዕለት ፡ አርጉ ፡ አንቀጸ ፡ ገሃነም ፡ ለኩ  
ሎሙ ፡ እለ ፡ ይክሕዱኒ ። ወባቲ ፡ ይከውን ፡ ብ  
ካይ ። እስመ ፡ በይእቲ ፡ ዕለት ፡ ኢይበቀኑየ ፡ ለጊ  
ጉይ ፡ ሐዘኑ ፡ ወአልባቲ ፡ ንስሐ ። እስመ ፡ በይ  
እቲ ፡ ዕለት ፡ ይትኅፈር ፡ ሰብእ ፡ በኩሉ ፡ ዘገብረ ።  
እስመ ፡ በይእቲ ፡ ዕለት ፡ ይትፈትሐ ፡ ኩሉ ፡ ሰብእ ፡ መ  
ጻሕፍት ፡ ወይትነበቡ ፡ ላዕለ ፡ ኩሉ ፡ ሰብእ ፡ በ  
ከመ ፡ ምግባሩ ፡ ዘገብረ ። እስመ ፡ በይእቲ ፡ ዕለ  
ት ፡ አልቦ ፡ አድልዎ ፡ ወኢርደ ፡ ዕለተ ፡ ፍትሕ ፡  
ወርትዕ ፡ ወኩነኒሁ ፡ ለጊጉይ ፡ ዘከመ ፡ ጊጋየ ፡  
ይእቲ ። እስመ ፡ በይእቲ ፡ ዕለት ፡ ኢይበቀኑዕ ፡  
ብእሲ ፡ ለዐርኩ ። እስመ ፡ ኩሎሙ ፡ ሰብእ ፡ ይቀ

ውሙ ፡ ፅሩቃን ፡ በቅድመ ፡ መንበረ ፡ ስብሐት  
 የ ። ወበይእቲ ፡ ፅለት ፡ አርጉ ፡ ማጎደረ ፡ ብር  
 ሃን ፡ ወእነብር ፡ ህየ ፡ ለኩነኔ ። ወይእቲ ፡ ፅለ  
 ት ፡ ፅለተ ፡ ጽድቅ ፡ ዘአልባቲ ፡ ዐመፃ ፡ ወአድ  
 ልዎ ፡ እስመ ፡ ዐባይ ፡ ይእቲ ፡ ፅለት ፡ ወክብር  
 ት ፡ ለጸድቃን ፡ ንጹሐን ፡ አጎውየ ። ወሶበ ፡ ፈ  
 ጸመ ፡ እግዚእ ፡ ኢየሱስ ፡ ዘንተ ፡ ትእዛዘ ፡ ይቤ  
 ሎሙ ፡ ለአርዳኢሁ ፡ ንሑር ፡ ኢየሩሳሌም ፡ ከ  
 መ ፡ ይትፈጸም ፡ ትንቢተ ፡ ነቢያት ፡ ዘተነባየ ፡  
 በእንተአየ ፡ እምቅድመ ፡ ያግብኡኒ ፡ ጎበ ፡ አይ  
 ሁድ ። አልዕሉ ፡ አዕይንቲክሙ ፡ ወነጽሩ ፡ ጎበ ፡  
 አዕጻዳት ፡ ከመ ፡ ጸዕደዎ ፡ ወበጽሓ ፡ ለማእረር ።  
 ወቀርቦ ፡ ጊዜ ፡ እፈቅድ ፡ ዐሳባነ ፡ ለዐጻድየ ፡ ይ  
 ርአዩ ፡ ለእመ ፡ ተዘርዐ ፡ ውስቴቱ ፡ ክርዳድ ፡ ወ  
 ልህቀ ፡ ምስለ ፡ ሥርናይ ፡ ይምልጎም ፡ ለክርዳ  
 ድ ፡ ቅድመ ፡ ወይእስርዎ ፡ ክምረ ፡ ክምር ። ወ  
 ይደይዎ ፡ ምስለ ፡ ሐሠር ፡ ውስተ ፡ እሳት ፡ እ  
 ንተ ፡ ኢትብፍእ ። ወለሥርናይሰ ፡ ይወድይዎ ፡  
 ውስተ ፡ ሙዳይ ፡ ከመ ፡ ኢይደመር ፡ ምስለ ፡ ሐ  
 ሠር ፤ ወኢይረክቦ ፡ ነፋሰ ፡ ዐውሎ ። አስመ ፡ በጽ  
 ሐ ፡ ጊዜ ፡ ግብአትየ ፡ ጎበ ፡ ጸላእትየ ፡ በእንተ ፡ ዝ  
 ንቱ ፡ ትቴክዝ ፡ ነፍስየ ። አእምሩ ፡ ለእመ ፡ ኢጻ  
 መወ ፡ የላዊ ፡ ኢይድጎን ፡ በግዕ ፡ እምአፈ ፡ ተ  
 ኩላ ። ወለእመ ፡ ኢጻመወ ፡ መስተገብረ ፡ ምድ  
 ር ፡ ኢይትፈግሕ ፡ በብዝሃ ፡ ዘርዐ ። ወለእመ ፡  
 ኢዐቀበ ፡ የላዊ ፡ ጎር ፡ መርኔቶ ፡ በሕቁ ፡ ኢይ  
 ክል ፡ አግብኦቶሙ ፡ ለመራዕይ ፡ ርስተ ። ወለእ  
 መ ፡ ኢጎሠሠ ፡ ንጉሥ ፡ ገብር ፡ ዘተጎጥአ ፡ ኢ  
 ይክል ፡ ይግባእ ፡ ውስተ ፡ መልእክቱ ። አማን ፡  
 እብለክሙ ፡ እስመ ፡ ኢይተርፍ ፡ በኢየሩሳሌም ፡  
 እብን ፡ ዲቦ ፡ እብን ። ወባሕቱ ፡ ትንጎል ፡ እስከ ፡  
 ይትነሠታ ፡ መሠረታቲሃ ። ወእምድጎረ ፡ ዝንቱ ፡  
 ይዌድስዎ ፡ ሕዝባየ ፡ ሐዲሳን ፤ ወአሜሃ ፡ ይፈ  
 ቅዱ ፡ የሐውጽዎ ፡ እለ ፡ የአምኑ ፡ ብየ ፡ ወለኩሉ ፡  
 ዘይበውእ ፡ ውስቴታ ፡ እስሪ ፡ ሎቱ ፡ ጌጋዮ ። እ  
 ስመ ፡ ይሑውጽዎ ፡ እምሥራቀ ፡ ምድር ፡ ወም  
 ዕራብ ፡ ወከሓድያንሰ ፡ ኢይፈቅዱ ፡ በዊኦታ ።  
 ወሶበ ፡ ይቤ ፡ እግዚእ ፡ ኢየሱስ ፡ ዘንተ ፡ ነገረ ፡  
 ተመይጠ ፡ ውስተ ፡ ኢየሩሳሌም ፡ ወርአየ ፡ ወይ

ቤ ፡ ዘአቅደመ ፡ ነገር ፡ ዘውስተ ፡ ዝንቱ ፡ መጽሐ  
 ፍ ፡ ደገመ ፡ ዓዲ ፡ እንዝ ፡ ይብል ፡ አሌ ፡ ለኪ ፡ ኢየ  
 ሩሳሌም ፡ እንተ ፡ ትቀትሉዮሙ ፡ ለነቢያት ፡ ወ  
 ትዌግሪዮሙ ፡ ለሐዋርያት ፡ እለ ፡ ተፈነወ ፡ ጎ  
 ቤኪ ። እስፍንተ ፡ ጊዜ ፡ ፈቀድኩ ፡ አስተጋብኦ  
 ሙ ፡ ለደቂቅኪ ፡ ከመ ፡ እንተ ፡ ታስተጋብእ ፡ ዶ  
 ርህ ፡ ፅጉሊሃ ፡ ወአበይክኒ ። ሶበሰ ፡ ተገብረ ፡  
 ጎይል ፡ ውስተ ፡ ሰዶም ፡ ወገሞራ ፡ ተአምር ፡ ዘተ  
 ገብረ ፡ በውስቴትኪ ፡ እምነስሐ ፡ ሰብእኪ ፤ ወ  
 ለብሱ ፡ ሠቀ ። ወካዕበ ፡ ይቤ ፡ እስመ ፡ ሰብኦ ፡  
 ባቢሎን ፡ እለ ፡ ይትሚክሐ ፡ በጎይሎሙ ፡ ይት  
 ነሥኦ ፡ በዕለተ ፡ ኩነኔ ፡ ይትፋትሕዎ ፡ ለዛቲ ፡  
 ትውልድ ፡ እኪት ። እስመ ፡ ነስሐ ፡ ወጎደጉ ፡  
 ገቢረ ፡ ጎጠኦት ፡ አመ ፡ ሰበከ ፡ ሎሙ ፡ ዮናስ ፡  
 ነቤይ ። ወዛቲዕ ፡ ኢነስሐት ፤ ወባሕቱ ፡ ትፈቅድ ፡  
 ትእምርተ ፡ ወኢይትወሀባ ፡ ዘእንበለ ፡ ዘዮናስ ፡ ት  
 እምርት ። ወዘከመ ፡ ነበረ ፡ ዮናስ ፡ ነቢይ ፡ ውስ  
 ተ ፡ ከርወ ፡ ዐንበሪ ፡ ሠሉሰ ፡ መዋዕለ ፡ ወሠሉ  
 ሰ ፡ ለያልየ ፡ ከማሁ ፡ ይነብር ፡ ወልደ ፡ ፅጋለ ፡  
 እመሕያው ፡ ውስተ ፡ ከርወ ፡ ምድር ። ሣህሉ ፡  
 ወምሕረቱ ፡ የህሉ ፡ ምስሌነ ፡ ለሃለመ ፡ ዓለም ፡  
 አሜን ።

ቅድመ ፡ ወንጌል ፡ ነጽረኒ ፡ ወስምዕኒ ፡ እግዚኦ ፡ እምላኪየ ፡  
 ነብርሆን ፡ ለአዕይንትየ ፡ ከመ ፡ ኢይጉማ ፡ ለመዌት ፡ ወአንሰ ፡  
 በምሕረትክ ፡ ተወክልኩ ።

ወንጌል ፡ ዘሉቃስ ።

ወበይእቲ ፡ ፅለት ፡ መጽኡ ፡ ጎቤሁ ፡ ፈሪሳውያ  
 ን ፡ ወይቤልዎ ፡ ሑር ፡ እምዝየ ፡ እስመ ፡ ሂሮድ  
 ስ ፡ የጎሥሠከ ፡ ወይፈቅድ ፡ ይቅትልከ ። ወይቤ  
 ሎሙ ፡ ሑሩ ፡ በልዎ ፡ ለዝ ፡ ቍንጽል ፡ ናሁ ፡ አ  
 ወፅእ ፡ አጋንንተ ፡ ወእሁብ ፡ ፈውሰ ፡ ዮም ፤ ወጌ  
 ሠመኒ ፡ ወአመ ፡ ሣልስት ፡ እፌጽም ። ወባሕቱ ፡  
 ዮምሰ ፡ ወጌሠመ ፡ ሀሎኩ ፡ ወበሣልስ ፡ አሐው  
 ር ፤ እስመ ፡ ኢይደልዎ ፡ ለነቢይ ፡ ሞት ፡ በአፍ  
 ኦ ፡ ዘእንበለ ፡ በኢየሩሳሌም ። ኢየሩሳሌም ፡ ኢ  
 የሩሳሌም ፡ እንተ ፡ ትቀትሎሙ ፡ ለነቢያት ፡ ወት  
 ዌግሮሙ ፡ ለሐዋርያት ፡ እለ ፡ ተፈነወ ፡ ጎቤሃ ፡  
 ሚ ፡ መጠነ ፡ በዙጎ ፡ ጊዜያተ ፡ ፈቀድኩ ፡ አስ  
 ተጋብኦሙ ፡ ለደቂቅኪ ፡ ከመ ፡ እንተ ፡ ታስተጋ

በእ : ዶርሆ : ዕጉሊሃ : ታሕተ : ክነሬሃ ። ወአ  
በይከሙ : ወኢፈቀድክሙ : ናሁ : ይትገደግ :  
ለክሙ : ቤትክሙ : በደው ። አብለክሙ : ከሙ :  
ኢትሬእደኒ : እምደእዜሰ : እስከ : ትብሉ : በሩ-  
ክ : ዘይመጽእ : በስሙ : እግዚአብሔር ።

ጸልፎ : በእንተ : ጸንፎ : ዘቲ : በል ። ዘርብቶስ : እምላክን : በል ።  
ሰገም : ለኪ : በል ። ገናይ : ለክሙ : ሥሎስ : ቅዱስ : እግልዛ  
ተ : ጎቡእ : ጥበብ : በል ። ወኮሎ : ሥርዐተ : ከሙ : ቀዳሚ ።



ወእምዝ : ይትጋብኦ : ውስተ : ቤተ : ዘርብቲያን : በጊዜ : በ  
ደቡቅ : ሰገተ : ሌሊት ። ንኡግንጊ : ሰገተተ : ሌሊት : ዘውእ  
ቶሙ : ተሰቦቶ : ሰገት : ዘሌሊት : ግዲ : ዐሠርቲ : ወአሐዱ :  
ሰገተ : ሌሊት : ዝጉባን : እሙንቲ : ውስተ : ዝንቲ : ሰገት ።  
ወይጸልፎ : ዐሠርተ : ወገምበተ : መሓልፎ : ነቢያት : ወገምበ  
ተ : መሓልፎ : ሰሎጥን : ወውዳሴ : ግርያም : ዘሰንበተ : ዘር  
ብቲያን : ወእንቶጸ : ብርሃን ። ወይበሎ : ለክ : ገደል : ዐሠር  
ተ : ወክልኢተ : ጊዜያተ : ወእምዝ : ይበል : መራሒ : (በጸ) :  
ይሌ : እግዚእን :

በስደቡቅ : ሰገተ : ሌሊት : ዘሠላስ ።

ዘሆሴዕ : ነቢይ ። በረከቱ : ትኩን : ምስሌን : ለ  
ለግሙ : ግለም ፤ አሜን ።

ወአንተሂ : እስራኤል : ኢትእበድ ፤ ወአንተሂ :  
ይሁዳ : ኢትሔር : ገልገል ፤ ወኢትዕርጉ : ቤተ :  
አዎን ፤ ወኢትምሐሉ : በእግዚአብሔር : ሕያ  
ው ። እስሙ : ከሙ : ዕጉልት : እንተ : ተሀረብ  
ድ : ሀርበደ : እስራኤል ። ወናሁ : ይእዜ : ይር  
ዕፍሙ : እግዚአብሔር : ከሙ : አባግዕ : ውስ  
ተ : ጊዮት ። ከግሁ : ለጣዖተ : ኤፍሬም : ሜ  
መ : ሎሙ : ዕቅፍተ ፤ ወአብደሮሙ : ለከናኔዎ  
ን ። ዘምዎ : ዘመዉ : ወአብደሩ : ጎሳረ : በእ  
ከፍሙ ። ወበዕልወተ : ነፍሰሙ : እንተ : ውእ  
ቱ : ውስተ : ከናፍሪሆሙ ፤ ወይትጎፈሩ : በውስ  
ተ : ምሥዋዓቲሆሙ ። ስምዑ : ዘንተ : ከሆናት :  
ወአጽምዕዎ : ቤተ : እስራኤል : ወይስምዕዎ : አ  
ብያተ : ነጋሚ : እስሙ : በእንቲአክሙ : ዝንቲ :  
ኩነኔ ፤ እስሙ : መሥገርተ : ከንክምዎ : ለዘያስተ  
ሐይጽ ፤ ወከሙ : መሥገርት : እንተ : ሰፍሐ :  
ዲበ : ታቦር : ያሥግሩ : ባቲ : እለ : ይንዕዉ ።

ነሀውት : ተከልዋ ። ወአንሰ : መገሥጽክሙ ፤ ወ  
አነ : አእመርክዎ : ለኤፍሬም : ወእስራኤልጌ :  
ኢርሕቀ : እምኔያ : እስሙ : ይእዜ : ዘመወ : ኤ  
ፍሬም : ወረኩሰ : እስራኤል ። ወኢሜጡ : ልቦ  
ሙ : ከሙ : ይግብኡ : ጎበ : አምላክሙ : እስሙ :  
መንፈሰ : ዝሙት : ላዕሌሆሙ : ውእቲ : ወኢ  
ያእመርዎ : ለእግዚአብሔር ። ወጎሳሩ : ለእስራ  
ኤል : ወጽዕለቲ : ውስተ : ገጹ ። ወይደክሙ : እ  
ስራኤል : ወኤፍሬም : በጌጋዮሙ ። ወይደዋ :  
ይሁዳጌ : ምስሌሆሙ ። ምስለ : አልሕምት : ወአ  
ባግዕ : የሐውሩ : ይጎሥሥዎ : ለእግዚአብሔር :  
ወኢይረክብዎ : እስሙ : ጎደጎሙ ። እስሙ : ዐ  
ለውዎ : ለእግዚአብሔር : ወተናከርዎ : ወውሉ  
ደ : ነኪር : ኮንዎ : ወናሁ : ይእዜ : ይበልዎሙ :  
አናኩዕ : ወለርስቶሙ ።

ሃይማኖተ : አበው ።

ይቤ : ቅዱስ : ቴዎፍሎስ : ሊቀ : ጳጳሳት : ዘሀገ  
ረ : እስክንድርያ : ውስተ : አጎብሮ : ሃይማኖት :  
ዘዕሥራ : ወአሐዱ ፤ ተወልደ : እምድንግል : ከ  
ሙ : ሰብእ ። ወኮነን : ዘመደ : በኩሉ : ግብር :  
ዘዚአነ : ዘእንበለ : ጎጢአት : ባሕቲታ ። ወሶበ :  
በጽሐ : በአርአያ : ነኪር : ወመንክር : በአስተ  
ርእዮቱ : ባረክ : ዲበ : ሀላዌ : ዕጎል : እመሕያ  
ው ። ወካዕበ : ይቤ : ቅዱስ : ቄርሎስ : ሊቀ : ጳ  
ጳሳት : ዘሀገረ : እስክንድርያ : ኢይደልወን : ና  
ብጽሕ : ማእከለ : ጉባኤን : መሬረ : ንባባ : ወግ  
ዘፈ : ልብ : ከሙ : ተእኅዝ : እግዚአብሔር : ቃ  
ል : ወሀላዌ : መለኮት : ተዐገሠ : መከራ ። ንብ  
ል : ዘንተ : ነገረ : ከሙ : ዝ : በሠናይ : ትምህር  
ት : ርቱዐ : ወንአምሮ : ጥቀ : ለዝንቲ : ፍጡን ።  
ንሕነሰ : ንቤ : እስሙ : ሰማዕታት : ከዊኖሙ :  
ፍጹማን : ጎረዩ : ሎሙ : ኩሎ : ሕማማተ : ሶ  
ቤ : ፈቀዱ : ገድለ : ሠናዩ : ወጸሩ : ገድሎሙ :  
ወዐቀቡ : ሃይማኖቶሙ : ወንሥኡ : አክሊለ : ዘ  
ያሠምሮ : ለእግዚእን : ክርስቶስ ። ወይእዜጌ :  
ሶበ : ይእኅዝ : አሐዱ : ተዋሥኦ : መንገሴን : እ  
ንዘ : ይብል : ቦን : አሙ : መተሩ : ሥጋሆሙ :  
ለቅዱሳን : በጎጺን : አው : አውዐይዎሙ : በእሳ  
ት : ወሶበ : አሰርዎሙ : በሰናስል : አው : ነሥእ

ምሙ : ቦኑ : ረከባ : ነፍሳቲሆሙ : ዘንተ : ነሉ : ምስለ : ሥጋ : አው : ነፍሳትሂ : ዓዳ : ውዕያ : በእሳት : ወተመትራ : በአስይፍት : ወንሕነሰ : ንብል : በእንቲአሆን ። ከመ : አማንቲ : ይወፅ አ : እምሕማማተ : ሥጋ : ወኢይረከባ : ዘንተ : ነኑኔ : ዐቢየ ። ወሶበሂ : ያወሥአኒ : እንዘ : ይ ብል : እመስ : አማንቲ : በሀላዊሆን : በሕቲቶ ን : ኢነሥአ : አክሊላተ : በእንተ : ዘኢተወክ ፋ : ሕማመ : ሥጋ ። ወንሕነኒ : ናወሥአ : ነገ ረ : ጽዱቀ : ወንበል : ኢነጎድጎን : ውፁአተ : በሕቲቶን : እምሕማማተ : ሥጋ : ዘሐመ ። ወ ሥጋኒ : አከ : ዘክልኡ : አላ : ዘዘኢሆን ። ወዘን ቱኒ : ኢኮን : ትምሀርተ : አላ : ጽዕለት : ውእቱ : ከመ : ይትበሀል : አስመ : ሀላዊ : መለኮት : ሐ መ : አው : ተአጎዘ : ዘምስለ : ሥጋ : ዘከመ : ን ባበ : አይሁድ ። ወንባበ : ረሲዓን : ለነሰ : ዘይ ፈደፍድ : ኒሩትን : ንእመን : እስመ : ቃል : ተ ዐገሠ : ሕማማተ : ሥጋሁ : ከመ : ዘሎቱ : ባሕ ቲቱ : እንዘ : ኢየሐምም : በመለኮት : ወእንዘ : ኢይወፅእ : እምነ : ሥጋ : ወሕማም ። በረከቶ ሙ : ለአሉ : መምሀራን : የሀሉ : ምስሌን ፤ ለ ዓለመ : ዓለም ፤ አሜን ።

ተአምሪሃ : ለእግዝእትን : ቅድስት : ድንግል : በ ክልኤ : ማርያም : ወላዲተ : አምላክ ። ጸሎታ : ወበረከታ : የሀሉ : ምስሌን : ለዓለመ : ዓለም ፤ አሜን ።

ስምዑኤ : ዘከመ : አድጎነታ : ለከነፍዊት : በት ንብልናሃ ። ወሀለወት : አሐቲ : ብእሲት : እም አንስተ : መኳንንት : ዘሮሜ ። ወመጽአት : በ ሌሊተ : ትንሣኤ : ወፈቀደት : ትባእ : ኅበ : መቃብሪሁ : ለእግዚእን : ኢየሱስ : ክርስቶስ : ፈ ጣሬ : ነሉ : ዓለም : በኅቡእ : ወሶበ : ቀርበት : ኅበ : ኖሳት : ረከበታ : እግዝእትን : ቅድስት : ድንግል : በክልኤ : ማርያም : ወላዲተ : አምላ ክ : ገጸ : በገጽ ። ወትቤላ : ኢትባኢ : ኅበ : ዝ : ኖሳት ፤ እስመ : ኢአመንክ : ሃይማኖተ : ፍጹመ : በቅድስት : ቤተ : ክርስቲያን : እንተ : ሐዋርያት ። እስመ : ከነፍዊት : አንቲ ። ወአምን ት : በጊዜሃ : ወተመጠወት : ሥጋሁ : ወደሞ :

ለክርስቶስ ። ወሶበሃ : ቦአት : ኅበ : መቃብር : ወአልቦ : ዘክልኤ ። ርእዩኤ : አባግዐ : ምስጢ ሩ : ለእግዚአብሔር : እለ : ትትረዐዩ : ውስተ : ጊደተ : ወንጌሉ : ቅዱስ : ወትሰቀዩ : እምፈለገ : ሕጉ : ዘኢይዩብስ : ዘከመ : ሜጠታ : ለከነፍዊ ት : ውስተ : ሃይማኖት : ርትዕት ፤ ኢያጽንሐታ : አሐተ : ዕለተ ። አላ : አብአታ : ውስተ : መቃ ብረ : ወልዳ : ቅድስት : ከመ : ትትመጠ : እማ እደ : ሕይወት : ሥጋሁ : ወደሞ : ለክርስቶስ : እግዚእን : ለስርዩተ : ኅጢአት ። ለያፍጥንኤ : ኃጥእ : ዘከማዩ : ስኢለ : ኅበሃ : ከመ : ትሚ ጠ : እምፍኖተ : ስሕተት : ወትምርሐ : ፍኖተ : መንግሥተ : ሰማያት : ኅበ : ይበውኡ : ጸድቃ ን : በትፍሥሕት ። ጸሎታ : ወበረከታ : የሀሉ : ምስሌን : ለዓለመ : ዓለም ፤ አሜን ።

ተአምር : ዘገብረ : እግዚእን : ወአምላክን : ወ መድኅኒን : ኢየሱስ : ክርስቶስ : ዘከመ : ነገር ሙ : ለአርዳኢሁ : ምጽአቶ : ግብተ : ወበእን ተ : ዝ : ኢይትሀዩዩ : ሥርዐተ : መከራ : ወይን ቅሁ : እምንዋመ : ሀኬት ። ሣህሉ : ወምሕረቱ : የሀሉ : ምስሌን : ለዓለመ : ዓለም ፤ አሜን ።

ተዐቀቡ : አ : አጎው : እምዘይመጽእ : ላዕሌክ ሙ : በደኃሪ : መዋዕል ። አእምሩ : እስመ : አ ሜሃ : ይመጽእ : ጽርዩት : ወንጥፈት ። አሜሃ : ብዙኃን : ይክሕዱኒ : እምነ : ምንጻቤ : ወትከዝ : ዘይበጽሐሙ ። ንቅሁ : እምንዋመ : ሀኬት : ወ አብርሁ : መኃትዊክመ : ወአስተዳልዉ : ንዋ ዩ : መርዓ ። ወመጸአ : መርዓዊ : ኢይርከብክ ሙ : እንዘ : ኢድልዋን : አንትሙ : ለመርዓ ። ተሣዩጡ : ለክሙ : ቅብዐ : በእንተ : ማኅትዊክ ሙ : እስመ : ኢተአምሩ : ጊዜ : ይመጽእ : መ ርዓዊ ፤ በሰዓተ : ሌሊት : ንቅሁ : ወኢትሑሙ : ነዋኅ : ከመ : ኢይምጻእ : ስራቂ : ወኢይበር ብር : አብያቲክመ : ወኢይኅድግመ : ነጻያን : ኢትኩንኑ : ከመ : ኢትትኩንኑ : አእምሩ : ከ መ : ይመጽኡ : በደኃሪ : መዋዕል : ዘየአምኑ : ብዩ : በአፉሆሙ : ወይረስዩኒ : ፍጡን : ከመ : ክ ቡር : ኢትትልውዎሙ : ወኢትከሐዱ : ስምዩ ። አሌ : ሎቱ : ለዘይክሕድ : ስምዩ ፤ አነሂ : እክ

ሕዳ፡ በቅድመ፡ መላእክትዮ፡ አመ፡ እነብር፡ ዲ  
 በ፡ መንበረ፡ ክብርዮ፡ ወስብሐትዮ = ወዓዲ፡ እ  
 ክሕድ፡ በቅድመ፡ አቡዮ፡ ከመ፡ ኢዮአምሮ፡  
 አነ፡ ወበቅድመ፡ ኩሉ፡ ዕንላ፡ እመሕያው፡  
 አማን፡ አብለክሙ፡ ከመ፡ ይረከባ፡ ሣጎተ፡ ሰ  
 ዶም፡ ወገሞራ፡ እምዘይክሕደኒ = ብፁዕ፡ ዘነስ  
 ሐ፡ እምጎጢአት፡ በእንተ፡ ስምዮ፡ አነሂ፡ አነብ  
 ሮ፡ ምስለ፡ ፍቀራንዮ፡ ወእራስዮ፡ ምስለ፡ ሰብ  
 አ፡ ተድላዮ = ብፁዕ፡ ዘሞተ፡ በእንተ፡ ስምዮ፡  
 በፍቅርዮ፡ ወእራስዮ፡ ይስርር፡ ላዕለ፡ ደመና፡  
 ከመ፡ ይትቀበለኒ፡ አመ፡ ዕለተ፡ ደይን = ወአ  
 መ፡ እመጽአ፡ እኩንን፡ ሕያዋነ፡ ወመታነ፡ ይ  
 ትቆበልዎ፡ መላእክትዮ፡ ወይጸውርዎ፡ በአክና  
 ፈሆሙ፡ እስከ፡ ያበጽሕዎ፡ ጎቤዮ = ብፁዕ፡ ዘ  
 ሞተ፡ ዐቀቦ፡ ትአዘዘዮ፡ እስመ፡ ኢይበሊ፡ ሥ  
 ጋሁ፡ ወአዕዕምቲሁ፡ አላ፡ አነቅዕ፡ እምኔሁ፡ አ  
 ፍላጎ፡ መድኅኒት፡ ወእራሲ፡ ይፃእ፡ እምአዕዕ  
 ምቲሁ፡ ማዮ፡ ፈውስ፡ ለድወያን = ብፁዕ፡ ዘ  
 ሞተ፡ በእንተ፡ ስምዮ፡ እስመ፡ እራስዮሙ፡ ለ  
 አጋንንት፡ ይጉዮዮ፡ እምኔሁ፡ ወዲበ፡ አዕዕም  
 ቲሁ፡ ይትሐነጸ፡ አብያተ፡ ክርስቲያናትዮ፡ ከ  
 መ፡ ይሰበሕ፡ ስምዮ፡ በውስቴቶን = ኩሉ፡ ዘ  
 ዩአምን፡ ብዮ፡ ወይጸንዕ፡ በሃይማኖት፡ ኢይት  
 ሀጉል፡ ለዝሉፉ፡ ሣህሉ፡ ወምሕረቱ፡ የሀሉ፡  
 ምስሌነ፡ ለኃለመ፡ ዓለም፡ አሜን =

ኅድመ፡ ወንጌል፡ እምላኪዮ፡ ወእትዌክል፡ ቦቱ፡ እስመ፡ ውእ  
 ቱ፡ ይላልሕኒ፡ እመሥገርት፡ ነጻዊት፡ ወእምንገር፡ መደንግዕ =

ወንጌል፡ ዘሉቃስ =

ዑቁ፡ ርእሰክሙ፡ ኢታክብዱ፡ ለበክሙ፡ በስ  
 ታይ፡ ወበፈጊዕ፡ ወበጎልዮ፡ መንበርት፡ ወት  
 በጽሐክሙ፡ ይእቲ፡ ዕለት፡ ግብተ፡ ከመ፡ መሥ  
 ገርት፡ እንተ፡ ትወርድ፡ ዲበ፡ ኩሉሙ፡ አለ፡ ይ  
 ነብሩ፡ ዲበ፡ ምድር = ትግሁ፡ እንከ፡ በኩሉ፡ ጊ  
 ዜ፡ ከመ፡ ትክህሉ፡ እምሥጢ፡ በጸሎትክሙ፡ እ  
 ምን፡ ዝንቱ፡ ኩሉ፡ ዘይመጽአ፡ ወትቁሙ፡ ቅ  
 ድሜሁ፡ ለወልደ፡ ዕንላ፡ እመሕያው = ወመዓ  
 ልተሰ፡ ይሚህር፡ በምኩራብ፡ ወሌሊተ፡ ይወ  
 ዕእ፡ ወይበይት፡ ውስተ፡ ደብር፡ ዘስሙ፡ ኤሌ

ዎን = ወኩሉ፡ ሕዝብ፡ ይገይሁ፡ ጎቤሁ፡ ምክ  
 ሬብ፡ ያጽምዕዎ =

በስደብቱ፡ ሰጋተ፡ ሌሊት፡ ዘሠሎስ =

ከመ፡ ዐቃቤ፡ ሥራይ፡ ወገባሬ፡ መድኅኒት፡  
 ዘይፌውስ፡ ክርስቶስ፡ አምላክነ፡ ይቤ፡ እስመ፡  
 በብዝሃ፡ መብልዕ፡ ይከብድ፡ ልብ፡ ወይፀራ  
 ዕ፡ ጎይል፡ እምሥጋ = ወከዕበ፡ ዓለማዊት፡  
 ታመጽእ፡ ላዕለ፡ ብእሲ፡ እከቲ፡ ብዝሃተ፡ ወ  
 ትሰድድ፡ እምላዕሌሁ፡ ፍርሀተ፡ እግዚአብሔ  
 ር = እስመ፡ ዮጎንቆ፡ ነፍሶ፡ እኩይ፡ ወይትሀ  
 ከይ፡ እምፍኖተ፡ መድኅኒት፡ ወይመጽአ፡ ላ  
 ዕሌሁ፡ መኩንነ፡ ሞት፡ ከመ፡ መሥገርት፡ ዘ  
 ትኩል፡ ለንዓው፡ ትግሁ፡ አንትሙሂ፡ ከዕበ፡  
 ወግበሩ፡ ፍሬ፡ ዘይደሉ፡ ለጽድቅ፡ ወለንስሐ፡  
 ከመ፡ ትቁሙ፡ ቅድሚሁ፡ ለመኩንን፡ ኢየሱ  
 ስ = መድኅን፡ ከነ፡ ይሚህርሙ፡ ለሕዝብ፡ በ  
 ምክራብ፡ ወሌሊተሰ፡ የዐርፍ፡ ወመካነ፡ ዕረ  
 ፍቱ፡ ውስተ፡ ደብረ፡ ዘይት = ወመዓልተ፡ ይ  
 መጽእ፡ ኢየሩሳሌም፡ ወይገይሁ፡ ጎቤሁ፡ ኩ  
 ሉሙ፡ ሕዝብ፡ ይስምዑ፡ ትምህርታቲሁ፡ ዘ  
 ምሉአት፡ እምኒሩታት = ወእምአልክቱ፡ እለ፡  
 ይሰምዑ፡ ትምህርታቲሁ፡ ይገይሁ፡ ጎበ፡ ነቅ  
 ዑ፡ ወይሰትዮ፡ እምኔሁ፡ ማዮ፡ ጥዑመ = በክ  
 መ፡ ይቤ፡ መጽሐፍ፡ እንተ፡ ስምዑ፡ ከነ፡ በእ  
 ንተ፡ ምጽአቱ፡ እስመ፡ ውእቱ፡ መብልዕ፡ ዘ  
 ኢይማስን፡ ዘይሴሲ፡ ለኩሉ፡ ዘየአምን፡ ቦቱ =  
 ክርስቶስ፡ መድኅኒነ፡ መጽአ፡ ወሐመ፡ ወበሕ  
 ማማቲሁ፡ አድኅነን =

በተስባቱ፡ ሰጋተ፡ ሌሊት፡ ዘሠሎስ =

ዘሆሴዕ፡ ነቢይ = በረከቱ፡ ትኩን፡ ምስሌነ፡ ለ  
 ዓለመ፡ ዓለም፡ አሜን =  
 ዝርዑ፡ ለክሙ፡ ጽድቅ፡ ወእርፋ፡ ፍሬ፡ ሕይ  
 ወት = አጎትዉ፡ ለክሙ፡ ማጎቶተ፡ ጥበብ = ጎ  
 ሥዎ፡ ለእግዚአብሔር፡ እስከ፡ ይበጽሕ፡ ማእ  
 ረረ፡ ጽድቅክሙ = ለምንትነ፡ ትክብቱ፡ ዐመ  
 ፃ፤ ወቀሠምክሙ፡ ጎጢአተ፡ ወበላዕክሙ፡ ፍ፡  
 ሬ፡ ሞት = እስመ፡ ተወክልክ፡ በሠረገላቲክ፡ ወ  
 በብዝሃ፡ ሰራዊትክ = ወይትነሣእ፡ ሞት፡ ላዕለ፡

ሕይወት፡ በቅድመ፡ መላእክትየ፡ አመ፡ እነብር፡ ዲ  
 በ፡ መንበረ፡ ክብርየ፡ ወስብሐትየ፡ ወዓዲ፡ እ  
 ክሕደ፡ በቅድመ፡ አቡየ፡ ከመ፡ ኢየአምሮ፡  
 አነ፡ ወበቅድመ፡ ኩሉ፡ ዕንላ፡ እመሕያው፡ ።  
 አማን፡ እብለክመ፡ ከመ፡ ይረክባ፡ ሣኅተ፡ ሰ  
 ዶም፡ ወገሞራ፡ እምዘይክሕደኒ፡ ። ብፁዕ፡ ዘነስ  
 ሐ፡ እምኅጢአት፡ በእንተ፡ ስምየ፡ አነሂ፡ አነብ  
 ሮ፡ ምስለ፡ ፍቁራንየ፡ ወእራስየ፡ ምስለ፡ ሰብ  
 አ፡ ተደላየ፡ ። ብፁዕ፡ ዘሞተ፡ በእንተ፡ ስምየ፡  
 በፍቅርየ፡ ወእራስየ፡ ይስርር፡ ላዕለ፡ ደመና፡  
 ከመ፡ ይትቀበለኒ፡ አመ፡ ዕለተ፡ ደይን፡ ወአ  
 መ፡ እመጽአ፡ እኩንን፡ ሕያዋነ፡ ወሙታነ፡ ይ  
 ትቅበልዎ፡ መላእክትየ፡ ወይጸውርዎ፡ በአክና  
 ፊሆመ፡ እስከ፡ ያበጽሕዎ፡ ኅቤየ፡ ብፁዕ፡ ዘ  
 ሞተ፡ ዐቂቦ፡ ትእዛዝየ፡ እስመ፡ ኢይበሊ፡ ሥ  
 ጋሁ፡ ወአዕዕምቲሁ፡ አላ፡ አነቅዕ፡ እምኔሁ፡ አ  
 ፍላገ፡ መድኅኒት፡ ወእራሲ፡ ይፃእ፡ እምአዕዕ  
 ምቲሁ፡ ማየ፡ ፈውስ፡ ለድዉያን፡ ። ብፁዕ፡ ዘ  
 ሞተ፡ በእንተ፡ ስምየ፡ እስመ፡ እራስየሙ፡ ለ  
 አጋንንት፡ ይጉየዩ፡ እምኔሁ፡ ወዲበ፡ አዕዕም  
 ቲሁ፡ ይትሐነጸ፡ አብያተ፡ ክርስቲያናትየ፡ ከ  
 መ፡ ይሰባሕ፡ ስምየ፡ በውስቴቶን፡ ኩሉ፡ ዘ  
 የአምን፡ ብየ፡ ወይጸንዕ፡ በሃይማኖት፡ ኢይት  
 ሆኑል፡ ለዝሉፉ፡ ። ሣህሉ፡ ወምሕረቱ፡ የህሉ፡  
 ምስሌነ፡ ለዓለመ፡ ዓለም፡ አሜን፡ ።

ቀድመ፡ ወንጌል፡ እምላኪየ፡ ወእትዌክል፡ ቦቱ፡ እስመ፡ ውእ  
 ቱ፡ ይላልሐኒ፡ እመሥገርት፡ ነፃዊት፡ ወእምንገር፡ መደንግዕ፡ ።

ወንጌል፡ ዘሉቃስ፡ ።

ዑቱ፡ ርእሰክመ፡ ኢታክብዱ፡ ልበክመ፡ በስ  
 ታይ፡ ወበፈጊዕ፡ ወበኅልዮ፡ መንበርት፡ ወት  
 በጽሐክመ፡ ይእቲ፡ ዕለት፡ ግብተ፡ ከመ፡ መሥ  
 ገርት፡ እንተ፡ ትወርድ፡ ዲበ፡ ኩሎመ፡ እለ፡ ይ  
 ነብሩ፡ ዲበ፡ ምድር፡ ትግሁ፡ እንከ፡ በኩሉ፡ ጊ  
 ዜ፡ ከመ፡ ትክህሉ፡ እምሥጦ፡ በጸሎትክመ፡ እ  
 ምን፡ ዝንቱ፡ ኩሉ፡ ዘይመጽአ፡ ወትቁሙ፡ ቅ  
 ድሜሁ፡ ለወልደ፡ ዕንላ፡ እመሕያው፡ ። ወመዓ  
 ልተሰ፡ ይሜህር፡ በምኩራብ፡ ወሌሊተ፡ ይወ  
 ዕእ፡ ወይበይት፡ ውስተ፡ ደብር፡ ዘስመ፡ ኤሌ

ዎን፡ ወኩሉ፡ ሕዝብ፡ ይገይሁ፡ ኅቤሁ፡ ምኩ  
 ራብ፡ ያጽምዕዎ፡ ።

በስደቦቱ፡ ሰዓተ፡ ሌሊት፡ ዘወሎስ፡ ።

ከመ፡ ዐቃቤ፡ ሥራይ፡ ወገባሬ፡ መድኅኒት፡  
 ዘይፈውስ፡ ክርስቶስ፡ አምላክነ፡ ይቤ፡ እስመ፡  
 በብዝሃ፡ ሙብልዕ፡ ይከብድ፡ ልብ፡ ወይፀራ  
 ዕ፡ ኅይል፡ እምሥጋ፡ ። ወካዕበ፡ ዓለማዊት፡  
 ታመጽአ፡ ላዕለ፡ ብእሲ፡ እኩተ፡ ብዝሃተ፡ ወ  
 ትሰድድ፡ እምላዕሌሁ፡ ፍርህተ፡ እግዚአብሔ  
 ር፡ ። እስመ፡ የኅንቆ፡ ነፍሶ፡ እኩይ፡ ወይትህ  
 ከይ፡ እምፍኖተ፡ መድኅኒት፡ ወይመጽአ፡ ላ  
 ዕሌሁ፡ መኩንን፡ ሞት፡ ከመ፡ መሥገርት፡ ዘ  
 ትኩሉ፡ ለንዲው፡ ትግሁ፡ አንትሙሂ፡ ካዕበ፡  
 ወግበሩ፡ ፍሬ፡ ዘይደሉ፡ ለጽድቅ፡ ወለንስሐ፡  
 ከመ፡ ትቁሙ፡ ቅድሚሁ፡ ለመኩንን፡ ኢየሱ  
 ስ፡ መድኅን፡ ከነ፡ ይሜህርመ፡ ለሕዝብ፡ በ  
 ምኩራብ፡ ወሌሊተሰ፡ የዐርፍ፡ ወመካነ፡ ዕረ  
 ፍቱ፡ ውስተ፡ ደብረ፡ ዘይት፡ ወመዓልተ፡ ይ  
 መጽአ፡ ኢየሩሳሌም፡ ወይገይሁ፡ ኅቤሁ፡ ኩ  
 ሎመ፡ ሕዝብ፡ ይስምዑ፡ ትምህርታቲሁ፡ ዘ  
 ምሉአት፡ እምኅሩታት፡ ወእምእልክቱ፡ እለ፡  
 ይሰምዑ፡ ትምህርታቲሁ፡ ይገይሁ፡ ኅበ፡ ነቅ  
 ዑ፡ ወይሰትዩ፡ እምኔሁ፡ ማየ፡ ጥዑመ፡ በከ  
 መ፡ ይቤ፡ መጽሐፍ፡ እንተ፡ ስምዑ፡ ከነ፡ በእ  
 ንተ፡ ምጽአቱ፡ እስመ፡ ውእቱ፡ ሙብልዕ፡ ዘ  
 ኢይማስን፡ ዘይሴሲ፡ ለኩሉ፡ ዘየአምን፡ ቦቱ፡ ።  
 ክርስቶስ፡ መድኅኒን፡ መጽአ፡ ወሐመ፡ ወበሕ  
 ማማቲሁ፡ አድኅነን፡ ።

በተስዕቱ፡ ሰዓተ፡ ሌሊት፡ ዘወሎስ፡ ።

ዘሆሴዕ፡ ነቢይ፡ በረከቱ፡ ትኩን፡ ምስሌነ፡ ለ  
 ዓለመ፡ ዓለም፡ አሜን፡ ።  
 ዝርዑ፡ ለክመ፡ ጽድቅ፡ ወእርሩ፡ ፍሬ፡ ሕይ  
 ወት፡ አኅትዉ፡ ለክመ፡ ማኅቶተ፡ ጥበብ፡ ። ኅ  
 ሥዎ፡ ለእግዚአብሔር፡ እስከ፡ ይበጽሕ፡ ማእ  
 ረረ፡ ጽድቅክመ፡ ። ለምንትነ፡ ትኩብቱ፡ ዐመ  
 ፃ፡ ወቀሠምክመ፡ ኅጢአተ፡ ወበላዕክመ፡ ፍ፡  
 ሬ፡ ሞት፡ እስመ፡ ተወክልከ፡ በሠረገላቲክ፡ ወ  
 በብዝሃ፡ ሰራዊትከ፡ ወይትነሣእ፡ ሞት፡ ላዕለ፡

ሕዝብከ : ወደ.ወደቁ : ነሱ : አረፋ.ቲከ : ከመ : መልአከ : ሰሎሞን : በቤተ : ኢየሱስ-ብግም : በ መዋዕለ : ቀትላ : ወነሶት : እመ : ላዕለ : ወ- ሉዳ ። ከማሁ : እገብረክመ : ቤተ : እስራኤል እምቅድመ : ገጸ : ጎጠ.አትክመ ። በጽባሕ : ተነሶኖ : ይነሶኖም : ለንገ-ሠ : እስራኤል : እስመ : ሕፃን : ወ-እቲ : እስራኤል : ወአነ : አፍቀርክም : ወእምግብጽ : ጸዋዕክም : ለወልድኖ ። ወበከመ : ጸዋዕክምመ : ከማሁ : ርሕቁ : እምገጽኖ ። እመ-ንቲሰ : ለበዓለ.ም : ሦዑ : ወለግልፎ : ዐጠት ። ቅድመ : ወንጌል : እግዚአብሔር : ደመይተ : ምክሮመ : ለ አሕዛብ ፤ ወይመይተ : ጎሊናሆመ : ለሕዝብ ፤ ወደረበሎመ : ምክሮመ : ለመላእክት ፤ ወምክሩስ : ለእግዚአብሔር : ይሄሉ : ለዓለም ፤ ወጎሊና : ልቡኒ : ለትውልድ : ትውልድ ።

ወንጌል : ዘሉቃስ ።

ወእንዘ : ይነግሮመ : ዘንተ : ሰአሎ : አሐዳ : ፈሪሳዊ : ከመ : ይምሳሕ : ጎቤሁ ። ወበአ : ወረ ፈቀ ፤ ወርእዮ : ፈሪሳዊ : አንከረ ፤ እስመ : ኢ ተጎዕበ : እዴሁ : ለመሲሕ ። ወይቤሎ : ኢየሱስ ፤ አንትመ-ሰ : ፈሪሳውያን : ይእዜ : እንተ : አ ፍአ : ተጎዕብም : ወታነጽሕም : ለጽዋዕኒ : ወለ ጸሕልኒ ፤ ወእንተ : ውስጡ-ሰ : ምሉእ : ሀዩደ : ወእከዩ ። አብዳን : አከኑ : ዘፈጠረ : እንተ : አ ፍአ : ወእንተ : ውስጥኒ : ፈጠረ ። ወበሕቲቲ : ዘይ ትፈቀድሰ : ሀቡ : ለምጽዋት : ወኩሉ : ንጹሐ : ይከውነክመ ። አሌ : ለክመ : ጸሐፍት : ወፈሪ ሳውያን : እለ : ታብውኡ : ዐሥራተ : እዴሁ : ለ አዛብ : ወለጸናታም : ወለኩሉ : አሕማላት : ወት ትዔወርዎ : ለጽድቅ : ወለፍቅረ : እግዚአብሔር ፤ ወዘንተኒ : ርቲዕ : ትግበሩ : ወዝክተኒ : ኢ ት ጎድጉ ። አሌ : ለክመ : ጸሐፍት : ወፈሪሳውያን : መደልዋን : እስመ : ታፈቅሩ : ነቢረ : ፍጽም : በውስተ : አዕዋዳት : ወተአምኖ : በምሥ ያጣት ። አሌ : ለክመ : ጸሐፍት : ወፈሪሳውያን : መደልዋን : እስመ : ከመ : መቃብር : ዘኢ ይትዐወቅ : አንትመ : ዘያንሶሱ : ሰብእ : ላዕሌ ሁ : ወኢየአምሮ ። ወአውሥኦ : አሐዳ : እም ጸሐፍተ : ሀገር : ወይቤሎ : ሊቅ : ዘንተ : እን ዘ : ትብል : ኪያነሂ : ትጼዕል ። ወይቤሎ : ለክ

መ-ሂ : ለጸሐፍተ : ሀገር : አሌ : ለክመ ፤ እስመ : ታጸውርዎ : ለሰብእ : ጸረ : ክቡደ ፤ ወለሊክመ-ሰ : ኢትላክኖም : በአሐቲ : አጽባዕትክመ : ለ ውእቲ : ጸር ። አሌ : ለክመ ፤ እስመ : ተሐንጹ : መቃብሪሆመ : ለነቢያት : እለ : አበዊክመ : ቀ ተልዎመ ። አደመክመ : ምግባሮመ : ለአበዊ ክመ : ወለሊክመ : ሰማዕቶመ : ዘእመ-ንቲ : ቀተሉ : ወአንትመ : ተሐንጹ : መቃብሪሆመ ። ወበእንተ : ዝንቲ : ይቤ : ጥበቢሁ : ለእግዚአብ ሔር : እፌኑ : ጎቤክመ : ነቢያተ : ወሐዋርያተ : ወይቀትሉ : እምኔሆመ : ወይሰድዳ : ከመ : ይት በቀልዎመ : በእንተ : ደመ : ነሱ : ነቢያት : ዘተክዕወ : እምፍጥረተ : ዓለም : እምደመ : አ ቤል : እስከ : ደመ : ዘከርያስ : ዘቀተሉ : በማ እከለ : ቤተ : መቅደስ : ወምሥዋዕ ። እወ : እ ብለክመ : ይትኃሥሥዋ : ለዛቲ : ትውልድ ። አ ሌ : ለክመ ፤ ጸሐፍተ : ሀገር : ወፈሪሳውያን : እስመ : ነሣእክመ : ወተጎብኡ : መራጉተ : ጽ ድቅ ፤ ለሊክመ-ኒ : ኢትብውኡ ፤ ወለእለሂ : ይበ ውኡ : ትከልእዎመ : በዊአ ።

ድጎረ : ወንጌል : በተበዕት : ሰዓት : እምሌሊተ : ሠሎስ ። አጽምዑ : ጎበ : መስተሣህል : ወመሐሪ : ዘም ሕረቲ : ብዝሃት ። ነዊጎ : መንፈስ : ይኤዝዘን : ከመ : ንኩን : ድልዋን ፤ አክ : በሥጋቲን : በሕ ቲቲ ፤ አላ : በአልባቢን : ካዕበ ። ወሶበ : አንከ ረ : ፈሪሳዊ : ሰአሎ : ከመ : ይብላዕ : በጎቤሁ ፤ ወሶበ : ርእዮ : እንዘ : ይበልዕ : ጎብስተ : ዘእን በለ : ተጥሀሮ : ወጎዕበት : ዘተናገረ : ምስሌሁ : ሊቅ : ወማእምረ : ነሱ : እምቅድመ : ኩነቱ ። አንትመ-ሰ : ፈሪሳውያን : ታነጽሕም : ለጽዋዕ : ወለኩሳኩሳት : ወውስጡመ-ሰ : ምሉእ : እከዩ : ወምሥጠተ : ወዐመፃ ። ሀቡ : ምሕረተ : ወፍ ትሐ : ወጽድቀ : ወኩሉ : ይነጽሕ : ለክመ ። ን ሕነኒ : ካዕበ : ለንኩን : እለ : ምሕረት : ላዕለ : ዘመደ : ዕጎለ : እመሕያው : ዘፈጠሮ : እግዚአ ብሔር ። ሥጋቲን : ወነፍሳቲን : ናንጽሕ : እምን ውር : ወድጎፀት : ወእምኩሉ : ጎጠ.አት ። ክርስ ቶስ : መድኅኒን : መጽአ : ወሐመ : በእንቲአን ፤ ወበሕማማቲሁ : አድኅነን ።

ዘግጥጽ፡ ነቢይ፡ በረከቱ፡ ትኩን፡ ምስሌን፡ ለ  
ዓለሙ፡ ዓለም፡ ለካላን

ኅሥም፡ ለእግዚአብሔር፡ ወተሐይወ፡ ከሙ፡  
ኢትንድድ፡ እሳት፡ ቤተ፡ ሦሴ፡ ወትበልዎሙ፡  
ወየጎጥኡ፡ ዘያጠፍኦ፡ ሎሙ፡ እሳቶሙ፡ ለቤ  
ተ፡ እስራኤል = እግዚአብሔር፡ ዘይገብር፡ ፍት  
ሐ፡ በሰማይ፡ ወይወይም፡ ጽድቅ፡ ውስተ፡ ም  
ድር፤ ዘይገብር፡ ኩሎ፡ ወያስተረት፡ ወይመ  
ይጠ፡ ለብርሃን፡ መንገል፡ መስዕ፡ ወያጸልም፡  
መዓልተ፡ ከሙ፡ ሌሊት፤ ዘይጸውዖ፡ ለማየ፡  
በሕር፡ ወይክዕጸ፡ ውስተ፡ ገጸ፡ ምድር = እግ  
ዚአብሔር፡ ዘኩሎ፡ ይመልክ፡ ሰሙ = ዘያንሥ  
ኦ፡ ቅጥቃጤ፡ ላዕለ፡ ኅያላን፡ ወኅሳረ፡ ያመ  
ጽእ፡ ላዕለ፡ ኦጽዋን = እምኖላት፡ ጸልኡ፡ ዘይ  
ጊሥጸሙ፡ ወአስቂረሩ፡ ቃለ፡ ጽድቅ = እስሙ፡  
ይኩርዑ፡ አርእስተ፡ ነዳያን = ወነሣእክሙ፡ ሕ  
ልዩን፡ በኅባህሆሙ፤ ወኅረይክሙ፡ አብያተ፡ ሠና  
ያን፤ ወተሐንጸ፡ ወኢትነብሩ፡ ውስተቶሙ፤ ወ  
ትተክሉ፡ ወይን፡ መፍትወ፡ ወኢትስትይም፡ ለ  
ወይንክሙ = እስሙ፡ ርኢኩ፡ ብዙኅ፡ ኅጢአ  
ተክሙ፡ ወዐቢዩ፡ ጊጋዩክሙ፤ ትክይድም፡ ለጸ  
ድቅ፡ ወትነሥኡ፡ ቤዛ፤ ወታቴክሉ፡ ነዳዩ፡ ዘ  
ውስተ፡ ኖሳት = በእንተ፡ ዝንቱ፡ ጠቢብኒ፡ ያረ  
ምም፡ ይእተ፡ አሚረ፤ እስሙ፡ እኩይ፡ መዋ  
ዕሊሁ = ኅሡ፡ ሠናዩ፡ ወአኮ፡ እኩዩ፡ ከሙ፡  
ትሕዩወ።

ቀድሞ፡ ወንጌል፤ እስሙ፡ ሆ፡ ዐርጉ፡ እሕዛብ፤ ሕዝብ፡ እ  
ገቢላሕር፡ ስምዕ፡ ለበራኤል፡ ከሙ፡ ይገዥ፡ ለስምዕ፡ እ  
ገቢ።

ወንጌል፡ ዘማርቆስ

ወበእንተሰ፡ ይእቲ፡ ዕለት፡ ወይእቲ፡ ሰዓት፡  
አልቦ፡ ዘየአምራ፡ ኢመላእክተ፡ ሰማይ፡ ወ  
ኢወልድ፡ ዘእንበለ፡ አብ፡ በሕቲቲ፡ ውቁ፡ ት  
ግሁ፡ ወጸልዩ፤ እስሙ፡ ኢተአምሩ፡ ግእዜ፡  
መዋዕለ፡ ጊዜሁ = ከሙ፡ ብእሲ፡ ዘይነገድ፡ ወ  
የኅድግ፡ ቤቶ፡ ወይሁብሙ፡ ግብርሙ፡ ለአግብ  
ርቲሁ፡ ለለ፡ አሐዱ፡ እምኒሆሙ፡ ወይኤዝዘ፡  
ለዐጻዊኒ፡ ከሙ፡ ይትጋህ = ትግሁ፡ እንከ፡ እስ  
ሙ፡ ኢተአምሩ፡ ግእዜ፡ ይመጽእ፡ በዕለ፡ ቤት፡

እመሂ፡ ሠርከ፡ ወእመሂ፡ መንፈቀ፡ ሌሊት፡ ወእ  
መሂ፡ ጊዜ፡ ይነቁ፡ ዶርሆ፡ ወእመሂ፡ ጸቢሐ =  
ኢይምጸእክሙ፡ ግብተ፡ ወኢይርከብክሙ፡ እ  
ንዘ፡ ትነውሙ = ወናሁ፡ እብለክሙ፡ ለኩልክ  
ሙ፡ ትግሁ = ወእስከ፡ ሰነይ፡ መዋዕል፡ ፋሲ  
ካ፡ ወበዓለ፡ መጸለት፡ ወየኅሥሡ፡ ሊቃነ፡ ካህ  
ናት፡ ወጸሐፍት፡ ይትመየንም፡ ወየአጎዝም፡ ወ  
ይቅትልም = ወይቤሉ፡ አኮ፡ በበዓል፡ ከሙ፡ ኢ  
ይትህወኩ፡ ሕዝብ =

ሥርዐተ፡ ፍጻሜሰ፡ በክሙ፡ ተጽኑ፡ በሠለቡ፡ ሰንተ፡ ሌሊ  
ት፡ ዘዕለተ፡ ሰነይ፡ በል = በጊዜ፡ ጽዓኑ፡ ዘመንፈቀ፡ ሌሊ  
ት፡ ግርያም፡ ወድስት፡ በል = ተዘክርኩ፡ በሌሊት፡ በል =  
ገናይ፡ ለዓሙ፡ በል = ሥርዐተ፡ ፍጻሜ፡ በክሙ፡ ተጽኑ፡  
በዕለተ፡ ሰነይ፡ በጊዜ፡ ጽዓኑ፡ መዝሙረሂ፡ አስተዋጻደክ፡  
ምስለ፡ ኦሪት፡ ወትግቢተ፡ ነቢያት፡ ወመጽሐፈ፡ መድኅን፡ ዘ  
ውእቲ፡ ወንጌል፡ እለ፡ ይትነበቡ፡ በዝንቱ፡ ጊዜ፡ ምራክ፡  
ከሙ፡ ዝ፡ በዘይደሉ =



በሠሉስ፡ ጽዓሕ፡ ዘይትነበብ =  
ኦሪት፡ ዘፀአት =

ወበሣልስ፡ ወርኅ፡ እምዘወዕኡ፡ ውሉደ፡ እስ  
ራኤል፡ እምድረ፡ ግብጽ፡ በዛ፡ ዕለት፡ መጽ  
ኡ፡ ውስተ፡ ገዳም፡ ዘሲና = ወወዕኡ፡ እምራ  
ፈድ፡ ወበጽሑ፡ ውስተ፡ ገዳም፡ ዘሲና፡ ወኅ  
ደሩ፡ ሆየ፡ እስራኤል፡ መንጸረ፡ ደብሩ = ወሙ  
ሴ፡ ዐርገ፡ ውስተ፡ ደብረ፡ እግዚአብሔር፡ ወ  
ጸውዖ፡ እግዚአብሔር፡ ለሙሴ፡ እምዲቦ፡ ደ  
ብር፡ ወይቤሎ፡ በሎሙ፡ ለቤተ፡ ያዕቆብ፡ ወ  
ዜንምሙ፡ ለውሉደ፡ እስራኤል = አንትሙ፡  
ርኢክሙ፡ መጠነ፡ ገበርክምሙ፡ ለግብጽ፡ ወ  
ነሣእኩክሙ፡ ከሙ፡ ዘክንፈ፡ ጉዛ፡ ወአቅረብኩ  
ክሙ፡ ኅቤዩ = ወይእዜሂ፡ ለእሙ፡ ሰማዕክሙኒ፡  
ቃልዩ፡ ወዐቀብክሙ፡ ትእዛዝዩ፡ ትኩንኒ፡ ሕዝ  
ቦ፡ ዘጽድቅ፡ እምውስተ፡ ኩሎ፡ ሕዝብ፤ እስ  
ሙ፡ ዘአዩ፡ ይእቲ፡ ኩለንታሃ፡ ምድር = ወአንት  
ሙ፡ ትኩንኒ፡ እለ፡ መንግሥት፡ እለ፡ ትሠውዑ፡  
ሊተ፡ ሕዝብ፡ ዘጽድቅ፡ ዘቃለ፡ አይደዎሙ፡  
ለውሉደ፡ እስራኤል = ወመጽኦ፡ ሙሴ፡ ወጸው  
ዐ፡ ሊቃነ፡ ሕዝብ፡ ወአይደዎሙ፡ ዘ፡ ኩሎ፡  
ቃለ፡ ዘአዘዘሙ፡ እግዚአብሔር = ወአውሥኡ፡

ከሉ ፡ ሕዝብ ፡ በአሰዱ ፡ ቃል ፡ ወይቤሉ ፤ ከሉ ፡ ዘአዘዘን ፡ እግዚአብሔር ፡ ንገብር ፡ ወንሰም ፡ ዕ ፡ ወአዕረገ ፡ ሙሴ ፡ ቃለ ፡ ሕዝብ ፡ ጎበ ፡ እግዚአብሔር ።

ዘኢየሱስ ፡ ጸድቅ ። በረከቱ ፡ ትኩን ፡ ምስሌን ፡ ለዓለም ፡ ዓለም ፡ አሜን ።

አንሰ ፡ አእመርኩ ፡ ከመ ፡ እምኔሁ ፡ ውላቱ ፡ ዘለፋየ ፡ ወአክበደ ፡ እደሁ ፡ ላዕሌየ ፡ ወአግዕረኒ ። ወምንት ፡ ውላቱ ፡ ዘኢየሱስ ፡ ከመ ፡ እርከቦ ፡ ወእብጸሕ ፡ እስከ ፡ ዘለፋየ ፡ ወይነግረኒ ፡ እመ ፡ ቦ ፡ ዘገበርኩ ፡ ወኢያረምም ፡ አፋየ ፡ እንዘ ፡ እወቅሥ ፡ ወኢየሱስ ፡ ለተሂ ፡ ወሀበኒ ፡ ፈውሰ ፡ ወለበውኩ ፡ ዘይቤለኒ ። ወእመ ፡ ቦ ፡ ብዙኅ ፡ ጎይል ፡ ይመጽአኒ ፡ ወኢይገብር ፡ እንከ ፡ ጎ ፡ ጎይል ፡ ይመጽአኒ ፡ ሳህል ፡ ወጽድቅ ፡ በመዓት ፡ ላዕሌየ ፡ እስመ ፡ ሳህል ፡ ወጽድቅ ፡ በጎቤሁ ፡ ወያዕርፈኒ ፡ ለዝሉፋ ፡ እምከኔይየ ፡ እስመ ፡ እገብእ ፡ ጎበ ፡ ቀዲሙ ፡ ወኢይሂሉ ፡ እንከ ፡ ወለደኃሪታሰ ፡ ኢየሱስ ፡ እገብእ ፡ መንገል ፡ ፀጋም ፡ ወኢያደምዕ ፡ ወእትመየጥ ፡ መንገል ፡ የማን ፡ ወአልቦ ፡ ዘእራኢ ፡ ወድአ ፡ ወአእመረ ፡ ፍኖትየ ፡ ወፈተነኒ ፡ ከመ ፡ ወርቅ ፡ ወእወፅእ ፡ እምተግሣዱ ። ወዐቀብኩ ፡ ፍኖቂሁ ፡ ወኢተግሕሥኩ ፡ ወኢጎለፍኩ ፡ እምትእዘዙ ፡ ወጎባእኩ ፡ ውስተ ፡ ሕፅንየ ፡ ነገር ። ወመኑ ፡ ውላቱ ፡ ዘይትዋቀሥ ፡ በእንተ ፡ ከኔን ፡ እስመ ፡ ውላቱ ፡ ዘፈቀደ ፡ ይገብር ። ወበእንተ ፡ ዝ ፡ አነሂ ፡ በእንተአሁ ፡ ጉዳዕኩ ፡ ተግሣዳየ ፡ ጎልይየ ፤ በእንተ ፡ ዝ ፡ ደንገፅኩ ፡ እምቅድመ ፡ ገዱ ። እኔልዮ ፡ ወይጊርመኒ ፡ እግዚአብሔር ። መሰዎ ፡ ለልብየ ፡ ወዘከሉ ፡ ይመልክ ፡ አጉጉአኒ ፡ ወበአይቱ ፡ አእመርኩ ፡ ከመ ፡ ትመጽአኒ ፡ ጽልመት ፡ ወደፈነኒ ፡ ውስተ ፡ ገጽየ ፡ ቂባር ። ለምንት ፡ ይረስዖን ፡ እግዚአብሔር ፡ ለሰዓታትየ ። ወተዓደዉ ፡ ኃጥአን ፡ እምወሰኖሙ ፡ ወመሠጡ ፡ ናላዊ ፡ ምስለ ፡ መርዒቱ ፡ ወሄዱ ፡ አድገ ፡ ፅንላ ፡ ግውታ ፡ ወአጎዙ ፡ ላሕመ ፡ ዕቤር ፡ ወሚጥዎሙ ፡ ለድኩማን ፡ እምፍኖተ ፡ ጽድቅ ፡ ወተጎብኢ ፡ ጎቡረ ፡ የዋሃን ፡ ምድር ። ወከኑ ፡ ከመ ፡ አድገ ፡ ውስተ ፡ ገዳም ፡ በእንተአየ ፡ ወፅኡ ፡ ወጎደጉ ፡ ተግባር

ሙ ፡ ወጥዕዎሙ ፡ እክል ፡ በንእሰሙ ፡ አከኑ ፡ ገራህተ ፡ ዘኢኮን ፡ ዘኢሆሙ ፡ አረሩ ፡ እምቅድመ ፡ ሰዓቱ ። ወቀንይዎሙ ፡ ለባሕታውያን ፡ ዐጻደ ፡ ወይኖሙ ፡ ዘእንበለ ፡ ዐስብ ፡ ወዘእንበለ ፡ ሲሳይ ፡ ተዐገልዎሙ ፡ ለኃጥአን ፡ ወለብዙኃን ፡ ፅሩቃን ፡ አቤትዎሙ ፡ ዘእንበለ ፡ ልብስ ፡ ወሰለብዎሙ ፡ ዐረዘ ፡ ነፍሰሙ ፡ ወያርሕሶሙ ፡ ነፍኒፍ ፡ ወጠለ ፡ ገዳም ፡ አስመ ፡ አልቦሙ ፡ ክዳን ። ጸላዐ ፡ ተከድኑ ። ወመሠጡ ፡ ፅንላ ፡ ግውታ ፡ እምውስተ ፡ ጥብ ። ወአሕመምዎሙ ፡ ለጽኑሳን ፡ ወገፍትዕዎሙ ፡ ወነፅጎዎሙ ፡ ወሄድዎሙ ፡ አፍአምቶሙ ፡ ለርጉባን ፡ ወአጎሰርዎሙ ፡ ለምንጭባን ፡ ወተዐገልዎሙ ፡ ወኢያእመርዎ ፡ ለፍኖተ ፡ ጽድቅ ፡ ወሰደድዎሙ ፡ እምሀገርሙ ፡ ወእምአብያቲሆሙ ፡ ወአግዕሩ ፡ ነፍሰ ፡ ሕጎኖት ፡ ፈድፋድ ። ውላቱ ፡ እንከ ፡ ለምንት ፡ ኢገሠጸሙ ፡ ለአሉ ፡ አምጣን ፡ ሀለዉ ፡ ዲቦ ፡ ምድር ፡ ኢያእመርዎ ፡ ወኢርእይዎ ፡ ለፍኖተ ፡ ርትዕ ። ወኢሐሩ ፡ ውስተ ፡ መርሕባ ፡ ወአእመርሙ ፡ ምግባርሙ ፡ ወመጠዎሙ ፡ ውስተ ፡ ጽልመት ፡ ወትራእዮሙ ፡ ሌሊተ ፡ ከመ ፡ ሰራቂ ። ዐይነ ፡ ዘማዊ ፡ ይጸንሕ ፡ ጽልመተ ፡ ወይብል ፡ ኢይሬእየኒ ፡ ዐይነ ፡ ሰብእ ፡ ወይሴወር ፡ እምገጽ ፡ ወይከፊ ፡ አብያተ ፡ በውስተ ፡ ጽልመት ። ወመዓልተሰ ፡ ይትጎብኡ ፡ ወኢይሬእየ ፡ ብርሃን ። ወእምከመ ፡ ጸብሐ ፡ ይመስሉሙ ፡ ጽላሎተ ፡ ሞት ፡ ለከሉሙ ፡ እስመ ፡ የአምሩ ፡ ሀከከ ፡ ዘይከውን ፡ ወይትሔዘሱ ፡ መዊተ ። ወይጸልሉ ፡ ዲቦ ፡ ገጸ ፡ ግይ ፤ ርጉም ፡ መክፈልቶሙ ፡ በዲቦ ፡ ምድር ፤ ወይሬእየ ፡ እንዘ ፡ ይየብስ ፡ ተክሎሙ ፡ በዲቦ ፡ ምድር ። ወበርበርዎ ፡ ለፅንላ ፡ ግውታ ፡ እለ ፡ በሙ ፡ ወተዘከራ ፡ ሎሙ ፡ ለጎጠአቶሙ ። ወይጠፍእ ፡ ከመ ፡ ጊሜ ፡ ጠል ፡ ወይትፈደይ ፡ በከመ ፡ ምግባር ፡ ወይትቀጠቀጥ ፡ ከመ ፡ ፅዕ ፡ ብጉብጉ ፡ ከሉ ፡ ዐማኒ ። ለመከንሂ ፡ ኢያሠነየ ፡ ወለእንተ ፡ ትወልድሂ ፡ ኢመሐራ ። ወአንጎሎሙ ፡ በመዓቱ ፡ ለጽንጹናን ። ወተንሢኦ ፡ ኢይትአመና ፡ ለሕይወቱ ፡ ወእመሂ ፡ ደወየ ፡ ኢይሴር ፡ ሐዩወ ፡ ዳእሙ ፡ ይወድቅ ፡ በእንተ ፡ ሕግም ።

ለብዙኃን ፡ አመንደበሙ ፡ በሚመቱ ፡ ወይጸመሒ ፡ ከሙ ፡ መሎኬ ፡ በውስተ ፡ ሐሩር ። ወከመ ፡ ሠዊት ፡ ዘይወድቅ ፡ ለሊሁ ፡ እምቀርሙ ። ወእመ ፡ አክ ፡ መነ ፡ ውእቱ ፡ ዘይትዋሥኦ፤ ወይብለኒ ፡ ሐሳዊ ፡ አንተ ፡ ወይሬሰዮ ፡ ከሙ ፡ ወእምንት ፡ ለነገርዮ ።

23: 2 - 24: 25

ትርጓሜ ፡ ኢዮብ ።

አአምር ፡ ከሙ ፡ እምኔሁ ፡ ዘለፋዮ ፡ እስከ ፡ ወእምንት ፡ ለነገርዮ ። ይቤ ፡ መተርጉም ፡ አንሰ ፡ አአምር ፡ ከሙ ፡ እምኔሁ ፡ ዘለፋዮ ፡ ይብል ፡ ዘንተ ፡ በእንተ ፡ ዘረከበ ፡ ውስተ ፡ ንዋዩ ፡ ወደቂቁ ፡ ወሥጋሁ ፡ ወሰመዮ ፡ ለውእቱ ፡ ዘለፋ ። በከሙ ፡ ይቤ ፡ ጸውሎስ ፡ ሐዋርያ ፡ እስመ ፡ እግዚአብሔር ፡ ይጌሥጸሙ ፡ ለውሎድ ። ይቤ ፡ ወእደሁ ፡ ከብደት ፡ ላዕለ ፡ ገግርዮ ፡ ይብል ፡ እስመ ፡ ጎይላ ፡ እግዚአብሔር ፡ ሞአት ፡ ጎሊናተ ፡ ዘዚአሁ ፡ ዘላዕሌሁ ፡ እስመ ፡ ሰመያ ፡ ለጎይላ ፡ እግዚአብሔር ፡ እደ ። ይቤ ፡ ከሙ ፡ ከብደት ፡ ዘውእቱ ፡ ተሰውጠት ፡ ላዕለ ፡ ጎሊናት ፡ ወገግር ፡ ከሙ ፡ ከልአቶሙ ፡ እምኔሁ ። ይቤ ፡ ወመኑ ፡ የአምር ፡ ከሙ ፡ አነ ፡ አረከቦ ፡ እስመ ፡ ኢይበጽሕ ፡ ጎበ ፡ ተፍጻሜት ፡ ከሠተ ፡ ሎቱ ፡ እግዚእ ፡ ከሙ ፡ ሆሎ ፡ ዘታሕተ ፡ አርዑተ ፡ ብሊት ፡ ንቱግ ፡ ውእቱ ፡ ወኢይበጽሕ ፡ ጎበ ፡ ተፍጻሜት ፡ አሐዱሂ ፡ ዘእንበለ ፡ እግዚእነ ፡ ኢዮሱስ ፡ ክርስቶስ ። ወበእንተ ፡ ውእቱኬ ፡ ይቤ ፡ መኑ ፡ የአምር ፡ ከሙ ፡ አነ ፡ አረከቦ ፡ ዘ ፡ ውእቱ ፡ ዘንቱ ፡ ትዕግሥት ፡ ዘተዐገሥክም ፡ እስከ ፡ ይሬሰዮ፤ ድሙረ ፡ ምስለ ፡ አላ ፡ አምኑ ፡ በክርስቶስ ፡ ወፈጸሙ ። ይቤ ፡ አነ ፡ አአምር ፡ ጎይላ ፡ ዘይብለኒ ፡ ያኤምር ፡ ከሙ ፡ እግዚአብሔር ፡ ወሀቦ ፡ ዕሴተ ፡ ላዕለ ፡ ተጎድሎቱ ፡ ወእሚኑ ። ወሶበ ፡ ጸላኢ ፡ የሐውስ ፡ ውስቲታ ፡ ጎሊናተ ፡ ይትሔዘብ ፡ ኪያሃ ፡ ከሙ ፡ ሠናይት ፡ ይእቲ ፡ ከሙ ፡ ያስፍጠ ፡ በቲ ። ወክነት ፡ ጎይላ ፡ እንተ ፡ ውስቲቱ ፡ ትኤምሮ ፡ ከሙ ፡ እምጸላኢ ፡ ይእቲ ። ይቤ ፡ ወኢያመጽእ ፡ ላዕሌዮ ፡ ጎይላ ፡ ዐቢዮ ፡ ወኢይትመዕዕ ፡ ላዕሌዮ ፡ በመዓት ፡ ዘ ፡ ውእቱ ፡ ኢዮጎድገኒ ፡ ከሙ ፡ እትአንተል ፡

ወእክሐዶ ። ይቤ ፡ ወይመጽእ ፡ ነነኔዮ ፡ እስከ ፡ ለዝሎፋ ፡ ዘ ፡ ውእቱ ፡ ከሙ ፡ ዘንቱ ፡ ትዕግሥት ፡ ዘተዐገሥክም ፡ ይሰጣሕ ፡ እስከ ፡ ማላቅቱ ፡ ለዓለም ፡ እስመ ፡ ነነኔ ፡ ሕማማት ፡ ውእቱ ፡ ዘረከቦ ፡ በከሙ ፡ ይቤ ፡ በወንጌል ፡ ቅዱስ ፡ እስመ ፡ እምቃላቲክ ፡ ትጸድቅ ፡ ወትትኳነን ፡ ዘ ፡ ውእቱ ፡ ተሐምም ፡ በእንተአሁ ። ይቤ ፡ ወኢዮአምር ፡ ደጋሪተዮ ፡ እስመ ፡ ውእቱ ፡ ከነ ፡ ይደነግዕ ፡ በእንተ ፡ ዘ ፡ ሆሎ ፡ ከሙ ፡ ይብጸሕ ፡ ለዝሎፋ ። ይቤ ፡ ፈጠረ ፡ ፀጋሙ ፡ ወኢያደምዕ ፡ ዘንተ ፡ ይቤ ፡ በእንተ ፡ ጸላኦቱ ፡ እለ ፡ ይትቃረንም ፡ በእንተ ፡ ምግባራት ፡ እኩያት ። ወበዕዳነሂ ፡ እስመ ፡ ይሰመዮ ፡ እሙንቱ ፡ ፀጋሙ ። ወእግዚእነ ፡ ኢዮሱስ ፡ ክርስቶስ ፡ ይቤ ፡ ያቀውም ፡ አባግዕ ፡ በየማኑ ፡ ወአጣሌ ፡ በፀጋሙ ፡ ዘ ፡ ውእቱ ፡ ዲያብሎስ ፡ ወዘይተሎ ፡ ፈቃዶ ። ይቤ ፡ ወኢያደምዕ ፡ ይብል ፡ ከሙ ፡ ውእቱ ፡ ኢተእንዘ ፡ በምግባራቲሆሙ ፡ ወኢተገመነ ፡ በፍናቂሆሙ ። ይቤ ፡ ወሰወረ ፡ የማኑ ፡ ወኢይሬኢ ፡ ይብል ፡ በእንተ ፡ መላእክት ፡ እስመ ፡ እግዚአብሔር ፡ ልዑል ፡ ከበቶሙ ፡ እምዕጌል ፡ እመሕያው ፡ አላ ፡ እመ ፡ ቦ ፡ ዘሐረ ፡ በፍናሆሙ ፡ ወገብረ ፡ ፈቃዶሙ ፡ እምከመ ፡ ኢነጸሮሙ ፡ ዘበሕዋስ ፡ ያጸሪ ፡ እንክ ፡ ልቡናሁ ፡ ከሙ ፡ ይርከቦሙ ፡ ወይሰብሕ ፡ ከማሆሙ ። ለእመ ፡ ክነት ፡ ነነኔሁ ፡ ከሙ ፡ ዘ ፡ መኑ ፡ ይክል ፡ ይትቃወም ፡ ወዘይፈቅድ ፡ ውእቱ ፡ ዘይገብሮ ፡ ይብል ፡ በእንተ ፡ ውእቱ ፡ ከሙ ፡ ለብእሲ ፡ ለእመ ፡ መጽአ ፡ ላዕሌሁ ፡ ነነኔ ፡ እምነነኔያተ ፡ እግዚእ ፡ ይትዐገሥ ፡ ላዕሌሃ ፡ ወያእኩቶ ፡ ሎቱ ፡ ለዝሎፋ ። ወኢይትቃወም ፡ ዘበተአንትሎ ፡ አው ፡ በጎሊና ፡ አላ ፡ ይረሲ ፡ ህዩንተ ፡ ውእቱ ፡ ጸሎተ ፡ ወተማሕልሎ ፡ ከሙ ፡ የሀቦ ፡ ህዩንተ ፡ ውእቱ ፡ ትዕግሥተ ። እስመ ፡ ዘይፈቅዶ ፡ እግዚአብሔር ፡ ወዘይገብሮ ፡ ውእቱ ። ይቤ ፡ ወበእንተ ፡ ምንት ፡ ትትከበት ፡ ዛቲ ፡ እከይ ፡ እምእግዚእ ። ወሶበ ፡ ርአዮ ፡ ትዕግሥተ ፡ እግዚእ ፡ በእንተ ፡ ኃጥአን ፡ ወበእንተ ፡ እለ ፡ ይወፅኡ ፡ እምትእዛዛቲሁ ፡ ተሐዝቡተ ፡ ጽድቅ ። ከሙ ፡ ምግባሮሙ ፡ ሰው

ርት፣ እምእግዚእ፣ በእንተ፣ ዘይትዲገሦሙ፣ እግ  
 ዚእ፣ ለኃጥአን፣ ወይጸንሖሙ፣ እስከ፣ ይገብኡ፣  
 ኅበ፣ ሠናይ ። ወይቤ፣ ወፅኡ፣ እምወሰኖሙ፣ ወ  
 መሠጡ፣ መርዔተ፣ ምስለ፣ ኖላዊሁ፣ ይብል፣ በ  
 እንተ፣ ደቂቀ፣ እስራኤል፣ ከመ፣ ወፅኡ፣ እምነ፣  
 ምግባራት፣ ዘቦቱ፣ ብርሃኖሙ፣ እግዚአብሔር፣  
 ወገብሩ፣ መቃርንቲሁ፣ ወተጽዕኑ፣ ፈቃዶሙ ።  
 እስመ፣ ፈትሑ፣ ላዕለ፣ ክርስቶስ፣ በሞት፣ ዘው  
 እቱ፣ ኖላዊ፣ ወእሥገርዎሙ፣ ለእርድእት፣ እለ፣  
 እሙንቱ፣ መርዔት ። ይቤ፣ ወኮኑ፣ ከመ፣ ላ  
 ሕም፣ ውስተ፣ ገዳም፣ ይብል፣ በእንተ፣ ውኡቱ፣  
 ከመ፣ እሙንቱ፣ ወፅኡ፣ እምወሰኖተ፣ ልቡኖ ።  
 ወኮኑ፣ ከመ፣ እንስሳ፣ በውስተ፣ ገዳም፣ እስ  
 መ፣ እንስሳ፣ በውስተ፣ ገዳም፣ ይትበዋሕ፣ ለ  
 ኩሉ፣ ዘርኩባት፣ እንተ፣ ትሔውጽ፣ ልብ ።  
 ይቤ፣ ወጥዕሞሙ፣ ሎሙ፣ ኅብስቶሙ፣ ከመ፣  
 ሕፃናት፣ ይብል፣ ከመ፣ ውኡቶሙ፣ ኮኑ፣ በምግ  
 ረ፣ ጽድቅ፣ እለ፣ አልቦሙ፣ ልብ፣ ወኢነስሑ፣  
 እምድጎረ፣ ውኡቱሂ፣ በእንተ፣ ምግባሪሆሙ፣  
 ዳእሙ፣ ኮነ፣ በኅቤሆሙ፣ ኩሉ፣ ዘይገብርዎ  
 ጥዑመ፣ ከመ፣ ብልዐተ፣ እክል ። ይቤ፣ ጽ  
 ኑሳን፣ ይትጊበሩ፣ ውስተ፣ ዐጻደ፣ ወይነ፣ ኃጥ  
 አን፣ ዘእንበለ፣ ዐስብ ፤ ይብል፣ በእንተ፣ ኃጥ  
 አን፣ አሕዛብ፣ ምድር፣ ወጽኑሳን፣ በእንተ፣ ሐ  
 ዋርያት፣ ትሩፋን ። እስመ፣ እሙንቱ፣ ወፅኡ፣  
 ከመ፣ በክ፣ ንኡሳነ፣ በውስተ፣ ኩሉ፣ ዓለም ።  
 ይቤ፣ ውስተ፣ ዐጻደ፣ ወይነ፣ ኃጥአን፣ ይብል፣  
 በእንተ፣ ወይን፣ ኃጥአን፣ ወለሐቅልኒ፣ ስመዮ፣  
 ወንጌል፣ ዓለመ ። ወውኡቶሙኬ፣ እለ፣ ሰበኩ፣  
 ሐዋርያት፣ ውስተ፣ ኩሉ፣ ዓለም፣ ለእለ፣ ኢ  
 ምእመናን፣ እስመ፣ ተሰምዮ፣ ዘኢምእመናን፣  
 ንፋቃን ። ይቤ፣ ዘእንበለ፣ ዐስብ ፤ ይብል፣  
 ከመ፣ እሙንቱ፣ ወፅኡ፣ በከመ፣ ይቤሎሙ፣  
 እግዚእነ፣ በከንቱ፣ ዘነሣእክሙ፣ በከንቱ፣ ሀቡ ።  
 ይቤ፣ ረሰይዎሙ፣ ለብዙኃን፣ ኃጥአን፣ ይኑ  
 ሙ፣ ዕሩቃን፣ ወይንሥኡ፣ ዐራዘ፣ ነፍሶሙ ፤  
 ይብል፣ በእንተ፣ ውኡቶሙ፣ መምህራን፣ ሕግ፣  
 እንበይነ፣ ግህደተ፣ ተጋድሎቶሙ፣ ላዕለ፣ ሰብ  
 እ፣ ወአፍቅሮቶሙ፣ ሢመተ፣ ወአጹሮቶሙ፣

ክቡዳተ ። ወያወፅእዎሙ፣ እምዝንቱ፣ ዓለም፣  
 እንዘ፣ ውኡቶሙ፣ ዕሩቃን፣ እምግባራት፣ ሠና  
 ያት ፤ እስመ፣ ሂድዎሙ፣ ዐራዘ፣ ነፍሶሙ፣ ዘ  
 ውኡቶሙ፣ ከልእዎሙ፣ እምነ፣ ኩሉ፣ ትሩፋ  
 ት፣ እንተ፣ ይእቲ፣ ዐራዘ፣ ነፍሶሙ፣ በከመ፣  
 ይቤ፣ እግዚእነ፣ ክርስቶስ ። አሴ፣ ለክሙ፣ እ  
 ስመ፣ ነሣእክሙ፣ መራኅተ፣ አእምሮ፣ ወኢ  
 በእክሙ፣ ወከላእክሙ፣ እለ፣ ይበውኡሂ ።  
 ይቤ፣ ወርሕሱ፣ በነጡብጣብ፣ አድባር፣ እስመ፣  
 አልቦሙ፣ ምጽላል፣ ጸላዐ፣ ተከድኑ፣ ይብል ፤  
 እስመ፣ ዘተከድኑ፣ ተወክፋ፣ ትእዛዘ፣ ሐዋር  
 ያተ፣ እግዚእነ፣ ኢየሱስ፣ ክርስቶስ ፤ ዝ፣ ው  
 እቱ፣ ነጡብጣብ፣ አድባር፣ ትምህርት፣ መሲ  
 ሐዊት ፤ ወእሙንቱ፣ ያበጽሕዎሙ፣ ኅበ፣ ጸ  
 ላዕ፣ እንተ፣ ውኡቱ፣ ክርስቶስ፣ ወይትከደኑ፣  
 ቦቱ ። ይቤ፣ ወአግዐሩ፣ ነፍሱ፣ ሕፃናት፣ ፈ  
 ድፋደ፣ ወተነበዩ፣ በእንተ፣ ምጽአቱ፣ ለክርስቶ  
 ስ፣ ወቅትለተ፣ ሕፃናት፣ ዘውስተ፣ ቤተ፣ ል  
 ሑም፣ ወዘኮነ፣ በውኡቱ፣ ጊዜ፣ እምገዓር፣ ዐ  
 ቢይ፣ ወሰቂቃው፣ ዕጹብ ። ይቤ፣ እለ፣ ይነ  
 ብሩ፣ ዲቦ፣ ምድር፣ ወኢየአምርዋ፣ ለፍኖተ፣  
 ጽድቅ፣ ወኢሐሩ፣ ውስተ፣ ፍናዊሃ ፤ ይብል፣  
 በእንተ፣ ውኡቱ ፤ እስመ፣ ሕዝብ፣ አይሁድ፣  
 ኮኑ፣ ይራእዩ፣ ትእምርታተ፣ እንተ፣ ይትሚስ  
 ሉ፣ በእንተ፣ ምጽአቱ፣ ለክርስቶስ ። ወይክሕ  
 ዳ፣ እሎንተ፣ በእንተ፣ አፍቅሮቶሙ፣ ውስተ፣  
 ስብሐት፣ ብጡል ፤ ወኢየአምነ፣ ቃለ፣ ነቢያ  
 ት፣ ወኢየአምነ፣ በእግዚእነ፣ ኢየሱስ፣ ክርስ  
 ቶስ ፤ እስመ፣ ሰመያ፣ ለፍኖተ፣ ጽድቅ፣ በዝዩ፣  
 ሃይማኖተ፣ ዘበክርስቶስ ። ይቤ፣ ሶብ፣ አእ  
 መረ፣ ውኡቱ፣ ምግባሮሙ፣ መጠዎሙ፣ ለጽ  
 ልመት ። ወሶብ፣ አእመረ፣ ውኡቱ፣ ከመ፣ ኢ  
 ይኔስሑ፣ እሙንቱ፣ ርሕቀ፣ እምኔሆሙ፣ ወአ  
 ንገሠ፣ ላዕሴሆሙ፣ ፀሮሙ፣ ወመጠዎሙ፣ ው  
 ስተ፣ አፈ፣ ሰይፍ ። ይቤ፣ ኅደገኒ፣ መፍቀ  
 ሬ፣ ሰብእ ፤ ይብል፣ እስመ፣ እግዚአብሔር፣ ል  
 ዑል፣ የዐቅቦ፣ ለጸድቅ፣ ወይከብቶ፣ በጊዜ፣ መ  
 ቅሠፍቱ፣ ላዕለ፣ ንፋቃን፣ በከመ፣ ዐቅቦ፣ ለ  
 ሎጥ፣ ጸድቅ፣ ወሰወሮ፣ ከመ፣ ኢይትህጉል ፤

ምስለ፡ ኃጥኣን ። ይቤ ፡ ከመ ፡ ይኩን ፡ መክ  
 ፈልቆመ ፡ ርጉመ ፡ በዲባ ፡ ምድር ፡ ይብል ፡ ዘይ  
 ተርፍ ፡ እምደቂቀ ፡ እስራኤል ፡ ወኢየሱምን ፡ በ  
 ክርስቶስ ፡ ይከውን ፡ ምኑን ፡ እምኰሉ ፡ አሕዛብ ፡  
 ወውስተ ፡ ኰሉ ፡ ሣቅዕ ፡ ወእምኰሉ ፡ ምድር ፡  
 ጽሉኣነ ፡ ወምኑናን ። ይቤ ፡ ወእመ ፡ አክሰ ፡  
 መኑ ፡ ውኣቱ ፡ ዘይብለኒ ፡ ሐሳዊ ፡ አንተ ፡ ውኣ  
 ቱ ፡ ወይሬስዮ ፡ ከመ ፡ ወኢምንት ፡ ለነገርዮ ፡ ይ  
 ብል ፡ በእንተ ፡ ውኣቱ ፡ ከመ ፡ ውኣቱ ፡ ኢይት  
 ናገር ፡ ወኢምንተኒ ፡ በኅቤሁ ፡ ዳእመ ፡ መንፈ  
 ስ ፡ ቅዱስ ። ለእመኒ ፡ ተፈጸመ ፡ ከነ ፡ ከጣሁ ፡  
 ወለእመኒ ፡ ኢተፈጸመ ፡ ኢከነ ፡ ውኣቱ ፡ ሐሳ  
 ዌ ። እስመ ፡ ኢከነ ፡ ውኣቱ ፡ ዘይትናገር ፡ በኅ  
 ቤሁ ፡ ዳእመ ፡ እግዚአብሔር ፡ በላዕሌሁ ፡ ዘሎ  
 ቱ ፡ ስብሐት ፡ ለዓለመ ፡ ዓለም ፡ አሜን ።  
 ዘኢሳይያስ ፡ ነቢይ ። በረከቱ ፡ ትኩን ፡ ምስሌን ፡  
 ለዓለመ ፡ ዓለም ፡ አሜን ።  
 እር ፡ ከነት ፡ ዘማ ፡ ሀገረ ፡ ጽዮን ፡ ማእምንት ፡  
 እንተ ፡ ምልክት ፡ ፍትሐ ፡ ወኅደረ ፡ ውስቲታ ፡  
 ጽድቅ ፡ ይእዘሰ ፡ ፈያት ፡ ወቀተፊት ። ወርቅክ  
 መኒ ፡ ተምያን ፡ ወመያስያኒክመኒ ፡ ይቶስሐ ፡  
 ማዮ ፡ ውስተ ፡ ወይን ፡ መላእክትክመኒ ፡ ከሓድ  
 ያን ፡ ሱቱፋን ፡ ሰረቅት ፡ መስተናድኣን ፡ ወያፈ  
 ቅሩ ፡ ሕልያን ፡ ወይፈቅዱ ፡ ይሚጡ ፡ ፍትሐ ፡ ወ  
 ኢያጸምሁ ፡ ዕቤርተ ፡ ብእሲተ ፡ ወኢይፈትሐ ፡  
 ለዕጻለ ፡ ማውታ ። በበይነ ፡ ዝንቱ ፡ ከመ ፡ ዝ  
 ይቤ ፡ እግዚአብሔር ፡ ጸባኣት ፡ አሌ ፡ ሎሙ ፡ ለ  
 ኅያላን ፡ እስራኤል ፡ ኢይቁርር ፡ መዓትዮ ፡ እም  
 ላዕለ ፡ ፀርዮ ፡ ወእትቤቀሎሙ ፡ ለጸላእትዮ ። ወ  
 አመጽእ ፡ አይዮ ፡ ላዕሌኪ ፡ ወኣረስነኪ ፡ ወአው  
 ዕዮሙ ፡ ለከሓድያን ፡ ወአኣትቶሙ ፡ እምኒኪ ፡  
 ለኰሎሙ ፡ በማዕያን ፡ ወአሠደም ፡ ለኪ ፡ መኳ  
 ንንተኪ ፡ ከመ ፡ ትክት ፡ ወመማክርተኪ ፡ ከመ ፡  
 ቀዲሙ ። ወእምዝ ፡ ትሰመዶ ፡ ሀገረ ፡ ጽድቅ ፡  
 ደብረ ፡ አሀገረ ፡ ጽዮን ፡ ማእምንት ። እስመ ፡  
 በጽድቅ ፡ ይድኅኑ ፡ ዌቀኪ ፡ ወበምጽቀት ። ወይ  
 ትቀጠቀጡ ፡ ኃጥኣን ፡ ወዐማዕያን ፡ ኅቡረ ፡ ወ  
 ይጠፍኡ ፡ ኰሎሙ ፡ እለ ፡ ኅደግም ፡ ለእግዚአ  
 ብሔር ። ወይትኅፈሩ ፡ በአማልክቲሆሙ ፡ በዘ

መከሩ ፡ ለሊሆሙ ፡ ወይትኅፈሩ ፡ በምሕራማቲ  
 ሆሙ ፡ ዘፈተወ ። ወይከውኑ ፡ ከመ ፡ ዕፀ ፡ ጠር  
 ቤንቶስ ፡ እንተ ፡ ነገፈት ፡ ቁጽላ ፡ ወከመ ፡ ገን  
 ት ፡ እንተ ፡ አልባቲ ፡ ማይ ። ወይከውን ፡ ኅይሎ  
 ሙ ፡ ከመ ፡ ብርዕ ፡ ባሕሩስ ፡ ወምግባራቲሆሙ  
 ኒ ፡ ከመ ፡ አፍሓመ ፡ እሳት ፡ ወይውዕዩ ፡ ኃጥ  
 ኣን ፡ ወዐማዕያን ፡ ኅቡረ ፡ ወዮኅጥኡ ፡ ዘያጠፍ  
 እ ፡ ሎሙ ፡ እሳቶሙ ።  
 ዘሆሴዕ ፡ ነቢይ ። በረከቱ ፡ ትኩን ፡ ምስሌን ፡ ለ  
 ዓለመ ፡ ዓለም ፡ አሜን ።  
 ስምዑ ፡ ቃለ ፡ እግዚአብሔር ፡ ደቂቀ ፡ እስራኤ  
 ል ፡ እስመ ፡ ይትቀቀምሙ ፡ እግዚአብሔር ፡ ለ  
 እለ ፡ ይነብሩ ፡ ውስተ ፡ ምድር ፡ እስመ ፡ አልቦ ፡  
 ጽድቅ ፡ ወአልቦ ፡ ምሕረት ፡ ወአልቦ ፡ አእም  
 ሮ ፡ እግዚአብሔር ፡ ውስተ ፡ ምድር ፡ ዘእንበለ ፡  
 ሐሰት ፡ ወቀትል ፡ ወስርቅ ፡ ወገሙት ፡ መልኣ ፡  
 ምድረ ። ወይደምኑ ፡ ደመ ፡ ምስለ ፡ ደም ። በእ  
 ንተ ፡ ዝንቱ ፡ ትላሐ ፡ ምድር ፡ ወትውኅድ ፡ ም  
 ስለ ፡ ኰሎሙ ፡ እለ ፡ ይነብሩ ፡ ውስቲታ ፡ ምስ  
 ለ ፡ አራዊተ ፡ ገዳም ፡ ወምስለ ፡ አዕቀፊ ፡ ሰማ  
 ይ ፡ ወምስለ ፡ አራዊተ ፡ ምድር ፡ ወዮኅልቁ ፡ ዓ  
 ሣተ ፡ ባሕር ። ወአልቦ ፡ እንከ ፡ መኑሂ ፡ ዘይት  
 ቀቀሥ ፡ ወአልቦ ፡ ዘይዘለፍ ፡ ወኢ ፡ መኑሂ ። ወ  
 ሕዝብዮሰ ፡ ከመ ፡ ዘይትቀማእ ፡ ከህን ። ወይደክ  
 ም ፡ መዓልተ ፡ ወይደዊ ፡ ነቢይ ፡ ምስሌሁ ። ወ  
 ትመስል ፡ እምክመ ፡ ሌሊተ ። ወይመስሉ ፡ ሕ  
 ዝብዮ ፡ ከመ ፡ ዘአልቦ ፡ ልብ ። እስመ ፡ ለከሂ ፡  
 ኅደገክ ፡ ልብክ ፡ ወአነሂ ፡ ኅደገክ ። ወኢትሠ  
 ዕ ፡ ሊተ ፡ እስመ ፡ ረሳዕክ ፡ ሕገ ፡ አምላክክ ፡ ወ  
 አነሂ ፡ እረስዶሙ ፡ ለደቂቅክ ። በከመ ፡ ብዝኖ  
 ሙ ፡ ከማሁ ፡ አበሱ ፡ ሊተ ። ወእሬስዮ ፡ ኅሳረ ፡  
 ለክብርሙ ። ወትበልዶሙ ፡ ኅጢአቶሙ ፡ ለሕ  
 ዝብዮ ፡ ወይነሥእቀ ፡ ለነፍሶሙ ፡ በጊዮሎሙ ።  
 ተግሣጽ ፡ ዘአቡን ፡ አባ ፡ ሲኖዳ ። በረከቱ ፡ ትኩ  
 ን ፡ ምስሌን ፡ ለዓለመ ፡ ዓለም ፡ አሜን ።  
 አነ ፡ አጤይቀክመ ፡ በክልኡቱ ፡ ግብር ፡ እስመ ፡  
 እለ ፡ ይትፈራሃሕ ፡ ቦሙ ፡ እግዚአብሔር ፡ በውስ  
 ተ ፡ ሰማይ ፡ በእንተ ፡ ንስሓሆሙ ፡ በዲባ ፡ ምድር ፡

እስመ ፡ እሙንቱ ፡ ኢይሬአዩ ፡ ሐዘነ ፡ ወኢሕ  
 ግመ ፡ በውስተ ፡ መካን ፡ ደኃሪ ። እለሰ ፡ ኢይ  
 ትሬሣሕ ፡ በሙ ፡ በውስተ ፡ ሰማይ ፡ በእንተ ፡ ኢ  
 ተመይጦቶሙ ፡ ወኢነስሐቶሙ ፡ በዲበ ፡ ምድ  
 ር ፤ እስመ ፡ ኢይሬአዩ ፡ ፍሥሐ ፡ ወኢዕረፍተ ፡  
 በህየ ። በውስተ ፡ መካን ፡ ደኃሪ ፡ እስመ ፡ እለ ፡ ይ  
 ትሬሥሐ ፡ በውስተ ፡ ዝ ፡ ዓለም ፡ ኢይሬአዩ ፡ ፍ  
 ሥሐ ፡ ወኢዕረፍተ ፡ በህየ ፡ ኢሰማዕክሙን ፡ ዘ  
 ይቤ ፡ ብፁዓን ፡ እለ ፡ ይላሕወ ፡ ይእዜ ፡ እስመ ፡  
 እሙንቱ ፡ ይትሬሥሐ ፡ ወከመ ፡ እለ ፡ ይትሬ  
 ሥሐ ፡ በዲበ ፡ ምድር ፡ ኢይረክቡ ፡ ፍሥሐ ፡ በ  
 ሰማያት ፡ ኢሰማዕክሙን ፡ ዘይቤ ፡ አሌ ፡ ለክሙ ፡  
 እለ ፡ ትሥሕቱ ፡ ይእዜ ፤ እስመ ፡ አንትሙ ፡ ትበ  
 ክዩ ፡ ወተሐዝን ። ዝንቱ ፡ ውእቱ ፡ ዘመን ፡ ዘይ  
 ጸንፁ ፡ ቦቱ ፡ ቅዱሳን ፡ ወድኩማን ፡ ይብሉ ፡ ን  
 ሕነ ፡ ጽኑዓን ፡ በከመ ፡ ውእቱ ፡ ጽሑፍ ፡ ወአል  
 በሙ ፤ በከመ ፡ ይቤ ፡ ነቢይ ፡ ብዙኃን ፡ እለ ፡ አድ  
 ከሙ ፡ ሥጋዎሙ ፡ በእንተ ፡ ዝሙት ። ወካዕበ ፡  
 ያደክሙ ፡ ርእሶሙ ፡ በከመ ፡ ይቤ ፡ መጽሐፍ ፡  
 በእንቲአሆሙ ፤ እስመ ፡ ኃጥእ ፡ ይሰበር ፡ በርስ  
 ሐተ ፡ ርእሱ ። ወለእለሰ ፡ ይትቃተሉ ፡ በጥብዐ  
 ት ፡ ይብል ፡ መጽሐፍ ፡ በእንቲአሆሙ ፡ አስተ  
 ፋጥን ፡ ከመ ፡ ትረሲ ፡ ርእሰከ ፡ ኅሩዩ ፡ በኅበ  
 እግዚአብሔር ፡ ከመ ፡ ገበራዊ ፡ ዘኢይትኅፈር ፡  
 ዘበርቱዕ ፡ ይመትር ፡ ቃለ ፡ እግዚአብሔር ፡ በ  
 ጽድቅ ።

ሃይማኖተ ፡ አበው ።

ይቤ ፡ ቅዱስ ፡ ቴዎድሮስ ፡ ሊቀ ፡ ጳጳሳት ፡ በጽ  
 ድቅ ፡ ውስተ ፡ ጦግረ ፡ መልእክቱ ፡ እንተ ፡ ጸ  
 ሐፋ ፡ ሶበ ፡ ተሠይመ ፡ ሊቀ ፡ ጳጳሳት ፡ ዲበ ፡ ሞ  
 ንበረ ፡ እስክንድርያ ፡ ወፈንዋ ፡ ኅበ ፡ አብ ፡ ን  
 ዶሕ ፡ ሳዊሮስ ፡ ሊቀ ፡ ጳጳሳት ፡ ዘአንጸኪያ ። አ  
 አምን ፡ በእግዚአብሔር ፡ ቃል ፡ ከመ ፡ ውእቱ ፡  
 ዕሩይ ፡ በመለኮቱ ፡ ምስለ ፡ እግዚአብሔር ፡ አ  
 ቡሁ ፡ ዘህሎ ፡ ምስሌሁ ፡ በኩሉ ፡ መዋዕል ፡ ብ  
 ርሃን ፡ ዘእምብርሃን ፤ ጽድቅ ፡ ዘእምጽድቅ ። አ  
 ርአያሁ ፡ ለአብ ፡ ሕያው ፡ ዘቦቱ ፡ አካል ፡ ወው  
 እቱ ፡ ዘተሠገወ ፡ ወኮነ ፡ ሰብእ ። ንከሥት ፡ ለ  
 ዘይሰምዕ ፡ ጥበበ ፡ በፍቅረ ፡ ምስጢር ፡ ዐቢይ ።

ንሕነሰ ፡ ተምህርነ ፡ ከመ ፡ ቃል ፡ ዘውእቱ ፡ አ  
 ምላክ ፡ በህላዌሁ ፡ ወውእቱ ፡ ኮነ ፡ ሰብእ ፡ ዘበ  
 አማን ። እንዘ ፡ አምላክ ፡ ውእቱ ፡ ለሊሁ ፡ አን  
 ደዩ ፡ ርእሶ ፡ በረቃዱ ፡ ወበሥምረተ ፡ ርእሱ ፡  
 ወኢኅደገ ፡ ምንተኒ ፡ እምትሰብእት ። ወዳእሙ ፡  
 አሐደ ፡ ኮነ ፡ ምስለ ፡ ሥጋ ፤ ወኢተወለጠ ፡ አካ  
 ለ ፡ ሥጋ ፡ ዘውእቱ ፡ ዕሩይ ፡ ምስለ ፡ ህላዌ ፡ ዘ  
 አነ ፡ በተወክፎ ፡ ሕግግት ። ወቦቱ ፡ ነፍስ ፡ ነባ  
 ቢት ፡ ወለባዊት ። ነሥአ ፡ አርአያነ ፡ በኩሉ ፡ ግ  
 ብር ፡ ዘእንበለ ፡ ኅጢአት ፡ ባሕቲታ ፤ እስመ ፡  
 መጻሕፍት ፡ ይቤላ ፡ ከመ ፡ ውእቱ ፡ ኢአበሰ ፡  
 ወኢተረክበ ፡ ሐሰት ፡ ውስተ ፡ አፋሁ ። እስመ ፡  
 ሶበ ፡ ተመውእ ፡ ህላዌ ፡ ዘአነ ፡ በአዳም ፡ ቀዳሚ ፡  
 ብእሲ ፤ ወዓዲመ ፡ ለሊሁ ፡ ለብሰ ፡ ጌራ ፡ መዊ  
 እ ፡ ወማሰነ ፡ ሞት ፡ በእግዚእነ ፡ ኢዩሱስ ፡ ክር  
 ስቶስ ፡ ዳግማይ ፡ አዳም ። ወበእንተ ፡ ዝብፁዕ ፡  
 ጳውሎስ ፡ ፈቀደ ፡ ይምህረነ ፡ ምክንያተ ፡ ዘበእ  
 ንቲአሁ ፡ ኮነ ፡ መድኅኒተ ፡ ሰብእ ። ወይቤ ፡ እስ  
 መ ፡ ዓዲ ፡ ደቂቅ ፡ ተሳተፍዎ ፡ በሥጋ ፡ ወደም ፤  
 ወውእቱ ፡ ኮነ ፡ ከማሆሙ ፡ ከመ ፡ በሞቱ ፡ ያብ  
 ጥሎ ፡ ለዘቦቱ ፡ ዕዘዘ ፡ ሞት ፡ ዘውእቱ ፡ ሰይጣ  
 ን ፡ ወያድኅኖሙ ፡ ለእለ ፡ እሙንቱ ፡ ውስተ ፡ ፍ  
 ርህት ፡ ዘውእቱ ፡ አምጣነ ፡ ኩሉ ፡ መዋዕል ፡  
 ሕይወቶሙ ፡ ሙቁሓን ፡ በሞት ። እመሰ ፡ ለነ ፡  
 በህላዌነ ፡ ዘሞአነ ፡ ሰይጣን ፡ ወእግዚአብሔር ፡  
 ቃል ፡ ኢነሥአ ፡ ካልአ ፡ ዘእንበለ ፡ ህላዌ ፡ ዘአ  
 ነ ፡ ወረሰዮ ፡ አሐደ ፡ አካለ ፡ ምስሌሁ ፤ ወረሰዮ ፡  
 ኢሐማሚ ፡ ወኢመዋቱ ፡ እምአመ ፡ ተዋሐደ ፡  
 ቦቱ ፡ በከመ ፡ ተኃበሉ ፡ ሰብእ ፡ ዐላውያን ፡ ይ  
 በሉ ፡ ዘንተ ። እመሰ ፡ ከመ ፡ ዝ ፡ ውእቱ ፡ ከን  
 ቱኬ ፡ ሃይማኖትን ። ወአኮ ፡ ውእቱ ፡ ግብር ፡ ዐ  
 ቢይ ፡ ከመ ፡ ይማኦ ፡ እግዚእ ፡ ለሰይጣን ፡ ሶበ ፡  
 አኮ ፡ እግዚእነ ፡ ክርስቶስ ፡ ለብሰ ፡ ዘተመውእ ፡  
 ቅድመ ፤ ወቦቱ ፡ ተወክፈ ፡ ሕግግት ፡ ዘአልቦ  
 ቱ ፡ ጌጋይ ፡ በሥጋ ፡ ዘይትዔረይ ፡ ምስሌነ ፡ በ  
 ህላዌነ ፡ እምኢተኸረ ፡ ተወክፎ ፡ ሕግግት ፤  
 ወሶበ ፡ አኮ ፡ አማሰኖ ፡ ለሞት ፡ በሥጋሁ ፡ እም  
 ኢማሰነ ፡ ቀኖቱ ፡ ለሞት ፡ ዘውእቱ ፡ ኅጢአት ፤  
 ወዓዲ ፡ እምኢበጠለ ፡ ሥልጣን ፡ ለሞት ። እመሰ ፡

ወዕለ ፡ እምዘርዐ ፡ ጻዊት ፡ ወነሥኦ ፡ አርአያነ ፡  
 በኩሉ ፡ ግብር ፡ ዘእንበለ ፡ ኅጢአት ፡ ባሕቲታ ፡  
 ንሕነኒ ፡ እንከ ፡ አጎዊሁ ፡ በጽድቅ ፡ በከመ ፡  
 ይቤ ፡ ጳውሎስ ፡ ጠቢብ ፡ ወበሞቱ ፡ ዘተወክ  
 ፍ ፡ በፈቃዱ ፡ በሥጋሁ ፡ ዘውእቱ ፡ ሐማሚ ፡  
 በሀላዊሁ ፡ ወበተወክፍቱ ፡ ሕማማተ ፡ ዘኣኒ ፡  
 እንተ ፡ አልባቲ ፡ ጌጋይ ፡ ሞኦ ፡ ዘበጽድቅ ፡ ለ  
 ዘቦቱ ፡ ሥልጣነ ፡ ሞት ፡ ወበሀላዊ ፡ መለኮቱሰ ፡  
 ኢሐማሚ ፡ ውእቱ ፡ ጥዩቀ ፡ እርኑ ፡ ኢንትሚ  
 ካሕ ፡ በዝንቱ ፡ ሙአት ፡ ወናሁ ፡ ንሕነ ፡ ወፃኢነ ፡  
 እምቅንየተ ፡ ግብርፍት ፡ ወመኑ ፡ ውእቱ ፡ ዘኢ  
 ያነክር ፡ እምስጢረ ፡ መጻሕፍት ፡ ወኢይሰድዶ ፡  
 ለአውጣኪ ፡ ወኢያርሕቆ ፡ ሎቱ ፡ ወለኩሉ ፡ ዘ  
 ይኒሊ ፡ እበዶ ፡ በረከቶሙ ፡ ለእሉ ፡ መምህ  
 ሬን ፡ የሀሉ ፡ ምስለ ፡ ኩልነ ፡ ሰማዕያን ፡ ወአን  
 ባብያን ፡ ለዓለመ ፡ ዓለም ፡ አሜን ።

ተአምሪሃ ፡ ለእግዝእትነ ፡ ቅድስት ፡ ድንግል ፡  
 በክልኤ ፡ ማርያም ፡ ወላዲተ ፡ አምላክ ፡ ጸሎታ ፡  
 ወበረከታ ፡ የሀሉ ፡ ምስሌነ ፡ ለዓለመ ፡ ዓለም ፡  
 አሜን ።

ወሀሉ ፡ አሐዱ ፡ ብእሲ ፡ ወእንዘ ፡ የጎዕብ ፡ አ  
 ልባሲሁ ፡ መጽአ ፡ ካልእ ፡ ብእሲ ፡ ወሚጠ ፡ ው  
 እተ ፡ ማየ ፡ ኅበ ፡ ካልእ ፡ ፍኖት ፡ ወይቤሎ ፡ ው  
 እቆ ፡ ኅፃቢ ፡ በጸሎታ ፡ ለእግዝእትነ ፡ ማርያም ፡  
 ወላዲተ ፡ አምላክ ፡ ኅድግ ፡ ዘንተ ፡ ማየ ፡ ወሄ  
 ዶ ፡ ዝንቱ ፡ ብእሲ ፡ ወአውገዘ ፡ ካዕበ ፡ ወሥል  
 ሰ ፡ አበዮ ፡ ውእቱ ፡ ብእሲ ፡ ወውእተ ፡ ጊዜ ፡ ተ  
 መይጠ ፡ ማይ ፡ መንገለ ፡ ዐቀብ ፡ ወተጋብኡ ፡  
 ኩሉ ፡ ሰብእ ፡ ወሕዝብ ፡ ብዙኃን ፡ ወአንክሩ ፡  
 ዘኮነ ፡ ወነበረ ፡ ጉንዱየ ፡ ሰዓተ ፡ ወእምዝ ፡ ተ  
 መይጠ ፡ ማይ ፡ ኅበ ፡ ማኅደሩ ፡ በፈቃድ ፡ እግዚ  
 አብሔር ፡ ወበስለታ ፡ ለእግዝእትነ ፡ ቅድስት ፡  
 ድንግል ፡ በክልኤ ፡ ማርያም ፡ ወላዲተ ፡ አምላ  
 ክ ፡ ጸሎታ ፡ ወበረከታ ፡ የሀሉ ፡ ምስሌነ ፡ ለዓ  
 ለመ ፡ ዓለም ፡ አሜን ።

ተአምር ፡ ዘገብረ ፡ እግዚእነ ፡ ወአምላክነ ፡ ወመ  
 ድኅኒነ ፡ ኢየሱስ ፡ ክርስቶስ ፡ ዘከመ ፡ አለበዎሙ ፡  
 ለአርጻኢሁ ፡ ከመ ፡ የሐውር ፡ ኢየሩሳሌም ፡ ይ

ፈጽም ፡ ትንቢተ ፡ ነቢያት ፡ ወዘከመ ፡ ሰጠት ፡  
 ብእሲት ፡ ዘማዊት ፡ ዕፍረተ ፡ ላዕለ ፡ ርእሱ ፡ ወ  
 ዘከመ ፡ ይቤሎሙ ፡ ተኅሥሡኒ ፡ ወኢትረክቡኒ ፡  
 ሃህሉ ፡ ወምሕረቱ ፡ የሀሉ ፡ ምስሌነ ፡ ለዓለመ ፡  
 ዓለም ፡ አሜን ።

ወሶበ ፡ ፈጸመ ፡ እግዚእ ፡ ኢየሱስ ፡ ዘንተ ፡ ትእ  
 ዛዘ ፡ ይቤሎሙ ፡ ለአርጻኢሁ ፡ ንሑር ፡ ኢየሩ  
 ሳሌም ፡ ከመ ፡ ይትፈጸም ፡ ትንቢተ ፡ ነቢያት ፡  
 ዘተነበዩ ፡ በእንቲአየ ፡ እምቅድመ ፡ ያግብአኒ ፡  
 ዘያገብእ ፡ ኅበ ፡ አይሁድ ፡ በከመ ፡ ተጽሕፈ ፡  
 በካልእ ፡ አንቀጾ ፡ ዝንቱ ፡ መጽሐፍ ፡ ዘይቤ ፡  
 ወሶበ ፡ ሰምዐ ፡ ሰይጣን ፡ ቃሉ ፡ ለእግዚእነ ፡ ወ  
 ርእየ ፡ ኅይሉ ፡ ዲበ ፡ መቃብረ ፡ አልዓዛር ፡ ሐ  
 ዘነ ፡ ጥቀ ፡ ወይቤሎሙ ፡ ለሐረሁ ፡ ለእመ ፡ ነበ  
 ረ ፡ ዝንቱ ፡ ብእሲ ፡ እንዘ ፡ ይገብር ፡ ዘንተ ፡ ኅይ  
 ለ ፡ ዘርኢኩ ፡ ኢንረክብ ፡ ዕረፍተ ፡ ባሕቱ ፡ አ  
 ሐውር ፡ ኅበ ፡ ሰብአ ፡ ዓለም ፡ ወእራስዮሙ ፡  
 ይስቅልም ፡ ዲበ ፡ ዕዕ ፡ ወይመጥውም ፡ ለሞት ፡  
 ባሕቱ ፡ አሌ ፡ ሎቱ ፡ ለዝንቱ ፡ ብእሲ ፡ ዘያመጽ  
 ኢ ፡ ለእኪት ፡ በእደሁ ፡ እምኅየሶ ፡ ሶበ ፡ ኢተ  
 ወልደ ፡ ዓዲ ፡ እምኅየሶ ፡ ከመ ፡ ይእስሩ ፡ በክ  
 ሣዱ ፡ ማሕረጸ ፡ አድግ ፡ ወያስጥምም ፡ ውስተ ፡  
 ልጉተ ፡ ባሕር ፡ ወእምዝ ፡ ሐረ ፡ እግዚእ ፡ ኢየ  
 ሱስ ፡ ወቦአ ፡ ቤተ ፡ ስምዖን ፡ ወሀለወት ፡ በኢ  
 የሩሳሌም ፡ ብእሲት ፡ ዘማዊት ፡ ዘትሁብ ፡ ርእ  
 ሳ ፡ ለኩሉ ፡ ዘየኅሥሣ ፡ ወእምነገደ ፡ ይሁዳ ፡  
 ይእቲ ፡ ወስማ ፡ ማርያም ፡ ወሶበ ፡ ሰምዐት ፡  
 ከመ ፡ ሀሎ ፡ እግዚእ ፡ ኢየሱስ ፡ ምስለ ፡ አርጻ  
 ኢሁ ፡ ውስተ ፡ ቤተ ፡ ስምዖን ፡ ነሥኦት ፡ ሠለ  
 ስተ ፡ ምእተ ፡ ዲናረ ፡ ወርቅ ፡ ወሐረት ፡ ኅበ ፡  
 ርእሰ ፡ ነጋድያን ፡ እለ ፡ ይህይጡ ፡ አፈወ ፡ ወስ  
 ሙ ፡ ለአሐዱ ፡ ሐድኖክ ፡ ወውእቱ ፡ እምነገደ ፡  
 ሮቤል ፡ ወትቤሎ ፡ ይትረከብኑ ፡ በኅቤከ ፡ ቅብ  
 ዐ ፡ አፈወ ፡ ዘይደሉ ፡ ለነገሥት ፡ ወሀሎ ፡ ውስ  
 ተ ፡ ቤቱ ፡ ለነጋዲ ፡ ቀርነ ፡ ወርቅ ፡ ዘኮነ ፡ ው  
 ስተ ፡ ታቦት ፡ ቀዲሙ ፡ በደብተራ ፡ ስምዕ ፡ ወ  
 ምሉእ ፡ ውስቲቱ ፡ ዘወሀቦ ፡ እግዚአብሔር ፡ ለ  
 ሙሴ ፡ ገብሩ ፡ ከመ ፡ ይቅባዕ ፡ ቦቱ ፡ ነገሥተ ፡  
 ወነቢያተ ፡ ወከህናተ ፡ እስመ ፡ ሙሴ ፡ ነቢይ ፡

ወዘሎሙ ፡ ነቢያት ፡ እለ ፡ መጽኑ ፡ እምድጎሬ  
 ሁ ፡ ለእመ ፡ ፈቀዱ ፡ ይቅብሱ ፡ በዝንቱ ፡ ቅብ  
 ፅ ፡ ነቢያ ፡ አው ፡ ንጉሠ ፡ አው ፡ ካህነ ፡ ያነብር  
 ዎ ፡ ለቀርን ፡ ዲበ ፡ ርእሱ ፡ ወቅብፅሂ ፡ ይፈለፍ  
 ል ፡ እምኒሁ ፡ ወይወርድ ፡ ውስተ ፡ ጸሕለ ፡ ወርቅ ፡  
 ዘልዱቅ ፡ ምስለ ፡ ቀርን ፡ ወሐድኖክሰ ፡ ነጋዲ ፡  
 ኢየሐምር ፡ ግብር ፡ ለዝንቱ ፡ ቅብፅ ፡ ወኢሂጦ ፡  
 ወኮነት ፡ እሙ ፡ ለሐድኖክ ፡ ተአምር ፡ ግብር ፡  
 ለቅብፅ ፡ ወኢነገረቶ ፡ ለወልዳ ፡ ወጸናሁ ፡ ለዝ  
 ንቱ ፡ ቅብፅ ፡ ይጸኑ ፡ እምከሎ ፡ አፈው ፡ ዘሀሎ ፡  
 ጎበ ፡ ነጋድያን ፡ ወሐድኖክ ፡ ነጋዲ ፡ ኢይፈቅ  
 ድ ፡ ይሂጦ ፡ በእንተ ፡ ፍቅረ ፡ ጼናሁ ፡ ወሶበ ፡  
 መጽሐት ፡ ማርያም ፡ ወሰአለቶ ፡ በእንተ ፡ ቅብ  
 ፅ ፡ ዘይደሉ ፡ ለነገሥት ፡ አውሥኣ ፡ ወይቤላ ፡  
 ሀሎ ፡ ዐቢይ ፡ ቅብፅ ፡ መንክረ ፡ ጼና ፡ ወውእቱ ፡  
 ይደሉ ፡ ለዘተፈቅዲ ፡ ወወሀበቶ ፡ ሠለስተ ፡ ም  
 ኢተ ፡ ዲናረ ፡ ወርቅ ፡ ዘሀሎ ፡ ምስሌሃ ፡ ወመጠ  
 ዋ ፡ ሐድኖክ ፡ ቀርን ፡ ቅብፅ ፡ ወይእቲሰ ፡ ሐረ  
 ት ፡ ቤተ ፡ ስምዖን ፡ ወጉድጉደት ፡ አንቀጸ ፡ ወ  
 ወፅአ ፡ ጎቤሃ ፡ ስምዖን ፡ ወሶበ ፡ አጼነው ፡ ጼና ፡  
 ዘኢያዲነው ፡ ዘከግሁ ፡ ቀዲሙ ፡ እስመ ፡ ጼናሁ ፡  
 ለውእቱ ፡ ቅብፅ ፡ ፍትው ፡ ጥቀ ፡ ይቤላ ፡ ለዘ  
 ግዌት ፡ አራእየኪ ፡ ከመ ፡ ተቀባዕኪ ፡ አፈው ፡  
 ወመጸእኪ ፡ ጎቤነ ፡ ሐራ ፡ እምኒነ ፡ በሰላም ፡ ወ  
 ተፀቀቢ ፡ ከመ ፡ ኢተዐዩ ፡ በላሀበ ፡ እሳቱ ፡ ለ  
 ውእቱ ፡ ብእሲ ፡ ዘሀሎ ፡ ጎቤነ ፡ እስመ ፡ ውእ  
 ቱ ፡ ጸድቅ ፡ ወይጸልኦሙ ፡ ለኃጥአን ፡ ወለመና  
 ፍቃን ፡ ወጎደጋ ፡ እንዘ ፡ ትቀውም ፡ አፍኣ ፡ ወ  
 ዐጸው ፡ ፍጎተ ፡ በገጻ ፡ ወሶአ ፡ ቤቶ ፡ ወይቤሎ ፡  
 እግዚእ ፡ ኢየሱስ ፡ መኑ ፡ ጉድጉደ ፡ አንቀጸ ፡  
 ዐጸድከ ፡ ኦ ፡ ስምዖን ፡ ወዘጉድጉደ ፡ በአይ ፡  
 ግብር ፡ ዘኢያባእከ ፡ ወይቤሎ ፡ ስምዖን ፡ ኦ ፡  
 እግዚእየ ፡ ጉድጉደ ፡ ፍጎተ ፡ ብእሲ ፡ ዘኢይ  
 ደሎ ፡ ይበእ ፡ ዘከግሁ ፡ ጎቤከ ፡ እስመ ፡ ይእ  
 ቲ ፡ ብሲት ፡ እምነገደ ፡ ይሁዳ ፡ ዕውቅት ፡ በ  
 ዝመት ፡ ወመስንት ፡ እምአዋልደ ፡ ሀጉላን ፡  
 እለ ፡ ሀለዋ ፡ በኢየሩሳሌም ፡ ወይቤሎ ፡ እግዚእ ፡  
 ኢየሱስ ፡ ኦ ፡ ስምዖን ፡ ኢመጽኦ ፡ ወልደ ፡ ዕን  
 ል ፡ እመሕያው ፡ ውስተ ፡ ምድር ፡ ከመ ፡ ያሕዩ ፡

ኃጥአን ፡ እለ ፡ አልበሙ ፡ ጸሕቅ ፡ ለንስሐ ፡ ገለ ፡  
 አንተሰ ፡ ወአርጎዋ ፡ ለዛቲ ፡ ብእሲት ፡ ፍጎተ ፡ ወ  
 አብእ ፡ ጎቤየ ፡ እስመ ፡ ሀሎ ፡ ምስሌሃ ፡ ብኩጎ ፡  
 ንዋይ ፡ ወወፅአ ፡ ስምዖን ፡ እንዘ ፡ ይበኪ ፡ ወ  
 ይቲክዝ ፡ በእንተ ፡ በአታ ፡ ለብእሲት ፡ ውስተ ፡  
 ቤቱ ፡ ወአርጎው ፡ ላቲ ፡ ወሶበ ፡ ቦአት ፡ ቆመት ፡  
 ቅድመ ፡ እግዚእ ፡ ኢየሱስ ፡ ወሰገደት ፡ ሎቱ ፡  
 ወአውፅአት ፡ ቀርን ፡ ዘሀሎ ፡ ምስሌሃ ፡ ወሶጠ  
 ቶ ፡ ለቅብፅ ፡ ላዕለ ፡ ርእሱ ፡ ወአገሪሁ ፡ እስመ ፡  
 ዝንቱ ፡ ቅብፅ ፡ ይደልዎ ፡ እስመ ፡ ቅብፅ ፡ መን  
 ግሥት ፡ ወትንቢት ፡ ወክሀነት ፡ ሎቱ ፡ ውእቱ ፡  
 ወእምዝ ፡ ዓዲ ፡ ይቤሎሙ ፡ ዕቀቡ ፡ ከሎ ፡ ት  
 እዛዝየ ፡ ወኢትክሥቱ ፡ ለመኑሂ ፡ እስከ ፡ ዕርገ  
 ትየ ፡ ውስተ ፡ ሰማያት ፡ ወይእኪስ ፡ ጸሐፍዋ ፡  
 ውስተ ፡ ሰሌዳ ፡ ለብክሙ ፡ ወጎብእዎ ፡ በውሳ  
 ጥያቲክሙ ፡ ዕቀቡ ፡ ምስጢራትየ ፡ ዘወሀብኩክ  
 ሙ ፡ ኢታብጥሎ ፡ አሐደ ፡ እምኒሆሙ ፡ አእም  
 ሩ ፡ ኢየጎድገክሙ ፡ ተሀልዉ ፡ ትኩዛኒክሙ ፡  
 ወትረ ፡ አእምሩ ፡ እስመ ፡ ጎዳጠ ፡ ተጎሥሠኒ ፡  
 ወኢትረክቡኒ ፡ ወጎበሂ ፡ አሐውር ፡ ኢትክሎ ፡  
 መጸኦ ፡ ጎቤየ ፡ አንትሙ ፡ ወሶቤሃ ፡ ተከዙ ፡  
 አርዳእ ፡ በእንተ ፡ ዝነገር ፡ ወይቤሎ ፡ በበይፍቲ  
 ሆሙ ፡ አይቲኑ ፡ መካነ ፡ የሐውር ፡ ዘኢንክል ፡  
 ንርአዮ ፡ ወበእንተ ፡ ዝነገር ፡ ተዐቅፋ ፡ አርዳኢ  
 ሁ ፡ ጥቀ ፡ ወአእመረ ፡ እግዚእ ፡ ኢየሱስ ፡ ዘተ  
 ባህሎ ፡ አርዳኢሁ ፡ በበይፍቲሆሙ ፡ ወይቤሎ  
 ሙ ፡ አጎውየ ፡ ኢትትዐቅፋ ፡ በዝነገር ፡ ዘእ  
 ቤለክሙ ፡ እስመ ፡ አነ ፡ ከሠትኩ ፡ ለክሙ ፡ አ  
 እሚርየ ፡ ዘይክል ፡ ልቡናክሙ ፡ ጸዊርቶ ፡ አእ  
 ምሩ ፡ እስመ ፡ መንፈስ ፡ ይፈቅድ ፡ ወሥጋ ፡ ይ  
 ደክም ፡ በእንተ ፡ ሕግም ፡ ወብየ ፡ ብኩጎ ፡ ነገ  
 ር ፡ እምዘነገርኩክሙ ፡ ይእኪ ፡ ወባሕቱ ፡ ኢት  
 ክሎ ፡ ጸዊርቶ ፡ ወበእንተ ፡ ዝነገር ፡ ጎደጉ ፡ ነገርተ  
 ክሙ ፡ ዕቀቡ ፡ ዘወሀብኩክሙ ፡ ሣህሎ ፡ ወም  
 ሕረቱ ፡ የሀሎ ፡ ምስሌነ ፡ ለዓለመ ፡ ዓለም ፡ አ  
 ሜን ፡  
 ቅድመ ፡ ወገገል ፡ ለይተገላሩ ፡ ወይገብሩ ፡ እለ ፡ ገንሥጥ ፡ ለ  
 ነፍሱ ፡ ወይገብሩ ፡ ደገፈሆሙ ፡ ወይተገላሩ ፡ እለ ፡ መዘሩ ፡  
 እኩየ ፡ ላላየ ፡ ለይኩት ፡ ከመ ፡ ጸባል ፡ ዘቅድመ ፡ ገጸ ፡ ገላሳ ፡

ወንጌል ፡ ዘማቴዎስ ።

ወኮን ፡ እምዘፈጸመ ፡ እግዚእ ፡ ኢየሱስ ፡ ዘንተ ፡  
 ዡሉ ፡ ነገረ ፡ ይቤሎሙ ፡ ለአርዳኢሁ ፡ ተአምሩ  
 ሁ ፡ ከመ ፡ እስከ ፡ ክልኤ ፡ መዋዕል ፡ ይከውን ፡ ፋ  
 ሲከፈል ወይእንዝም ፡ ለወልደ ፡ ዕንላ ፡ እመሕያው ፡  
 ወይስቅልም ። ወእምዝ ፡ ተጋብኡ ፡ ሊቃን ፡ ከህ  
 ናት ፡ ወጸሐኖት ፡ ወሊቃናተ ፡ ሕዝብ ፡ ውስተ ፡  
 ዐጻደ ፡ ሊቀ ፡ ከህናት ፡ ዘስሙ ፡ ቀያፋ ። ወተማ  
 ከሩ ፡ ከመ ፡ ለኢየሱስ ፡ በሕብል ፡ የአጎዝም ፡  
 ወይቅትልም ። ወይቤሎ ፡ ባሕቱ ፡ አኮኬ ፡ በበዓ  
 ል ፡ ከመ ፡ ኢይኩን ፡ ሀከክ ፡ ውስተ ፡ ሕዝብ ።  
 ወበጸሐ ፡ እግዚእ ፡ ኢየሱስ ፡ ቢታንያ ፡ ቤተ ፡ ስ  
 ምዖን ፡ ዘለምጽ ፡ መጽአት ፡ ኅቤሁ ፡ ብእሲት ፡  
 ዘባቲ ፡ ቢረሌ ፡ ዘምሉእ ፡ ዕፍረተ ፡ ውቴቱ ፡ ዘብ  
 ዙን ፡ ሜጡ ፡ ወሶጠት ፡ ዲቦ ፡ ርእሱ ፡ ለእግዚእ ፡  
 ኢየሱስ ፡ እንዝ ፡ ይረፍቅ ። ወርእዮሙ ፡ አርዳኢ  
 ሁ ፡ ተምዑ ፡ ወይቤሎ ፡ ለምንት ፡ መጠነ ፡ ዝ ፡  
 አህጉለት ፡ ዘእምተሠይጠ ፡ በብዙን ፡ ወየሀብ  
 ም ፡ ምጽዋተ ፡ ለነዳያን ። ወአእመረ ፡ እግዚእ ፡  
 ኢየሱስ ፡ ወይቤሎሙ ፡ ለምንት ፡ ታሰርሕዋ ፡ ለ  
 ዛቲ ፡ ብእሲት ፡ ሠናየ ፡ ግብረ ፡ ግብረት ፡ ላዕሌ  
 ዩ ። ለነዳያን ፡ ዘልፈ ፡ ትረክብምሙ ፡ ወኪያየ  
 ስ ፡ አኮ ፡ ዘልፈ ፡ ዘትረክቡኒ ። ወዘንተሰ ፡ ዕፍረ  
 ተ ፡ ዘሶጠት ፡ ዲቦ ፡ ሥጋየ ፡ ለቀበርየ ፡ ግብረት ።  
 አማን ፡ እብለክሙ ፡ በኅብ ፡ ተሰብከ ፡ ዝ ፡ ወን  
 ጌል ፡ በውስተ ፡ ዡሉ ፡ ዓለም ፡ ያንብቡ ፡ ዘገብ  
 ረት ፡ ዛቲ ፡ ብእሲት ፡ ወይዝክርዋ ። ወእምዝ ፡  
 ሖረ ፡ አሐዱ ፡ እምዐሠርቱ ፡ ወክልኤቱ ፡ አርዳ  
 ኢሁ ፡ ዘስሙ ፡ ይሁዳ ፡ አስቆሮታዊ ፡ ኅብ ፡ ሊ  
 ቃን ፡ ከህናት ፡ ወይቤሎሙ ፡ ምንተ ፡ ትሁቡኒ ፡  
 ወአነ ፡ ለክሙ ፡ አገብኦ ፡ ወተናገርዎ ፡ የሀብም ፡  
 ወላሰ ፡ ብሩረ ። ወእምአሜሃ ፡ ይፈቅድ ፡ ይርከ  
 ብ ፡ ሣጎተ ፡ ከመ ፡ ያግብኦ ፡ ኅቤሆሙ ።

ቅድመ ፡ ወንጌል ፡ እግዚእ ፡ ኢየሱስ ፡ ለነፍሱ ፡ እምክናፍረ  
 ፡ ፀመሃ ፡ ወእምላሳን ፡ ጽልሕት ፡ ብዙን ፡ ተገግዎት ፡ ነፍሱ ፡  
 ምሰለ ፡ እለ ፡ ይጸልኦ ፡ ሰላም ፡ እንዝ ፡ ሰላማዊ ፡ እነ ፡ ሰባ ፡  
 እትገርሙ ፡ ይጸብኡኒ ፡ በካንቱ ።

ወንጌል ፡ ዘዮሐንስ ።

ወከዕበ ፡ ይቤሎሙ ፡ እግዚእ ፡ ኢየሱስ ፡ አንሰ ፡

አሐውር ፡ ወተኅሥሠኒ ፡ ወኢትረክቡኒ ፡ ወት  
 መውቱ ፡ በኅጢአትክሙ ። ወኅብ ፡ አነ ፡ አሐው  
 ር ፡ አንትሙ ፡ ኢትክሉ ፡ መጸኢ ። ወይቤሎ ፡ አ  
 ይሁድ ፡ ይቀትልኑ ፡ እንጋ ፡ ርእሱ ፡ ለሊሁ ፡ ዘይ  
 ብለነ ፡ ኅብ ፡ አነ ፡ አሐውር ፡ አንትሙ ፡ ኢትክ  
 ሉ ፡ መጸኢ ። ወይቤሎሙ ፡ አንትሙ ፡ እምታ  
 ሕቱ ፡ አንትሙ ፡ ወአንሰ ፡ እምላዕሉ ፡ አነ ፡ አን  
 ትሙ ፡ እምዝንቱ ፡ ዓለም ፡ አንትሙ ። ወአን  
 ስ ፡ ኢኮንኩ ፡ እምዝንቱ ፡ ዓለም ። ወእቤለክሙ ፡  
 ትመውቱ ፡ በኅጢአትክሙ ፡ ለእመ ፡ ኢአመን  
 ክሙ ፡ ከመ ፡ አነ ፡ ውእቱ ፡ ትመውቱ ፡ በኅጢ  
 አትክሙ ። ወይቤልም ፡ አንተ ፡ መኑ ፡ አንተ ፡  
 ወይቤሎሙ ፡ እግዚእ ፡ ኢየሱስ ፡ ቀዳሚኒ ፡ ነገር  
 ኩክሙ ። ወብዙን ፡ ብየ ፡ ዘእብል ፡ በአንቲአክ  
 ሙ ፡ ወእኳንን ፡ ወባሕቱ ፡ ዘፈነወኒ ፡ ጸድቅ ፡ ው  
 እቱ ፡ ወአንሰ ፡ ዘሰማዕኩ ፡ በኅቤሁ ፡ እነግር ፡ ለ  
 ዓለም ። ወኢያእመሩ ፡ ከመ ፡ በአንተ ፡ አብ ፡ ይ  
 ቤሎሙ ። ወይቤሎሙ ፡ እግዚእ ፡ ኢየሱስ ፡ አ  
 ሙ ፡ ተለዐለ ፡ ወልደ ፡ ዕንላ ፡ እመሕያው ፡ ይእ  
 ተ ፡ አሚረ ፡ ተአምሩ ፡ ከመ ፡ አነ ፡ ውእቱ ። ወ  
 አኮ ፡ ዘእምኅቤየ ፡ ዘአገብር ፡ አላ ፡ በከመ ፡ መ  
 ሀረኒ ፡ አቡየ ፡ ከግሁ ፡ እነግር ። ወዘፈነወኒ ፡ ሀ  
 ሉ ፡ ምስሌየ ፡ ወኢየጎድገኒ ፡ አብ ፡ ባሕቲትየ ፡  
 እስመ ፡ አነ ፡ ሥምረቶ ፡ እገብር ፡ ዘልፈ ።

ድገረ ፡ ወንጌል ፡ በዕለተ ፡ ሠሐብ ፡ ጊዜ ፡ ነገህ ።

ዘይትነብብ ፡ ወየኅብር ፡ ምስለ ፡ ትንቢት ። ወመ  
 ጽኡ ፡ እስራኤል ፡ ኅብ ፡ ደብረ ፡ ራፌድ ፡ እምድ  
 ኅረ ፡ ሠለስቱ ፡ አውራጎ ፡ ወኅደሩ ፡ ውስተ ፡ ገ  
 ዳም ። ወመጽኡ ፡ ደቂቅ ፡ እስራኤል ፡ እምግብ  
 ጽ ፡ ኅብ ፡ ደብረ ፡ ሲና ፡ እስከ ፡ በጽሑ ፡ ኅብ ፡  
 ውእቱ ፡ መካን ። ወመጽአ ፡ ሙሴ ፡ ኅብ ፡ እግ  
 ዚአብሔር ፡ ወጸውዎ ፡ ወተናገረ ፡ ምስሌሁ ፡ ወ  
 ይቤሎ ፡ ንግርሙ ፡ ለቤተ ፡ ያዕቆብ ፡ ዛተ ፡ ቃ  
 ለ ፡ ወዜንዎሙ ፡ ለደቂቅ ፡ እስራኤል ። እስመ ፡  
 ናሁ ፡ ርእኪክሙ ፡ አንትሙ ፡ ምግባርየ ፡ ብዝኅ  
 ተ ፡ አንተ ፡ ገበርክዎ ፡ በሰብኦ ፡ ግብጽ ። ወጸ  
 ርኩክሙ ፡ አነ ፡ በኅይልየ ፡ ጽንዕት ፡ ከመ ፡ ዘ  
 አንትሙ ፡ ላዕለ ፡ ክንፈ ፡ አንስርት ። ወዕቀቡ ፡  
 ሕግየ ፡ ወትእዛዝየ ፡ ወስምዑ ፡ ቃልየ ፡ ወግብሩ ፡

ፈቃድየ ለሰመ ጎረይኩክመ ለምክሉ ለሕዛብ ለሰመ ለአየ ምድር ለወባሕቱ ጎብረ ገደቡ ለተ ለመንግሥተ ለወሕዝበ ጎረጎሮ ለወንጹሐ ለወመጽአ ለመሴ ለወነገሮም ለሕዝብ ለዘንተ ለቃለ ለዘይቤሎ ለእግዚአብሔር ለወጸርሐ ለሕዝብ ለበአሐዳ ለቃለ ለወይቤል ለም ለሰመ ለዘመርዖም ለእግዚአብሔር ለነዐቅበመ ለወተንሥአ ለመሴ ለወዜነዎ ለለቅ ለሰመ ለሰምዐ ለሕዝብ ለትእዛዛቲሁ ለወገብአ ለሰራሌል ለወያዕቆብ ለጎደረ ለወደቂቅ ለተግሕሠ ለሰመ ለከፍ ለትእዛዛቲሁ ለከመ ለወኢምንት ለወሐጋጊሁ ለከነ ለጽሩዐ ለወበእንተ ለገረሰዮም ለዕሩራን ለወጽሎአን ለወተቅንዩ ለአዝማድ ለከር ለአጽነን ለኦርእስቲሆም ለቅድመ ለሕዛብ ለወኮነ ለውስተ ለጎረጎት ለውፋሬ ለግለም ለክርስቶስ ለመድኅኒን ለመጽአ ለወሐመ ለወበሕማማቲሁ ለአድኅነን

በሠሎስ ነገሠ ዘይጎብብ

ነዎ ለሰማዕን ለይሄ ለእግዚአን ለሰብሐት ለከበረ ለደቂቀ ለሰራሌል ለገብረ ለግብጽወያን ለኪያሆም ለእንተአሆም ለወከመ ለከሠተ ለተአምራተ ለቅድሚያም ለአድኅኖቶም ለወይቤ ለምድጎረ ለዝንቱ ለንትመ ለእመ ለሰማዕክመ ለቃልየ ለወኪያክመ ለአፍቀርኩ ለምክሉም ለሕዝብ ለወአሕዛብ ለከመ ለትኩንኒ ለተ ለመንግሥት ለንጹሕ ለወሕዝበ ለቅዱስ ለወሰበ ለተመጠወ ለዘንተ ለግብረ ለበእኩም ለወዐጸወ ለእምሰሚዕ ለእዘኒሆም ለወተእንዙ ለበአሐባለ ለፍትወተ ለግለም ለወተከልኤ ለእምነ ለብዎ ለነገራተ ለጽድቅ ለወሥርዐት ለወደቁ ለውስተ ለባሕረ ለከይ ለወውእቱ ለዘተሠገወ ለመድኅኒቶም ለወጸረ ለሕማማተ ለሥጋሁ ለከመ ለይሬውሰመ ለመሀሮም ለነገር ለጥዑም ለወምግባራተ ለትሩፋት ለወክብር ለወበሞገስ ለፍጹም ለወአርጎወ ለሎም ለአፍቅጸ ለመንግሥት ለመመደም ለበንብረት ለውስተ ለገነም ለእለ ለኢሰምዐ ለትእዛዛ ለከመ ለይደሉ ለወኢገብሩ ለቲ ለከመ ለይረትዕ ለበአይ ለልጎን

ይትረገመ ለወአይ ለኩንኒ ለዘይደልም ለይረክበመ ለወሰማዕክመ ለዘይቤ ለአይሁድ ለተሣህሎቶ ለዕሴሆም ለእመ ለመይጠመ ለሎም ለጊዜ ለበምዲድ ለወጊዜ ለበተግሣጽ ለወጊዜ ለበአርእዮ ለተአምራት ለወጊዜ ለበምግባራተ ለፍርሀት ለከመ ለይትመደጠ ለእምግዝፈተ ለክሣዶም ለወይግብኤ ለካቤሁ ለከመ ለይሠኒ ለሎም ለወበዝየ ለይቤ ለምዕዳን ለሎም ለወተግሣጽ ለሀኬቶም ለእመ ለኒ ለሰበ ለሐርኩ ለእምኔክመ ለወአክመንክመ ለትመውታ ለሰጠ አትክመ ለወሰበ ለተለዐለ ለወልደ ለዕንለ ለእመሕያው ለተአምሩ ለከመ ለኒ ለውእቱ ለወሰበ ለአበዩ ለአለ ለጽልሕዋን ለተመይጠ ለእምእኩም ለውተጎለቁ ለምስለ ለጊጉያን ለሀጉላን ለእይኬ ለኢንቅሀ ለንሕነ ለእምንዋምነ ለወንለቡ ለነገራተ ለእግዚአን ለወንትጋደል ለዐቂብ ለትምህረት ለዘይትነበብ ለዕሴነ ለወንፍረይ ለፍሬ ለክብረ ለዘይደሉ ለትክለትነ ለወንትመሰል ለበምግባራተ ለጸድቃን ለአለ ለተባልሐ ለኦ ለመንክር ለሐዋሪ ለአለ ለይፈቅዱ ለኅብ ለኩባካብ ለዘለግለም ለትሬእይዎም ለበአስተንትዮ ለበአንጽሐ ለሥጋሆም ለወጸርዩ ለወይትቀብዑ ለዕፍረተ ለወይሰረገወ ለበአልባስ ለወያህጊዩ ለበአስተሣንዮ ለሎም ለበአባሎም ለወያጸምዐ ለቃለ ለአለ ለይነቡ ለሰማሕሌት ለወአለ ለይትናገሩ ለበተውኔት ለወይትመደጠ ለነጽሮ ለዘፈናት ለወይሁቡ ለንዋዮም ለተጠናቅቆ ለወይትኤመሩ ለዐቂብ ለመሐደምቶም ለወይትጋደሉ ለአፍልሶ ለንባቦም ለወይገብሩ ለፈጽሞ ለሥምረተ ለአስተናጽሐቶም ለከመ ለይደሉ ለወኢገብሩ ለከመ ለዘ ለሐዋር ለኅብ ለቤተ ለክርስቲያን ለሰሚዐ ለቃለ ለእግዚአብሔር ለከመ ለዘ ለዳእመ ለንሬእዮም ለይሰረገወ ለበአልባስ ለበኅሣሠ ለሰባሐ ለከንቱ ለወለእመኒ ለአእመሩ ለኢይገብሩ ለወሰበ ለይትነበቡ ለዕሴሆም ለነገራተ ለመለኮት ለይትሂዩዩ ለሰሚዮቶም ለወይትሀከዩ ለወበእንተ ለዝንቱ ለወደቁ ለውስተ ለመርቡበተ ለጸላኢ ለወደሐውሩ ለውስተ ለአብያቲሆም ለበመስፍ ለወለእመኒ ለከነ ለጊ

ዚእነ፡ ሎቱ፡ ስብሐት፡ ገሠጸ፡ ለሐዊር፡ ውስተ፡ ብርሃን፡ ወለተዐቅቦ፡ እምተራክቦ፡ ጽልመት፡ ግብተ፡ እፎኬ፡ ዘኢነሐውር፡ በፍፍተ፡ ሕይወትን ። ወፍብርህ፡ በማገፍተ፡ ሥርዐትን፡ እምቅድመ፡ ይዕጽዉ፡ ብነ፡ አንቅጾ፡ ርሒብ፡ ወይስፍሐ፡ ብነ፡ መንገሌን፡ አእዳወ፡ ውሉጣተ፡ ወኢይትዐቅፍ፡ ውስተ፡ ጽልመት፡ ሕይወትን፡ ከመ፡ ኢንተክዝ፡ ላዕለ፡ ዘኅለፈ፡ ምግባሪን፡ አመ፡ ንቅውም፡ ቅድመ፡ እግዚእነ፡ ጽምሑያነ፡ በብካይ፡ ወፍሩሃነ፡ ወጽኑሓነ፡ ለጉንድዮ፡ ውስተ፡ ገሃነም፡ ልሕዋነ፡ በአስሕቶ፡ መዋዕለ፡ ሕይወትን፡ በተደልዎ፡ መብልዕ፡ ኅላፊ፡ ወፍትወት፡ እኩይ፡ ወኩሉ፡ ዘኢይደሉ፡ ለኔራን ። ይደልወነኬ፡ ከመ፡ ንዕቀብ፡ ትእዛዘ፡ ወንንቃህ፡ እምንቀምን፡ ወንትገሠጽ፡ እምጽርዐትን፡ ወንጉድጉድ፡ አንቅጾ፡ ምሕረቱ፡ ለአምላክነ፡ ዘሎቱ፡ ስብሐት፡ እስከ፡ ለዓለመ፡ ዓለም፡ አሜን ። ሥርዐተ፡ ፍጻሌስ፡ ከመ፡ ተጽሕፈ፡ በዕለተ፡ ሰንይ፡ በጊዜ፡ ነገህ ።

ወእምዝ፡ ይትጋብኡ፡ ካህናት፡ ውስተ፡ ቤተ፡ ክርስቲያን፡ ቅድስተ፡ በዕለተ፡ ሠሎስ፡ ጊዜ፡ ሠለስቱ፡ ሰንት፡ ወይጽልዮ፡ ጸሎተ፡ በከመ፡ ተጽሕፈ፡ በዕለተ፡ ሰንይ፡ ጊዜ፡ ሠለስቱ፡ ሰንት፡ መዘመረሂ፡ ያስተሰናዕዉ፡ ምስለ፡ ኃሪት፡ ወትንቢተ፡ ነቢያት፡ ወመጽሐፈ፡ ብሥራት፡ ዘውሉቱ፡ ወንጌል ።

በሠለስቱ፡ ሰንት፡ ዘሠሎስ ።  
አሪት፡ ዘዳግም ።

ወፀቅ፡ ርእሰከ፡ ወኢትርስዎ፡ ለእግዚአብሔር፡ አምላክከ፡ ከመ፡ ትዕቀብ፡ ትእዛዘ፡ ወፍትሐ፡ ወኩነኔሁ፡ ኩሎ፡ ዘአነ፡ እኤዝዘከ፡ ዮም ። ዮጊ፡ ሶበ፡ በላዕከ፡ ወጸገብከ፡ ወነደቀ፡ ኡብያተ፡ ሠፍያነ፡ ወነበርከ፡ ውስቴቶመ፡ ወበዝኃ፡ ለከ፡ አባግዲከ፡ ወአልሕምቲከ፡ ወሶበ፡ በዝገሳ፡ ለከ፡ ወርቅ፡ ወብሩር፡ ወበዝገሳ፡ ለከ፡ ኩሎ፡ ንዋይከ፡ ዮጊ፡ ታዕቢ፡ ልበከ፡ ወትረስዎ፡ ለእግዚአብሔር፡ አምላክከ፡ ዘአውዕክከ፡ እምነ፡ ምድረ፡ ግብጽ፡ እምነ፡ ቤተ፡ ቅኔት፡ ወወሰደከ፡ ውስተ፡ ገዳም፡ ዘበቢይ፡ ወግሩም፡ ውእቱ፡

ዘአራዊተ፡ ምድር፡ ይነስኩ፡ ወዐቃርብት፡ ወጽምእ፡ ወአልቦ፡ ማይ፡ ለሰትይ፡ ዘአውዕክ፡ ለከ፡ እምውስተ፡ አብነ፡ ኩኩሕ፡ ነቅዐ፡ ማይ፡ ጥዑም ። ዘሲሰዩከ፡ መና፡ በገዳም፡ ዘኢየአምሩ፡ አበዊከ፡ ከመ፡ ያሕምምከ፡ ወያመክርከ፡ ወያሠኒ፡ ላዕሌከ፡ በደኃሪ፡ መዋዕሊከ ። ወኢትበል፡ በልብከ፡ በጽንዕዮ፡ ወበኅይል፡ እደዮ፡ ገበርኩ፡ ሊተ፡ ዘንተ፡ ኅይል፡ ዐቢዮ ። ውተዘከር፡ ለእግዚአብሔር፡ አምላክከ፡ እስመ፡ ውእቱ፡ ይሁበከ፡ ኅይል፡ ከመ፡ ያቅም፡ ኪዳኖ፡ ዘመሐለ፡ እግዚአብሔር፡ ለአበዊከ፡ በከመ፡ ዮም ። ወለእመ፡ ረሲዐ፡ ረሳዕካሁ፡ ለእግዚአብሔር፡ አምላክከ፡ ወሐርከ፡ ድኅረ፡ በዕዳን፡ አማልክት፡ ወአምላካሆመ፡ ወሰገድከ፡ ሎመ፡ ጥበበ፡ ሣረኩከ ። በረከተ፡ አምላኩ፡ ትኩን፡ ምስሌነ፡ ለዓለመ፡ ዓለም፡ አሜን ።

ወልድዮ፡ ለእመ፡ ሐርከ፡ ትትቀነይ፡ ለእግዚአብሔር፡ አስተዳሎ፡ ነፍሰከ፡ ለሕማም ። አርትዕ፡ ልበከ፡ ወተዐገሥ፡ ወኢትትወላወል፡ ለእመ፡ ተመንደብከ፡ ወኢትናፍቅ ። ትልዎ፡ ዳእመ፡ ወኢትኅድኅ፡ ከመ፡ ትብዛን፡ ሕይወትከ፡ በደኃሪትከ ። ወተወከፍ፡ ኩሎ፡ እንተ፡ በጽሐተከ፡ ወተዐገሥ፡ በመዋዕለ፡ ተጽናስከ ። እስመ፡ በእሳት፡ ያሚክርዎ፡ ለወርቅ፡ ወለብእሲ፡ ጻድቅ፡ በሕማመ፡ ተጽናስ ። ተአመኖ፡ ዳእመ፡ ወይረድኦከ፡ ወአርትዕ፡ ፍናዊከ፡ ወተወከል፡ ቦቅ ። እለ፡ ትፈርህዎ፡ ለእግዚአብሔር፡ ጽንሕዎ፡ ለምሕረቱ፡ ወኢትትገሐሙ፡ እምኔሁ፡ ከመ፡ ኢትደቁ ። እለ፡ ትፈርህዎ፡ ለእግዚአብሔር፡ ተአመንዎ፡ ወኢትሀገሎ፡ ዕሴተክመ ። እለ፡ ትፈርህዎ፡ ለእግዚአብሔር፡ ተሰፈውዎ፡ ለሠናይት፡ ወትፍሥሕተ፡ ምሕረቱ፡ ዘለዓለም ።

አንቀጽ፡ ዕሥራ፡ ወተስዐቱ ።

እመጽሐፈ፡ ዲድስቅልያ፡ ዘአበዊነ፡ ቅዱሳን፡ ሐዋርያት ። በረከቶመ፡ ዮሀሉ፡ ምስሌነ፡ ለዓለመ፡ ዓለም፡ አሜን ።  
ወበሠሎስ፡ ዕለት፡ ወሰኩ፡ ወአፈድፈዱ፡ ምክረ፡ በእኩይ፡ ምግባርመ፡ እንተ፡ አልባቲ፡

ተፍጻሚት ። ወበእንተ ፣ ዝ ፣ ይቤ ፣ እግዚአ ፣ መ  
 ኑ ፣ የአምነን ፣ ስምዐን ፣ ወቃለን ፣ ወለመኑ ፣ ተከሥ  
 ተ ፣ መዝራዕትክ ፣ ወከዕብ ፣ ይቤ ፣ ሰሚዐ ፣ ትሰ  
 ምዑ ፣ ወኢትሌብወ ፣ ወራእዩ ፣ ትራእዩ ፣ ወኢ  
 ተአምሩ ። እስመ ፣ ጽሉል ፣ ልቦመ ፣ ለዝንቱ ፣  
 ሕዝብ ፣ ወበእንተ ፣ ዝ ፣ ተሰወረት ፣ እምኔሆመ ፣  
 ጥበብ ፣ እስመ ፣ ርእዮመ ፣ ኢየአምሩ ፣ ወሰሚ  
 ሆመ ፣ ኢይሌብወ ። ወአንትመሰ ፣ ሕዝብ ፣ ወ  
 ለክመ ፣ ተውሀበ ፣ መንግሥት ። እንዘ ፣ ቀዳመ ፣  
 ኢተአምርዎ ፣ ለእግዚአብሔር ፣ ወይእዜሰ ፣ አእ  
 መርክምም ፣ በርትዕት ፣ ሃይማኖት ፣ ወበሰብከተ ፣  
 ወንጌላ ፣ ኢየሱስ ፣ ክርስቶስ ፣ መድኃኒን ፣ ወሃ  
 ቤ ፣ ሕይወት ፣ ለኩሎመ ፣ እለ ፣ ይሰፈወ ፣ ኪ  
 ያሁ ፣ ናሁ ፣ አንትመሰ ፣ ጎደግመ ፣ አምልኮ ፣  
 ጣዖታት ፣ እለ ፣ አልቦመ ፣ ነፍስ ፣ ወመነንክመ ፣  
 መሥዋዕተ ፣ ርኩስ ፣ ወክሕድክምምመ ፣ ለመላ  
 እክተ ፣ ጽልመት ፣ ወበእንተ ፣ ዝ ፣ በእክመ ፣  
 ውስተ ፣ ብርሃን ፣ ዘበአማን ፣ እግዚእን ፣ ኢየሱ  
 ስ ፣ ክርስቶስ ፣ ወቦቱ ፣ አእመርክምም ፣ ለአሐ  
 ዱ ፣ ጻድቅ ፣ እግዚአብሔር ፣ አብ ፣ ወከንክመ ፣  
 ወራስያን ፣ መንግሥቱ ፣ እስመ ፣ ተጠመቅመ ፣  
 በሞቱ ፣ ወበትንሣኤሁ ፣ መፍትሔ ፣ ትኩን ፣ ከ  
 መ ፣ ሕፃናት ፣ እለ ፣ ይእዜ ፣ ተወልዱ ፣ እለ ፣ አ  
 ልቦመ ፣ እከይ ፣ ውስተ ፣ ልቦመ ፣ አእትቱ ፣ እ  
 ምኔክመ ፣ ጎጠአተ ፣ እስመ ፣ ቤዘወክመ ፣ በደ  
 መ ፣ ክቡር ክመ ፣ ታምልክም ፣ ለእግዚአብሔ  
 ር ፣ ሕያው ፣ ይቤ ፣ እግዚአብሔር ፣ ሕያው ፣ በ  
 ውእቱ ፣ መዋዕል ፣ በእንተ ፣ እስራኤል ፣ በጎበ ፣  
 እለ ፣ ኢየአምነን ፣ ትትሀዩድ ፣ መንግሥተ ፣ ሰማ  
 ያት ፣ ወትትወሀብ ፣ ለሕዝብ ፣ እለ ፣ ይገብሩ ፣ ጽ  
 ድቀ ፣ ወአንትመሰ ፣ ቅንኡ ፣ ለገቢረ ፣ ፍሬ ፣ ጥ  
 በብ ፣ ጥዑም ፣ እስመ ፣ ኪያክመ ፣ ረነወ ፣ ትከ  
 ት ፣ ጎበ ፣ ዐጻደ ፣ ወይን ፣ ወእመንቱሰ ፣ ኢሰም  
 ዑክመ ፣ ወአግዘፍ ፣ ልቦመ ፣ ወተንሥኡ ፣ ላ  
 ዕለ ፣ ዐቀብተ ፣ ወይን ፣ ለእግዚአብሔር ፣ ወአጎ  
 ዝምመ ፣ ቦ ፣ ዘቀተሉ ፣ በመጥባሕት ፣ ወቦ ፣ ዘወ  
 ሠሩ ፣ በሞሠርት ፣ ወቦ ፣ ዘቀተሉ ፣ ውስተ ፣ ቤተ ፣  
 መቅደስ ፣ ወዓዲ ፣ ቀተልዎ ፣ ለወራሲ ፣ ወመነን  
 ም ፣ ወወገርዎ ፣ ከመ ፣ አብን ፣ እንተ ፣ መነንዎ ፣

ነደቅት ፣ ወበእንተእክመ ፣ ይቤ ፣ ሕዝብ ፣ ዘኢ  
 የአምር ፣ ተቀንዩ ፣ ሊተ ፣ ወውስተ ፣ ምስማዐ ፣  
 እዝን ፣ ተሰጥወኒ ፣ በረከቶመ ፣ ለሐዋርያት ፣  
 የሀሉ ፣ ምስሌን ፣ ለዓለመ ፣ ዓለም ፣ አሜን ።

ሃይማኖተ ፣ አበው ።

ሃይማኖት ፣ ቅድስት ፣ እንተ ፣ ጸሐፊ ፣ ቅዱስ ፣  
 ሳዊርስ ፣ ሊቀ ፣ ጳጳሳት ፣ ዘሀገረ ፣ እግዚአብሔ  
 ር ፣ ዐባይ ፣ አንጻኪያ ፣ ይቤ ፣ ይደልወን ፣ ንእመ  
 ን ፣ ከመ ፣ ዝ ፣ በእግዚአብሔር ፣ ቃል ፣ ከመ ፣ ቦ  
 ቱ ፣ ክልኤቱ ፣ ልደታት ፣ አሐዱ ፣ እምአብ ፣ ቀ  
 ዲመ ፣ እንበለ ፣ ሱታሬ ፣ ምስክብ ፣ አንስት ፣ ል  
 ደት ፣ ዘኢይትረከብ ፣ ወበደኃሪ ፣ መዋዕል ፣ እ  
 ምቅድስት ፣ ድንግል ፣ ማርያም ፣ እንበለ ፣ ሩካቤ ፣  
 ተባዕት ፣ ልደት ፣ ዘኢይትነገር ፣ ወዘኢይትረከ  
 ብ ፣ ወዘንተ ፣ ባሕቱ ፣ ነአምር ፣ ከመ ፣ ቃል ፣ ሥ  
 ጋ ፣ ከነ ፣ ወጎደረ ፣ ጎዕሌን ፣ ወርኢናሁ ፣ በአዕይ  
 ንተን ፣ ወገሰስናሁ ፣ በእደዊን ፣ ወኢፈጠሮ ፣ አ  
 ብ ፣ ከመ ፣ አሐዱ ፣ እመላእክት ፣ ወኢከመ ፣ አ  
 ሐዱ ፣ እምሱራሬል ፣ አላ ፣ ውእቱ ፣ ተወልደ ፣  
 እምሀላዊሁ ፣ ውእቱ ፣ ይትሌፀል ፣ እምኩሉ ፣  
 ሥልጣናት ፣ ወኩሉ ፣ አጋዕዝት ፣ ወኩሉ ፣ ስም ፣  
 ዘይሰመይ ፣ በዝ ፣ ዓለም ፣ ወበዘይመጽእ ፣ ወዕ  
 ሩይ ፣ ውእቱ ፣ ምስለ ፣ አቡሁ ፣ ወመንፈሱ ፣ ቅ  
 ዱስ ፣ ወውእቱ ፣ ሀልው ፣ ለዓለም ፣ በመለኮቱ ፣  
 ባሕቲቱ ፣ ወበእንተ ፣ ዝ ፣ ይቤ ፣ እንበይን ፣ መን  
 ፈስ ፣ ቅዱስ ፣ ከመ ፣ ውእቱ ፣ ይነሥእ ፣ እምዚአ  
 ዩ ፣ ወይነግረክመ ፣ ዝንቱ ፣ ተርእዮ ፣ በዮርጻኖ  
 ስ ፣ በእምሳለ ፣ ርግብ ፣ ወወረደ ፣ ዲባ ፣ ወልድ ፣  
 ወሶበ ፣ ርእዮ ፣ ቃል ፣ ከመ ፣ ጎጠአት ፣ በዝጎ ፣  
 ወረደ ፣ እምሰማይ ፣ ወጎደረ ፣ ውስተ ፣ ክርወ ፣  
 ድንግል ፣ ማርያም ፣ ቅድስት ፣ ወሐነጸ ፣ ሎቱ ፣  
 እምኔሃ ፣ ሥጋሁ ፣ በምስጢር ፣ ዘኢይትነገር ፣ ወ  
 ዘኢይትረከብ ፣ ወነበረ ፣ ውስተ ፣ ክርሣ ፣ ተስ  
 ዐተ ፣ አውራጎ ፣ ወውእቱ ፣ ዘፈጠረ ፣ ሎቱ ፣ ሥ  
 ጋሁ ፣ እምኔሃ ፣ ወአኮ ፣ አብ ፣ ዘጎደረ ፣ ውስተ ፣  
 ክርወ ፣ ድንግል ፣ ለተሰብአ ፣ ከመ ፣ ኢይበል ፣  
 መነሃ ፣ ይትፋለስ ፣ አብ ፣ ለከዊን ፣ ወልድ ፣ አላ ፣  
 ውእቱ ፣ ወልድ ፣ በፈቃድ ፣ አቡሁ ፣ ወበሥምረተ ፣  
 መንፈስ ፣ ቅዱስ ፣ እስመ ፣ አሐቲ ፣ ሥምረት ፣

ይእት፡ ዘሥሉስ፡ ቅዱስ፡ ከመ፡ ኢይትበሀል፡ ከመ፡ ክልእ፡ ፈጠር፡ ሎቲ፡ ወይሬስዮ፡ ነኪ ረ፡ እመለኮቲ፡ አላ፡ ውእቲ፡ ባሕቲቲ፡ ተሠገ ወ፡ ወተዐገሠ፡ ሕማማተ፡ ሥጋ፡ እንተ፡ አልባ ቲ፡ ኅጠአት፡ ጸሎቲ፡ ወበረከቲ፡ የሀሉ፡ ምስ ሌነ፡ ለዓለመ፡ ዓለም፡ አሜን።

ተአምሪሃ፡ ለእግዝእትን፡ ቅድስት፡ ድንግል፡ በክልኤ፡ ማርያም፡ ወላዲተ፡ አምላክ። ጸሎ ታ፡ ወበረከታ፡ የሀሉ፡ ምስሌነ፡ ለዓለመ፡ ዓ ለም፡ አሜን።

ተብሀለ፡ ከመ፡ ሀሎ፡ አሐዳ፡ መነኮስ። ወአል ቦቱ፡ አልባስ፡ ወዐራዝ፡ ወሲሳይ። ወይትአመ ና፡ ለእግዝእትን፡ ቅድስት፡ ድንግል፡ በክልኤ፡ ማርያም፡ ወላዲተ፡ አምላክ። ወይቤላ፡ አዝዘ፡ ሊተ፡ ዘአበልዕ፡ ወዘአለብስ፡ ወኢይኩን፡ ንፋ ቀ፡ እምኔኪ፡ ወዘንተ፡ ብሂሎ፡ ኖመ። ወመጽ አት፡ ኅቤሁ፡ እግዝእትን፡ ቅድስት፡ ድንግል፡ በክልኤ፡ ማርያም፡ ወላዲተ፡ አምላክ። ዘበዕብ ራይስጢ፡ ማሪሃም፡ ወከዊኖ፡ መንፈቀ፡ ሌሊ ት፡ አስተርአዮቶ፡ እግዝእትን፡ በሕልም፡ ወበ ራእይ። ወትቤሎ፡ አ፡ መነኮስ፡ ምንተ፡ ትብል፡ ወንሣእ፡ ዘንተ፡ ልብስ፡ ከመ፡ ይኩንክ። ወነቀ ሀ፡ እምንዋሙ፡ ወረከበ፡ ልብስ፡ ወተፈሥሐ፡ ዐቢዮ፡ ፍሥሐ። ወአንከሩ፡ ነሎሙ፡ ሕዝብ፡ እለ፡ ርእዮ፡ ዘንተ፡ ተአምረ፡ ወመንክረ፡ ዘንብ ረት፡ እግዝእትን፡ ቅድስት፡ ድንግል፡ በክልኤ፡ ማርያም፡ ወላዲተ፡ አምላክ። ጸሎታ፡ ወበረከ ታ፡ የሀሉ፡ ምስሌነ፡ ለዓለመ፡ ዓለም፡ አሜን። ወኮሎ፡ ሥርዐተ፡ ከመ፡ ቀዳማ፡ በል።

ተአምር፡ ዘንብረ፡ እግዚእን፡ ወአምላክን፡ ወመ ድኅኒን፡ ኢየሱስ፡ ክርስቶስ። ዘከመ፡ ነገሮሙ፡ ምዝባሬሃ፡ ለኢየሩሳሌም፡ በእንተ፡ እከዮ፡ አይ ሁድ፡ ወይትበቀሎ፡ ሐዲሳን፡ ሕዝብ፡ በሥጋ ሁ፡ ወበደሙ። ሣህሉ፡ ወምሕረቲ፡ የሀሉ፡ ምስ ሌነ፡ ለዓለመ፡ ዓለም፡ አሜን።

ወተመደጠ፡ እግዚእ፡ ኢየሱስ፡ ውስተ፡ ኢየ ሩሳሌም፡ ወይቤ፡ ኢየሩሳሌም፡ ኢየሩሳሌም፡ እንተ፡ ትቀትሊዮሙ፡ ለነቢያት፡ አአምሪ፡ እ

ስመ፡ ሀለወኪ፡ ትትመዝበሪ፡ ወኢይተርፍ፡ እ ምኔኪ፡ እብን፡ ዲበ፡ እብን። ወእምዝ፡ እሬስ ዩኪ፡ ማኅደረ፡ አድገ፡ ገዳም፡ ዘዘከርኩ፡ ግብ ረ፡ ፀአቲ፡ እምውስተ፡ ገዳም፡ እስመ፡ ዮኅድ ር፡ ውስተትኪ፡ ሠለስተ፡ ምእተ፡ ወዕለታተ፡ ንኡሳነ። ወለእመ፡ ኢጸንዑ፡ ሕዝብዮ፡ በሃይማ ኖት፡ ርትዕት፡ ወተዓደወ፡ ትእዛዝዮ፡ ውእተ፡ አሚረ፡ እሬስዩኪ፡ ኢየሩሳሌም፡ እምድኅረ፡ ኅደሩ፡ ውስተትኪ፡ አእዳገ፡ ገዳም፡ ዘከመ፡ ወጠንኩ፡ ለኪ፡ ወእሬሲ፡ ደኅደር፡ ውስተት ኪ፡ ጉጋ፡ ወእሬሲ፡ ይሰባሕ፡ ውስተትኪ፡ ካ ልእ፡ ስም፡ ዘኢኮነ፡ ስምዮ። ብፀዕ፡ ብእሲ፡ ዘነበረ፡ በሃይማኖትዮ፡ በውእቲ፡ መዋዕል። አ ሌ፡ ለኪ፡ ኢየሩሳሌም፡ እምዘይሂሉ፡ ምስሌ ኪ፡ ነገሩ፡ ለሐሳዊ፡ ዘአቅዶምኩ፡ ዘክሮቶ፤ እ ስመ፡ ይሂሉ፡ ውስተትኪ፡ ኅይልዮ፤ ወበውስተ ትኪ፡ አርኢ፡ ስብሐትዮ፡ ለጸላእትዮ፡ ለለ፡ ነሉ ፡ ማመት፡ በዕለተ፡ ትንሣኤዮ። አሌ፡ ለኪ፡ ኢየሩሳሌም፡ እምዘይሂሉ፡ ላዕሌኪ፡ በተፍጻሚ ተ፡ ዘመን፡ እስመ፡ መሥዋዕት፡ ንጽሕት፡ ት በጥል፡ እምኔኪ፡ ወይትዌደስ፡ በውስተትኪ፡ ካልእ፡ ስም፡ ዘኢኮነ፡ ስምዮ። ኢየሩሳሌም፡ ሰ ቃሊተ፡ አምላክ፡ እስፍንቲ፡ ተአምራት፡ ተገ ብሩ፡ በውስተትኪ፡ ወኢአመንኪ። ወእምዝ፡ ይቤሎሙ፡ እግዚእ፡ ኢየሱስ፡ ለአርዳኢሁ፡ ብ ክዩ፡ አ፡ አኅውዮ፡ በእንተ፡ ኢየሩሳሌም፡ ወ ዘይረክባ፡ በደኃሪ፡ መዋዕል። እስመ፡ እንስ ሳ፡ በደው፡ ወአእዳገ፡ ገዳም፡ ይመልኡ፡ ውስ ቲታ፡ አራዊተ፡ ምድር፡ ዐቃራብት፡ ወአፍዖ ት። ብክዩ፡ አኅውዮ፡ በእንተ፡ ኢየሩሳሌም፡ በስመ፡ አስቁቀወ፡ ኤርምያስ፡ ነቢይ፡ ላዕሌሃ። ብክዩ፡ ላዕሌሃ፡ በእንተ፡ ዘሀሎ፡ ይርከባ፡ እነ ሥእ፡ እምሰብእ፡ መንግሥተ፡ ወክህነተ፡ ወት ንቢተ፡ ወእሜጥም፡ ለጸላእቶሙ፡ ወአወርሶ፡ ለሕዝብ፡ ሐዲስ፡ ዘይትወለድ፡ ሊተ፡ በስብከት ክመ፡ እምን፡ ጥምቀት። እስመ፡ ይከውኑ፡ ው ስተ፡ እደዮ፡ አሉ፡ ሕዝብ፡ ዘተንበዮ፡ በእንተ፡ አ ሆሙ፡ ዳዊት፡ ነቢይ። ይቤ፡ በእንተ፡ ኢየሩ ሳሌም፡ ሕዝብ፡ ዘይትፈጠር፡ ይሌብሐ፡ ለእግዚ

አብሔር ፡ በእንቲአየ ፡ ወቡሩክ ፡ ዘይከውን ፡ ዝንቱ ፡ ሕዝብ ። ዝንጹሕ ፡ ወቡሩክ ፡ ዘኅረይኩ ፡ እምቅድመ ፡ መዋዕል ፡ ወአዝማን ። ወአበጥል ፡ መሥዋዕተ ፡ አልሕምት ፡ ወአጣሊ ፡ ወአበግዕ ፡ ወንዝሀተ ፡ ደም ፡ ወኵሉ ፡ ግብሩ ፡ ለአርን ፡ ይበጥል ፡ እምኢየሩሳሌም ። ወአነብር ፡ ውስቴታ ፡ ህየንተ ፡ አይሁድ ፡ ሕዝበ ፡ እለ ፡ የአምኑ ፡ ብየ ፡ ወእለ ፡ የዐቅቡ ፡ ሕግየ ፡ ወይጠመቁ ፡ በስምየ ፡ ወይሰመዩ ፡ ክርስቲያን ። ወትከውን ፡ መሥዋዕቶሙ ፡ ህየንተ ፡ አልሕምት ፡ ወአጣሊ ፡ መሥዋዕት ፡ አምላካዊት ። ኅብስተ ፡ ሥርናይ ፡ ንጹሕ ፡ ይከውን ፡ ሥጋየ ፡ ወይትፊተት ፡ በእንተ ፡ ስርየተ ፡ ኅጢአት ፤ እስመ ፡ አሰሪ ፡ ኅጢአተ ፡ ኵሉ ፡ ዘይበልዕ ፡ በሃይማኖት ፡ ርትዕት ። ወህየንተ ፡ ደመ ፡ እንስሳ ፡ ዘይጸይእ ፡ እሬሲ ፡ ዐጸረ ፡ ወይን ፡ ንጹሕ ፡ ይኩን ፡ አምሳለ ፡ ደምየ ፡ ክቡር ። እስመ ፡ በጊዜ ፡ ይትከዐው ፡ ውስተ ፡ ጽዋዕ ፡ በርደተ ፡ መንፈስ ፡ ቅዱስ ፡ ላዕሌሁ ፡ ይትመየጥ ፡ እምከዊን ፡ ወይን ፡ ኅበ ፡ ደምየ ፡ ዘይትከዐው ፡ ለስርየተ ፡ ኅጢአት ። ወእሬሲ ፡ ህየንተ ፡ ጸና ፡ ሥብሕ ፡ ጽዩእ ፡ ዕጣን ፡ እምኵሉ ፡ አፈው ፡ ጽስጥቂስ ። ወአምዕዝ ፡ ጸናሁ ፡ ለዘየዐጥን ፡ በቅድሚየ ፡ ወትረ ፤ ወአኅድግ ፡ ሎቱ ፡ ኅጢአቶ ፤ ወእሬሲ ፡ መዐዛ ፡ ዕጣኑ ፡ ለስርየተ ፡ ጊጋይ ። ሣህሉ ፡ ወምሕረቱ ፡ የህሉ ፡ ምስሌን ፡ ለዓለመ ፡ ዓለም ፤ አሜን ።

ቅድመ ፡ ወንጌል ፤ ፍታሕ ፡ ፍትሕየ ፡ ወባልሐኒ ፤ ወበእንተ ፡ ታልዝ ፡ እሕይወኒ ፤ ርሑቅ ፡ ሕይወት ፡ እምኃጥእን ።

ወንጌል ፡ ዘማቴዎስ ።

ኢየሩሳሌም ፡ ኢየሩሳሌም ፡ እንተ ፡ ትቀትሊዮሙ ፡ ለነቢያት ፡ ወትዌግሪዮሙ ፡ ለሐዋርያት ፡ እለ ፡ ተፈነዉ ፡ ኅቤኪ ፤ ሚ ፡ መጠነ ፡ ፈቀድኩ ፡ አስተጋብአሙ ፡ ለውሉድኪ ፡ ከመ ፡ እንተ ፡ ታስተጋብእ ፡ ዶርሆ ፡ አፍርኅቲሃ ፡ ታሕተ ፡ ክነሬሃ ፤ ወአበይክሙ ፡ ናሁ ፡ ይትኅደግ ፡ ለክሙ ፡ ቤትክሙ ፡ በድወ ። አማን ፡ እብለክሙ ፡ ኢትሬእየኒ ፡ እምይእዜ ፡ እስከ ፡ ሶበ ፡ ትብሉ ፡ በሩክ ፡ ዘይመጽእ ፡ በስመ ፡ እግዚአብሔር ። ወወግእ ፡ እግዚእ ፡ ኢየሱስ ፡ እምቤተ ፡ መቅደስ ፡ ሐረ ።

ወቀርቡ ፡ አርዳኢሁ ፡ ወአርአይዎ ፡ ንድቀ ፡ ሕንዳሁ ፡ ለምኵራብ ። ወአውሥእ ፤ ወይቤሎሙ ፡ ትሬእዩኑ ፡ ዘንተ ፡ ኵሉ ፤ አማን ፡ እብለክሙ ፡ ኢይትኅደግ ፡ ዝየ ፡ እብን ፡ ዲበ ፡ እብን ፡ ዘኢይትነሠት ።

ድገረ ፡ ወንጌል ፡ በወለቡት ፡ ሰዓት ፡ ዘሠሉስ ።

እስመ ፡ ብዙኅ ፡ ጊዜ ፡ ይቤ ፡ ፈቀድኩ ፡ አስተጋብአሙ ፡ ለውሉድኪ ፡ ኢየሩሳሌም ፡ ከመ ፡ ዶርሆ ፡ ዘታስተጋብእ ፡ ዕጉሊሃ ፡ ታሕተ ፡ ክነሬሃ ። እነ አኅድግ ፡ ለክሙ ፡ ቤተክሙ ፡ በድወ ፡ ይኩን ፡ መዝበረ ፡ ይቤ ፡ እግዚአብሔር ፡ እምየም ። ወይትቀተሉ ፡ እምአይሁድ ፡ ምእት ፡ ወዕሥራ ፡ አልፍ ፡ በአፈ ፡ ሰይፍ ። ወወረደ ፡ እምኅበ ፡ እግዚአብሔር ፡ መዓት ፡ ዐቢይ ፤ ወመርገም ፡ ከደነት ፡ ግጸቲሆሙ ። ክርስቶስ ፡ መድኅኒን ፡ መጽእ ፡ ወሐመ ፤ ወበሕማማቲሁ ፡ አድኅነን ።

ወእምድገረ ፡ ዝ ፡ ይትጋብእ ፡ ክህናት ፡ ውስተ ፡ ቤተ ፡ ክርስቲያን ፡ በጊዜ ፡ በድቡቅ ፡ ሰዓት ፡ ወይጸልዩ ፡ ሰክመ ፡ ቀጻሚ ።

ምንባብ ፡ በጊዜ ፡ በድቡቅ ፡ ሰዓት ፡ ዘሠሉስ ።

ዘሕዝቅኤል ፡ ነቢይ ። በረከቱ ፡ ትኩን ፡ ምስሌን ፡ ለዓለመ ፡ ዓለም ፤ አሜን ።

ከመ ፡ ዝ ፡ ይቤ ፡ እግዚአብሔር ፡ ናሁ ፡ እነ ፡ እነሥእ ፡ እዴየ ፡ ላዕሌኪ ፤ ወአወዕአ ፡ ለመጥባሕትየ ፡ እምን ፡ ቀቀባ ፤ ወእህሩ ፡ እምኒኪ ፡ ጸድቀ ፡ ወኃጥእ ፤ እስመ ፡ እህሩ ፡ እምውስቴትኪ ፡ ጸድቀ ፡ ወዐማዔ ። በእንተ ፡ ዝንቱ ፡ ናሁ ፡ አወዕእ ፡ መጥባሕትየ ፡ ላዕለ ፡ ኵሉ ፡ ዘነፍስ ፡ እምናጌብ ፡ እስከ ፡ ሰሜን ። ወየአምር ፡ ኵሉ ፡ ዘነፍስ ፡ ከመ ፡ እነ ፡ እግዚአብሔር ፤ ወአንሣእኩ ፡ እዴየ ፡ ወኢይትመየጥ ፡ እንከ ። ወአንተ ፡ ወልደ ፡ ዕጋለ ፡ እመሕያው ፡ ብኪ ፡ በእንተ ፡ ቅጥቃጤ ፡ ሐቋያት ፤ ወገዐር ፡ በሕማም ፡ በቅድመ ፡ አዕይንቲሆሙ ። ወለእመ ፡ ይቤሉክ ፡ ምንት ፡ ያበክየከ ፡ በሎሙ ፡ በእንተ ፡ ዜና ፡ ዘይመጽእ ። ወይትቀጠቀጥ ፡ ልበ ፡ ኵሉ ፤ ወይደክም ፡ እደ ፡ ኵሉ ፡ ወይትቀጸዕ ፡ ኵሉ ፡ ዘነፍስ ፡ ወኵሉ ፡ መንፈስ ፡ ወውስተ ፡ ኵሉ ፡ አብራክ ፡ ይበኅብኹ ፡ መግል ። ናሁ ፡ ይበጽሕ ፡ ወይከውንሂ ፡ ይቤ ፡ እግ

ዚአብሔር፡ እግዚእ ። ወነበበኒ፡ እግዚአብሔር፡  
 ወይቤለኒ፡ ወልደ፡ ዕጋለ፡ እመሕያው፡ ተነበይ  
 ደ፤ ወበል፡ ከመ፡ ዝ፡ ይቤ፡ አዶናይ፡ እግዚአብሔር  
 ደ፤ ወበል፡ ከሩናት፡ ከሩናት፡ ብልኒ፡ ወተሐብረቲ፡  
 ከመ፡ ትርግዚ፤ ወትቅትሊ፡ ወብልኒ፡ ከመ፡  
 ትብርቂ፤ ወአጥብኒ፡ ከመ፡ ትቅትሊ፡ ወከመ፡  
 ታውድቂ፡ ከሉ፡ ዕፀ ። ወወሀባ፡ ለጽኑ  
 ዕ፡ ከመ፡ የአኅዝ፡ በእዲሁ ። ወበልኅት፡ ከሩናት  
 ት፡ ወአስተዳለውዋ፡ ከመ፡ ይመጥውዋ፡ ውስተ  
 እደ፡ ዘይረገዝ፡ ባቲ፡ ወውዕ፡ ወወውዳ፡ ወልደ፡  
 ዕጋለ፡ እመሕያው፤ እስመ፡ ከመ፡ ዝ፡ ይከውን፡  
 ላዕለ፡ ሕዝብየ፡ ወላዕለ፡ ከሉ፡ መኳንንተ፡ እስራኤል፡  
 ወያራልስም፡ በከሩናት፡ ለሕዝብየ፡ በበይነ፡ ዝንቱ፡  
 ጥፋሕ፡ በእደዊክ፤ እስመ፡ ጸድቀት ። ወምንተ፡  
 ኮኑ፡ ሕዝብየ፡ ዘርሕቂ፤ ወኢሀለዉ፡ ይቤ፡  
 እግዚአብሔር፡ እግዚእ ። ወአንተ፡ ወልደ፡  
 ዕጋለ፡ እመሕያው፡ ተነበይ፡ ወጥፋሕ፡ እዲክ፡  
 በዲበ፡ እዲክ፡ ወአመክዕባ፡ ለከሩናት፤ ወወልሳ፡  
 ለከሩናተ፡ አብድንት፤ ይእቲ፡ ከሩናተ፡ ቀትል፡  
 ዐቢይ ። ወታደነግዖም፡ ከመ፡ ይጥፋሕ፡ ልበመ፡  
 ወይበዝኅ፡ ድዉያን፡ በኅበ፡ ከሉ፡ አናቅጽ፤  
 ወትትወሀቡ፡ ለቀትል፡ በከሩናት፤ ወትበርቅ፡  
 ቀትል ። ወትመልሳ፡ መንገለ፡ የግን፡ ወትበርቅ፡  
 በሕቁ፤ ወበመንገለ፡ ፀጋም፡ በኅበ፡ ተመይጠ፡  
 ገጽከ ። ወአነሂ፡ እጠፍሕ፡ እዲየ፡ በዲበ፡  
 እዲየ፡ ወእፊኑ፡ መግትየ፡ አነ፡ እግዚአብሔር፡  
 ዘነበብኩ ።

ጥበበ፡ ሢረክ ። በረከቱ፡ ትኩን፡ ምስሌነ፡ ለሃለመ፡  
 ግለም ፤ አሜን ።

ተዐቀብ፡ ጊዜሁ፡ ወዑቅ፡ ለእመ፡ እምነ፡ እኩይ  
 ደ ። ወኢታድሉ፡ በኅፍረት፡ በእንተ፡ ነፍስከ ።  
 እስመ፡ በ፡ ዘበኅፍረት፡ ይገብር፡ ኅጢአተ፤ ወ  
 በ፡ ዘበኅፍረት፡ ይገብር፡ ጽድቀ፡ ወይረክብ፡ ሞገሰ  
 ። ኢታድሉ፡ ለገጽ፡ እንዘ፡ ላዕለ፡ ነፍስ፡ ይበጽሐክ፤  
 ወኢትኅልኦ፡ ነቢበ፡ ቃሉ፡ ለዘይትናገር፤ እስመ፡  
 እምቃሉ፡ ይትወወቅ፡ ጥበቢሁ፡ ወትምሀርቱ፡  
 እምቃሉ፡ ልሳኑ ። ኢትትካሐድ፡ በእንተ፡  
 ጽድቅ ፤ ወተጋይ፡ በእንተ፡ ዘስሕትክ ።

ወኢትኅልር፡ ነገረ፡ ጌጋይክ፤ ወኢትትኅየል፡  
 ውሒዘ፡ ፈለግ ። ወኢታትሕት፡ ርእሰክ፡ ለብእሲ፡  
 አብድ፤ ወኢታድሉ፡ ለገጽ፡ ዐቢይ ። እስከ፡  
 ትበጽሕ፡ ለሞት፡ ተባእስ፡ በእንተ፡ ጽድቅ፤  
 እስመ፡ እግዚአብሔር፡ አምላክክ፡ ይትባእስ፡  
 በእንተኣክ ። ወኢትኩን፡ ዝሉ፡ ርአፍክ፤ ወኢትጸመም፡  
 ተግባረክ ። ወኢትትኣርወይ፡ ከመ፡ አንበሳ፡  
 በውስተ፡ ቤትክ፤ ወኢታደንግዕ፡ ነባሩክ ።  
 ወኢትስፋሕ፡ እዲክ፡ ለተለቀሐ፡ ሰበ፡ ለፊድይ፡  
 ኢትግባእ፡ ትኅባእ፡ የማነክ ። ወኢትክወው፡  
 ንዋየክ፡ በክንቱ፡ ወኢትበል፡ ከንዩ፡ አክለኒ ።  
 ወኢትትሉ፡ ግዕዝ፡ ኅይለ፡ ነፍስከ ። ወኢትበል፡  
 ኅያል፡ አነ፤ ወመኑ፡ ይክለኒ፤ እስመ፡ እግዚአብሔር፡  
 በቀለ፡ ይትቤቀል ።

ሃይማኖተ፡ አበው ።

ይቤ፡ ቅዱስ፡ አባ፡ ብንያሚ፡ ሊቀ፡ ጳጳሳት፡  
 ዘእስክንድርያ፡ በጦማረ፡ መልእክቱ፡ ዘዐሠርቱ  
 ወሰብወቱ፡ እንዘ፡ ያስተሐቅር፡ ዕልወተ፡ አርዮሳውያን፡  
 ወአቡሊናርዮሳውያን፡ እለ፡ ይብሉ፡ ከመ፡ መለኮተ፡  
 እግዚአብሔር፡ ቃል፡ መዋቲ፡ ንኩን፡ ድልዋነ፡  
 ይእዜ፡ አኅወዩ፡ ወፍቁራንዩ፡ ለጸም፡ ወለመልእክተ፡  
 እግዚአብሔር፡ ወለኩሉ፡ ምግባረ፡ ወናይ፡ ዘምሉእ፡  
 ትሩፋተ ። ወፊድፋደሰ፡ ለሃይማኖት፡ እንተ፡ ኢትጸንን፡  
 ዘሥሉስ፡ ቅዱስ ። ወንበል፡ ነአምን፡ በአብ፡ ወወልድ፡  
 ወመንፈስ፡ ቅዱስ፡ ሥሉስ፡ ዕሩይ፡ ቅዱስ፡ ወስቡሕ፡  
 ሠለስቱ፡ አካላት፡ ዕሩያን፡ በኩሉ፡ ግብር፡ በምግባር፡  
 ወበንባብ ። ሠለስቱ፡ ገጸት፡ ወአሐዱ፡ መለኮት፡  
 ወአሐዱ፡ አምሳል ፤ ወአሐቲ፡ ሥምረት ። ወይደሉ፡  
 ንትናገር፡ በእንተ፡ አሐዱ፡ ዘእምቅድስት፡ ሥላሴ፡  
 እግዚአብሔር፡ ቃል፡ ዘኮነ፡ ሥጋ፡ በአካሉ፡  
 ባሕቲቱ፡ እንበለ፡ ፍልጠት፡ ወኢቱስሕት፡  
 እምሥጋሃ፡ ወደማ፡ ለወላዲተ፡ አምላክ፡  
 ቅድስት፡ ማርያም፡ እንተ፡ ይእቲ፡ ድንግል፡  
 በኩሉ፡ መዋዕል፡ ሥጋ፡ ዘይትግረየነ፡  
 ሐማሚ፡ ዘከማን፤ ወቦቱ፡ ነፍስ፡ ነባቢት፡  
 ወለባዊት ። ወአብዳን፡ ሰብእ፡ እለ፡ ኢይሌብዉ፡  
 ይትወቀ፡ ፊድፋደ፡ በእንተ፡ ዘጸሐፍነ፡  
 በዘኅለፈ፡ ግም፡ በጦማረ፡ መልእክት፡ ዘዐ

ሠርቱ፡ ወክልኤቱ፡ ክፍል፡ እምነገረ፡ ቅዱስ፡  
 ጎርጎርዮስ፡ ነባቤ፡ መለኮት፡ ዘይብል፡ እስመ፡  
 እግዚአብሔር፡ ቃል፡ ሐማሚ፡ በሥጋሁ፡ እን  
 ዘ፡ ኢየሐምም፡ በመለኮቱ፡ ወከመ፡ ዝ፡ ክል  
 እ፡ ክፍል፡ እምነገረ፡ ቅዱስ፡ ቁርሎስ፡ እንዘ፡  
 ይብል፡ እስመ፡ እግዚአብሔር፡ ቃል፡ ሐመ፡  
 በሥጋ፡ ወእኮ፡ በህላዌ፡ መለኮት፡ ወከዕባ፡ ዘ  
 ከመ፡ ጎጹን፡ አው፡ ክልእ፡ አመ፡ ይሳተፍ፡ ም  
 ስለ፡ ጎይል፡ እሳት፡ ይትዌከፍ፡ እሳተ፡ ወይመ  
 ልእ፡ እምነ፡ ላህቡ፡ ወእመ፡ ይዘበጥ፡ ጎጹን፡  
 በሰፊልያ፡ አው፡ በክልእ፡ በዲባ፡ ጎጹን፡ ይወ  
 ድቅ፡ ዝብጠት፡ ወህላዌሁስ፡ ለእሳት፡ ኢይት  
 ረከብ፡ ግሙራ፡ ለዘባጢ፡ ወመዝ፡ ነአምን፡ ወ  
 ንብል፡ ከመ፡ ወልደ፡ እግዚአብሔር፡ ሐመ፡ በ  
 ሥጋ፡ ወእኮ፡ በህላዌ፡ መለኮት፡ ወሶባ፡ ሰም  
 ዑ፡ እልክቱ፡ ኡብዳን፡ ዘንተ፡ ተቃረኑ፡ ወይ  
 ቤሉ፡ እስመ፡ እግዚአብሔር፡ ቃል፡ ሐመ፡ ወ  
 ሞተ፡ በመለኮት፡ ምስለ፡ ሥጋ፡ ወእመንቱስ፡  
 ህጉላን፡ ይኔልደ፡ ንባባ፡ አርዮሳውያን፡ ወአቡ  
 ሊፍርዮሳውያን፡ ወገናዳቢሳውያን፡ ወኢሰምዕ  
 ም፡ ለቅዱስ፡ ሐዋርያ፡ ወኢለአባዌን፡ ለባስያን፡  
 እግዚአብሔር፡ ወባሕቱ፡ ነአምሮመ፡ ከመ፡  
 እመንቱ፡ ስሕቱ፡ እምነ፡ ጽድቅ፡ ፈድፋደ፡  
 ወኢፈተወ፡ ያንሰሰወ፡ በፍጥተ፡ መንግሥት፡  
 አላ፡ በፍጥተ፡ በድው፡ ዘምሉእ፡ አሥዋክ፡ ይ  
 ቤ፡ ጴጥሮስ፡ ሊቀ፡ ሐዋርያት፡ እስመ፡ ክርስ  
 ቶስ፡ ሐመ፡ በእንቲአን፡ በሥጋ፡ እንዘ፡ ሕያው፡  
 ውእቱ፡ በመንፈስ፡ ወአትናቱዎስ፡ ሐዋርያዊ፡  
 ይቤ፡ በክልእ፡ ድርሳን፡ እንዘ፡ ይትዋሥኡ፡  
 ለአርዮሳውያን፡ በዝንቱ፡ ኢይቤ፡ ሐዋርያ፡ ከ  
 መ፡ ክርስቶስ፡ ሐመ፡ በህላዌ፡ መለኮት፡ አላ፡  
 ይቤ፡ ከመ፡ ውእቱ፡ ሐመ፡ በእንቲአን፡ በሥ  
 ጋ፡ ከመ፡ ናእምር፡ እስመ፡ ሕማም፡ ዘሥጋ፡  
 እመን፡ ወእኮ፡ ውእቱ፡ ለቃል፡ በህላዌሁ፡  
 ወከዕባ፡ ይቤ፡ አብ፡ ኤጲፋንዮስ፡ ኤጲስቆጶስ፡  
 ዘቆጵሮስ፡ ጎበ፡ ዕልወተ፡ አርዮሳውያን፡ እን  
 ዘ፡ ይብል፡ እመስ፡ ክርስቶስ፡ ሞተ፡ በእንቲአ  
 ን፡ አኮ፡ መለኮት፡ ዘሞተ፡ አላ፡ ሞተ፡ በሥጋ፡  
 በከመ፡ ጽሑፍ፡ ከመ፡ ውእቱ፡ ሞተ፡ በሥጋ፡

እንዘ፡ ሕያው፡ ውእቱ፡ በመንፈስ፡ ወንትአመ  
 ን፡ ቦቱ፡ በመንክር፡ ከመ፡ ውእቱ፡ ሐመ፡ ዘ  
 በአማን፡ እንዘ፡ ኢየሐምም፡ እመን፡ ኢሐመ፡  
 በመለኮት፡ በምንትኒ፡ እስመ፡ ውእቱ፡ ኢሐማ  
 ሚ፡ ወኢመዋቲ፡ ወኢይትዌለጥ፡ ዕሩይ፡ ው  
 እቱ፡ ምስለ፡ አብ፡ ወከዕባ፡ ይቤ፡ ጠቢብ፡ ቄ  
 ርሎስ፡ በአውሥኦቱ፡ ዘጸሐፍ፡ በዐወርቱ፡ ወ  
 ክልኤቱ፡ ክፍል፡ እንዘ፡ ያስተገፍር፡ ክሐደተ፡  
 ታዎድሪመስ፡ እንዘ፡ ይብል፡ እስመ፡ ውእቱ፡  
 ሐመ፡ በዝንቱ፡ ሥጋ፡ በፈቃዱ፡ እንዘ፡ ለሊሁ፡  
 መድኅኒ፡ ከሉ፡ ፍጡራን፡ ወንትአመን፡ ከመ፡  
 ዝ፡ ከመ፡ ውእቱ፡ በጸጋ፡ እግዚአብሔር፡ ጥዕ  
 መ፡ ሞተ፡ በእንተ፡ ከሉ፡ በከመ፡ ይቤ፡ ቅዱ  
 ስ፡ ጳውሎስ፡ ሐዋርያ፡ ወዳዲ፡ በከመ፡ ስምዑ  
 ኮን፡ ጴጥሮስ፡ ይቤ፡ በጥባቡ፡ እስመ፡ ክርስቶ  
 ስ፡ ሐመ፡ በእንቲአን፡ በሥጋ፡ ወእኮ፡ በመለ  
 ኮት፡ ወከዕባ፡ ይቤ፡ ዝንቱ፡ ጠቢብ፡ ቁርሎስ፡  
 በክልእ፡ ድርሳን፡ እስመ፡ ውእቱ፡ በጸጋ፡ እግ  
 ዚአብሔር፡ ጥዕመ፡ ሞተ፡ በሥጋ፡ በእንተ፡ ከሉ  
 ፡ ኢተብህላ፡ መንሂ፡ ዮሳል፡ ብኒ፡ ከመ፡  
 ንሕን፡ ንወድቅ፡ በጎሊፍ፡ ርከስ፡ አው፡ ንኔሊ፡  
 ግሙራ፡ አው፡ ናወሥእ፡ ቃለ፡ በዘይብሉ፡ እ  
 ሉ፡ ከመ፡ ህላዌ፡ መለኮት፡ ሐመ፡ ምስለ፡ ሥ  
 ጋ፡ ጸሎቶመ፡ ወበረከቶመ፡ ለእሉ፡ መምህራ  
 ን፡ የህሉ፡ ምስሌን፡ ለዓለመ፡ ዓለም፡ እሚን፡

እመጽሐፈ ስንክሳር

በስመ፡ አብ፡ ወወልድ፡ ወመንፈስ፡ ቅዱስ፡ አ  
 ሐዱ፡ አምላክ፡ አመ፡ ዕሥራ፡ ወረቡዑ፡ ለመ  
 ጋቢት፡ በዛቲ፡ ዕለት፡ ካዕባ፡ ተጋብኡ፡ ማኅበ  
 ረ፡ አይሁድ፡ ውስተ፡ ቤተ፡ ቀያፋ፡ ሊቀ፡ ከህ  
 ናት፡ ወተማከሩ፡ ላዕለ፡ እግዚአ፡ ኢየሱስ፡ ክ  
 ርስቶስ፡ ከመ፡ ይቅትልዎ፡ ሃህሉ፡ ወምሕረቱ፡  
 የህሉ፡ ምስሌን፡ ለዓለመ፡ ዓለም፡ እሚን፡  
 ተአምሪሃ፡ ለእግዝአትን፡ ቅድስት፡ ድንግል፡ በክ  
 ልኤ፡ ማርያም፡ ወላዲተ፡ አምላክ፡ ጸሎታ፡ ወበ  
 ረከታ፡ የህሉ፡ ምስሌን፡ ለዓለመ፡ ዓለም፡ እሚን፡  
 ወህለወት፡ አሐቲ፡ ብእሲት፡ እምዐባይተ፡ ሀገ  
 ረ፡ ቁሳርያ፡ ወኮነት፡ ባዕልተ፡ በሕቁ፡ በወርቅ፡

ወበብሩር፡ ወበንዋዩ፡ ዝንቱ፡ ዓለም፡ ጎላፊ፡  
 ወይእቲ፡ ክነት፡ ፅንስተ፡ ወሶበ፡ በጽሐ፡ ፅለተ፡  
 ወሊዶታ፡ ተአስረ፡ ማሕፀና፡ ወበጽሐት፡ ጎበ፡  
 ዐቢይ፡ ኩነኔ፡ እስከ፡ ለሞት፡ ወአበዊሃሰ፡ ጸር  
 ርዋ፡ ላዕለ፡ ሀራት፡ ወሐሩ፡ ጎበ፡ ቤተ፡ ክርስ  
 ቲያን፡ ዘእግዝእትን፡ ቅድስት፡ ድንግል፡ በክል  
 ኤ፡ ማርያም፡ ወላዲተ፡ አምላክ፡ ወሶበ፡ ቀር  
 ቡ፡ ጎበ፡ ፍጥተ፡ አፍኦ፡ ተሀውከ፡ አማዑቲሃ፡  
 ወወለደት፡ ወልደ፡ ተባዕተ፡ ወአበዊሃኒ፡ ተፈ  
 ሥሐ፡ ዐቢይ፡ ፍሥሐ፡ ወአብዝኑ፡ ሰብሐ፡ ለ  
 እግዚአብሔር፡ ወለወላዲቱ፡ ድንግል፡ ሰአሊ  
 ተ፡ ምሕረት፡ ለውሉደ፡ ፅንላ፡ እመሕያው፡ እ  
 ግዝእትን፡ ቅድስት፡ ድንግል፡ በክልኤ፡ ማርያ  
 ም፡ ወላዲተ፡ አምላክ፡ ወገብሩ፡ ዐቢይ፡ ምጽ  
 ዋተ፡ ለነዳያን፡ ወለጎጡአን፡ ወወሀቡ፡ ለቤ  
 ተ፡ ክርስቲያን፡ ወርቀ፡ ወብሩረ፡ በስማ፡ ለእ  
 ግዝእትን፡ ቅድስት፡ ድንግል፡ በክልኤ፡ ማርያ  
 ም፡ ወላዲተ፡ አምላክ፡ ጸሎታ፡ ወበረከታ፡ የ  
 ሀሉ፡ ምስሌን፡ ለዓለመ፡ ዓለም፡ አሜን።

ተአምር፡ ዘገብረ፡ እግዚእን፡ ወአምላክን፡ ወመ  
 ድጎኒን፡ ኢየሱስ፡ ክርስቶስ፡ ነገረ፡ ፍትሕ፡ ዘ  
 ገብረ፡ በብእሲት፡ ዘማዋት፡ ሣህሉ፡ ወምሕረ  
 ቱ፡ የሀሉ፡ ምስሌን፡ ለዓለመ፡ ዓለም፡ አሜን።

ወእንዘ፡ ሀሉ፡ እግዚእን፡ ኢየሱስ፡ ክርስቶስ፡  
 ኢየሩሳሌም፡ በአሐቲ፡ ፅለት፡ ተጋብኦ፡ ጎቤ  
 ሁ፡ ሊቃውንተ፡ አይሁድ፡ ወጸሐፍቶሙ፡ ወ  
 ሐራሆሙ፡ ወይቤልም፡ ንሕን፡ ነአምር፡ ከመ፡  
 እምጎበ፡ እግዚአብሔር፡ መጸእክ፡ ወኩሉ፡ ዘ  
 ትግብር፡ ግብረ፡ እግዚአብሔር፡ ውእቱ፡ ወእ  
 ቀሙ፡ ብእሲተ፡ ቅድሚታ፡ ወይቤልም፡ እስ  
 መ፡ ዛቲ፡ ብእሲት፡ ዘመወት፡ ወእሉ፡ ሰብእ፡  
 ይክውን፡ ስምዐ፡ ላዕሌሃ፡ ወአንተ፡ ፍታሕ፡ በ  
 ከመ፡ ሕግ፡ ዘይደሉ፡ ላዕሌሃ፡ እስመ፡ አንተ፡  
 ኩናኒሆሙ፡ ለአስራኤል፡ ወሶበ፡ ሰምዐ፡ እግ  
 ዚእ፡ ኢየሱስ፡ ዘንተ፡ እምኔሆሙ፡ ነጻራ፡ ለ  
 ብእሲት፡ እንተ፡ አብጽሕዋ፡ ጎቤሁ፡ ወአእመ  
 ረ፡ ለእመ፡ ኢፈትሐ፡ ላዕሌሃ፡ በከመ፡ ሕጉ፡  
 ለሙሴ፡ ያስተሐቅርዎ፡ ወያሔስወ፡ ቃሎ፡ ወ  
 ውእቱስ፡ አድነን፡ ርእሶ፡ ውስተ፡ ምድር፡ ወእ

ጎዘ፡ ይጽሐፍ፡ በአጽባዕቱ፡ ዲበ፡ ምድር፡ ጎ  
 ጠአተ፡ ኩሎሙ፡ ወእምዝ፡ አልዐለ፡ ርእሶ፡  
 ጎቤሆሙ፡ ወይቤሎሙ፡ ድልወት፡ ይእቲ፡ ከ  
 መ፡ ትትወገር፡ በእብን፡ ዘበሕግ፡ እስከ፡ ትመ  
 ሙት፡ ሰድዋ፡ ይእዜሰ፡ መካነ፡ ኩነኔ፡ ወዓዲ፡  
 አምጽእዋ፡ ጎቤየ፡ ውስተ፡ ዛቲ፡ መካን፡ ከመ፡  
 ትገርዋ፡ በቅድሚያ፡ ወወሰድዋ፡ ለይእቲ፡ ብ  
 እሲት፡ መካነ፡ ኩነኔ፡ ወአስተጋብኦ፡ ላቲ፡  
 አእባነ፡ ወእምዝ፡ ተመይጡ፡ ጎበ፡ እግዚእ፡  
 ኢየሱስ፡ ወካዕበ፡ ደነነ፡ ውስተ፡ ምድር፡ ወ  
 ጸሐፊ፡ በአጽባዕቱ፡ እንዘ፡ ይብል፡ ጎጠአቱ፡  
 ለአገሌ፡ ከመ፡ ዝ፡ ወከመ፡ ዝ፡ ለአገሌ፡ ጎጠ  
 አቱ፡ ወሶበ፡ ርእዩ፡ ዘንተ፡ ወዕኢ፡ ኩሎሙ፡  
 ወአንሥኦ፡ እግዚእ፡ ኢየሱስ፡ ርእሶ፡ ወርእዮ  
 ሙ፡ ወኢረከበ፡ መነሂ፡ እምሰብአ፡ አይሁድ፡  
 ዘእንበለ፡ ብእሲት፡ ባሕተታ፡ ዘአቀምዋ፡ ው  
 ስተ፡ መካነ፡ ኩነኔ፡ ወይቤላ፡ እግዚእ፡ ኢየ  
 ሱስ፡ ኦ፡ ብእሲቶ፡ አይቱ፡ ሀለዉ፡ እለ፡ ይኼ  
 ንኩኪ፡ ወትቤሎ፡ እግዚእየ፡ ጉዮ፡ እምኩነኔ  
 ከ፡ ንጹሕ፡ ተጎፊርሙ፡ ወይቤላ፡ እግዚእ፡  
 ኢየሱስ፡ እምይእዜሰ፡ ዑቁ፡ ርእሰኪ፡ ኢተአ  
 ብሲ፡ ዳግመ፡ ከመ፡ ኢየርኩብኪ፡ ኩነኔ፡ ዘአ  
 ልቡቱ፡ መልክእ፡ አንሰ፡ ጎደጉ፡ ለኪ፡ ጎጠ  
 አተኪ፡ ወወዕኦት፡ ያእቲ፡ ብእሲት፡ ወቦአት፡  
 ሀገረ፡ ወነገረት፡ ለሰብእ፡ ዜናሁ፡ ወበእንቲአ  
 ሃ፡ እምኑ፡ ብዙኃን፡ በእግዚእ፡ ኢየሱስ፡ ወሰ  
 ብሕዎ፡ ለእግዚአብሔር፡ ሣህሉ፡ ወምሕረቱ፡  
 የሀሉ፡ ምስሌን፡ ለዓለመ፡ ዓለም፡ አሜን።

ቅድመ፡ ወንጌል ፤ አድጎነኒ፡ እግዚእ፡ እምፀርየ፡ ወእምጸላእ  
 ትየ፡ እስመ፡ ይጌይሱኒ ፤ ዘይባልሐኒ፡ እምጸላእትየ፡ ምንባዎ  
 ን ፤ ወዘይሌዕሲ፡ እምእለ፡ ፋሙ፡ ላዕሌየ ።

ወንጌል ፡ ዘዮሐንስ ።

ወካዕበ፡ ነበሦሙ፡ እግዚእ፡ ኢየሱስ፡ ወይቤ፡  
 አን፡ ውእቱ፡ ብርሃኑ፡ ለዓለም፡ ዘተለወኒ፡ ኢ  
 የሐውር፡ ውስተ፡ ጽልመት፡ አላ፡ ይረክብ፡  
 ብርሃን፡ ሕዮወት፡ ወይቤልም፡ ፈሪሳውያን፡ ለ  
 ሊከኑ፡ ትንእድ፡ ርእሰኪ፡ ኢኮነ፡ ጽድቀ፡ ስም  
 ዕክ፡ ወአውሥኦ፡ እግዚእ፡ ኢየሱስ፡ ወይቤ  
 ሎሙ፡ እመኒ፡ ለልየ፡ ስምዐ፡ ካንኩ፡ ለርእ

ስየ ጽድቅ ፡ ውላቱ ፡ ስምዕሮ ፡ እስመ ፡ አአም  
 ር ፡ እምጎበ ፡ መጻእኩ ፡ ወጎበሂ ፡ አሐውር ፡ ወ  
 አንትሙስ ፡ ኢተአምሩ ፡ እምጎበ ፡ መጻእኩ ፡  
 ወጎበሂ ፡ አሐውር ፡ አንትሙስ ፡ ሕገ ፡ ዘሥጋ ፡  
 ትኩን፣ ፡ ወአንሰ ፡ ኢይኳንን ፡ ወኢመነሂ ፡ ። ወእ  
 መሂ ፡ ኩነንኩ ፡ አነ ፡ ጽድቅ ፡ እኳንን ፡ እስመ ፡  
 ኢከንኩ ፡ አነ ፡ በሕተትየ ፡ አላ ፡ አነ ፡ ወአብ ፡  
 ዘፈነወኒ ፡ ። ውስተ ፡ ኦሪትክሙ ፡ ጽሑፍ ፡ ስም  
 ዐ ፡ ክልኤቱ ፡ ሰብእ ፡ እሙን ፡ ውእቱ ፡ ። ወአነሂ ፡  
 ሰማዕት ፡ ለርእስየ ፡ ወአብ ፡ ሰማዕትየ ፡ ዘፈነወኒ ፡  
 ወይቤልም ፡ አይቱ ፡ ውእቱ ፡ አቡከ ፡ ወአውሥ  
 አ ፡ እግዚእ ፡ ኢየሱስ ፡ ወይቤሎሙ ፡ ኢኪያየ ፡  
 ተአምሩ ፡ ወኢአቡየ ፡ ሶበሰ ፡ ኪያየ ፡ አእመርክ  
 ሙ ፡ እምአእመርክምም ፡ ለአቡየኒ ፡ ። ወዘንተ ፡  
 ነገረ ፡ ተናገረ ፡ እግዚእ ፡ ኢየሱስ ፡ በጎበ ፡ ሙዳ  
 የ ፡ ምጽዋት ፡ እንዘ ፡ ይሚህሮሙ ፡ በምኩራብ ፡  
 ወኢአጎዝም ፡ እስመ ፡ ዓዲ ፡ ኢበጽሐ ፡ ጊዜሁ ፡  
 ይገረ ፡ ወንጌል ፡ በበደስቱ ፡ ሰዓት ፡ እምዕለተ ፡ ሠሎስ ፡  
 አምላክ ፡ ዘበአማን ፡ ዘመጽአ ፡ ጎበ ፡ ዓለም ፡ በ  
 አፋሁ ፡ ዘኢይሌሱ ፡ ይነብብ ፡ በጽድቅ ፡ ። አነ ፡  
 ውእቱ ፡ ብርሃን ፡ ለዓለም ፡ ዘተለወኒ ፡ ኢየሐው  
 ር ፡ ውስተ ፡ ጽልመት ፡ አላ ፡ ይረክብ ፡ ብርሃን ፡  
 ሕይወት ፡ ዘይመርሕ ፡ ጎበ ፡ ፍኖተ ፡ ጽድቅ ፡ ። እ  
 ስመ ፡ አንተ ፡ በአማን ፡ ውእቱ ፡ ብርሃን ፡ ለዓለ  
 ም ፡ ወአርአያ ፡ ዘወዕአ ፡ እምባሕርይ ፡ ዘስብሐ  
 ቶ ፡ አሥረቀ ፡ በብርሃን ፡ ዐቢይ ፡ ላዕለ ፡ ዓለም ፡  
 እስከ ፡ ተፍጻሚቱ ፡ ወሰሐበን ፡ ለነ ፡ ለእሕዛብ ፡  
 ነኪራን ፡ ጎበ ፡ አእምሮ ፡ ጽድቅ ፡ በእንተ ፡ ስ  
 ሙ ፡ ወአብርሀ ፡ ላዕሌነ ፡ ብርሃን ፡ ጽድቅ ፡ ለእለ ፡  
 ንነብር ፡ ውስተ ፡ ጽልመት ፡ ወጽላሎተ ፡ ሞት ፡  
 ወለአይሁድ ፡ ዐላውያን ፡ እለ ፡ እሙንቱ ፡ እሊ  
 አሁ ፡ አግብአሙ ፡ ውስተ ፡ ጽልመት ፡ ዘውስ  
 ተ ፡ ሲኦል ፡ እስከ ፡ ለዓለም ፡ እስመ ፡ እሙንቱ ፡  
 ገደፋ ፡ ቃላቲሁ ፡ ወኢተወክፍም ፡ ወፈትሑ ፡ ላ  
 ዕሌሁ ፡ ፍትሐ ፡ ሞት ፡ ። ወንሕነ ፡ ለናልዕል ፡ ስ  
 ሞ ፡ ቅዱስ ፡ ወንሰብሐ ፡ ዘእንበለ ፡ ፅርዐት ፡ ክ  
 ርስቶስ ፡ መድኅኒን ፡ መጽአ ፡ ወሐመ ፡ ወበሕማ  
 ማቲሁ ፡ አድኅነን ፡ ወቤዘወን ፡ ። ወኩሉ ፡ ሥርዐት ፡  
 ከሙ ፡ በጉይ ፡ ዘበደስቱ ፡ ሰዓት ፡ ።

ምንባብ ፡ በተከታ ፡ ሰዓት ፡ ዘሠሎስ ፡  
 አሪት ፡ ዘልደት ፡ ።  
 ወሶበ ፡ ርእየ ፡ እግዚአብሔር ፡ ከሙ ፡ በዝጎ ፡ እ  
 ከየሙ ፡ ለሰብእ ፡ ዲበ ፡ ምድር ፡ ወፈቃደ ፡ ጎ  
 ሊናሆሙ ፡ ወልቦሙ ፡ እኩይ ፡ በኩሉ ፡ መዋዕ  
 ል ፡ ነስሐ ፡ እግዚአብሔር ፡ በእንተ ፡ ዘገብር ፡  
 ለሰብእ ፡ ላዕለ ፡ ምድር ፡ ወጎለየ ፡ ወይቤ ፡ እግ  
 ዘኢአብሔር ፡ እደመስሶ ፡ ለዕጋለ ፡ እመሕያው ፡  
 ዘገብርኩ ፡ እምገጸ ፡ ምድር ፡ እምነ ፡ ሰብእ ፡ እ  
 ስከ ፡ እንስሳ ፡ ወአዕዋፈ ፡ ሰማይ ፡ ወኩሉ ፡ ዘይ  
 ትሐወስ ፡ እስመ ፡ አነ ፡ ነሳሕኩ ፡ በእንተ ፡ ፈጠ  
 ሮትየ ፡ ኪያሆሙ ፡ ። ወኖኅሰ ፡ ረከበ ፡ ምሕረተ ፡  
 በቅድመ ፡ እግዚአብሔር ፡ ወከመ ፡ ዝ፡ ውእቱ ፡  
 ፍጥረቱ ፡ ለኖኅ ፡ ወብእሲ ፡ ጻድቅ ፡ ውእቱ ፡ ወ  
 ፍጹም ፡ በትውልዱ ፡ ወአሥመሮ ፡ ለእግዚአብ  
 ሔር ፡ ወወለደ ፡ ኖኅ ፡ ሠለስተ ፡ ደቂቀ ፡ ከሉ ፡  
 እሙንቱ ፡ ሴም ፡ ወከም ፡ ወያሬት ፡ ። ወማሰነት ፡  
 ምድር ፡ በቅድመ ፡ እግዚአብሔር ፡ ወመልአት ፡ ከ  
 ዐመፍ ፡ ወርእያ ፡ እግዚአብሔር ፡ ለምድር ፡ ከ  
 መ፡ ማሰነት ፡ ወከመ ፡ አማሰነ ፡ ፍኖቶሙ ፡ በ  
 ዲበ ፡ ምድር ፡ ኩሉ ፡ ዘሥጋ ፡ ወይቤሉ ፡ እግዚ  
 አብሔር ፡ አምላኩ ፡ ለኖኅ ፡ ጊዜሁ ፡ ለዕጋለ ፡ እ  
 እመሕያው ፡ በጽሐ ፡ ቅድሚየ ፡ እስመ ፡ መል  
 አ ፡ ዐመፍ ፡ ዲበ ፡ ምድር ፡ እምኔሆሙ ፡ ወኖሁ ፡  
 አነ ፡ እደመስሶሙ ፡ ወለምድርኒ ፡ ወግበር ፡ ለከ  
 ታቦተ ፡ እንተ ፡ ዕፅ ፡ ርብዕተ ፡ ወከመዝ ፡ ትገብ  
 ራ ፡ ለይእቲ ፡ ታቦት ፡ ወትቀብግ ፡ ፒሳ ፡ እንተ ፡  
 ውስጣ ፡ ወእንተ ፡ አፍአሃኒ ፡ በፒሳ ፡ ወከመ ፡ ዝ፡  
 ትገብራ ፡ ለይእቲ ፡ ታቦት ፡ ሠለስቱ ፡ ምእት ፡  
 በእመት ፡ ኑኃ ፡ ወጎምሳ ፡ በእመት ፡ ርሕባ ፡ ወ  
 ሠላሳ ፡ በእመት ፡ ሥራ ፡ ወአስተጋብእ ፡ ተግባ  
 ራ ፡ ለይእቲ ፡ ታቦት ፡ ወሶበ ፡ ብጽሐት ፡ ለተፈ  
 ጽሞ ፡ አሐቲ ፡ እመት ፡ እንዘ ፡ ትተርፍ ፡ ህየ ፡  
 ግበር ፡ ኖኅታ ፡ ውስተ ፡ ገቦሃ ፡ ወግበር ፡ ላቲ ፡  
 መዓርጋተ ፡ ተጽራሕ ፡ ወተሥላሰ ፡ ግበር ፡ ወኖ  
 ሁ ፡ አነ ፡ አመጽእ ፡ ማየ ፡ አይኅ ፡ ዲበ ፡ ምድር ፡  
 ወአደመስሰ ፡ ኩሉ ፡ ዘሥጋ ፡ ወዘመንፈሰ ፡ ሕ  
 ይወት ፡ ላዕለ ፡ ምድር ፡ ወዘሀሎ ፡ መትሕተ ፡

ሰማይ፣ ወይመውት፣ ነፍሱ፣ ዘሥጋ። ወአቀው  
 ም፣ ኪዳንዩ፣ ምስሌክ፣ ወትበውእ፣ አንተ፣ ወ  
 ብእሲትከ፣ ወደቂቅከ፣ ወአንስትዮ፣ ደቂቅከ፣  
 ምስሌክ። ወእምነ፣ ነፍሱ፣ እንስሳ፣ ወእምነ፣  
 ነፍሱ፣ ዘይትሐወስ፣ ወእምነ፣ ነፍሱ፣ አራዊት፣  
 ወእምነ፣ ነፍሱ፣ ዘሥጋ፣ ታበውእ፣ ውስተ፣ ታ  
 ቦት፣ በበ፣ ክልኤቱ፣ ምስሌክ፣ ተባዕተ፣ ወአን  
 ስተ። እምነ፣ አዕዋፍ፣ ዘይትሐወስ፣ በበ፣ ዘ  
 መዱ፣ ወእምነ፣ እንስሳ፣ በበ፣ ዘመዱ፣ ወእ  
 ምነ፣ አራዊተ፣ ምድር፣ በበ፣ ዘመዱ፣ ይበው  
 ኡ፣ ጎቤክ፣ በበ፣ ክልኤቱ፣ ከመ፣ ይሴሰዩ፣ ምስ  
 ሌክ፣ ተባዕት፣ ወአንስት። ወአንተሰ፣ ንሣእ፣ ለ  
 ከ፣ እምነ፣ ነፍሱ፣ መበልዕተ፣ ዘይሴሰዩ፣ ወአስተ  
 ጋብእ፣ ጎቤክ፣ ወይከውነክ፣ መብልዕ፣ ለከ፣ ወ  
 ሎሙ፣ መብልዕ። ወገብረ፣ ኖሳ፣ በከመ፣ አዘዘ፣  
 እግዚአብሔር፣ አምላኩ፣ ከማሁ፣ ገብረ። ወይ  
 ቤሎ፣ እግዚአብሔር፣ ለኖሳ፣ ባእ፣ አንተ፣ ወ  
 ነፍሱ፣ ቤትከ፣ ውስተ፣ ታቦት፣ እስመ፣ ኪዳን፣  
 ረከብኩ፣ ጸድቀ፣ በቅድሚያ፣ በዛቲ፣ ትውልድ።  
 ወእምነ፣ እንስሳ፣ ዘንጹሕ፣ አብእ፣ ምስሌክ፣ ሰብ  
 ዐተ፣ ሰብዐተ፣ ተባዕተ፣ ወአንስተ። ወእምነ፣ እ  
 ንስሳ፣ ዘኢኮነ፣ ንጹሐ፣ ተባዕተ፣ ወአንስተ፣ ክ  
 ልኤተ፣ ክልኤተ፣ ወእምነ፣ አዕዋፍ፣ ሰማይ፣ ዘ  
 ንጹሐ፣ ሰብዐተ፣ ሰብዐተ፣ ተባዕተ፣ ወአንስተ፣  
 ወእምነ፣ አዕዋፍ፣ ሰማይ፣ ዘኢኮነ፣ ንጹሐ፣ ክ  
 ልኤተ፣ ክልኤተ፣ ተባዕተ፣ ወአንስተ፣ ዘትሴ  
 ሰይ፣ ዘይከውን፣ ዘርዐ፣ በዲበ፣ ምድር። እስመ፣  
 ዓዲ፣ ሰብዐ፣ መዋዕል፣ ወአመጽእ፣ ዝናመ፣ ላዕ  
 ለ፣ ምድር፣ አርብዓ፣ ዕለተ፣ ወአርብዓ፣ ሌሊተ፣  
 ወእደመስሰ፣ ነፍሱ፣ ዘይትሐወስ፣ ዲበ፣ ምድር።  
 ወገብረ፣ ኖሳ፣ ነፍሱ፣ ዘአዘዘ፣ አምላኩ፣ እግዚአ  
 ብሔር። ወአሚሃ፣ ከኖ፣ ለኖሳ፣ ሰብዐተ፣ ምእ  
 ተ፣ ወአሐደ፣ ዓመተ። ወመጽእ፣ አይሳ፣ ላዕለ፣  
 ነፍሱ፣ ምድር። ወቦእ፣ ኖሳ፣ ወብእሲቱ፣ ወደ  
 ቂቁ፣ ወአንስትዮ፣ ደቂቁ፣ ምስሌክ፣ ውስተ፣ ታ  
 ቦት፣ በእንተ፣ ማየ፣ አይሳ፣ ወእምነ፣ አዕዋፍ፣  
 ንጹሐ፣ ወዘኢኮነ፣ ንጹሐ፣ ወእምነ፣ እንስሳ፣ ን  
 ጹሐ፣ ወዘኢኮነ፣ ንጹሐ፣ ወእምነ፣ ነፍሱ፣ ዘይት  
 ሐወስ፣ ዲበ፣ ምድር፣ ክልኤቱ፣ ክልኤቱ፣ ቦኢ፣

ሳበ፣ ኖሳ፣ ውስተ፣ ታቦት፣ ተባዕት፣ ወአንስ  
 ት፣ በከመ፣ አዘዘ፣ እግዚአብሔር፣ ለኖሳ። ወኮ  
 ነ፣ እምድሃረ፣ ሰብዐ፣ መዋዕል፣ መጽእ፣ ማየ፣  
 አይሳ፣ በላዕለ፣ ምድር፣ አመ፣ ኮነ፣ ሰብዐተ፣  
 ምእተ፣ ወአሐደ፣ ዓመተ፣ ሕይወቱ፣ ለኖሳ፣ በ  
 ክልእ፣ ወርሳ፣ በዐሠሩ፣ ወሰኑዩ፣ ለጽልመት፣  
 በይእቲ፣ ዕለት፣ ተሠጡ፣ ነፍሱ፣ ቀላያት፣ ወተ  
 ርሃው፣ አስረብ፣ ሰማይ። ወኮነ፣ ዝናም፣ ላዕለ፣  
 ምድር፣ አርብዓ፣ ዕለተ፣ ወአርብዓ፣ ሌሊተ።  
 ወበይእቲ፣ ዕለት፣ ቦእ፣ ኖሳ፣ ወሌም፣ ወከም፣  
 ወደፈት፣ ደቂቁ፣ ወብእሲቱ፣ ወአንስትዮ፣ ደቂ  
 ቁ፣ ምስሌክ፣ ውስተ፣ ታቦት። ወአራዊትኒ፣  
 በበ፣ ዘመዶሙ፣ ወነፍሱ፣ እንስሳ፣ በበ፣ ዘመዱ፣  
 ወነፍሱ፣ ዘይትሐወስ፣ ወነፍሱ፣ አዕዋፍ፣ በበ፣ ዘ  
 መዶሙ፣ ቦኢ፣ ውስተ፣ ታቦት፣ ሳበ፣ ኖሳ፣ ክ  
 ልኤቱ፣ ክልኤቱ፣ እምነ፣ ነፍሱ፣ ዘሥጋ፣ ዘበ፣  
 መንፈስ፣ ሕይወት። ቦኢ፣ ተባዕት፣ ወአንስት፣  
 እምነ፣ ነፍሱ፣ ዘሥጋ፣ በከመ፣ አዘዘ፣ እግዚአ  
 ብሔር፣ ለኖሳ። ወዐጸዋ፣ እግዚአብሔር፣ ለታ  
 ቦት፣ እምነ፣ አፍአ፣ ወኮነ፣ አይሳ፣ ላዕለ፣ ም  
 ድር፣ አርብዓ፣ ዕለተ፣ ወአርብዓ፣ ሌሊተ፣ ወ  
 መልአ፣ ማይ፣ ወአልዐላ፣ እግዚአብሔር፣ ለታ  
 ቦት፣ ወተለዐለት፣ እምነ፣ ምድር፣ ወጸንዐ፣ ማ  
 ዩ፣ ጥቀ፣ ላዕለ፣ ምድር፣ ወበዝነ፣ ወጸለለት፣  
 ይእቲ፣ ታቦት፣ ላዕለ፣ ማይ። ወፈድፋደ፣ በዝ  
 ኅ፣ ጥቀ፣ ማይ፣ ዲበ፣ ምድር፣ ወከደነ፣ ነፍሱ፣  
 አደብረ፣ ነዋኃተ፣ ዘመትሕተ፣ ሰማይ። ዐሠር  
 ተ፣ ወኅምስተ፣ ምእተ፣ ተለዐለ፣ መልዕልቶ  
 ሙ፣ ማይ። ወሞተ፣ ነፍሱ፣ ዘሥጋ፣ ወዘይትሐ  
 ወስ፣ ዲበ፣ ምድር፣ እምነ፣ አዕዋፍ፣ ወእምነ፣  
 እንስሳ፣ ወእምነ፣ ነፍሱ፣ አራዊተ፣ ምድር፣ ወ  
 ነፍሱ፣ ዕጋለ፣ እመሕያው፣ ወነፍሱ፣ ዘመንፈስ፣  
 ወነፍሱ፣ ዘሀሎ፣ ላዕለ፣ ዩብስ፣ ሞተ። ወተደምሰ  
 ሰ፣ ነፍሱ፣ ዘይትሐወስ፣ ዲበ፣ ገጸ፣ ምድር፣ እም  
 ዕጋለ፣ እመሕያው፣ እስከ፣ እንስሳ፣ ወዘይትሐ  
 ወስ፣ ወአዕዋፍ፣ ሰማይ፣ ተደምሰሰ፣ እምነ፣  
 ምድር፣ ወተርፈ፣ ኖሳ፣ ባሕተቶ፣ ወእለ፣ ምስሌ  
 ሁ፣ ውስተ፣ ታቦት። ወተለዐለ፣ ማይ፣ መል  
 ዕልተ፣ ምድር፣ ምእተ፣ ወኅምሳ፣ ዕለተ። ወተ

ዘከር ፡ እግዚአብሔር ፡ ለኖኅ ፡ ወለኩሉ ፡ አራ  
 ዊት ፡ ወለኩሉ ፡ እንስሳ ፡ ወለኩሉ ፡ ዘሀሉ ፡ ም  
 ስሌሁ ፡ ውስተ ፡ ታቦት ፡ ወአምጽአ ፡ እግዚአ  
 ብሔር ፡ መንፈስ ፡ ላዕለ ፡ ምድር ፡ ወነትገ ፡ ማ  
 ይ ፡ ወተዐጽዉ ፡ አንቅዕተ ፡ ቀላይ ፡ ወአስራብ ፡  
 ሰማይኒ ፡ ተእኅዝ ፤ ወቆመ ፡ ገናም ፡ እምነ ፡ ሰ  
 ማይ ፡ ወአኅዝ ፡ ይኅልቅ ፡ ማይ ፡ ወይሁር ፡ እ  
 ምነ ፡ ምድር ፡ ወእምድኅረ ፡ ምእት ፡ ውኅምሳ ፡  
 ዕለት ፡ ሐጸ ፡ ማይ ፡ ወነበረት ፡ ይእቲ ፡ ታቦት ፡  
 በሳብዕ ፡ ወርኅ ፡ አመ ፡ ዐሠሩ ፡ ወሰኑዩ ፡ ለጽል  
 መት ፡ ውስተ ፡ አድባረ ፡ አራራት ፡ ወማይሰ ፡  
 የሐጽጽ ፡ ወይነትግ ፡ እስከ ፡ ዐሠርቱ ፡ ወርኅ ፤  
 ወአመ ፡ ኮነ ፡ ዐሠርቱ ፡ ወአሐዱ ፡ ወርኅ ፡ አ  
 መ ፡ ርእሰ ፡ ሠርቀ ፡ ወርኅ ፡ አስተርአዩ ፡ አርእስ  
 ቲሆመ ፡ ለአድባር ፡ ወኮነ ፡ እምድኅረ ፡ አርብ  
 ዓ ፡ ዕለት ፡ አርኅወ ፡ መስከታ ፡ ለታቦት ፡ ኖኅ ፡  
 እንተ ፡ ገብረ ፡ ወፈነዎ ፡ ለቋዕ ፡ ከመ ፡ ይርአይ ፡  
 እመ ፡ ነትገ ፡ ማይ ፡ እምነ ፡ ገጸ ፡ ምድር ፤ ወ  
 ሐረ ፡ ወኢገብአ ፡ እስከ ፡ ኅልቀ ፡ ማይ ፡ እምነ ፡  
 ምድር ፡ ወፈነዎ ፡ ለርግብ ፡ እምድኅረሁ ፡ ከመ ፡  
 ትርአይ ፡ እመ ፡ ነትገ ፡ ማይ ፡ እምነጸ ፡ ምድር ፡  
 ወኢረከበት ፡ ኅበ ፡ ታዐርፍ ፡ እግራ ፤ ወገብአት ፡  
 ኅቤሁ ፡ ውስተ ፡ ታቦት ፡ እስመ ፡ ማይ ፡ ሀሉ ፡  
 ውስተ ፡ ኩሉ ፡ ገጸ ፡ ምድር ፡ ወሰፍሐ ፡ እድሁ ፡  
 ወነሥአ ፡ ውስተ ፡ ታቦት ፡ ኅቤሁ ፡ ወተዐጊሥ ፡  
 ሰቡዐ ፡ መዋዕለ ፡ ካዕበ ፡ ፈነዎ ፡ ለርግብ ፡ ውስ  
 ቲ ፡ ምድር ፡ ወገብአት ፡ ኅቤሁ ፡ ርግብ ፡ ፍና ፡  
 ሠርክ ፤ ወበቲ ፡ ውስተ ፡ አፉሃ ፡ ቁጽለ ፡ ዘይት ፡  
 ወአእመረ ፡ ኖኅ ፡ ከመ ፡ ነትገ ፡ ማይ ፡ እምነ ፡  
 ምድር ፡ ወተዐጊሥ ፡ ካዕበ ፡ ሰቡዐ ፡ መዋዕለ ፡  
 ፈነዎ ፡ ለርግብ ፡ ወኢደገመት ፡ ገቢአ ፡ ኅቤሁ ፡  
 ወአመ ፡ ኮነ ፡ ሰብዐተ ፡ ምእተ ፡ ወአሐደ ፡ ዓመ  
 ቲ ፡ እምነ ፡ ሕይወቱ ፡ ለኖኅ ፡ አመ ፡ ርእሰ ፡ ሠ  
 ረቀ ፡ ወርኅ ፡ በቀዳሚሁ ፡ ለጽልመት ፡ ኅልቀ ፡  
 ማይ ፡ እምነ ፡ ምድር ፡ ወከሠታ ፡ ኖኅ ፡ ለጠፈረ ፡  
 ታቦት ፡ እንተ ፡ ገብረ ፡ ወርአዩ ፡ ከመ ፡ ኅልቀ ፡  
 ማይ ፡ እምነጸ ፡ ምድር ፡ ወበካልእ ፡ ወርኅ ፡ አ  
 መ ፡ ዐሠሩ ፡ ወሰኑዩ ፡ የብሰት ፡ ምድር ፡ ወነበ  
 ቦ ፡ እግዚአብሔር ፡ ለኖኅ ፡ እንዝ ፡ ይብል ፡ ጻእ ፡

እምነ ፡ ታቦት ፡ አንተ ፡ ውበእሲትከ ፡ ወደቂቅ  
 ከ ፡ ወአንስትያ ፡ ደቂቅከ ፡ ወኩሉ ፡ ዘሀሉ ፡ ም  
 ስሌከ ፡ ወኩሉ ፡ ዘሥጋ ፡ እምነ ፡ ሆኖ ፡ እስከ ፡  
 እንስሳ ፡ ወኩሉ ፡ ዘይትሐወስ ፡ ዲበ ፡ ምድር ፡  
 አውዕእ ፡ ምስሌከ ፡ ብዝኑ ፡ ወተባዝኑ ፡ ዲ  
 በ ፡ ምድር ፡ ወወዕአ ፡ ኖኅ ፡ ውበእሲቱ ፡ ወደቂ  
 ቁ ፡ ወአንስትያ ፡ ደቂቁ ፡ ምስሌሁ ፡ ወኩሉ ፡ እ  
 ራዊት ፡ ወአንስሳ ፡ ወአዕዋፋት ፡ ወኩሉ ፡ ዘይት  
 ሐወስ ፡ ዲበ ፡ ምድር ፡ በበ ፡ ዘመዶሙ ፡ ወዕኡ ፡  
 እምነ ፡ ታቦት ፡ ወነደቁ ፡ ኖኅ ፡ ምሥዋዕ ፡ ልእ  
 ግዚአብሔር ፤ ወነሥአ ፡ እምነ ፡ እንስሳ ፡ ወእም  
 ነ ፡ አዕዋፍ ፡ ወኩሉ ፡ ዘንጹሕ ፡ ወአዕረገ ፡ ቀር  
 ባነ ፡ ዲበ ፡ ምሥዋዕ ፡ ወአጼነወ ፡ እግዚአብሔ  
 ር ፡ መዐዘ ፡ ሠናዩ ፡ ወይቤ ፡ እግዚአብሔር ፡ ኅ  
 ለይኩ ፡ ከመ ፡ ኢደደገም ፡ ረጊሞታ ፡ ለምድር ፡  
 በእንተ ፡ ምግባሩ ፡ ለዕንለ ፡ እመሕያው ፤ እስመ ፡  
 ሥዩም ፡ ውስተ ፡ ልቦሙ ፡ ለዕንለ ፡ እመሕው ፡  
 እኩይ ፡ በኩሉ ፡ ጊዜ ፡ እምነ ፡ ገእሶሙ ፡ ወኢ  
 ደደገም ፡ እንከ ፡ አማሰኖቶ ፡ ለኩሉ ፡ ዘሥጋ ፡  
 ዘሕያው ፡ በከመ ፡ ገበርኩ ፡ ኩሉ ፡ መዋዕለሃ ፡  
 ለምድር ፡ ዘርዐ ፡ ወማእረረ ፡ ቀረ ፡ ወሀፈ ፡ ሐ  
 ጋዩ ፡ ወክረምተ ፡ መዓልተ ፡ ወሌሊተ ፡ ዘኢደት  
 ኅደግ ፡ ወባረከ ፡ እግዚአብሔር ፡ ለኖኅ ፡ ወለደ  
 ቂቁ ፡ ወይቤሉሙ ፡ ብዝኑ ፡ ወተባዝኑ ፡ ወም  
 ልእዋ ፡ ለምድር ፡ ወኩንንዋ ፡ ወይፍርሁክሙ ፡  
 ወይርዐዱ ፡ እምነክሙ ፡ ኩሉ ፡ አራዊት ፡ ገዳም ፡  
 ወአዕዋፈ ፡ ሰማይ ፡ ወዘይትሐወስ ፡ ዲበ ፡ ምድ  
 ር ፡ ወዓሳተ ፡ በሕር ፤ ወሀሳብኩክሙ ፡ ውስተ ፡  
 እድክሙ ፡ ይኩን ፡ ኩሉ ፡ ዘይትሐወስ ፡ ዘሕያ  
 ው ፡ ለክሙ ፡ ይኩንክሙ ፡ መብልዐ ፡ ከመ ፡ ሐ  
 መልማለ ፡ ሳዕር ፡ ወሀብኩክሙ ፡ ኩሉ ፡ ወባ  
 ሕቱ ፡ ሥጋ ፡ ዘቦ ፡ ነፍስ ፡ ኢትብልዑ ፡ እስመ ፡  
 ደመ ፡ ነፍስክሙ ፡ እትሳሠሥ ፡ እምኩሉ ፡ አራ  
 ዊት ፤ ወእትሳሠሥ ፡ እምነ ፡ ኩሉ ፡ እደ ፡ ሰብ  
 እ ፡ ወእኑሁ ፡ ለኩሉ ፡ ነፍስ ፡ ዕንለ ፡ እመሕያ  
 ው ፡ ዘከዐወ ፡ ደመ ፡ ሰብእ ፡ ህዩንተ ፡ ደመ ፡ ዝ  
 ክቱ ፡ ይትከዐው ፡ ደመ ፤ እስመ ፡ በአምሳለ ፡ እ  
 ግዚአብሔር ፡ ገበርክም ፡ ለሰብእ ፡ ወአንትሙስ ፡  
 ብዝኑ ፡ ወተባዝኑ ፡ ወምልእዋ ፡ ለምድር ፡ ወ  
 ብዝኑ ፡ ላዕሌሃ ፡

ምሳልያተ ሰሎሞን ። በረከቱ ፡ ትኩን ፡ ምስሌ ፡ ፡ ለዓለሙ ፡ ዓለም ፤ አሜን ።

ጥበብ ፡ ሐንጻት ፡ ላቲ ፡ ቤተ ፤ ወአቀመት ፡ ላቲ ፡ ሰብዐተ ፡ አዕማድ ። ዘብሐት ፡ ዘዘአሃ ፡ ጥብሐ ፡ ቶስሐት ፡ ውስተ ፡ ስያሐ ፡ ወይን ፡ ወአስተዳለ ወት ፡ ዘዘአሃ ፡ ማእድ ፤ ወራነወት ፡ ዘዘአሃ ፡ አ ግብርተ ፡ እንዘ ፡ ትጼውዕ ፡ በነዋኝ ፡ ስብከት ፡ ውስተ ፡ ስያሐ ፡ እንዘ ፡ ትብል ፡ ዘአብድ ፡ ው እቱ ፡ ይትግሐሥ ፡ ኅቤዩ ። ወለአለሂ ፡ የሐጽጾ ሙ ፡ አእምሮ ፡ ትቤ ፡ ንዑ ፡ ብልዑ ፡ ኅብስትዩ ፡ ወስትዩ ፡ ወድንዩ ፡ ዘቀዳሕኩ ፡ ለክሙ ፡ ወኅድ ግዋ ፡ ለእበድ ፡ ወሕዩወ ፤ ወኅሡ ፡ አእምሮ ፡ ከ ሙ ፡ ተሀልወ ፡ ወአርትዑ ፡ አእምሮ ፡ ወጠይቁ ። ዘይሚህርሙ ፡ ለእኩያን ፡ ይነሥእ ፡ ሎቱ ፡ ኅሳ ረ ፤ ወዘይጊሥዳ ፡ ለረሲዕ ፡ ያኅበር ፡ ርአዕ ። ኢ ትዝልፎሙ ፡ ለረሲዕን ፡ ከሙ ፡ ኢይጽልኩክ ። ዝልፎ ፡ ለጠቢብ ፡ ወያፈቅረክ ፤ ወአብድሰ ፡ እ ሙ ፡ ገሠጽክ ፡ ይጸልእክ ። ህቦ ፡ ለጠቢብ ፡ ምክ ንያተ ፤ ወያፈቅረክ ፡ ወያፈደፍድ ፡ ጥበብ ፡ ወአ እምሮ ። አምሮ ፡ ለጸድቅ ፡ ይወስክ ፡ ልቡና ። ቀ ዳሚሃ ፡ ለጥበብ ፡ ፈሪህ ፡ እግዚአብሔር ፡ ውእ ቱ ፤ ወምክረ ፡ ቅዱሳን ፡ አእምሮ ። ወአእምሮ ፡ ሕግሰ ፡ ለልብ ፡ ጌር ፡ ውእቱ ። በዝ ፡ ሥርዐት ፡ ብዙኅ ፡ መዋዕለ ፡ ተሐዩ ፡ ወይትዌሰካክ ፡ ዓመ ታተ ፡ ሕይወትክ ።

Prov. 9:1-12

ትርጓሜ ፡ ምሳልያተ ሰሎሞን ።

ይቤ ፡ መተርጉም ፡ ጥበብ ፡ ሐንጻት ፡ ላቲ ፡ ቤተ ፤ ይብል ፡ በእንተ ፡ ጥበብ ፡ ለኅብ ፡ ወልድ ፡ እግዚ እነ ፡ ኢየሱስ ፡ ክርስቶስ ፡ ወሕንጻ ፡ ቤትኒ ፡ ውእ ቱ ፡ ቤተ ፡ ክርስቲያን ፡ ቅድስት ፡ ዘረሰዩ ፡ መርሶ ፡ መድኅኒቶሙ ፡ ለመሀይምናን ፡ ቦቱ ። ይቤ ፡ ወአቀመት ፡ ላቲ ፡ ሰብዐተ ፡ አዕማድ ፤ ይብል ፡ በ እንተ ፡ ሰብዐቱ ፡ አዕማድ ፡ እንበይን ፡ ሰብዐቱ ፡ ሠራዊታት ፡ እንተ ፡ ውስተ ፡ ቤተ ፡ ክርስቲያን ፡ እሉ ፡ እሙንቱ ፡ መዓርጋተ ፡ ከህናት ። ይቤ ፡ ወዘብሐት ፡ ጥብሐታተ ፡ ወአስተዳለወት ፡ ማእደ ፤ ይብል ፡ በእንተ ፡ ውእቱ ፡ ሥጋሁ ፡ ወደሞ ፡ ለክርስቶስ ፡ ዘረሰዩ ፡ መድኅኒተ ፡ ለሕዝብ ፡ በው

ስተ ፡ ቤተ ፡ ክርስቲያን ፡ ህዩንተ ፡ ጥብሐት ፡ ዘለ ደቂቀ ፡ እስራኤል ። ይቤ ፡ ወራነወት ፡ አግ ብርቲሃ ፡ ከሙ ፡ ይጸውዑ ፡ በልዑል ፡ ስብከት ፤ ይብል ፡ ዘንተ ፡ ከሙ ፡ ለእሙ ፡ ቦ ፡ እምኔክሙ ፡ አ ብድ ፡ ለይምጻእ ፡ ኅቤዩ ፤ ይብል ፡ በእንተ ፡ አግ ብርት ፡ ለኅብ ፡ ከህናተ ፡ እግዚእ ፡ ዘረሰዩሙ ፡ ውስተ ፡ ቤተ ፡ ክርስቲያን ፡ ወአዘዘሙ ፡ ከሙ ፡ ኢያዕርዑ ፡ በዙሉ ፡ ጊዜ ፡ እምትምህርተ ፡ አሕ ዛብ ፡ ከሙ ፡ ይሐር ፡ እምኔሆሙ ፡ እበድ ፡ በአዝ ልፎ ፡ ትምህርታት ። ወይደሉ ፡ ለከህናት ፡ ከዕብ ፡ ከሙ ፡ ይዋሕዩ ፡ ግብራተ ፡ መርጌቶሙ ፤ ወለእ ሙ ፡ ከነ ፡ ለዝሉፋ ፡ ውስተ ፡ ኅጣይእ ፡ ወእበድ ፡ እምውስተ ፡ መድኅኒንተ ፡ ነፍሱ ፡ ወይኒጥዎ ፡ ከሙ ፡ ይትወለጥ ፡ እምእልኩ ፡ ግብራት ፡ ወይጹ ር ፡ አርዑቶ ፡ ለክርስቶስ ፡ መዐርጌረ ። ይቤ ፡ ወአብሎሙ ፡ ንዑ ፡ ብልዑ ፡ እምኅብስትዩ ፡ ወ ስትዩ ፡ እምወይንዩ ፡ ዘቱሱሕ ፡ ይብል ፡ እምከሙ ፡ መዐድዎሙ ፡ ከህናት ፡ ለመርጌቶሙ ፡ ወአግሐ ሥዎሙ ፡ እምኅጣይእ ፡ ሰቤሃ ፡ ይሚጥውዎሙ ፡ እምሥጋሁ ፡ ለእግዚእነ ፡ ኢየሱስ ፡ ክርስቶስ ፡ ወደሙ ፡ ክቡር ። ይቤ ፡ ወኅድግዎ ፡ እምኔክ ሙ ፡ ለእበድ ፡ ከሙ ፡ ትሕዩወ ፤ ይብል ፡ ዘይት ሚጦ ፡ እምሥጋሁ ፡ ለእግዚእነ ፡ ኢይግባእ ፡ ኅ ቦ ፡ እበድ ፡ በኅጠአት ፤ ዳኤሙ ፡ ይኩን ፡ ለዝ ሉፋ ፡ ኅጣሚ ፡ ፈቃዱ ፡ ለክርስቶስ ፤ እስሙ ፡ ኢ ይመውት ፡ እንከሰ ፡ ውእቱ ፡ በሞተ ፡ ኅጠአት ፡ በከሙ ፡ ይቤ ፡ እግዚእነ ፡ ክርስቶስ ፤ እሙ ፡ ቦ ፡ ዘበ ልዐኒ ፡ ውእቱ ፡ የሐዩ ፡ በእንቲአዩ ። ወዓዲ ፡ ያ ጠሪ ፡ አእምሮታተ ፡ መንፈሳውያተ ፡ ወይትጋደ ል ፡ ምስለ ፡ ዝኩ ፡ አእምሮ ፡ ለኅሚሥ ፡ ትሩፋ ተ ። ወበእንተ ፡ ዝንቱ ፡ ይርሕቅ ፡ ውእቱ ፡ እም ጽልመተ ፡ እበድ ፡ ወየሐዩ ፡ በብርሃን ፡ ጽድቅ ። ይቤ ፡ ኅሡ ፡ ጥበብ ፡ ከሙ ፡ ተሀልወ ፤ ይብል ፡ እስሙ ፡ እምከሙ ፡ ኅሠሠ ፡ ብእሲ ፡ አእምሮ ፡ ወተጋደለ ፡ በእንተ ፡ አጥርዮቱ ፡ እስሙ ፡ ኢይወ ድቅ ፡ ውእቱ ፡ እስክ ፡ ለዓለም ፡ በከሙ ፡ ይቤ ፡ ወንጌል ፡ ቅዱስ ፡ በእንተ ፡ ዘሐንጻ ፡ ቤቶ ፡ ዲቦ ፡ ኩተሕ ። ይቤ ፡ ዘይሚህርሙ ፡ ለእኩያን ፡ ያኅበር ፡ ርአዕ ፤ ይብል ፡ ዘይከሥት ፡ ምስጢረ ፡

አምላካዊት ፡ ለእለ ፡ ኢኮኑ ፡ ምእመናን ፡ እስ  
 መ ፡ እሙንቱ ፡ ይትሄዩዩ ፡ ኪያሃ ፡ ወለዘሂ ፡ ይ  
 ብል ። ወበእንተ ፡ ውእቱኬ ፡ ይብል ፡ ወንጌል ፡  
 ቅዱስ ፡ ኢተሀቡ ፡ ቅድሳተ ፡ ለከለባት ፡ ወኢትደ  
 ዩ ፡ በሕርዩክሙ ፡ ቅድመ ፡ አሕርው ። ወበተፍጻ  
 ሜቱ ፡ ለዝ ፡ ይቤ ፡ ሀቦ ፡ ለጠቢብ ፡ ምክንያተ ፡ ከ  
 መ ፡ ይወስክ ፡ ጥበብ ፡ ይብል ፡ ለለ ፡ ከሉ ፡ ዘከ  
 ሠትክ ፡ ጥበብ ፡ ለምእመናን ፡ ዘበሕገ ፡ ክርስቶ  
 ስ ፡ አእምሮታተ ፡ መንፈሳውያተ ፡ እስመ ፡ እ  
 ሙንቱ ፡ ይዌስኩ ፡ ጥበብ ፡ ላዕል ፡ ጥበቢሆሙ ።  
 ወበእንተ ፡ ውእቱ ፡ ይቤ ፡ ወንጌል ፡ ቅዱስ ፡ እ  
 ስመ ፡ ለዘቦ ፡ ይሁብዎ ፡ ወይዌስክዎ ። ይቤ ፡  
 ቀዳሚሃ ፡ ለጥበብ ፡ ፈሪህ ፡ እግዚአብሔር ፡ ይብ  
 ል ፡ ከመ ፡ ኢይግበር ፡ ብእሰ ፡ ትሩፋተ ፡ ለኅሣ  
 ሥ ፡ ዘኮን ፡ እምግባራተ ፡ ዓለም ፡ ዳእሙ ፡ ይኩ  
 ን ፡ በከሉ ፡ ግብራቲህ ፡ ፈራሂ ፡ እግዚአብሔ  
 ር ፡ ወኅሣሤ ፡ ፈቃዱ ፡ ወበእንተ ፡ ዝንቱ ፡ ይከ  
 ወኑ ፡ ሎቱ ፡ ከሎሙ ፡ ፈቃዳቲህ ። ይቤ ፡  
 ምክረ ፡ ቅዱሳን ፡ ይዌስክ ፡ አእምሮ ፡ ይብል ፡  
 በእንተ ፡ ውእቱ ፡ እስመ ፡ ለብእሰ ፡ ኢይደሉ ፡  
 ከመ ፡ ይትመዩጥ ፡ በፈቃደ ፡ ርእሱ ፡ ዳእሙ ፡  
 ይተሐት ፡ ወይሕትት ፡ መምህረ ፡ ቤተ ፡ ክርስ  
 ቲያን ፡ በዘቦቱ ፡ ይከውን ፡ መድኅኒተ ፡ ነፍሱ ፡  
 እስመ ፡ ምክሮሙ ፡ ለአባው ፡ መምህራን ፡ ት  
 ሚህሮ ፡ ለብእሰ ፡ መድኅኒተ ፡ ነፍሱ ፡ ወትዌ  
 ስከ ፡ አእምሮ ፡ በእንተሂ ፡ ዘኅለፈ ፡ ወበእንተ  
 ሂ ፡ ዘይመጽእ ። ይቤ ፡ ወአእምሮ ፡ ሕግሰ ፡  
 ጌር ፡ ውእቱ ፡ ለልብ ፡ ይብል ፡ በእንተ ፡ ሕግ  
 ሰ ፡ ለኅበ ፡ ውሳንያተ ፡ እግዚአብሔር ፡ ዘወሰ  
 ና ፡ እምትእዘዛት ፡ ወኅደገታት ፡ ወትኩን ፡ ኅ  
 ሊናህ ፡ ለብእሰ ፡ ምዩጠ ፡ እምኑናት ፡ ለዝሉ  
 ፉ ፡ ወኅሣሤ ፡ ትሩፋት ። ይቤ ፡ ከመ ፡ ትሕ  
 የው ፡ በዝንቱ ፡ ሥጋ ፡ ሕይወተ ፡ ነዋኅ ፡ ወይ  
 ትዌስክከ ፡ ኅመታተ ፡ ሕይወትከ ፡ ይብል ፡ እስ  
 መ ፡ ለእመ ፡ ኮነ ፡ ብእሰ ፡ የሐውር ፡ በትእዘዘ ፡  
 እግዚአ ፡ ውኅሣሤ ፡ ትሩፋት ፡ እስመ ፡ ሕይወ  
 ት ፡ ተውሀበ ፡ ሎቱ ፡ ወኢየሆጥል ፡ እምኔህ ፡  
 ምንተኒ ፡ በእሙቶቱ ፡ ለኅጢአት ። ወዘሰ ፡ የሐ  
 ዩ ፡ ውስተ ፡ ኅጢአት ፡ እስመ ፡ ምዉት ፡ ውእ

ቱ ፡ ወለእመኒ ፡ ኮነ ፡ ሕያው ፡ እስመ ፡ ናሁ ፡ ኅ  
 ጽረ ፡ ሕይወቱ ፡ በኅጢአት ። ወንስአሎ ፡ እንከ ፡  
 ለእግዚአብሔር ፡ ከመ ፡ ይርድእን ፡ ለገቢረ ፡ ፈ  
 ቃዱ ፡ ወናሥምሮ ፡ ወትረ ፡ በሃይማኖት ፡ ዘክርስ  
 ቶስ ፡ ይእዘኒ ፡ ወዘልፈኒ ፡ ወለዓለመ ፡ ዓለም ፡  
 አሜን ።  
 ዘኢሳይያስ ፡ ነቢይ ። በረከቱ ፡ ትኩን ፡ ምስሌን ፡  
 ለዓለመ ፡ ዓለም ፡ አሜን ።  
 ውስተ ፡ ደብር ፡ ነዋኅ ፡ ይዕርግ ፡ ዘይዜንዋ ፡ ለ  
 ጽዮን ። ክላሕ ፡ በኅይልከ ፡ ወአንሥእ ፡ ቃለከ ፡  
 ዘትዜንዋ ፡ ለኢየሩሳሌም ። ክልሑ ፡ ኢትፍርሁ ፡  
 በልዎን ፡ ለአህጉረ ፡ ይሁዳ ፡ ነዋ ፡ አምላክክሙ ፡  
 ወነዋ ፡ እግዚአብሔር ፡ አምላክክሙ ፡ ይመጽ  
 እ ፡ ምስለ ፡ ኅይሉ ፡ ወይዜንን ፡ በመዝራዕቱ ፡  
 ነዋ ፡ ዕሴቱ ፡ ምስሌሁ ፡ ወምግባሩ ፡ ቅድመ ፡  
 ገጹ ። ከመ ፡ ናላዊ ፡ ዘይርኅ ፡ አባግራሁ ፡ ወያ  
 ስተጋብአሙ ፡ ለአባግዕ ፡ በመዝራዕቱ ፡ ወያስተ  
 ፌሥሐን ፡ ለፅኑሳት ። መኑ ፡ ዘሰፈሮ ፡ ለማይ ፡  
 በሕፍኑ ፡ ወለሰማይኒ ፡ በስዝሩ ፡ ወዘአኅዛ ፡ ለከ  
 ላ ፡ ምድር ። መኑ ፡ አቀምሙ ፡ ለአድባር ፡ በመዳ  
 ልው ፡ ወለአውግርኒ ፡ በመድሎት ። መኑ ፡ አእመ  
 ረ ፡ ኅሊናህ ፡ ለእግዚአብሔር ፡ ወመኑ ፡ መማክር  
 ቲህ ፡ ዘአምከሮ ፡ ወምስለ ፡ መኑ ፡ ተማከረ ፡ ወአ  
 ምክሮ ። ወመኑ ፡ አርአዮ ፡ ፍትሐ ፡ ወፍኖተ ፡ ጥ  
 በብኒ ፡ መኑ ፡ አርአዮ ። ከሎሙ ፡ አሕዛብ ፡ ከመ ፡  
 ነጥብ ፡ ማሕዩብ ፡ ወከመ ፡ እንተ ፡ ታገብእ ፡ ዐይ  
 ነ ፡ መዳልው ፡ እሙንቱ ፡ ከመ ፡ ወኢምንት ፡  
 እሙንቱ ። ወኢየአክል ፡ ሊባኖስ ፡ ለአንድዶ ፡  
 ወከሉ ፡ እንሰሳ ፡ ኢየአክል ፡ ለአቃርዮ ። ወከ  
 ሎሙ ፡ አሕዛብ ፡ ከመ ፡ ወኢምንት ፡ ወከመ ፡  
 ዘኢህለዉ ፡ ይመስሉ ። በመኑ ፡ ታስተማስልዎ ፡  
 ለእግዚአብሔር ፡ ወበአምሳል ፡ መኑ ፡ ታስተዐር  
 ይዎ ፡ በምስልኑ ፡ ዘገብሮ ፡ ጸራቢ ፡ ወሚመ ፡ በ  
 ወርቅኑ ፡ ዘሰበኮ ፡ ነሃቢ ፡ ወዘቀፈሎ ፡ በወርቅ ፡  
 ወገብሮ ፡ ወመሰሎ ፡ እስመ ፡ ዕዕ ፡ ዘኢይንቀዝ ፡  
 የኅረ ፡ ሎቱ ፡ ጸራቢ ፡ ወበጥበቡ ፡ የኅሥሥ ፡ ዘ  
 ከመ ፡ ያቀውም ፡ ምስለ ፡ ከመ ፡ ኢያንቀልቀል ።  
 ወኢያእመርክሙኑ ፡ ወኢሰማዕክሙኑ ፡ ወኢነ  
 ገረክሙኑ ፡ ዘትከት ፡ ወኢያእመርክሙኑ ፡ መሠ

ረተ ፡ ምድር ፤ ዘያጸንዕ ፡ አጽናፈ ፡ ምድር ፡ ወ  
 እለሂ ፡ ይነብሩ ፡ ውስጥ ፡ ከመ ፡ አንበጣ ። ዘሰ  
 ፍሐ ፡ ለሰማይ ፡ ከመ ፡ ቀመር ፡ ወተከሎ ፡ ከመ ፡  
 ደብተራ ፡ ማገደር ። ወይራስዮ ፡ ለመላእክት ፡  
 ከመ ፡ አልቦ ፡ ዘይትኳንን ፡ ሎሙ ። ወገብራ ፡ ለም  
 ድር ፡ እምኅብ ፡ ወኢምንት ፡ ኢይተከሎ ፡ ወኢ  
 ይዘርዮ ፡ ወኢብቂለ ፡ ሥርዎሙ ፡ ውስተ ፡ ም  
 ድር ። ወእምከመ ፡ ነፍሳሙ ፡ ነፋስ ፡ ይዮብሱ ፤  
 ወይንሥሐሙ ፡ ዐውሎ ፡ ከመ ፡ ሐወር ። ወይእከ  
 ኒ ፡ በመኑ ፡ ታስተማስሉኒ ፡ ወእትሚካሕ ፡ ይቤ ፡  
 እግዚአብሔር ፡ ቅዱስ ። አንሥኩ ፡ አዕድንጊክ  
 ሙ ፡ ውስተ ፡ ሰማይ ፡ ወርእዩ ፡ መኑ ፡ ገብረ ፡  
 ዘንተ ፡ ከሎ ፡ ዘይኃልቆሙ ፡ ለከዋክብት ፡ ወያ  
 መጽአሙ ፡ በዕድሜሆሙ ፡ ወይጼውዎሙ ፡ ለከ  
 ሎሙ ፡ በበ ፡ አስማጊሆሙ ፡ በብዝሃ ፡ ስብሐቲ  
 ሁ ፡ ወበጽንዑ ፡ ኅዮሎ ፤ ወአልቦ ፡ ዘተረስዐስ ።  
 ቦኑ ፡ ትብል ፡ ያዕቆብ ፡ ወምንተ ፡ ነበብከኒ ፡ እ  
 ስራኤል ፡ ተኅብአት ፡ ፍኖትዮ ፡ እምእግዚአብሔ  
 ር ፡ ወርሕቀ ፡ አምላኪዮ ፡ እምኒዮ ፡ ወኅደገ ፡ ፍ  
 ትሕዩ ። ወይእከኒ ፡ ኢያእመርክሙኑ ፡ ወኢሰማ  
 ዕክሙኑ ፡ ከመ ፡ ውእቱ ፡ አምላክ ፡ ዘለዓለም ፤  
 አምላክ ፡ ዘፈጠረ ፡ አጽናፈ ፡ ምድር ፡ ኢይርኅብ ፡  
 ወኢይደክም ፡ ወአልቦ ፡ ዘዩአምር ፡ ምክር ፡ ወ  
 ይሁብሙ ፡ ኅዮላ ፡ ለርኅብን ፡ ወኢያቴክዘሙ ፡  
 ለእለ ፡ ዮሐምሙ ፡ ይርኅብ ፡ መሓዘት ፡ ወይደክ  
 ሙ ፡ ወራዘት ፡ ወይፀብሱ ፡ ጽኑዓን ። እለሰ ፡ ይሴ  
 ፈውዎ ፡ ለእግዚአብሔር ፡ ይሔድሱ ፡ ኅዮሎሙ ፡  
 ወይበቀሉ ፡ ከነፈሆሙ ፡ ከመ ፡ አንስርት ፡ ወይረ  
 ውጹ ፡ ወኢይደክሙ ፡ ዮሐሙሩ ፡ ወኢይርኅብ ።  
 ራእይ ፡ ዘርእዩ ፡ ዳንኤል ፡ ነቢይ ። በረከቱ ፡ ት  
 ኩን ፡ ምስሌን ፡ ለዓለሙ ፡ ዓለም ፡ አሚን ።

ወይቤ ፡ አነ ፡ ዳንኤል ፡ ሐለምኩ ፡ ወርኢኩ ፡  
 አርባዕቱ ፡ ነፋሳት ፡ ይነፍኑ ፡ ውስተ ፡ ባሕር ፡  
 ዐቢይ ፡ ወዐርት ፡ አርባዕቱ ፡ አራዊት ፡ ዐቢይት ፡  
 እምባሕር ፡ ኅቡረ ፡ ፍሉጣን ፡ አሐዱ ፡ እምካል  
 ኩ ። ወቀዳማዊ ፡ ከመ ፡ አንበሳ ፡ ወቦቱ ፡ ክንፍ ፡  
 ወክነፈሁኒ ፡ ከመ ፡ ዘንስር ፡ ወርኢክም ፡ እስከ ፡  
 ተመልኝ ፡ ክነፈሁ ። ወተንሥኦ ፡ እምድር ፡ ወ  
 ቆመ ፡ በእግረ ፡ ሰብእ ፡ ወልበ ፡ ሰብእ ፡ ተው

ሀበ ፡ ሎቱ ። ወመጽአ ፡ ካልእ ፡ አርዌ ፡ ዘይመ  
 ስል ፡ ድብ ፡ ወቆመ ፡ አሐደ ፡ ገጸ ፤ ወሠለስቱ ፡  
 ዐዕመ ፡ ገበዋት ፡ ውስተ ፡ አፋሁ ፡ ማእከለ ፡ አ  
 ስናኒሁ ። ወይቤልዎ ፡ ከመ ፡ ዝ ፤ ተንሥኦ ፡ ውብ  
 ላዕ ፡ ሥጋ ፡ ብዙኅ ። ወእምድኅረ ፡ ዝንቱ ፡ ር  
 ኢኩ ፡ ካልእ ፡ አርዌ ፡ ከመ ፡ ነምር ፡ ወላዕሌሁ ፡  
 አርባዕቱ ፡ ክንፈ ፡ ሦፍ ፡ ወአርባዕቱ ፡ አርእስቲ  
 ሁ ፡ ለአርዌ ። ወተውሀበ ፡ ሎቱ ፡ መባሕት ። ወ  
 እምድኅራሁ ፡ ርኢኩ ፡ በራእዩ ፡ ሌሊት ፡ ራብ  
 ዐ ፡ አርዌ ፡ ግሩመ ፡ ወመደንግፀ ፡ ወኅዮላ ፡ ጥ  
 ቀ ። ወስነኒሁ ፡ ዘኅጸን ፡ ይበልዕ ፡ ወዩሐርጽ ፡ ወ  
 ዘተርፈ ፡ ይከይድ ፡ በእግሩ ። ወውእቱ ፡ ዮቦቤ ፡  
 እምከሎሙ ፡ አራዊት ፡ ዘቅድሚሁ ፡ ወዐሠር  
 ቱ ፡ አቅርንቲሁ ። ወነጸርኩ ፡ አቅርንቲሁ ፡ ወና  
 ሁ ፡ ካልእ ፡ ቀርን ፡ ንኡስ ፡ በቂለ ፡ በማእከሎ  
 ሙ ፡ ወሠለስቱ ፡ አቅርንቲሁ ፡ ዘቅድሚሁ ፡ ተ  
 መልኅ ፡ እምቅድመ ፡ ገጸ ። ወውስቴቱ ፡ አዕ  
 ይንት ፡ ከመ ፡ አዕይንተ ፡ ሰብእ ፡ ወውስተ ፡ ው  
 እቱ ፡ ቀርን ፡ ንኡስ ፡ ሀሎ ፡ አፍ ፡ ይነብብ ፡ ዐቢ  
 ያተ ። ወርኢኩ ፡ እስከ ፡ አንበሩ ፡ መንበረ ፡ ወነ  
 በረ ፡ ዲቤሁ ፡ ብሉዩ ፡ መዋዕል ፡ ወልብሱ ፡ ጸዐ  
 ዳ ፡ ከመ ፡ በረድ ፡ ወሥዕርተ ፡ ርኢሱ ፡ ከመ ፡ ፀ  
 ምር ፡ ንጹሕ ፡ ወመንበሩሂ ፡ እሳት ፡ ዘይነድድ ፡  
 ወሠረገላሁኒ ፡ አፍሐም ፡ ዘያንበለብል ። ወፈለ  
 ገ ፡ እሳት ፡ ይውሕዝ ፡ ቅድሚሁ ። አኢላፈ ፡ አኢ  
 ላፋት ፡ ይትለአክም ፡ ወትእልፈተ ፡ አኢላፋት ፡  
 ይቀውሙ ፡ ዐውደ ፡ ቅድሚሁ ። ወነበረ ፡ ዐው  
 ደ ፡ ወከሠተ ፡ መጻሕፍተ ። ወርኢኩ ፡ ሶቤሃ ፡ እ  
 ምቃለ ፡ ነገሩ ፡ ዐቢይ ፡ ዘይነብብ ፡ ዝኩ ፡ ቀርን ፡  
 እስከ ፡ ተአተተ ፡ ውእቱ ፡ አርዌ ፡ ወጠፍአ ። ወ  
 ወሀቡ ፡ ሥጋሁ ፡ ያውዕዩ ፡ በእሳት ። ወፈለሰ ፡  
 ሥልጣኖሙ ፡ ለእለ ፡ ተርፋ ፡ አራዊት ፡ ወተው  
 ሀበ ፡ ሎሙ ፡ ነዋኅ ፡ ሕይወት ፡ እስከ ፡ ዕድሜ  
 ሆሙ ። ወርኢኩ ፡ በራእዩ ፡ ሌሊት ፡ ወናሁ ፡ መ  
 ጽአ ፡ በደመና ፡ ሰማይ ፡ ከመ ፡ ወልደ ፡ ዕንለ ፡  
 እመሕያው ፡ ወበጽሐ ፡ ኅብ ፡ ብሉዩ ፡ መዋዕል ፡  
 ወአቅረብዎ ፡ ቅድሚሁ ፡ ወተውሀበ ፡ ሎቱ ፡ ም  
 ከኖን ፡ ወክብር ፡ ወመንግሥት ፡ ወከሎሙ ፡ አ  
 ሕዛብ ፡ ወበሐውርት ፡ ወነገድ ፡ ይትቀነዩ ፡ ሎቱ ፡

ለሌሁ ለምላክ ፡ ወለሌሁ ፡ ሰብእ ፡ ጎብረ ። ው  
 እቱ ፡ ይትዋሐድ ፡ ምስሉ ፡ አቡሁ ፡ በሀላዌ ፡ መ  
 ለከት ፤ ወውእቱ ፡ ይትዳረይ ፡ ምስሉን ፡ በሀላዌ ፡  
 ትሰብእት ። ውእቱ ፡ ሰማያዊ ፡ ወውእቱ ፡ ምድ  
 ሬዊ ። ውእቱ ፡ ያስተርኢ ፤ ወውእቱ ፡ ኢያስተር  
 ኢ ። ውእቱ ፡ ይትገሰስ ፡ ወውእቱ ፡ ኢይትገሰስ ።  
 ውእቱ ፡ ይትረከብ ፤ ወውእቱ ፡ ኢይትረከብ ።  
 ውእቱ ፡ ሐማሚ ፡ በሥጋ ፤ ወውእቱ ፡ ኢሐማ  
 ሚ ፡ በመለከት ። በረከቶሙ ፡ ለአሉ ፡ መምህራ  
 ን ፡ የሀሉ ፡ ምስሉን ፡ ለዓለመ ፡ ዓለም ፤ አሚን ።  
 ተአምሪ ፡ ለእግዝእትን ፡ ቅድስት ፡ ድንግል ፡ በክ  
 ልኤ ፡ ማርያም ፡ ወላዲተ ፡ አምላክ ። ጸሎታ ፡ ወበ  
 ረከታ ፡ የሀሉ ፡ ምስሉን ፡ ለዓለመ ፡ ዓለም ፤ አሚን ።  
 ወሀለወት ፡ አሐቲ ፡ ብእሲት ፡ ዘታፈቀራ ፡ ለእግ  
 ዝእትን ፡ ቅድስት ፡ ድንግል ፡ በክልኤ ፡ ማርያም ፡  
 ወላዲተ ፡ አምላክ ፤ ወወለደት ፡ ይእቲ ፡ ብእሲ  
 ቲ ፡ ወለተ ። ወወሰዳ ፡ ዝእብ ፡ ለይእቲ ፡ ወለት ፡  
 ወነገርዋ ፡ ለይእቲ ፡ ብእሲት ፡ እንዘ ፡ ሀለወት ፡ በ  
 ጊዜ ፡ ማእድ ፡ ወወውደወት ፡ በዐቢይ ፡ ቃል ፡ እ  
 ንዝ ፡ ትብል ፡ እሙነኑ ፡ ወሰዳ ፡ ለወለትዮ ፡ ዝእ  
 ብ ፡ ወኢአምነት ፡ ዘነገርዋ ፡ ወሐረት ፡ ኅበ ፡ ቤ  
 ተ ፡ ክርስቲያን ፡ ወጸለዮት ፡ ኅበ ፡ ሥዕላ ፡ ለእግ  
 ዝእትን ፡ ቅድስት ፡ ድንግል ፡ በክልኤ ፡ ማርያም ፡  
 ወላዲተ ፡ አምላክ ፡ እንዘ ፡ ትብል ፡ አን ፡ እነሥ  
 አ ፡ ለወልድኪ ፡ እምሕፅንኪ ። ወነሥአቶ ፡ ለሕ  
 ዓና ፡ እምውስተ ፡ ሕፅና ፡ ለሥዕል ፡ ወኡብአቶ ፡  
 ውስተ ፡ ቤታ ፡ ወአንበረቶ ፡ በሣጺን ፡ ወነስነሰት ፡  
 ላዕሌሁ ፡ አፈዋተ ፡ ማየ ፡ ወርድ ፡ ወከደነቶ ፡ በ  
 አልባሰ ፡ ሐሪር ። ወበይእቲ ፡ ሌሊት ፡ አብርሀ  
 ውስተ ፡ ቤታ ፡ ከመ ፡ ብርሃን ፡ መብረቅ ፤ ወበይ  
 እቲ ፡ ዕለት ፡ አምጽአት ፡ ወለታ ፡ ዘመሠጣ ፡ ዝ  
 እብ ፡ እግዝእትን ፡ ማርያም ፤ ወትቤላ ፡ ንሥኢ  
 ዮ ፡ እምሕፅንዮ ። ወትቤላ ፡ ይእቲ ፡ ብእሲት ፡ ለ  
 እግዝእትን ፡ ማርያም ፡ ንሥኢ ፡ ወልደኪ ፡ አ ፡  
 ንግሥተ ፡ ሰማያት ፡ ወምድር ። ወአን ፡ እገብር ፡ ተ  
 ዝከረኪ ፡ በዕጣን ፡ ወበማኅቶት ። ጸሎታ ፡ ወበረ  
 ከታ ፡ የሀሉ ፡ ምስሉን ፡ ለዓለመ ፡ ዓለም ፤ አሚን ።

ተአምር ፡ ዘገብረ ፡ እግዚእን ፡ ወአምላክን ፡ ወመ  
 ድኅኒን ፡ ኢየሱስ ፡ ክርስቶስ ። ሣህሉ ፡ ወምሕረ  
 ቱ ፡ የሀሉ ፡ ምስሉን ፡ ለዓለመ ፡ ዓለም ፤ አሚን ።  
 ወሐረ ፡ እግዚእ ፡ ኢየሱስ ፡ በሳኒታሁ ፡ ደብረ ፡  
 ዘይት ፤ ወምስሌሁ ፡ ያዕቆብ ፡ ወዮሐንስ ፡ ደቂቀ ፡  
 ዘብደምስ ፡ አርዳኢሁ ። ወሶበ ፡ ርእይዎ ፡ ያዕቆ  
 ብ ፡ ወዮሐንስ ፡ ውስተ ፡ ቤተ ፡ መቅደስ ፡ ይቤ  
 ልዎ ፡ ምንት ፡ ይሄኒ ፡ ዝንቱ ፡ ቤተ ፡ መቅደስ ።  
 ወይቤሎሙ ፡ እግዚእ ፡ ኢየሱስ ፡ አማን ፡ እብ  
 ለክሙ ፡ ኢይትረከብ ፡ ውስተ ፡ ዝንቱ ፡ ቤተ ፡  
 መቅደስ ፡ እብን ፡ ዲበ ፡ እብን ፤ እስመ ፡ ይመጽ  
 ኡ ፡ አሕዛብ ፡ እምሥራቀ ፡ ፀሓይ ፡ ወእምዕራ  
 ብ ፡ ወይንብሩ ፡ ዲበ ፡ ማእደ ፡ አብርሃም ፡ ይሥ  
 ሐቅ ፡ ወያዕቆብ ። ወለደቂቀ ፡ መንግሥትሰ ፡ ይ  
 ሰድድዎሙ ፡ ወያወዕአዎሙ ፡ አፍአ ፡ ወይረከቦ  
 ሙ ፡ ዐቢይ ፡ ሐዘን ። ወአሕዛብሰ ፡ ይትፈሥሐ ፤  
 ወአንትሙኒ ፡ አርዳኢ ፡ አስመ ፡ ይበጽሐክሙ ፡  
 መዋዕል ፡ ነሉ ፡ ዘኢገብረ ፡ ላዕሌክሙ ፡ እኩዮ ፡  
 ወዘኢቀተለክሙ ፡ ከመ ፡ ዘኢገብረ ፡ ምግባረ ፡  
 ሠናይ ። ወያገብኡክሙ ፡ ኅበ ፡ ነገሥት ፡ ወመኳ  
 ንንት ፤ ወይቀትሉክሙ ፡ በእንተ ፡ ስምዮ ። ወይ  
 ጸልኡክሙ ፡ ነሉሙ ፡ አሕዛብ ፡ ወለእመ ፡ ቆ  
 ምክሙ ፡ ኅበ ፡ ነገሥት ፡ ወመኳንንት ፡ ኢተኅ  
 ልዩ ፡ ዘትንብሱ ፡ ወዘትትናገሩ ፡ እስመ ፡ መንፈ  
 ስ ፡ ቅዱስ ፡ ዘኅዳር ፡ ላዕሌክሙ ፡ ይነብብ ፡ በ  
 ላዕሌክሙ ፡ ወይትናገር ፡ በልሳንክሙ ፡ በዘያስ  
 ተኅፍሮሙ ፡ ለአሕዛብ ፡ በእንቲአክሙ ። ወበው  
 እቱ ፡ መዋዕል ፡ ያገብእ ፡ እኅወ ፡ እኅዋሁ ፡ ለ  
 ሞት ፡ ወአብኒ ፡ ወልደ ፡ ወውሉድኒ ፡ ይትነሥ  
 ኡ ፡ ዲበ ፡ አዝማዲሆሙ ፡ ወይቀትልዎሙ ። ወ  
 ዘሰ ፡ አዝለፈ ፡ ትዕግሥቶ ፡ ውእቱ ፡ ይድኅን ፤  
 ተዐገሡ ፡ እንክ ፡ እስመ ፡ ከማሁ ፡ ሰደድዎሙ ፡  
 ለነቢያት ፡ ቀደምትክሙ ። ብፁዓን ፡ አንትሙ ፡  
 አለ ፡ ሰደዱክሙ ፡ አሕዛብ ፡ ወአኅሰሩክሙ ፡ ወ  
 ነበቡ ፡ ላዕሌክሙ ፡ ንባብ ፡ ሕስወ ፡ በእንተ ፡ ስ  
 ምዮ ። አእምሩ ፡ አ ፡ አኅወዮ ፡ እስመ ፡ በ ፡ ምሳ  
 ሐ ፡ ከብከብ ፡ ዘይከውን ፡ ለሕዝብዮ ፡ በውስተ ፡  
 ዛቲ ፡ ዓለም ፡ ሠለስተ ፡ ምእተ ፡ ዕለታተ ፡ እመዋ  
 ዕል ፡ ዐበይት ፡ እስመ ፡ ይከውኑ ፡ ሕያዋን ፡ በፍ

ሥራ፣ ወበሐሜት፣ ወበተደላ ። አሜሃ፣ ይትሐነ  
 ጸ፣ አብያተ፣ ክርስቲያናት፣ እምሥራቀ፣ ምድ  
 ር፣ እስከ፣ ምዕራብ ። ወይከውን፣ ጉባኤ፣ በአ  
 ሐቲ፣ ቤተ፣ ክርስቲያን፣ እንተ፣ ሐዋርያት፣  
 ቅድስት፣ ወንጽሕት፣ ወጽሪት፣ ለስብሐት፣ ም  
 ምስለ፣ አብ፣ ወመንፈስ፣ ቅዱስ፣ ጳጳሩ፣ ለሰጠ  
 ወይከውን፣ መዋዕሊሁ፣ ለጸላኢ፣ በትረ፣ መ  
 ዓት፣ ዘአጠየቁክሙ፣ ዜናሁ፣ ወፀአቶ፣ እምነባ  
 ብያን፣ ሠለስተ፣ ዕለታተ፣ ንኡሳነ ። ወበሐቲ፣  
 አጎጽ፣ ለእማንቱ፣ መዋዕል፣ በእንተ፣ ጎሩ  
 ያን፣ ሰበ፣ ኢያጎጽክዎን፣ ለእማንቱ፣ መዋ  
 ዕል፣ እምኢተርፈ፣ አሐዱ፣ ውስተ፣ ምድር፣ እ  
 ምእመናን፣ ወለእመ፣ ኢጎደጉ፣ ሕዝብ፣ በው  
 አቱ፣ መዋዕል፣ ገቢረ፣ ጎጢአት፣ ወኢነስሐ፣ አ  
 መክዕብ፣ መዋዕሊሁ፣ ለጸላኢ ። ሣህሉ፣ ወምሕ  
 ረቱ፣ የሀሉ፣ ምስሌ፣ ለዓለሙ፣ ዓለም ፣ አሜን ።  
 ቀድሙ፣ ወጎል ፣ ጎቤዝ፣ እግዚአብሔር፣ ነፍሱ፣ እም  
 ገዢ ፣ ወኪያኑ ፣ ተወክልኑ ፣ ወኢይትጎረ፣ ለዓለም ፣ ወኢይ  
 ሥሐቁ፣ ጸላእት፣ ።

ወንጌል ፣ ዘማቴዎስ ።

ወእንዘ፣ ይነብር፣ እግዚአብሔር፣ በደብረ፣ ዘይት፣ ቀ  
 ርቡ፣ አርዳኢሁ፣ ጎቤሁ፣ እንተ፣ ባሕቲቶሙ ፣  
 እንዘ፣ ይብሉ፣ ንግረኑ፣ ማእዜ፣ ይከውን፣ ዝን  
 ቱ ፣ ወምንት፣ ትእምርቱ፣ ለምጽአትከ፣ ወለጎ  
 ልቀተ፣ ዓለም ። ወአውሥኦ፣ እግዚአብሔር፣ ኢየሱ  
 ስ፣ ወይቤሉሙ፣ ዑቁ፣ አልቦ፣ ዘያስሕተክሙ ።  
 እስመ፣ ብዙኃን፣ ይመጽኡ፣ በስመ፣ ዘአየ ፣  
 እንዘ፣ ይብሉ፣ አነ፣ ውእቱ፣ ክርስቶስ፣ ውብ  
 ዙኃን፣ ያስሕቱ ። ወበሐቲ፣ ሀለወክሙ፣ ትስም  
 ዑ፣ ቀትላ፣ ወድምፀ፣ ጸባኢት ፣ ዑቁ፣ ኢትደ  
 ንግፀ ፣ እስመ፣ ግብር፣ ይከውን፣ ከማሁ፣ ወአ  
 ከ፣ በጊዜሃ፣ ዘየጎልቅ ። ወይትነሣእ፣ ሕዝብ፣  
 ጂቦ፣ ሕዝብ፣ ወነገሥት፣ ላዕላ፣ ነገሥት ፣ ወይ  
 መጽእ፣ ረኃብ፣ ወብድብድ፣ ወድልቅልቅ፣ ወ  
 ሀከከ፣ በቦ፣ በሓውርቲሁ ፣ ወዝ፣ ነሉ፣ ቀዳ  
 ሚ፣ ሕማም ። አሜሃ፣ ይሚጠወክሙ፣ ለምን  
 ዳቤ፣ ወይቀሥፋክሙ፣ ወይቀትሉክሙ፣ ወይጸ  
 ልኡክሙ፣ ነሉ፣ ሕዝብ፣ በእንተ፣ ስም፣ ። ወ  
 አሜሃ፣ የዐልጢ፣ ብዙኃን፣ ወይጸልኡ፣ በበይ

ናቲሆሙ፣ ወይትቃተሉ ። ውብዙኃን፣ ሐሳው  
 ያነ፣ ነቢያት፣ ይመጽኡ፣ ውብዙኃን፣ ያስሕቱ ።  
 ወእምብዝኃ፣ ለእከይ፣ ትሴኩስ፣ ፍቅር፣ እም  
 ብዙኃን ። ወዘሰ፣ አዝለፈ፣ ትዕግሥቶ፣ ውእቱ፣  
 ይድጎን ። ወይሰበክ፣ ዝ፣ ወንጌላ፣ መንግሥት፣  
 ውስተ፣ ነሉ፣ ዓለም፣ ከመ፣ ይኩን፣ ስምዑ  
 ላዕላ፣ ነሉ፣ አሕዛብ፣ ወይእተ፣ አሚረ፣ ይበ  
 ጽሕ፣ ጎልቀት ። ወአመ፣ ርኢክሙ፣ ጎሳሮ፣  
 ለሙስና፣ ዘተብሀለ፣ በዳንኤል፣ ነቢይ፣ እንዘ፣  
 ይቀውም፣ ውስተ፣ መከን፣ ቅዱስ ፣ ዘያነብብ፣  
 ይለቡ ። አሜሃ፣ እለ፣ ውስተ፣ ይሁዳ፣ ይጉዩ፣  
 ውስተ፣ አድባር፣ ወዘውስተ፣ ናሕስ፣ ኢይረ  
 ድ፣ ይንሣእ፣ ዘውስተ፣ ቤቱ ፣ ወዘውስተ፣ ገራ  
 ህት፣ ኢይትመየጥ፣ ድጎራሁ፣ ይንሣእ፣ ልብሶ ።  
 አሌ፣ ሎን፣ ባሕቱ፣ ለዕኑሳት፣ ወለእለ፣ የሐዕ  
 ና፣ በውእቱ፣ መዋዕል ። ወጸልዩ፣ በሕት፣ ከመ፣  
 ኢይኩን፣ ጉያክሙ፣ በክረምት፣ ወበሰንበት ።  
 እስመ፣ ይከውን፣ ይእተ፣ አሚረ፣ ዐቢይ፣ ሕ  
 ማም፣ ወምንዳቤ፣ ዘኢኮነ፣ እምኦሙ፣ ተፈጥረ፣  
 ዓለም፣ እስከ፣ ዮም ፣ ወኢይከውንሂ ። ወሶቦ፣ አ  
 ኮሁ፣ ዘጎጽራ፣ እማንቱ፣ መዋዕል፣ እምኢድ  
 ጎነ፣ መኑሂ፣ ዘሥጋ ። ወበሐቲ፣ በእንተ፣ ጎሩ  
 ያን፣ የጎጽራ፣ እማንቱ፣ መዋዕል ። አሜሃ፣ እ  
 መ፣ በ፣ ዘይቤለክሙ፣ ነዋ፣ ዝየ፣ ሀሉ፣ ክርስ  
 ቶስ፣ ወነዋ፣ ከሃከ፣ ኢትእመኑ ። እስመ፣ ይትን  
 ሥኡ፣ ሐሳውያነ፣ መሲሕ፣ ወሐሳውያነ፣ ነቢ  
 ያት፣ ወይገብሩ፣ ተአምራተ፣ ዐበይተ፣ ወመንክ  
 ራተ፣ ለአስሕቶ ፣ ሶበሰ፣ ይትከሀሉሙ፣ ለጎሩ  
 ያኒሂ ። ናሁ፣ ቀደምኩ፣ ነጊሮተክሙ ፣ እመኬ፣  
 ይቤሉክሙ፣ ነዋ፣ ገዳመ፣ ሀሉ፣ ኢትግኡ ። ወ  
 ነዋ፣ ውስተ፣ አብያት፣ ኢትእመኑ ። እስመ፣  
 ከመ፣ መብረቅ፣ ዘይወዕእ፣ እምጽባሕ፣ ወያስ  
 ተርኢ፣ እስከ፣ ዐረብ፣ ከማሁ፣ ምጽአቱ፣ ለወ  
 ልደ፣ ዕንላ፣ እመሕያው ። ጎቦ፣ ሀሉ፣ ገደላ፣  
 ህየ፣ ይትጋብኡ፣ አንስርት ። ወበጊዜሃ፣ እምድ  
 ጎረ፣ ሕማሞን፣ ለእማንቱ፣ መዋዕል፣ ፀሓይኒ፣  
 ይጸልም ፣ ወወርጎኒ፣ ኢይሁብ፣ ብርሃኖ ፣ ወከ  
 ዋክብትኒ፣ ይወድቁ፣ እምሰማይ ፣ ወያንቀለቅል፣  
 ጎይል፣ ሰማያት ። ወይእተ፣ አሚረ፣ ያስተርኢ፣

ተአምራቡ ፡ ለወልደ ፡ ዕዓለ ፡ እመሕያው ፡ በሰማይ ። አሜሃ ፡ ይበክዩ ፡ ኩሉ ፡ አሕዛብ ፡ ምድር ፡ ወይሬአይዎ ፡ ለወልደ ፡ ዕዓለ ፡ እመሕያው ፡ አንዘ ፡ ይመጽእ ፡ በደመናተ ፡ ሰማይ ፡ ምስለ ፡ ጎይል ፡ ወስብሐት ፡ ብዙኅ ። ወይሬንዎሙ ፡ ለመላእክቲሁ ፡ ምስለ ፡ ቃለ ፡ ቀርን ፡ ዐቢይ ፡ ወያሱተጋብእዎሙ ፡ ለኅሩያኒሁ ፡ እምአርባዕቲ፡ ነፋሳት ፡ እምአጽናፊ ፡ ሰማይ ፡ እስከ ፡ አጽናፊ ፡ ሰማይ ። ወእምበለስ ፡ አእምሩ ፡ አምሳሊሁ ፡ እምክመ ፡ ኮነ ፡ ዐጽቃ ፡ ደኩመ ፡ ወቂጽላ ፡ ለምለመ ፡ ተአምሩ ፡ ከመ ፡ ቀርቦ ፡ ማእረር ። ከማሁኬ ፡ አንትሙሃ ፡ እምክመ ፡ ርአክመ ፡ ዘንተ ፡ ኩሉ ፡ አእምሩ ፡ ከመ ፡ ቀርቦ ፡ ወሀሎ ፡ ኅብ ፡ ናኅት ። አማን ፡ እብለክመ ፡ ከመ ፡ አተኅልፍ ፡ ዛ ፡ ትውልድ ፡ እስከ ፡ ዝ ፡ ኩሉ ፡ ይትገበር ። ሰማይ ፡ ወምድር ፡ የኅልፍ ፡ ወቃልየሰ ፡ ኢየኅልፍ ።

በተሰር፡ ሰዓት ፡ እምዕለት ፡ ሠሉስ ፡ ወውላቱ ፡ ድልሙ ፡ በዐሠርቱ ፡ ወአሐዱ ፡ ክብሰ ።

ለቤ ፡ ዘዘላክ ፡ ለባሕቲትክ ፡ አ ፡ እግዚአብሔር ፡ አኃዜ ፡ ኩሉ ፡ አበስኩ ፡ ስረይ ፡ ሊተ ። አ ፡ እግዚአብሔር ፡ ወአምላኪዩ ፡ እስመ ፡ አነ ፡ እገብር ፡ በድፍረት ፡ እኩዩ ፡ ወአንዛህልል ፡ እምትእዛዛቲክ ፡ እግዚአ ። አመ ፡ ትመጽእ ፡ በስብሐቲክ ፡ ወመላእክቲክ ፡ ዐውድክ ፡ ትኅብር ፡ አንተ ፡ አ ፡ መኩንን ፡ ዘበአማን ፡ ዲቦ ፡ መንበረ ፡ ስብሐቲክ ፡ ወታስተጋብእ ፡ ኅቤክ ፡ ኩሉ ፡ አሕዛብ ፡ እምአርባዕቲ፡ ነፋሳት ፡ እምአጽናፊ ፡ ምድር ፡ ወይሬልጥዎሙ ፡ እምካልአመ ፡ ካልአ ፡ በየማን ፡ ወበፀጋም ፡ በአሐቲ ፡ ቃል ። አባግዕ ፡ ይቀውሙ ፡ በየማንክ ፡ ወአጣሊ ፡ በፀጋምክ ፡ ወይትፎሥሐ ፡ አለ ፡ በየማንክ ፡ ምስሌክ ፡ አለ ፡ ገብሩ ፡ ፈቃደክ ፡ እልክቱ ፡ አለ ፡ ተአኅዙ ፡ በሕገጋቲክ ፡ ወዐቀብምን ፡ እልክቱ ፡ አለ ፡ አብልዑክ ፡ ጊዜ ፡ ርኅብክ ፡ ወአስተዩክ ፡ አመ ፡ ጽምእክ ፡ ወአመ ፡ ንግደትክ ፡ ተወክፋክ ፡ ውስተ ፡ አብያቲሆሙ ። ወአመ ፡ ዕራቅቪ ፡ አልበሱክ ፡ ወአመ ፡ ተሞቃሕክ ፡ ሐወጸክ ፡ ወአመ ፡ ደወይክ ፡ ተልእኩክ ። ሶቤሃ ፡ ይትፎሥሐ ፡ በምግባራቲሆሙ ፡ ሠናያት ፡ ወይነሥኡ ፡ ዐስበሙ ፡ ፈደፋደ ፡

እምአጣሊ ። ጸድቃንሰ ፡ የሐውሩ ፡ ውስተ ፡ ሕይወት ፡ ዘለዓለም ፡ ወአጣሊ ፡ ውስተ ፡ ኩነኔ ። ስምዑ ፡ አ ፡ ኩብዳን ፡ ወአእምሩ ፡ አለ ፡ የአምሩ ፡ በምሕረት ፡ ይትፎሥሐ ፡ ባቲ ፡ ወይትሚክሐ ፡ አመ ፡ ፍትሕ ። ግበሩ ፡ ምሕረተ ፡ እምቅድመ ፡ ይምጸእ ፡ ላዕሌክሙ ፡ ኩነኔሁ ፡ ለመኩንን ። ወሶበ ፡ ፈጸመ ፡ መድኅኒን ፡ ይትናገር ፡ ወይብሎሙ ፡ ለአርዳኢሁ ፡ ገሃደ ፡ ከመ ፡ እምድኅረ ፡ ክልኤቱ ፡ መዋዕል ፡ ይከውን ፡ ፋሲክ ። ስምዑ ፡ አ ፡ አኅው ፡ ዘኅረይኩክሙ ፡ እስመ ፡ ለወልደ ፡ ዕዓለ ፡ እመሕያው ፡ ይትፎሥሐ ፡ ላዕሌሁ ፡ ዘጽሐፍ ፡ ውስተ ፡ መጽሐፈ ፡ ነቢያት ። ወውእቱ ፡ ይከውን ፡ በግዕ ፡ ጥቡሐ ፡ ወፍሠሐ ፡ ወፍጹኅ ፡ እስከ ፡ ተፍጻሚተ ፡ ዓለም ። ክርስቶስ ፡ መድኅኒን ፡ መጽሐ ፡ ወሐመ ፡ ወበሕግግቲሁ ፡ ቤዘወነ ።

ተግግጽ ፡ በተሰዕቱ ፡ ሰዓት ፡ ዘሠሉስ ።

ይደሉ ፡ ለን ፡ ይእዜ ፡ ከመ ፡ ንጠይቅ ፡ ፍክሬ ፡ እመጸሕፍት ፡ ዘመለክት ፡ ሠናየ ። ወአክ ፡ ለሰማዕ ፡ ባሕቲቱ ፡ ዘእንበለ ፡ ዳእሙ ፡ ንብራህ ፡ በብርሃን ፡ ዘየኅቱ ፡ ውስተ ፡ አልባቢን ፡ ወደመርሐን ፡ ኅብ ፡ መድኅኒተ ፡ ነፍሳቲን ። እስመ ፡ ነዋ ፡ ይእዜ ፡ ሶበ ፡ ርአዩ ፡ ደቂቀ ፡ እግዚአብሔር ፡ ኅብ ፡ አዋልደ ፡ ዕዓለ ፡ እመሕያው ፡ ከመ ፡ ውእቶን ፡ ሠናያተ ፡ ላሕይ ፡ ነሥኡ ፡ እምኔሆን ፡ አንስተያ ፡ ዘኅረዩ ። ነጽር ፡ ይእዜኒ ፡ እፎ ፡ ይሰመዩ ፡ አለ ፡ ይቀርቡ ፡ ኅብ ፡ እግዚአብሔር ፡ ደቂቀ ፡ እግዚአብሔር ፡ ወእለ ፡ መንገለ ፡ ፍትወታት ፡ ዘሥጋ ፡ ውሉደ ፡ ሥጋ ። ወበአንተ ፡ ዝ ፡ ይቤ ፡ መጽሐፍ ፡ እምላካዊ ፡ ወሶበ ፡ ርአዩ ፡ ደቂቀ ፡ እግዚአብሔር ፡ ኅብ ፡ አዋልደ ፡ ሰብእ ፡ ወውእቶን ፡ ሠናያተ ፡ ላሕይ ፡ ነሥኡ ፡ እምኔሆን ፡ አንስተያ ፡ ዘኅረዩ ። ይብል ፡ ደቂቀ ፡ እግዚአብሔር ፡ በአንተ ፡ ደቂቀ ፡ ሴት ፡ እስመ ፡ ሴት ፡ ኮነ ፡ መፍቀሬ ፡ እግዚአብሔር ፡ ወደቂቀ ፡ ይመስልም ፡ በኅሩት ። ወይቤ ፡ ደቂቀ ፡ ሥጋ ፡ አለ ፡ ተወልዱ ፡ እምቃዩል ፡ እስመ ፡ ኮነ ፡ መፍቀርያን ፡ ፍትወት ፡ ዘሥጋ ። ነጽር ፡ ይእዜኒ ፡ አ ፡ ለዝንቱ ፡ ፍድፍድና ፡ መጽሐፍ ፡ እምላካዊ ፡ እፎ ፡ ፈክረ ፡ ለን ፡ ርክሶሙ ፡ ወምርዕቶሙ ፡ ከመ ፡ ውእቶሙ ፡ አክ ፡ ለአውስቦ ፡

ወንጌል፡ አንስትያ፡ ለረኪበ፡ ውሉድ፡ ባሕቲቱ፡  
 ዘጎለዩ፤ ዳኤሙ፡ ለተመጥዎ፡ ፍትወት፡ ዘሥጋ።  
 ጠይቅኬ፡ እፎ፡ ኮነ፡ ጎልዮ፡ ፍትወት፡ ዘሥጋ፡  
 እኩይ፡ እምዝሙት፡ ወእምርዐት። ወእፎ፡ ኮነ፡  
 አስተአድሞ፡ ላሕይ፡ ወሥን፡ ምክንያተ፡ ለሙስ  
 ና፡ ወሀጉል፡ ወርሒቅ፡ እምረድኤት፡ አምላካዊ  
 ት። ወበእንተ፡ ዝ፡ ይቤ፡ እግዚአብሔር፡ ኢይ  
 ኩን፡ መንፈስዩ፡ ዲበ፡ ዝንቱ፡ ትውልድ፡ እስመ፡  
 ሥጋ፡ እሙንቱ። ወይኩን፡ መዋዕሊሆሙ፡ ም  
 አተ፡ ወዕሥራ፡ ጎመተ። ርኢኩኑ፡ ዕባዩ፡ ዛቲ፡  
 ትውልድ፡ ወሕሠመ፡ ኃጥአን። ርኢኩኑ፡ እፎ፡  
 ኮነ፡ አስተአድሞ፡ ሥጋ፡ ምክንያተ፡ ለኩሉ፡ እ  
 ከይ። ርኢኩኑ፡ እፎ፡ ኮነት፡ ፍትወተ፡ ዝሙት፡  
 ምክንያተ፡ ለሀጉል፡ ዘይደፍን፡ ወአሳሪተ፡ በ  
 ኩሉ፡ እከይ። ርኢኩኑ፡ እፎ፡ አርሐቀት፡ እምሕ  
 ረተ፡ እግዚአብሔር፡ ወሰወረት፡ ዋካ፡ ኅብረት፤  
 ወአጎጸረት፡ ኑጎ፡ መዋዕል፡ ወኡብጽሐት፡ ኅ  
 በ፡ ኩሉ፡ እኩይ። ርኢኩኑ፡ እፎ፡ ይሰመዩ፡  
 እለ፡ ይፈትወ፡ ልደታተ፡ ምድራውያተ፡ ዘሥ  
 ጋ። ርኢኩኑ፡ ምግባራተ፡ ሀጉሎሙ፤ ወርኢ፡  
 ሚ፡ መጠን፡ ድቀት፡ ዘወረደ፡ ዲቤሆሙ። ሰማ  
 ዕከኑ፡ እፎ፡ ዘንመት፡ አስራበ፡ ሰማይ፡ ወተፈ  
 ትሓ፡ አንቅዕተ፡ ማዕምቅት፤ ወከደነ፡ አይጎ፡  
 ኩሎ፡ ዘሥጋ፡ ወአማሰነ፡ አዕዋፈ፡ ወአራዊተ፤  
 ወኩሎ፡ ዘይትሐወስ፡ ወሰራሪተ፡ ወኩሎ፡ ዘ  
 በ፡ መንፈስ፡ ሕይወት። ርኢኩኑ፡ ደኃሪቶሙ፡  
 ለኃጥአን፡ ምሩዓን። ወለእመ፡ ትቤ፡ እፎ፡ ኮ  
 ነ፡ ዝንቱ፡ ሀጉል፡ እኩይ፡ በእንተ፡ ፍትወተ፡  
 ዝሙት፡ ባሕቲቱ፤ አወሥኦከ፡ እወ፤ እስመ፡  
 አንተ፡ ትረክብ፡ ዝሙተ፡ ምክንያተ፡ እከይ፡  
 ብዙጎ። እስመ፡ ኅበ፡ ሀሎ፡ ስካር፡ ወምርዐት፡  
 ወእከይ፡ ህዩ፡ ሀሎ፡ ኩሉ፡ ምግባረ፡ እኩይ።  
 ወበእንተ፡ ዝ፡ ይቤ፡ መጽሐፍ፡ ሶበ፡ ርእዩ፡ እ  
 ግዚአብሔር፡ አምላክ፡ ከመ፡ በዝጎ፡ እከዮሙ፡  
 ለሰብእ፡ ላዕል፡ ምድር፤ እስመ፡ ዛቲ፡ ኅሠሣ፡  
 እኪት፡ ኢቆመት፡ ላዕል፡ ወራዙት፡ ባሕቲታ፤  
 ዳኤሙ፡ ወድቀት፡ ኅበ፡ ዕመቀ፡ አረጋዊ፡ ወ  
 ወሬዛ፡ ወብእሲት፡ ወደቁቅ፡ ወባዕል፡ ወነዳይ፡  
 ወገብር፡ ወአግዓዚ። ወበእንተ፡ ዝ፡ ይቤ፡ መ

ጽሐፍ፡ አምላካዊ፡ ወነስሐ፡ እግዚአብሔር፡ አ  
 ምላክ፡ ላዕል፡ ኩሉ፡ ፍጥረት፡ ዘሥጋ፤ ወኅ  
 ለዩ፡ እንዘ፡ ይብል፡ እደመስሶ፡ ለሰብእ፡ ዘገበ  
 ርኩ፡ እምታሕተ፡ ሰማይ፤ ወለእንስሳ፡ ወለኩ  
 ሉ፡ ዘይትሐወስ፡ ወሰራሪት፡ ወሰገኖታት፤ ወአ  
 ዕዋፈ፡ ሰማይ። ወፍካሬ፡ ብሂሎቱሰ፡ ለልዑል፡  
 ከመ፡ ዝ፡ ብሂል፤ እስመ፡ አነ፡ ገበርኩ፡ ዘይደ  
 ሉ፡ ኩሉ፡ ወፈጠርኩ፡ ወአጣእጣእኩ፡ ወአምጸ  
 እኩ፡ እምኅበ፡ ኢህልዎ፡ ኅበ፡ ህልዎ፤ ወአብ  
 ዛኅኩ፡ ሠናያተ፡ ወአማዕቀብኩ፡ ለፍጥረተ፡  
 ዕንላ፡ እመሕያው፡ አእምሮ፡ ለዘይደሉ፡ በዘ  
 መፍትው። ወለዘኢይደሉ፡ በዘኢመፍትው፡  
 ወአምላካዎ፡ በፈቃደ፡ ሥጋሁ፡ ወአሥላጥክ  
 ዎ፡ መንግሥተ። ወውእቱ፡ ጎደገ፡ ምክረ፡ ል  
 ዑል፤ ወወለጠ፡ ግዕዝ፡ በፍትወታት፡ ዘሥጋ።  
 ወበእንተ፡ ዝንቱ፡ እፈቅድ፡ አንጽሓ፡ ለኩላ፡  
 ምድር፡ እምዐመፍሁ፡ ወአሀጉሎ፡ እምኩሉ፡  
 ዘታሕተ፡ ሰማይ፤ ወእደመስሶ፡ እምነ፡ ምድር፤  
 ወአማስኖ፡ በኩነኔ፡ ዘአልቦቱ፡ መጠን። ወሶ  
 በ፡ ጠየቀ፡ ዘንተ፡ ሕሠመ፡ ምግባርሙ፡ ለኃ  
 ጥአን፡ ነጽር፡ ኅበ፡ ፍድፍድና፡ ጌራን፡ ወነ  
 ዐ፡ ኅበ፡ ማእከል፤ ወአልዕል፡ ንጸሬከ፡ ኅበ፡  
 መልዕልት፡ ከመ፡ ታእምር፡ ፍድፍድናሁ፡ ለ  
 ጸድቅ፡ ኖጎ፡ ከመ፡ ኢወለጠ፡ ፍቅረ፡ እግዚአ  
 ብሔር፡ ወኢበፍትወት፡ ወኢበተደልዎ፤ ኢለ  
 በሊዕ፤ ወኢለስካር፤ ወኢለኩሉ፡ ፍትወታት፡  
 ዘሥጋ፤ ዳኤሙ፡ ሐረ፡ በማእከል፡ ምሩዓን፡ ጽ  
 ኑዐ፡ ከመ፡ አንበሳ፤ ወልዑለ፡ ከመ፡ ንስር፤ ወ  
 ጽኑዐ፡ ከመ፡ እብነ፡ አድማስ። ወተመይጠ፡  
 ሎሙ፡ ዐዋይ፡ ወመገሥጸ፡ ለህኬቶሙ፡ ወዐ  
 ቃቤ፡ ለቀለምጸጸ፡ ሠናያት፡ እስከ፡ ደለዎ፡  
 ውዳሴ፡ እምእግዚአብሔር። ወድኅነ፡ እማእከ  
 ለ፡ እለ፡ ይትሀገሉ። ኦ፡ መንክር፡ እፎ፡ አ  
 ሐዱ፡ ጌር፡ ወጸድቅ፡ ኅዩሰ፡ እምአእላፍ፡ ዕ  
 ልዋን፡ እለ፡ ኢይትጌለቁ፤ ወእፎ፡ በኅጢአ  
 ተ፡ ዘመደ፡ ዕንላ፡ እመሕያው፡ ተሀጉሉ፡ ዘ  
 መደ፡ እንስሳ፡ ወበኒሩተ፡ አሐዱ፡ ጸድቅ፡ ተ  
 ሐደሰ፡ ፍጥረት፡ ካልእ። ኦ፡ ለዕባዩ፡ ጎደላ፡  
 ኒሩት፡ ዘአድኅነቶ፡ ለዐርክ፡ እማእከል፡ ቅዱ

ሳን ፣ ወሰወረቶ ፣ በመንጠላዕተ ፣ ምሕረት ፣ ወ መጠቀቶ ፣ በሐጸ-ረ ፣ ረድኤት ፣ ወከደነቶ ፣ በአ ልባሰ ፣ ፍቅር ፣ ወረሰዮቶ ፣ አባ ፣ ለብዙኃን ፣ አሕ ዛብ ፣ ይነውሳ ፣ ፍካራ ፣ ይደልወነኬ ፣ ከመ ፣ ን ለቡ ፣ ዘንተ ፣ ነገረ ፣ ወንደዮ ፣ ውስተ ፣ እዘኒን ፣ ሌሊተ ፣ ወመዓልተ ፣ እመኒ ፣ ኖምን ፣ ወእመኒ ፣ ተንሣእን ፣ ከመ ፣ ይኩን ፣ መድኅኒተን ፣ ወንትባ ላሕ ፣ በጸጋሁ ፣ ለመድኅኒን ፣ እግዚአብሔር ፣ ዘሎቱ ፣ ስብሐት ፣ ለዓለመ ፣ ዓለም ፣ አሜን ። ወኮሉ ፣ ሥርዐቱ ፣ ከመ ፣ ቀዳሚ ።



ምንባብ ፣ ዘዐሠርቱ ፣ ወአሐዱ ፣ ሰዓት ።

ዘኢሳይያስ ፣ ነቢይ ፣ በረከቱ ፣ ትኩን ፣ ምስሌን ፣ ለዓለመ ፣ ዓለም ፣ አሜን ።

እስመ ፣ ይዋሒ ፣ በፀዕዕ ፣ ወበድልቅልቅ ፣ ወበ ዐቢይ ፣ ቃል ፣ ወበዐውሎ ፣ ዘይመጽእ ፣ ወበነበ ልባለ ፣ እሳት ፣ በላዒ ፣ ወይከውን ፣ ብዕሎሙ ፣ ለኩሎሙ ፣ አሕዛብ ፣ ከመ ፣ ዘየሐልም ፣ ሕልመ ፣ ወኩሎሙ ፣ እለ ፣ ይጽብእም ፣ ለእስራኤል ፣ ወኩሎሙ ፣ እለ ፣ ይጽብእዋ ፣ ለኢየሩሳሌም ፣ ወኩሎሙ ፣ እለ ፣ ተጋብሑ ፣ ላዕሌሃ ፣ ወርድዋ ፣ ይከውን ፣ ከመ ፣ እለ ፣ ይበልዑ ፣ ወይሰትዩ ፣ በ ሕልምሙ ፣ ወሶበ ፣ ይነቅሁ ፣ ይሔስምሙ ፣ ሕል ሞሙ ፣ ወከመ ፣ ጽሙእ ፣ ዘየሐልም ፣ እንዘ ፣ ይ ሰቲ ፣ ማዩ ፣ ወነቂሆ ፣ ዓዲሃ ፣ ጽምእት ፣ ነፍሱ ፣ ወከንቶ ፣ ተሰፈወ ፣ ከማሁ ፣ ውእቱ ፣ ብዕሎሙ ፣ ለኩሎሙ ፣ አሕዛብ ፣ እለ ፣ ጽብእም ፣ ለደብረ ፣ ጽዮን ፣ ደክሙ ፣ ወደንገፀ ፣ ወሰክሩ ፣ አክ ፣ በ ሜስ ፣ ወአክ ፣ በወይን ፣ እስመ ፣ አስተዮሙ ፣ እግዚአብሔር ፣ ኃኔን ፣ ዘያደነግም ፣ ወይከደ ፣ ኖሙ ፣ አዕይንቲሆሙ ፣ ለነቢያቲሆሙ ፣ ወለመ ላእክቲሆሙ ፣ እለ ፣ ይሬእዩ ፣ ዘኅብእ ፣ ወይከው ነክሙ ፣ ኩሎ ፣ ዝንቱ ፣ ነገር ፣ ከመ ፣ ነገረ ፣ መ ጽሐፍ ፣ ኅቱም ፣ ወይሁብም ፣ መጽሐፈ ፣ ለብ እሲ ፣ ዘየአምር ፣ መጽሐፈ ፣ ወይብልም ፣ አንብ ብ ፣ ዘንተ ፣ ወይብል ፣ ኢይክል ፣ አንብቦቶ ፣ እ ስመ ፣ ኅቱም ፣ ውእቱ ፣ ወይሁብም ፣ መጽሐፈ ፣ ለብእሲ ፣ ዘኢየአምር ፣ መጽሐፈ ፣ ወይብልም ፣ አንብብ ፣ ዘንተ ፣ ወይብል ፣ ኢየአምር ፣ መጽ

ሐፈ ፣ ወይቤ ፣ እግዚአብሔር ፣ እሎ ፣ ሕዝብ ፣ ይቀርቡኒ ፣ በአፉሆሙ ፣ ወበከናፍሪሆሙ ፣ ያክ ብሩኒ ፣ ወበልቦሙ ፣ ነዋሳ ፣ ይርሕቁ ፣ እምነዩ ፣ ወከንቶ ፣ ያመልኩኒ ፣ ወይሜህሩ ፣ ትምህርተ ፣ ትእዛዘ ፣ ሰብእ ፣ በእንተ ፣ ዝንቱ ፣ ናሁ ፣ እደግ ም ፣ አፍልሶቶ ፣ ለዝንቱ ፣ ሕዝብ ፣ ወአፈልሶ ሙ ፣ ወአሀጉሎሙ ፣ ጥበቦሙ ፣ ለጠቢባን ፣ ወ አጎብአሙ ፣ ምክርሙ ፣ ለመከርያን ፣ አሴ ፣ ሎ ሙ ፣ ለእለ ፣ ይመክሩ ፣ ዕሙቀ ፣ ምክረ ፣ ወአክ ፣ በበይነ ፣ እግዚአብሔር ፣ አሴ ፣ ሎሙ ፣ ለእለ ፣ ይክብቱ ፣ ምክረ ፣ ወይገብሩ ፣ በጽሚት ፣ ግብር ሙ ፣ ወይብሎ ፣ አልቦ ፣ ዘይሬእዩን ፣ ወአልቦ ፣ ዘየአምረነ ፣ ዘንገብር ፣ አክኑ ፣ ከመ ፣ ጽቡረ ፣ ለብሐዊ ፣ አንትሙ ፣ ይብሎኑ ፣ ኪን ፣ ለኬንያ ሁ ፣ ኢገብርከኒ ፣ አንተ ፣ ወይብሎኑ ፣ ግብር ፣ ለ ገባሪሁ ፣ ኢያሠነይከኒ ፣ ገቢርትዩ ፣ አክኑ ፣ እን ከ ፣ ኅዳጠ ፣ ወእምዝ ፣ ይከውን ፣ ሊባኖስ ፣ ከመ ፣ ደብረ ፣ ከርሜል ፣ ወይከውን ፣ ከርሜል ፣ ከመ ፣ ያም ፣ ወውእተ ፣ አሚረ ፣ ይሰምዑ ፣ ጽሙማን ፣ ቃለ ፣ መጽሐፍ ፣ ወእለሂ ፣ ውስተ ፣ ጽልመት ፣ ወእለሂ ፣ ውስተ ፣ ጊሜ ፣ ይእተ ፣ አሚረ ፣ ይሬ እያ ፣ አዕይንተ ፣ ዕዉራን ፣ ወይትሬሥሐ ፣ ነዳ ያን ፣ በእግዚአብሔር ፣ በሐሜት ፣ ወይጸግቦ ፣ ት ፍሥሕተ ፣ ሰብእ ፣ ቅቡጻን ፣ በቅዱስ ፣ እስራኤ ል ፣ እስመ ፣ ኅልቀ ፣ ኃጥእ ፣ ወጠፍአ ፣ ዕቡይ ፣ ወተሠርወ ፣ እለ ፣ ይዲምፀ ፣ በአከይ ፣ ወእለ ፣ ያስሕቱ ፣ ሰብእ ፣ በነገር ፣ ወኩሎሙ ፣ እለ ፣ ይ ትዋቅሁ ፣ በጎበ ፣ አናቅጽ ፣ ያመጽኡ ፣ ማዕቅፍ ተ ፣ ወጠወይም ፣ ለጻድቅ ፣ በዐመፃሆሙ ።

ዘኢሳይያስ ፣ ነቢይ ፣ በረከቱ ፣ ትኩን ፣ ምስሌን ፣ ለዓለመ ፣ ዓለም ፣ አሜን ።

በእንተ ፣ ዝንቱ ፣ ከመ ፣ ዝ ፣ ይቤ ፣ እግዚአብሔ ር ፣ እግዚእ ፣ ናሁ ፣ አነ ፣ እሠይም ፣ ውስተ ፣ ጽ ዮን ፣ እብነ ፣ ውስተ ፣ መሠረታ ፣ እብነ ፣ ማእዘ ንት ፣ ኅሪተ ፣ ወክብርተ ፣ እንተ ፣ ብዙኅ ፣ ሢጣ ፣ ዐውደ ፣ መሠረታ ፣ ወዘአምነ ፣ ባቲ ፣ ኢይትኅ ፈር ፣ ወእሬሲ ፣ ተስፋ ፣ በጽድቅ ፣ ወሣህልዩኒ ፣ በመዳልው ፣ ወእለሰ ፣ ይትዌከሉ ፣ በከንቱ ፣ ወ በሐሰት ፣ ኢያመሥጡ ፣ እምዐውሎ ፣ ወየዐሉ ፣

ለክሙ ፣ መሐላክሙ ፣ ዘምስለ ፣ ሞት ፣ ወኪዳን ክሙ ፣ ዘምስለ ፣ ሲኦል ፣ ኢይቀውም ፣ እመኒ ፣ መጽአ ፣ ዐውሎ ፣ ጎላሬ ፣ ይከይደክሙ ፣ ወእም ከመ ፣ መጽአ ፣ የሐፍሠክሙ ፣ ለለ ፣ ጽባሐ ፣ ትቀርባክሙ ፣ ዕለትክሙ ፣ ወሌሊትኒ ፣ ትሕዝብት ፣ እኩይ ፣ ተመሀሩ ፣ ሰሚዐ ፣ ምንዱባን ፣ ኢንክል ፣ ላኳ ፣ ወጋእዘ ፣ ለሊኒ ፣ ሰራሕን ፣ ከመ ፣ ናስ ተጋብእክሙ ፣ ከመ ፣ ወግረ ፣ ኃጥአን ፣ ይትኅሣእ ፣ እግዚአብሔር ፣ ወይሄሉ ፣ ውስተ ፣ ቁላተ ፣ ገባአን ፣ ወይገብር ፣ ግብር ፣ በመዓት ፣ መሪረ ፣ ግብረ ፣ በመዓተሰ ፣ ዕጹብ ፣ ይገብር ፣ ወሕምዙኒ ፣ ነኪር ፣ ወአንትሙኒ ፣ ኢትትፊሥሐ ፣ ወኢይጸንዕ ፣ ቅጽርክሙ ፣ እስመ ፣ ጎሉቀ ፣ ወምቱረ ፣ ነገረ ፣ ሰማዕኩ ፣ በጎብ ፣ እግዚአብሔር ፣ ጸባአት ፣ ዘይገብር ፣ በኩሉ ፣ ምድር ፣ ስምዑ ፣ ቃልዩ ፣ ወአጽምዑኒ ፣ ለብዉ ፣ ወስምዑ ፣ ነገርዩ ፣ ቦኑ ፣ ኩሎ ፣ አሚረ ፣ የሐርስ ፣ ዘየሐርስ ፣ ያቀድምኑ ፣ ዘሪዐ ፣ ዘእንበለ ፣ ይሕርስ ፣ ምድር ፣ አኮኑ ፣ አቀምጢም ፣ ገራህቶ ፣ ሶቤሃ ፣ ይዘርዕ ፣ ጎዳጠ ፣ መለንዕ ፣ ወክሚን ፣ ወካዕበ ፣ ይዘርዕ ፣ ሥርዓዩ ፣ ወስገመ ፣ ወትትሜሐር ፣ ምድር ፣ በኩነኔ ፣ እግዚአብሔር ፣ ወትትፊሣሕ ።

ምሳልያተ ፣ ሰሎሞን ፣ በረከቱ ፣ ትኩን ፣ ምስሌነ ፣ ለዓለመ ፣ ዓለም ፣ አሚን ።

ዕቀብ ፣ ወልድዩ ፣ ሕገገ ፣ አቡክ ፣ ወኢትትህዩይ ፣ ትእዛዘ ፣ እምክ ፣ ደዮ ፣ ውስተ ፣ ልብክ ፣ በኩሉ ፣ ጊዜ ፣ ወጠብልሎ ፣ ውስተ ፣ ክሣድክ ፣ ወሶበኒ ፣ ተሐውር ፣ ንሥአ ፣ ምስሌክ ፣ የሀሉ ፣ ወሶበኒ ፣ ትንውም ፣ የዐቅበክ ፣ ወሶበኒ ፣ ትትኅሣእ ፣ ይትናገረክ ፣ እስመ ፣ ማጎቶተ ፣ ትእዛዘ ፣ ወሕግ ፣ ወብርሃን ፣ ፍኖተ ፣ ሕይወት ፣ ተግሣጽ ፣ ወትምህርት ፣ ከመ ፣ ትዕቀብክ ፣ እምብእሲተ ፣ ብእሲ ፣ ወእምውዴተ ፣ ልሳን ፣ ነኪርት ፣ ኢይማእክ ፣ ሥነ ፣ ፍትወታ ፣ ወኢትሠገር ፣ በአዕይንቲሃ ፣ ወኢትትመሠጥ ፣ በቀራንብቲሃ ፣ ክብራ ፣ ለዘማ ፣ እስክ ፣ አሐቲ ፣ ጎብስት ፣ ወብእሲትሰ ፣ ለዕደው ፣ ክቡራን ፣ ነፍሶሙ ፣ ታሠገር ፣ መኑ ፣ ዘየዐቀር ፣ እሳተ ፣ ውስተ ፣ ሕዕኑ ፣ ወአልባሲሁ ፣ ኢይው

ዕያ ፣ ወመኑ ፣ ዘየሐውር ፣ ዲበ ፣ አፍሐመ ፣ እሳት ፣ ወእገሪሁ ፣ ኢይውዕያ ፣ ከማሁ ፣ ዘይበውእ ፣ ቤተ ፣ ብእሲተ ፣ ብእሲ ፣ ኢይነጽሕ ፣ ወኩሉ ፣ ዘለከፋ ፣ አኮ ፣ መንክር ፣ እመ ፣ ተእኅዘ ፣ ዘይሰርቅ ፣ እስመ ፣ ይሰርቅ ፣ ከመ ፣ ያጽግብ ፣ ነፍሶ ፣ ርኅብተ ፣ ወእመ ፣ ተእኅዘ ፣ ይፈዲ ፣ ምስብዒተ ፣ ወኩሎ ፣ ጥሪቶ ፣ ይሁብ ፣ ከመ ፣ ያድኅን ፣ ነፍሶ ፣ ወመሐዝሰ ፣ በንዴተ ፣ አእምሮ ፣ ሀጉለ ፣ ነፍሱ ፣ ይትጊበር ፣ ሕማመ ፣ ወጎሳረ ፣ ይጼውዕ ፣ ወጽዕለቱ ፣ ኢይደመሰስ ፣ ለዓለመ ፣ ዓለም ፣ እስመ ፣ ምሉእ ፣ ቅንአተ ፣ ወመዓተ ፣ ምታ ፣ ኢይምሕሮ ፣ በዕለተ ፣ ኩነኔ ፣ ወኢይዌልጥ ፣ በምንትኒ ፣ ቤዛ ፣ ጽልእ ፣ ወኢይትዐረቅ ፣ በብዙኅ ፣ ሀብት ፣ ወልድዩ ፣ ዕቀብ ፣ ነገረ ፣ ዚአዩ ፣ ወትእዛዘ ፣ ዚአዩ ፣ ጎባእ ፣ ጎቤክ ፣ ወልድዩ ፣ አክብር ፣ ለእግዚአብሔር ፣ ወትጸንዕ ፣ ወዘእንበሌሁሰ ፣ ኢትፍራህ ፣ ባዕደ ፣ ዕቀብ ፣ ትእዛዘዩ ፣ ወተሐዩ ፣ ወንባብ ፣ ዚአዩ ፣ ከመ ፣ ብንተ ፣ ዐይንክ ፣ ወደዮ ፣ ውስተ ፣ አጸብዒክ ፣ ወጸሐፎ ፣ ውስተ ፣ ራሕብ ፣ ልብክ ፣ በላ ፣ ለጥበብ ፣ እኅተ ፣ ዚአዩ ፣ አንቲ ።

ሃይማኖተ ፣ አብው ።

ይቤ ፣ ቅዱስ ፣ ኪራኮስ ፣ ሊቀ ፣ ጳጳሳት ፣ ዘእንጾኪያ ፣ በጦማረ ፣ መልእክቱ ፣ ጎብ ፣ ንጹሕ ፣ አብ ፣ ማርቆስ ፣ ሊቀ ፣ ጳጳሳት ፣ ዘእለእስክንድርያ ፣ ወኢንበል ፣ ከመ ፣ ሠለስቱ ፣ አካላት ፣ ተሠገዉ ፣ በሥጋ ፣ ወኢሥላሴ ፣ በአሐዱ ፣ አካል ፣ ከመ ፣ ይሠገዉ ፣ አላ ፣ አሐዱ ፣ አካል ፣ እምሠለስቱ ፣ አካላት ፣ ዘውእቱ ፣ እግዚአብሔር ፣ ቃል ፣ ጥበቡ ፣ ለአብ ፣ ወጎይሉ ፣ ብርሃን ፣ አብ ፣ ወጽድቅ ፣ ዘያበርህ ፣ እምብርሃን ፣ አብ ፣ ብሩህ ፣ አምላክ ፣ ዘኢይትዌልጥ ፣ እምአምላክ ፣ ዘበአማን ፣ ዘተወልደ ፣ እመለኮተ ፣ አብ ፣ ለሊሁ ፣ ተዋረደ ፣ በደኃሪ ፣ መዋዕል ፣ ወበእንተ ፣ መድኅኒተ ፣ ዕንል ፣ እመሕያው ፣ ተሠገዉ ፣ ወኮነ ፣ ሰብአ ፣ እምህላዌ ፣ ንጽሕት ፣ ድንግል ፣ ማርያም ፣ እንተ ፣ ኢተአምር ፣ ብእሴ ፣ በሥምረተ ፣ አብ ፣ ወመንፈስ ፣ ቅዱስ ፣ እለ ፣ በመ ፣ ሥምረቱ ፣ ወኢያውረደ ፣ ሥጋሁ ፣ ምስሌሁ ፣ እምሰማይ ፣ በከመ ፣ ይቤሉ ፣ ሰብእ ፣ በእበደሙ ፣ ወኢቦአ ፣ ውስተ ፣

ድንግል ማርያም ስም ማይ ለምን ውሐ  
 ዝ ለላ ስን ሰብአ ስብአማን ቃል ሕያ  
 ው ለሊሁ ተሠገው በከርሠ ድንግል በ  
 ሥጋ ዘቦቱ ነፍስ ነባቢት ወለባዊት በአ  
 ሐዳ ህላዌ አካላዊ ዘኢይትነገር እንዘ አ  
 ሐዳ አካል ውእቱ ዘእግዚአብሔር ቃል  
 ተሠገው በሥጋ ፍጹም ወእንዘ አሐዳ ግ  
 ብር ወአሐዳ ሥምረት ዘእንበለ ትድምር  
 ት ወኢቱስሕት ወዘእንበለ ፍልጠት ጎበ  
 ክልኤቱ ህላውያት ወኢጎበ ክልኤቱ አካላ  
 ት ወከመ ዝ ተወልደ ለምኔሃ በመንክር  
 ዘእንበለ ክልኤት ወበእንተ ዝንቱ ከሠተ  
 ለነ ከመ ድንግል ማርያም ንጽሕት ወላ  
 ዲተ አምላክ ይእቲ እስመ እግዚአብሔር  
 ቃል ተወልደ ለምኔሃ ሥግወ ዘበአማን  
 ወከነ ዝንቱ አሐዳ ብእሴ ፍጹመ ዘእን  
 በለ ፍልጠት ወእከ ለሊሁ ዘተፈጥረ ቅ  
 ድመ ብእሴ ወእምዝ ጎደረ ውስቲቱ አም  
 ላክ ዘከመ ጎለዩ ዝኩ ተመክግቤ ክሕደት  
 ንስጥርስ ወመምህራኒሁ ርኩሳን ዘውእቶሙ  
 ጳውሎስ ሳሚሳጠ ወድያድርስ ወትያትርስ  
 ዘፈጠሩ ነገር በእበዶሙ ወበክሕደቶሙ  
 ወይቤሉ ከመ ቃል ወልደ እግዚአብሔ  
 ር በአ ውስተ ድንግል ከመ ማይ ዘ  
 ይውሕዝ ወኢተሠገው እሙን እምሥጋሃ  
 ወደማ አመ ከነ ሰብአ በሥርዐቱ ወኢ  
 በግብረ ተፋልዕ ወበሕቱ ውእቱ እግዚ  
 አብሔር ዘበአማን ወእሉሰ ረሰይዎ ክል  
 ኤተ ህላውያተ ወክልኤተ አካላተ አም  
 ላክ በባሕቲቱ ወሰብእ በባሕቲቱ ወያበ  
 ጽሑ ክልኤተ እግዚአ ወክልኤተ መሲ  
 ሐ ወረሰይዎ ለሥላሴ ርቡዐ ወይሰግዳ ለ  
 አሐዳ ፈጣሪ ወለክልእ ፍጡር ንሕነሰ  
 ናእትት ወናሰሰል እምኔነ ዘንተ ክሕደተ  
 ርኩሰ ዘውእቱ ዘከመ ዝ ወኢይደልወነ  
 ንበል ከመ ውእቱ ተፈጥረ ብእሴ ወእም  
 ድጎረ ዝ ለብሰ እግዚአብሔርህ ወኢኮነ  
 ዝንቱ ልደተ አላ ርሑቅ ውእቱ እምልደ  
 ት በከመ ይቤ መምህር ንጹሕ ጎርጎርዮስ

ኤጲስቆጶስ ዘእንዚናዙ ወዳእሙ ንሕነ ን  
 ብል ምስለ ቢጸ ሐዋርያት አትናቲዎስ ዘ  
 ነበረ ዲበ መንበረ ማርቆስ ወንጌላዊ ዘ  
 አብርሀ ኰላ ሀገረ እንዘ ይብል ሥጋ እ  
 ግዚአብሔር ቃል ሥጋ ዘቦቱ አካል ፍ  
 ጹም ውእቱ በሥጋሁ ወነፍሱ ወንሕነኒ  
 ንነጽር ጎበ አካል ጎቡር ወአሐዳ ህላዌ  
 ሥግወ መለኮት ወትስብእት ፍጹማን በዘ  
 ዘ ዘኢሆሙ ወንዕቀብ ተዋሕዶተ ህላዌ  
 እንተ ትሚህረን ኢጎብረተ ህላውያት በአር  
 አያ መለኮት ዘእንበለ ዐቅም ወኢጉልቶ  
 እስመ ጎበ ሀለዉ ክልኤቱ ህላውያት ህዩ  
 ይሄልዉ ክልኤቱ አካላት ወኢለበዉ ከ  
 መ ዝንቱ ይከውን ክፍለተ ለዘኢይቶሳሕ  
 ወበእንተ ተራሕቆተ አካላትሰ ወህላውያት  
 ይከውን ፍልጠተ አሐዳ ዋሕድ እምክልኤ  
 ወናሁ ይከውን በህዩ ጉልቶ ንሕነሰ ንት  
 አመን ከመ ዝንቱ ውእቱ አሐዳ ዋሕድ  
 ዘነአምሮ ውእቱ ዘያስተርኢ ወውእቱ ዘ  
 ኢዩሐምም ውእቱ ዘሞተ በእንቲእነ ወው  
 እቱ ዘኢይመውት እስመ ግዑዝ ውእቱ  
 እሞት ወሙስና ወዳእሙ ሞተ ተወክፈ  
 በሥጋሁ ቤዛነ በረከቶሙ ለእሉ መምህ  
 ሬን የሀሉ ምስሌነ ለዓለመ ዓለም አሜን  
 ተአምሪሃ ለእግዝእትን ቅድስት ድንግል በ  
 ክልኤ ማርያም ወላዲተ አምላክ ጸሎታ  
 ወበረከታ የሀሉ ምስሌነ ለዓለመ ዓለም  
 አሜን  
 ስምዑኬ አ አጎውዩ ዘንተ ምስጢረ መ  
 ንክረ ወመድምመ ዘንገሩን አበዊን ቅዱሳን  
 ዘረከብዎ ውስተ መጻሕፍት ቅዱሳት ወይ  
 ቤሉ አመ ይመጽእ በዳግም ምጽአቱ በስ  
 ብሐት ምስለ መላእክት ወጎይላት በንፍጎ  
 ተ ቀርን ይትጎሥኡ ምዉታን ወይነብር  
 እግዚእነ በመንበረ ስብሐቲሁ ውስተ ደብ  
 ረ ጽዮን ለኩንኖ ዓለም ወትወርድ ኢዩ  
 ሩሳሌም ሰማያዊት ምስለ ኰሎሙ ጸድቃ  
 ን እለ ውስቲታ ወትተክል ላዕለ ደብረ

ጸዮን፣ ወላዕላ፣ ኢየሩሳሌም፣ በአንቀጸ፣ ደብረ፣  
 ዘይት ። ወማእከሎም፣ ዐቢይ፣ ወግር፣ ዕሙቅ፣  
 ፈድፋድ፣ ወይሰመይ፣ ሐቅለ፣ ዮሳፍጥ ። ወሀለ  
 ወት፣ ሀዩ፣ ቤተ፣ ክርስቲያን፣ ዘሕንጽት፣ መል  
 ዕልተ፣ ሙቃብሪሃ፣ ለእግዝእትን፣ ቅድስት፣ ድ  
 ንግል፣ በክልኤ፣ ማርያም፣ ወላዲተ፣ አምላክ፣  
 ወይቤሉ፣ በደኃሪት፣ ዕለት፣ ትከውን፣ ከመ፣  
 ሐመር፣ ወታዕድምሙ፣ ለካሎም፣ ሕዝብ፣ ክ  
 ርስቲያን፣ እለ፣ ይገብሩ፣ በዓላ፣ ለእግዝእትን፣  
 ቅድስት፣ ድንግል፣ በክልኤ፣ ማርያም፣ ወላዲ  
 ተ፣ አምላክ ። ወእለ፣ መሐሩ፣ ነዳያን፣ ወምስኪ  
 ናን፣ በስማ፣ ታስተራሥሕ፣ ምስሌሃ፣ በመንግሥ  
 ተ፣ ሰማያት፣ ወታወርስ፣ ሕይወተ፣ ዘለዓለም ።  
 ጸሎታ፣ ወበረከታ፣ የሀሉ፣ ምስሌን፣ ለዓለመ፣  
 ዓለም ፤ አሜን ።

ተአምር፣ ዘገብረ፣ እግዚእን፣ ወአምላክን፣ ወመ  
 ድኅረን፣ ኢየሱስ፣ ክርስቶስ ። ዘከመ፣ አሰፈዎ  
 ሙ፣ ብፅዓን፣ ለአርዳኢሁ፣ እለ፣ ሐሩ፣ በፍናዊ  
 ሁ ። ሣህሉ፣ ወምሕረቱ፣ የሀሉ፣ ምስሌን፣ ለዓ  
 ለመ፣ ዓለም ፤ አሜን ።

ብፅዓን፣ እሙንቱ፣ እለ፣ የአምኑ፣ ብዩ ፤ እስ  
 መ፣ ይከውን፣ ርስቶሙ፣ ምስሌክሙ፣ አ፣ አ  
 ርዳኢዩ ። ብፅዓን፣ እሙንቱ፣ እለ፣ የአምኑ፣ ብ  
 ዩ ፤ እስመ፣ ይነብሩ፣ ውስተ፣ ገነተ፣ ተድላ፣ ም  
 ስለ፣ አብርሃም፣ ይሥሐቅ ፤ ወያዕቆብ ። ብፅዓን፣  
 እሙንቱ፣ እለ፣ የአምኑ፣ ብዩ ፤ እስመ፣ ገጸሙ፣  
 ይበርሀ፣ ከመ፣ ብርሃን፣ ፀሐይ፣ አመ፣ ዕለተ፣ ፍ  
 ዳ ። ብፅዓን፣ እለ፣ አዝለፋ፣ ትዕግሥቶሙ፣ በ  
 ምንዳቤ፣ በእንቲአዩ ። ብፅዓን፣ እለ፣ ይጸዕልዎ  
 ሙ፣ ወይፀርፋ፣ ላዕሴሆሙ ፤ ወላዕላ፣ አበዊሆ  
 ሙ፣ በእንተ፣ ሃይማኖትዩ ። ብፅዓን፣ እለ፣ ተጸ  
 ፍፀ፣ ገጸሙ፣ ወመላትሒሆሙ፣ በእንተ፣ ስም  
 ዩ ። ብፅዓን፣ እለ፣ ቀወፍዎሙ፣ በእንተ፣ ሃይማ  
 ኖትዩ ። ብፅዓን፣ እለ፣ ተቀትሉ፣ በእንተ፣ ስምዩ ።  
 ብፅዓን፣ እለ፣ ዐመፅዎሙ፣ በእንተ፣ ሃይማኖት  
 ዩ፣ ከመ፣ አን፣ ዕሩይ፣ ምስለ፣ አቡዩ፣ በመለክትዩ ።  
 ብፅዓን፣ እለ፣ ተጻወዉ፣ በእንተ፣ ርትዕት፣ ሃይ  
 ማኖት ። ብፅዓን፣ እለ፣ ይሔስዉ፣ ላዕሴሆሙ፣  
 በእንቲአዩ ። ብፅዓን፣ እለ፣ አንደዩ፣ ርእሶሙ፣

በእንተ፣ አፍቅሮቶሙ፣ ኪያዩ ። ብፅዓን፣ እለ፣  
 ይሠዩሙ፣ በወርቅ፣ ወበብሩር፣ እምሳብ፣ ነገሥ  
 ት፣ ወመኳንንት፣ ጸኒዎሙ፣ በሃይማኖት፣ ርትዕ  
 ት ። ብፅዓን፣ እለ፣ ይሴስዩ፣ ለአኅዊሆሙ፣ ነዳ  
 ያን ፤ እስመ፣ እሙንቱ፣ ይከውኑ፣ ቅሩባን፣ በኅ  
 ቤዩ ። ብፅዓን፣ እለ፣ ያኅድርዎሙ፣ ለአናግድ፣  
 ውስተ፣ አብያቲሆሙ ። ብፅዓን፣ እለ፣ ያለብስዎ  
 ሙ፣ ለዕሩቃን ፤ ወይገብሩ፣ ሠናዩ፣ ለካሎ፣ ፍ  
 ጥረት ። ብፅዓን፣ እለ፣ ይገ-ይዩ፣ እመካን፣ ው  
 ስተ፣ መካን፣ በእንተ፣ ስምዩ ። ብፅዓን፣ እለ፣  
 ይነብሩ፣ ውስተ፣ ገዳም፣ ወበድው፣ ከመ፣ ይት  
 ቀነዩ፣ ሊተ ። ብፅዓን፣ እለ፣ የኅድሩ፣ ውስተ፣  
 አድብር፣ ነዋህን፣ በእንተ፣ ስምዩ ። ብፅዓን፣ ው  
 እቱ፣ ዘይጸልእ፣ ዘንተ፣ ዓለመ፣ ኅላፌ፣ በእንተ፣  
 አፍቅሮትዩ ። ብፅዓን፣ እለ፣ ረከቡ፣ ኅሳረ፣ በእ  
 ንቲአዩ፣ ወእለ፣ ያክብርዎሙ፣ ለእለ፣ የአምኑ፣  
 ዘስምዩ ። ብፅዓን፣ እለ፣ ይሔውጽዎሙ፣ ለካህ  
 ናት፣ ወይሁብዎሙ፣ መፍቅዶሙ፣ በእንተ፣ አ  
 ፍቅሮትዩ፣ ወአወርሶሙ፣ ገነተ፣ ተድላ፣ ወመንግ  
 ሥተ፣ ዘኢየሳልፍ ። ብፅዓን፣ እለ፣ ይትለክሱ፣ በ  
 ፍርሀት፣ ወበረዓድ፣ በንጽሕ፣ ወበጽድቅ፣ እንዘ፣  
 ይሴፈዉ፣ ዐስቦሙ፣ ዘእዲስዮሙ፣ አን፣ በተድላ  
 ዩ፣ ዕሴተ፣ ሠናዩ ። ብፅዓን፣ ዘያበርሁ፣ ውስተ፣ አ  
 ብያትዩ፣ መኃትወ ። ብፅዓን፣ እለ፣ ይረድኡ፣ አኅ  
 ዊሆሙ፣ እለ፣ ሀለዉ፣ ውስተ፣ ምንዳቤ፣ ወያርሕ  
 ቡ፣ ለእለ፣ ተጽዕቁ ። ብፅዓን፣ እለ፣ ይሔውጹ፣ ፍ  
 ቁራንዩ፣ እለ፣ ይቀርቡ፣ ኅቤዩ ፤ እስመ፣ እሙንቱ፣  
 ይከውኑ፣ ኅሩያንዩ ። ብፅዓን፣ እለ፣ ይነጽሑ፣  
 እምነ፣ ርካት፣ ወይኳንኑ፣ ሥጋሆሙ፣ ከመ፣  
 ያሥምሩኒ ። ብፅዓን፣ እለ፣ ይትዲገሙ፣ ንዴተ፣  
 ወዳማ፣ ወዕርቃን፣ በእንተ፣ ስምዩ ። ብፅዓን፣  
 እለ፣ የኅድግ፣ አበዊሆሙ፣ ወእሞሙ፣ በእን  
 ቲ፣ ስምዩ ። ብፅዓን፣ እለ፣ ተሴለዩ፣ እምአኅ  
 ዊሆሙ፣ ወእምውሉዶሙ፣ ወአዝማዲሆሙ፣  
 በእንተ፣ ስምዩ ። ብፅዓን፣ እለ፣ ይሰብኩ፣ በእ  
 ንተ፣ ስምዩ፣ እስከ፣ አጽናፈ፣ ምድር ። ብፅዓ  
 ን፣ እለ፣ ይሜሀሩ፣ ወንጌልዩ፣ ለእለ፣ ይትሜ  
 ሀሩ፣ ወይከሥቱ፣ ትምህርትዩ ። ብፅዓን፣ ዘጸሐ  
 ፈ፣ ወንጌልዩ፣ ወአምነ፣ ቦቱ፣ ወየዐቅብ፣ ቅዱ

ሳን : ቃላቲሁ = ብፁዓን : እለ : ይዘክሩ : ስምዩ :  
 ዘልፈ : በሌሊት : ወበመዓልት ፤ እስመ : እሂሉ :  
 ምስሌሆሙ : ለዝሉፉ = ብፁዓን : እለ : ይትማ  
 ሐፀኑ : በንጽሕት : ወቅድስት : ድንግል : በክል  
 ኤ : ማርያም : ወላዲትዩ : በሥጋ ፤ ወተዘከረ :  
 ስማ : ጊዜ : ስእለቱ : ወአስተብቀዎቹ ፤ እስመ :  
 ይከውን : ማሳደሩ : ውስተ : መንግሥተ : ሰማ  
 ያት = ብፁዓን : እለ : ያርጎቡ : ሥጋሆሙ : ወ  
 ያጸምእዎ ፤ እስመ : ይቀርቡ : ጎቤዩ : ወአነሂ :  
 አጸግቦሙ : እምጸጋዩ : ወአረውዮሙ : ፍሥሐ :  
 ዘለዓለም = ብፁዓን : እለ : ይመጸውቱ : ለነዳያ  
 ን : ወይምሕርዎሙ : ለሕመማን ፤ እስመ : ሎ  
 መኒ : ይምሕርዎሙ = ብፁዓን : እለ : ይጸልኩ :  
 ተድላሃ : ለዛቲ : ዓለም ፤ እስመ : እሙንቱ : ይ  
 ወርሱ : ሐዳሰ : ምድረ = ብፁዓን : ንጹሐን : ል  
 ብ ፤ እስመ : እሙንቱ : ይሬእዩ : ገጽዩ = ብፁዓ  
 ን : እለ : ይትቃተልዎሙ : አሕዛብ : ከሐድያን ፤  
 እስመ : እሙንቱ : ይሬእዩ : ገጽዩ ፤ ወይወር  
 ስዎ : ለመንግሥተ : ሰማያት = ብፁዓን : እለ :  
 ይትቃተሉ : በእንቲአዩ ፤ እስመ : እሙንቱ : ይ  
 ከውኑ : ቍርባን : ንጹሐ ፤ ወይከውኑኒ : ከሀና  
 ተ : ወፍቁራን : ወመላእክትዩ : ሥጋውያን ፤ ወ  
 እትዌከፍ : ስእለቶሙ : ወእኔጽር : ጎበ : ዘተማ  
 ሕፀን : በሙ = ሣህሉ : ወምሕረቱ : የሀሉ : ምስ  
 ሌን : ለዓለመ : ዓለም ፤ አሜን =

ቅድመ : ወንጌል ፤ በትረ : ጽድቅ : በትረ : መንግሥትዝ ፤ አፍ  
 ቀርክ : ጽድቅ : ወዐመግ : ጸላእክ ፤ ብፁዕ : ዘይሉቡ : ጎሳለ : ነ  
 ዳይ : ወምስኪን =

ወንጌል : ዘማቴዎስ =

እስመ : ከመ : ብእሲ : ዘይነግድ : ወጸውዐ :  
 አግብርቲሁ : ወወሀቦሙ : ንዋዮ : ይትገበሩ ፤  
 ወቦ : ዘወሀቦ : ጎምስተ : መክሊተ ፤ ወቦ : ዘ  
 ክልኤ : ወቦ : ዘአሐዶ ፤ ለለ : አሐዱ : በከ  
 መ : ይክሉ = ወነገዶ : በጊዜሃ : ወሐረ : ዝኩ :  
 ዘጎምስ : መክልዩ : ነሥአ : ወተገበረ : ቦቶን ፤  
 ወረብሐ : ክልአተ : ጎምስ : መክልዩ = ወከማ  
 ሁ : ዘሂ : ክልኤተ ፤ ረብሐ : ክልአተ : ክልኤተ =  
 ወዘአሐተሰ : ነሥአ : ጎለፈ : ወከረዩ : ምድረ :  
 ወጎብአ : ወርቀ : እግዚአብ = ወእምድጎረ : ብዙ

ጎ : መዋዕል : አተወ : እግዚአብሔር : ለእልቡ : አ  
 ግብርት : ወተሐሰበ : ምስሌሆሙ = ወቀርቦ : ዘ  
 ጎምስ : መክልዩ : ነሥአ : ወአምጽአ : ክልአተ :  
 ጎምስ : መክልዩ : እንዘ : ይብል : እግዚአ : ጎ  
 ምስ : መክልዩ : ወሀብከኒ : ወናሁ : ጎምስ :  
 ክልአተ : ረባሕኩ : ዲቤሆን = ወይቤሎ : እግ  
 ግዚአ : አ : ገብር : ጌር : ወምእመን : በጎዳጥ :  
 ከንክ : ምእመን : ዲቤ : ብዙጎ : እሠይመክ ፤ ባ  
 አ : ውስተ : ትፍሥሕተ : እግዚአክ = ወመጽአ :  
 ዘክልኤተኒ : መክልዩ : ነሥአ ፤ ወይቤ : እግዚ  
 አ : አክሁ : ክልኤተ : መክልዩ : እለ : ረባሕ  
 ኩ : ዲቤሆን = ወይቤሎ : እግዚአ : አ : ገብር :  
 ጌር : ወምእመን : በጎዳጥ : ከንክ : ምእመን :  
 ዲቤ : ብዙጎ : እሠይመክ ፤ ባአ : ውስተ : ፍሥ  
 ሐሁ : ለእግዚአክ = ወመጽአ : ዘአሐተኒ : መክሊ  
 ተ : ነሥአ ፤ ወይቤ : እግዚአ : አአምረከ : ከመ :  
 ድሩክ : ብእሲ : አንተ : ተአርር : ጎበ : አዘራ  
 ዕክ : ወታስተጋብአ : እምጎበ : አዘረውክ ፤ ወ  
 ፈሪሀዩ : ሐርኩ : ወጎባእኩ : መክሊተክ : ውስ  
 ተ : ምድር ፤ ናሁ : እንክ : መክሊትክ = ወአው  
 ሥአ : እግዚአብ : ወይቤሎ : አኩይ : ገብር : ወ  
 ሀካይ : ተአምረኒ : ከመ : አአርር : ጎበ : አዘ  
 ራዕኩ : ወአስተጋብአ : እምጎበ : አዘረውኩ ፤  
 እምነሣእክ : ወርቅዩ : ወእምአግባእክ : ውስተ :  
 ማእድ : ወመጸእዩ : እምአስተገብርክዎ : ለልዩ :  
 በርዴ = ንሥአ : እምጎቤሁ : መክሊተ : ወሀብ  
 ዎ : ለዘቦቱ : ዐሠርቱ : መክልዩ = እስመ : ለኩ  
 ሉ : ዘቦ : ይሁብዎ : ወይዌስክዎ : ወለዘሰ : አል  
 ቦ : እለሂ : ቦ : የሀይድዎ = ወለገብርሰ : እኩይ :  
 አውፅእዎ : ውስተ : አፍአዊ : ጽልመት ፤ ጎበ :  
 ብካይ : ወሐቅዩ : ስንን = ወእመ : ይመጽእ : ወ  
 ልደ : ዕንለ : እመሕያው : በሰብሐቲሁ : ወኩሎ  
 ሙ : መላእክቲሁ : ቅዱሳን : ምስሌሁ ፤ አሜሃ :  
 ይነብር : ውስተ : መንበረ : ስብሐቲሁ ፤ ወይት  
 ጋብኤ : ኩሎሙ : አሕዛብ : ቅድሚሁ ፤ ወይፈ  
 ልጦሙ : ዘዘ : ዚአሆሙ : ከመ : ኖላቂ : ይፈል  
 ጥ : አባግዐ : እምአጣሊ : ወያቅውም : አባግ  
 ዐ : በየማኑ : ወአጣሌ : በፀጋሙ = አሜሃ : ይብ

ሎሙ፡ ገጉሥ፡ ለእለ፡ በየማኑ፡ ንዑ፡ ቡሩካ  
 ኑ፡ ለአቡዩ፡ ትረሱ፡ መንግሥተ፡ ዘአስተዳለ  
 ወ፡ ለክሙ፡ እምቅድሙ፡ ይትፈጠር፡ ዓለም።  
 እስመ፡ ርኅብኩ፡ ወአብላዕክሙ፡ ጸማእኩ፡  
 ወአስተይክሙ፡ ጎግደ፡ ከንኩ፡ ወተወከፍክ  
 ሙ፡ ጎረቁ፡ ወአልበስክሙ፡ ጎረቁ፡ ወሐ  
 ወጽክሙ፡ ጎረቁ፡ ወመጸእክሙ፡ ጎረቁ፡  
 ወነበብክሙ፡ ጎረቁ፡ ወሥሥኩ፡ ጸድቃን፡ ወ  
 ይብሉ፡ እግዚአ፡ ማእዜ፡ ርኅኑ፡ ርኅብኩ፡ ወ  
 አብላዕኑ፡ ወጽሙ፡ አክ፡ ወአስተይኑ፡ ወማእ  
 ዜ፡ ርኅኑ፡ እንግዳክ፡ ወተወከፍኑ፡ ወዕራ  
 ቀክ፡ ወአልበስክ፡ ወድወደክ፡ ወሐወጽኑ፡  
 ወሙቁሐክ፡ ወመጸእኑ፡ ጎረቁ፡ ወደሥሥኡ፡  
 ንጉሥ፡ ወይብሎሙ፡ አማን፡ አብላክሙ፡ ነፍ  
 ሎ፡ ዘገብርክሙ፡ ለአሐዱ፡ እምአሉ፡ ንኡሳን፡  
 አኅወዩ፡ «እለ፡ የአምኑ፡ ብዩ»፡ ሊተ፡ ገበርክ  
 ሙ፡ ወእምዝ፡ ይብሎሙ፡ ለእለ፡ በፀጋሙ፡  
 ሐሩ፡ እምኒዩ፡ ርጉማን፡ ውስተ፡ እሳት፡ ዘለ  
 ለዓም፡ ዘድልው፡ ለሰይጣን፡ ወለመላእክቲሁ።  
 እስመ፡ ርኅብኩ፡ ወአደብላዕክሙ፡ ጸማእኩ፡  
 ወአደብላዕክሙ፡ ጎግደ፡ ከንኩ፡ ወኢተወከ  
 ፍክሙ፡ ጎረቁ፡ ወአደብላዕክሙ፡ ጎረቁ፡ ወሐ  
 ወጽክሙ፡ ጎረቁ፡ ወሥሥኩ፡ እለ፡ በፀጋም፡ እ  
 ንዝ፡ ይብሉ፡ እግዚአ፡ ማእዜ፡ ርኅኑ፡ ርኅብኩ፡  
 ወጽሙ፡ አክ፡ ወእንግዳክ፡ ወዕራቀክ፡ ወድ  
 ወደክ፡ ወተሞቂሐክ፡ ወኢተልእክኑ፡ ወእም  
 ዝ፡ ደሥሥኩ፡ ንጉሥ፡ እንዝ፡ ይብሉ፡ አማ  
 ን፡ አብላክሙ፡ ዘአገበርክሙ፡ ለአሐዱ፡ እም  
 አሉ፡ ንኡሳን፡ ሊተ፡ አገበርክሙ፡ ወየሐው  
 ሩ፡ እሉሂ፡ ውስተ፡ ነኑ፡ ዘለዓለም፡ ወጸድ  
 ቃንሰ፡ ውስተ፡ ሕይወት፡ ዘለዓለም። ወከ  
 ነ፡ እምዘፈጸመ፡ እግዚአ፡ ኢየሱስ፡ ዘንተ፡ ነፍ  
 ሎ፡ ነገረ፡ ይብሎሙ፡ ለአርዳኢሁ፡ ተአምሩሁ፡  
 ከመ፡ እስክ፡ ክልኤ፡ መዋዕል፡ ይከውን፡ ፋሲ  
 ካ፡ ወደእኅዝዎ፡ ለወልደ፡ ዕንላ፡ እመሕያው፡  
 ወይሰቅልዎ፡ ወይቀትልዎ።

ደጎረ፡ ወጎረ፡ በወርቱ፡ ወእሐዱ፡ ሰጎት፡ ዘሠሉስ።  
 አ፡ ለዛቲ፡ ምሳሌ፡ አምላካዊት፡ ዘአንበራ፡ ን

ገው፡ ስብሐት፡ አይትናገር፡ በአንተ፡ ብእሲ፡  
 ዘፈቀደ፡ ነገደ፡ ወወሀቦ፡ ንዋዩ፡ ለአግብርቲ  
 ሁ፡ ጎምስተ፡ መክሊተ፡ ዘወሀቦ፡ ለቀዳማዊ፡  
 ወክልኤተ፡ መክሊተ፡ ለክልኤ፡ ወአሐደ፡ ለሣ  
 ልሱ፡ ያኤምር፡ ኪያሆሙ፡ ጎቦ፡ ሊቃን፡ ካህ  
 ናት፡ ወእለ፡ ሥርዐታት፡ እለ፡ ተወክፉ፡ ሀብታ  
 ቲሁ፡ እስመ፡ ዘየሐውር፡ በሥምረተ፡ መክል  
 ደ፡ ዘነሥአሙ፡ ይትከበቡ፡ ሎቲ፡ ወዘይትሀከ  
 ደ፡ ወዘኢይገብር፡ በከመ፡ ትእዛዝ፡ ቀኖና፡ መ  
 ክሊት፡ ዘተወፈያ፡ ትትኅዛእ፡ እምኔሁ፡ ወትትወ  
 ሀብ፡ ለዘያረብሕ፡ ወለውአትሰ፡ ገብር፡ ሀከዶ፡  
 ያወፅእዎ፡ አኖአ፡ ወውስተ፡ ሲአል፡ ይወድይ  
 ዎ፡ በአንተ፡ ዘተረክቦ፡ ከዊኖ፡ ሀከዶ፡ ወኢገብረ፡  
 ምግባረ፡ ሠናይ፡ በከመ፡ ይደሉ፡ ንሕነ፡ ለን  
 ግበር፡ ሠናያተ፡ ወናሥምሮ፡ ለአምላክነ፡ በም  
 ግባራቲነ፡ ትሩፋት፡ ወናእኩቶ፡ ለጸጋዊ፡ በእን  
 ቲ፡ ብዝኅ፡ ሀብታቲሁ፡ ክርስቶስ፡ መድኅኒነ፡  
 መጽአ፡ ወሐመ፡ ወበሕማማቲሁ፡ አድኅነነ።  
 ማኅተመ፡ ጸሎትሰ፡ ከመ፡ ቀዳሚ።



ወይትጋብኦ፡ ካህናት፡ ውስተ፡ ቤተ፡ ክርስቲያን፡ ቅድስት፡  
 በነሐስ፡ ቀዳሚተ፡ ሰጎት፡ ዘሌሊት፡ በዕለተ፡ ረቡዕ፡ ወኵሉ፡  
 ሥርዐቲ፡ ከመ፡ ቀዳሚ።

ምንጻብ።

ዘሕዝቅኤል፡ ነቢይ፡ በረከቱ፡ ትኩን፡ ምስሌ  
 ነ፡ ለዓለመ፡ ዓለም፡ ጎረቁ፡ ጎረቁ።

ወነበበኒ፡ እግዚአብሔር፡ ወይቤለኒ፡ ወልደ፡ ዕ  
 ንላ፡ እመሕያው፡ ናሁ፡ ኮነ፡ ቤተ፡ እስራኤ  
 ል፡ ድሙራነ፡ ነፍሱሙ፡ ብርተ፡ ወዐረረ፡ ወ  
 ጎጸነ፡ ወናእክ፡ ማእከለ፡ ከውር፡ ዕሙረ፡ ብ  
 ሩረ፡ ኮነ፡ በበይነ፡ ዝንቱ፡ በል፡ ከመ፡ ዝ፡ ይ  
 ቤ፡ እግዚአብሔር፡ እግዚአ፡ አዶናይ፡ እስመ፡  
 ከንክሙ፡ ነፍሱሙ፡ አሐደ፡ ትዕሲተ፡ ወናሁ፡  
 አነ፡ አስተጋብኦሙ፡ ውስተ፡ ኢየሩሳሌም፡ በ  
 ከመ፡ ያስተጋብኦም፡ ለብሩር፡ ወለጸፊቅ፡ ወለ  
 ጎጸን፡ ወለዐረር፡ ወለናእክ፡ ወይወድይዎ፡ ማ  
 እከለ፡ ከውር፡ ወያበኩሐ፡ አሳተ፡ ዲቤሁ፡  
 ከመ፡ ይሰብክዎ፡ ከማሁ፡ አስተጋብኦክሙ፡